

PERKINS LIBRARY

Duke University

Rare Books



C A R M I N A
ILLUSTRUM
P O E T A R U M
I T A L O R U M .

CAMINA

MUSEUM


POETARUM

ITALORUM.

CARMINA
ILLUSTRIUM
POETARUM
ITALORUM.

TOMUS NONUS.

Bottari, G.G. ed.



FLORENTIÆ. M.DCC.XXII.

Typis Regiæ Celsitudinis, apud Joannem Cajetanum
Tartinium, & Sanctem Franchium.

Superioribus permittentibus.

CAKMAIA

W. 1870


POF. 1870

1870

1870



1870
1870
1870
1870



CATALOGUS

ITALORUM POETARUM

Tomi Noni.



S

S <i>Ala Diomedes.</i>	<i>pag.</i> 397.
<i>Salentinus Majoranus.</i>	398.
<i>Sarrinus Eusebius.</i>	398.
<i>Scaliger Ioseph.</i>	453.
<i>Scaphenatius Joannes Baptista.</i>	1.
<i>Scardantes Palmerius.</i>	479.
<i>Segnius Fabius.</i>	6.
<i>Sejanus Pecinus.</i>	29.
<i>Seneca Thomas.</i>	39.
<i>Sentinus Jacobus.</i>	40.
<i>Seronus Antonius.</i>	480.
<i>Sfondratus Franciscus.</i>	42.
	<i>Sfor.</i>

<i>Sfortia Fabius.</i>	pag. 73.
<i>Siccus Nicolaus.</i>	480.
<i>Siculus Baptista.</i>	74.
<i>Silvius Michaël.</i>	75.
<i>Spagnolus Baptista.</i>	76.
<i>Spinellus.</i>	498.
<i>Spinius Gerardus.</i>	498.
<i>Spinula Publius.</i>	93.
<i>Spiriteus Prosperus.</i>	499.
<i>Stoa Jo: Franciscus Quintianus.</i>	500.
<i>Sosagius Benedictus.</i>	503.
<i>Strozza Titus.</i>	97.
<i>Strozza Hercules.</i>	175.
<i>Strozza Vespasianus.</i>	504.
<i>Strozza Nicolaus.</i>	505.
<i>Superchius Valerius.</i>	209.
<i>Suspirius Simon Angelus.</i>	521.

T

T <i>Aninus Hieronymus.</i>	pag. 522.
<i>Tassus Torquatus.</i>	210.
<i>Tassus Nicolaus.</i>	525.
<i>Taurellus Lælius.</i>	211.
<i>Taurellus Jacobus.</i>	525.
<i>Taygetus Joannes Angelus.</i>	211.
<i>Taygetus Joannes Antonius.</i>	212.
<i>Tebaldeus Antonius.</i>	239.
<i>Theanus Bartholomæus.</i>	527.
<i>Theseus Janus.</i>	246.

Thien-

<i>Thiennæus Hieronymus.</i>	pag. 531.
<i>Thomafius Franciscus.</i>	538.
<i>Thomitanus Bernardinus.</i>	248. & 540.
<i>Thylesius Antonius.</i>	248.
<i>Tipbernas Gregorius.</i>	264.
<i>Titus Robertus.</i>	268.
<i>Tolomeus Claudius.</i>	272.
<i>Tomitanus Donatus.</i>	539.
<i>Tonsus Joannes.</i>	273.
<i>Toscanus Joannes Matthæus.</i>	283.
<i>Trissinus Gaspar.</i>	588.
<i>Tritonius Marcus Antonius.</i>	389.
<i>Trombeta Sebastianus.</i>	390.
<i>Taccius Julius Ascanius.</i>	392.
<i>Turcus Joannes Antonius.</i>	393.



1	Tibetana
2	Tibetana
3	Tibetana
4	Tibetana
5	Tibetana
6	Tibetana
7	Tibetana
8	Tibetana
9	Tibetana
10	Tibetana
11	Tibetana
12	Tibetana
13	Tibetana
14	Tibetana
15	Tibetana
16	Tibetana
17	Tibetana
18	Tibetana
19	Tibetana
20	Tibetana



CARMINA

ILLUSTRUM

POETARUM
ITALORUM.



JO: BAPT.^Æ SCAPHENATII

MEDIOLANENSIS.

PANI.



N tibi, pastorum tutel, salusque, Charicles,
Fundit nectareo pocula plena mero:
Ecce novo fundit spumantia cymbia lacte,
Votaque suscipiens terque, quaterque rogat:

Non ut prata gregi cythifum vernantia dulcem

Sufficiant, vitreas fonsque perennis aquas:

Aut, ut oves aries, & capras augeat hircus,

Quæ niveos ferus, vellera cana ferant:

Sed tandem ut doctos numeros moduletur avena;

Molliat & Pholoës pectora dura suæ.

Tom. IX.

A

Hcu,

Heu, heu, non illam mage dona, precesse Chariclis,
Quam lenes Zephyri, laxa Sicana movent.

Heu, non Æthæo minus æstuat igne Charicles;
Caucaſeâ glacie non minus illa riget.

At tu quod ſuperest, facilem concede cicutam
Pastori, & curis carmina digna ſuis:

Qualia vel Damon vel concinit Alpheſibæus;
Hunc dum Niſæ, illum Daphnidis urit amor.

Niſa ſuum ſequitur jam ſponte & Daphnis amantem,
Mænala cum placido complet uterque ſono.

Quid mirum? adcurrit, comitatur & ipſa canentes
Aëriis nutans ſilva cacuminibus.

Attonitæ pecudes adſunt, tacitæque volucres:
Et ſiſtunt liquidum flumina muta pedem.

O fortunati, quorum tot ſæcla vigere
Tam celebres flammas fiſtula ſacra dedit.

Vivent, dum viridis formoſa juvenca Lycæi
Gramina, dum caſiam ſedula amabit apis.

Me vero aſſiduo dolor ingens conficit, ut vix
Ora levi, & digitos admoveam calamo;

Quem dum pallidulis pertento inflare labellis,
Vox inter primos deficit ipſa modos.

Tu, qui paſtorum ſervas armenta, gregesque,
Paſtorem ierva, Pan, rogo magne tuum:

Paſtorisque ſimul, ſimul & miſereſcere amantiſ:
Pana decet, notum eſt & tibi, quid ſit amor.

Teſtantur ſcopuli tecum Syringa vocantes,
Cum fugeret rapidis ocyor illa Notis.

Quid fugis, ah demens? te non aper horridus urget,
Non rabido ſequitur te ferus ore leo:

Sed Deus Arcadiæ, Venerem qui exurere poſſet,
Fronteque purpureâ, purpureisque genis.

Amplexus cupit ille tuos, te deperit unam,
Conjugiique orat vincula ſola tui.

Ah, virgo infelix, niſi mens tibi læva fuiſſet,
Nunc pulchrarum ageres pulchra choros Dryadum;

Nunc tibi quiſque humiles certatim poneret aras;
Jamque fores nobis altera ſancta Pales.

At

At contra invisi cuicumque obnoxia vento,
 Fluminis ad ripas frigida canna tremis.
 Hic ubi præteritam quasi suspirare videris
 Duritiem, & querulos mœsta referre sonos.
 Ah, virgo infelix, tene hoc tam triste manebat
 Exitium? has pœnas te soluisse decet?
 Parcite crudeles Eurique Notique: quiescat
 Tandem hæc; sat cursu est languida facta suo.
 Tu quoque piscator, venator & impie, tuque
 Impie vitifator, ne miseram lacera,
 Ne miseram lacera: nunc est fluvialis arundo:
 At modo, si nescis, candida Nympha fuit.
 Nuncque aliquis, sensus superest quoque forsitan illi;
 Ut sine fine queat tot superesse malis.
 Linque sacro hanc Pani, ut proprios soletur amores,
 Et nemora, & montes mulceat arte novâ.
 Ipsa etiam digitis tractari gaudet amantis:
 Mitior ipsa Dei jam minus ora fugit:
 Aspera sic illam quondam sua fata trahebant:
 Hei mihi me mea nunc asperiora trahunt:
 In fluvium lacrimans vertor, qui mox Erymanthi
 Ladonisque vagas exuperabit aquas.
 Utraque fors gravis: at mea sane indignior: illa
 Sævitiæ pœnas soluit: amoris ego.

De Thisbe, & Pyramo.

Certa sequi extinctum crudeli vulnere amantem.
 Vix Thisbe hos potuit promere voce sonos.
 Si moriendum ambobus erat, saltem occubuissem
 Ipsa prior, gemino ne caderem interitu!
 Altera sed merito non sunt tibi fata ferenda:
 Altera sunt merito fata ferenda mihi!

De Narcisso.

Ardebat proprii Narcissus imagine vultus,
 Fontis & ad ripas hæc moriturus ait:

Forma in amore juvat: extinguitur ignis in undâ.
 Me miserum, nostri est utraque causa mali.

De Procri, & Cephalo.

Æolidæ conjux, dirâ illius ista sagitta
 Concidit, & moriens talia visa loqui:
 Me vanus fortasse timor; te vana fefellit
 Spes una, erroris damna utriusque fero.
 Adspice: non ego sum latitans fera: sum tua Procris.
 At tu dic Auræ sis, Cephalæ, anne meus?

De Leandro, & Ero.

Ardentem in celsâ simul ardens turre Leander
 E resono lychnum littore vidit amans;
 Infanti timuit primum aspera murmura ponti;
 Forti mox fortes excitat ore animos:
 Et gravis est certe fluctus gravis æquoris atri;
 Sed gravior sævi est fluctus Amoris, ait
 Anne sacros cupiant ulla æquora perdere amantes,
 Quæ servantem ipsos progenuere Deam?
 Sed cupiant: nostro non unda potentior igne est.
 Hæc siccare undas vel mea flamma potest.

De eadem se precipitante.

Fluctibus exanimem simul obtritumque Leandrum
 Ut vidit medio Sesta puella freto:
 Hos lacrimis questus mistos effudit inanes,
 Dilaniata comas, dilaniata genas:
 Tunc igitur nostræ vitæ unica causa fuisti?
 Unica sed mortis causa fui ipsa tuæ?
 Heu scelus! at veniam mox saltem ad te, optime conjux,
 Quando tuum nobis fata negant reditum.
 Cumque tibi haud fluctus fas exsuperasse marinos,
 Jam tecum Stygios exsuperabo lacus.

Ad Alcippen.

Hos tibi caseolos, hæc nunc tibi roscida pruna
 Immodici ardoris pignora parva damus.
 At totus, si te munuscula nostra juvabunt.
 Hortulus, Alcippe, grexque erit usque tuus.

Ad Chryfillam.

Quid Zephyro, Chryfilla, tuum fugis ocyor Idam?
 Si mihi dura negas parcere; parce tibi.
 Heu, heu, ne fusos rami per colla capillos;
 Ne lædant teneros aspera saxa pedes.
 Sed majora etiam, mea cura, pericla timentur.
 Nam seu fors, Paphiæ seu tulit ira Deæ;
 Olim dum proprium fugit altera, & altera amantem:
 Fit rigida hæc arbor; fit levis hæc calamus.

In statuam Arionis, ex Græco.

Hæc simulacra tibi posuit Periander, Arion;
 Delphino hæc qui te per vada falsa tulit.
 Et factum admirans exclamat protinus: ergo
 Nos servant pisces, nos perimunt homines?

In Niobes statuam ex Græco.

Adspice quam vere Niobes lacrimetur imago
 Saxea, natorum tristitia fata dolens.
 Spirantem adspiceres etiam; sed denegat illi
 Ars animam: similis marmoreæ est Niobi.





FABII SEGNII

FLORENTINI.



*In obitu Cosmi Medices Magni Etrur.
Ducis.*

PRo myrto, & violis crines tegat atra cupressus,
Invisumque gemas inclita Flora Ducem.
Arne Pater lacrimisque tuis nunc unda tumescat,
Nil nisi singultus, luctus & urbe sonet.

Ejusdem.

Extinctum ut magnum conspexit Hetruria Cosmum,
Procubuit, lacrimis flebilis ora rigans.
Quas in narcissos confestim, & lilia versas
Legerunt manibus Virgineis Charites.
Floribus his tumulum certatim & Principis alti
Quælibet illiarum spargere nixa fuit.

De Rure suo Septimiano.

Sunt mihi Septimii collis radicibus imis
Rure suburbano jugera pauca soli:
Fertilis est Cereris flavæ: atque uberrima Baccho
Tellus: est olæ Palladiæque ferax.
Arborei foetus nullis felicius arvis
Proveniunt: agro est tantus honor proprius.

Vil-

Villa ibi regali confurgit splendida cultu.

Pauperiemque meam non decet illa domus.

Porticus erigitur sublimibus alta columnis,

Prospiciens Floræ mœnia celsa meæ.

Hæc instar speculæ villas supereminet omnes.

Hinc licet urbanas enumerare domos.

Non gelido est Boreæ, non ulli pervia vento.

Ver ibi, cum glacie flumina frenat hiems.

Sole tepet semper, Septemque averfa Trioni

Apricis statio est non male grata viris.

Hujus in ingressu primo, qua dextera tendit,

Egregium miræ cernitur artis opus.

Aerea nam ferri compages retia fulcit,

Vulcani dicas quæ fabricata manu.

Ingens hæc cavea est, & aves clauduntur in ista

Innumeræ, forma, dissimilesque sono.

Hic niveas Turtur superans candore columbas

Ingemit, hanc Italæ Africa misit avem.

Junonis volucris contextas purpura, & auro

Adverso pennas Sole micante rotat.

Argolicos ante heroas non cognitus ales

Spectatur, nunc a Phaside nomen habet.

Dulciter ore queri Philomelam audire licebit.

Dumque canit, volucrum cetera turba silet.

Mixta ibi conspicitur suaves effundere odores

Idaliæ myrto laurus Apollinea,

Et paries latè vestitur vitibus albis.

Hinc hederæ pallent, arburus inde rubet.

Quinetiam in formam colles velut amphitheatræ

Undique conjungi porticus ampla videt.

Tantum Apennini decurrens vertice summo

Permedium gelidis labitur Arnus aquis.

Qui salice intectus, glaucos, & arundine crines,

Amne fluens leni Florea culta rigat.

Affidua & mulcens humentem aspergine barbam

Optatam lætus gaudet adesse diem.

Namque sinu quondam dum conditur Amphitrites,

Undisoni ingrediens humida regna maris,

Protinus affurgens sese tulit obuius illi
Neptunus, tales & dedit ore sonos.
Hesperia regnator aquæ salve. urbis Hetruscæ
Ardua qui vitreo mœnia rore secas.
O terræ, & cœlo gratissime corniger Arne,
Ante alios amnes gratior Oceano.
Alme pater veniet sæclis labentibus ævum,
Quo resonet toto nomen in orbe tuum.
Quo Ganges, Euphratesque, & septem hostia Nili
Et tua Danubius numina sola colent.
Quod tibi jam solitus Tiberis jactare triumphos
Concedet, ductos ad sacra templa Deum.
Signa ego certa canam (tu condita mente repones)
Fatorum arcanas & referabo fores.
Cum magnum cernet primo sub flore juventæ,
Heroem, & clarum Thuscia læta ducem.
Scilicet & Divum genitus de sanguine Cosmus
Jura dabit Thuscis, imperioque reget.
Quem Jovis ætherii volucris sacra proteget alis,
Cui dabit expertem semper & esse metus:
O tunc felicem te, o terque quaterque beatum.
Italiae priscus tunc remeabit honor.
Quæque diu latuit terris pax alma redibit.
Incorrupta fides, justitiæque soror.
Splendebit gemmis, auro flavesceat arena.
Purior argento tunc fluet unda tibi.
Vix hæc ediderat, cum circumfunditur Arno
Nereidum applaudens per vada falsa chorus.
Ceruleus saltat Phorcus, luditque Palæmon.
Tritones conchis insonuere cavis
Attolluntque humeris Arnun, stipantque frequentes:
Fausaque mirantes omnia voce canunt.
Ille animo olim conceptos, nunc sentit honores
Præfens: & mentem gaudia blanda movent.
Sed quid ego a primo digressus limite, longè
Evagor? inceptum iam peragamus iter.
Alto donus geminis hic atque hinc cingitur hortis;
Alcinoum tales non habuisse ferunt.

Hespe-

Hesperidum fideant halantes floribus horti.

Atque alii: vatum quos celebravit honor.

Medorum late fragrant felicia mala.

Constitus his primum est Parthenopæus ager.

Floribus argentum: aurum pomis: fronde smaragdos

Hæc arbor superat, perpetuoque viret.

Punica virgineo cernes suffusa rubore

Mala: Cydon pallent quæ generosa tulit.

Pomaque Luculli rutilant inuenta triumpho:

Barbaricam postquam contudit ille manum.

Undique pampineæ texunt umbracula vites;

Pubentes Zephyri mulcet, & aura rosas.

Nigræ sublucent violæ: lætatur Acanthus,

Narcissus spirat: flosque Hiacynthe tuus.

Miscet odoratis peregrinas hortus & herbas,

Quæque etiam profunt arte Machaonia.

Hic & apes libant parvæ violaria, rorem

Floribus inspersum nectareumque legunt.

Quid nemus umbrosum memorem: quippe altera tempe,

Quo numquam radiis Phœbus adire potest?

Horrent juniperi: lucum frondosaque opacat

Ulmus: & a summo quercus amata Jove.

Auriti lepores ibi, capreolique fugaces

Gramineo carpunt arbusta fusa solo.

Ducere qui molles invitat lumina somnos

Obstreper, & dulci murmure rivus aquæ.

Hanc olim sedem coluit Mirandula Picus:

Picus: cui similem sæcula nulla ferent.

Hanc colis, & Delo contempta Phœbe: novemque

Posthabito resident hic Helicone Dæ.

Sint (precor) ista meæ sedes, requiesque senectæ?

Hæc colui juvenis rura, colamque senex.

Hinc fastus procul omnis abest, & dira Cupido,

Et lucri studium candida mens refugit.

Non Arabas molles: non Indos visere fuscas,

Non cupio Scythicæ noscere regna plagæ.

Pauperiem indocilis tolerare hæc viderit alter:

Cui fervet turpi pectus avaritia.

Prosp̄era non lætum, non reddunt ardua mœstum.

Æqua fortunam pondero utramque manu.

Quin, ubi tartareis in nos excita tenebris

Mors ruet, & terras relinquere fata volent,

Non tumulus surgat maculoso structus ophite,

Nec de Tænario marmore conspicuus.

Sit procul hinc longus pompæ funebris & ordo,

Contineat cinerem fœtalis urna meum.

Et caream lacrimis, absit querimonia tristis,

Flebilibusque absit nœnia mixta modis.

Hocque aliquis rude signet nobis carmine saxum

Pastor diffundens lilia utraque manu.

Qui cecinit silvas, & aprici ruris bonores,

Etruscum vatem florea ferta tegunt.

De quodam Fonte Insigni ruris Septim

O Fons Septimiæ delitiæ plagæ,

Vitro splendidior, nectare dulcior

Undis, qui glacie frigidior foves

Artus Naiadum sub cane torrido.

O fons Pindarico carmine dignior

Salve: tu Dryadum semper agis choros.

Tu semper Satyris capripedes Deos

Mixtos, in numerum ludere conspicias.

Nam, quæ dulcisono murmure perstrepat

Alto desiliens lymp̄ha fugax specu,

Nymphas Fesuleas allicit undique,

Ut molles ineant Pampineis thoris

Somnos, atque monet, dum viridantia

Spirant purpureis gramina floribus,

Pallentes violæ, mollis amaracus,

Pubentesque rosæ, candida lilia,

Et flores alij, vere Favonius

Quis pingit variis prata coloribus.

Occultant volucres arborea coma

Sylvæ, dum querulæ carmina concinunt.

Nympharum chorus huc advolat omnis, &

Binis

Binis Euphrosyne juncta sororibus,
 Quæ suaves citharas, & Berecynthia
 Matri grata Deum flamina tibiæ
 Dum pulsan, vitrei respiciunt vada
 Arni, tunc placido sic modulamine,
 Divinisque movent sidera vocibus.
 Thufcorum fluvius corniger amnium
 Regnator, superis grate Deis, tuum
 Quis digne valeat tollere laudibus
 Nomen? nam Tibridis Arne pater decus
 Fraternal superas, qui Capitolio
 Regum ducta videns colla minantium
 Olim, læticia diffiluit fremens.
 Urbis namque tuæ mœnia Floreæ
 Ornat cœlicolis progenitus Deis,
 Spes fida Italiæ, lux & Hetruriæ
 Cosmus, præsidiumque, ac decus inclitum.
 Hunc heroa suis accumulans sacris
 Pallas muneribus, Juppiter, & Venus.
 Phœbus luce diem siderea regens
 Dici percuperet Cosme parens tuus.

*De Obitu Joannis Medicis, & Aloysii
 Gonzage.*

Quis Janum Medicen fortis Etruriæ
 Præclaram sobolem, lumen & alterum,
 Quis digno celebret carmine, Mincii
 Quod ripis rituit vagi,
 Ambos Marte fatos, fulmina bellica
 Ambos terribili, & fundere prælio
 Hostiles acies, signaque barbara
 Invieta solitos manu?
 Non si Pindaricis fontibus effluens
 Gurgis, sitque mihi barbitos aurea,
 Illustres animas tollere laudibus
 Heroum meritis queam.
 Nec si Cerbereis Mæonides vadis

Excitus, geminos concineret duces,
Immortale viris ponere præmium
Digna fuisset tuba.

Hi soli auspiciis Italiam suis
Antiquis poterant reddere honoribus,
Desuetasque diu ducere ab hostibus
Raptas exuvias feris.

Sed non Ausoniæ funditus excidit
Spes: en purpureo stemmate verticem
Accinctus juvenis, mœnia Romuli
Aspectu exhilarat suo.

Quo flavi Tiberis lætitia fremunt,
Exultant & aquæ, murmureque obstreperunt
Septem nobilium culmina montium,
Audire & videor preces.

Quis nomen celebrant Hippolyti sacrum.
O Sol, qui roseo lumine discutis
Avertens tenebras, atraque nubila
Urbis Romulidum fugas,

Da semper vireant frondibus ut comæ
Nobis alme pater, da Capitolio,
Ut regum laqueis colla minacium
(Ut quondam) premat æreis.

Sic, quæ clara micat stella comantibus
Illustrans radiis ætheriam plagam,
Fulgorem rutilum misceat, & jubar,
Nobis ut niteas magis.

De Cerasis.

Postquam barbaricos contudit impetus,
Hostilem & rabiem, sanguine Pontica
Tinxit Romulidum ductor & æquora
Lucullus patriæ decus,

Lætanti rediens agmine militum.
Plantam Romuleis gentibus intulit,
Quæ numquam Latio consita sub polo,
Aut oris fuit Italum.

Insignem decorat candidus arborem
 Flos, qui purpureis poma coloribus
 Primo progenerat vere rubentia,
 Ut gemmas maris Indici,
 Ostendit niveam præcipuus meam,
 Candorque eximius non dubiam fidem,
 Urit sed facibus pectora torridis
 Pomum puniceis genis.

Ad Cupidinem.

Dignus es nullo puer, o triumpho,
 Qui meum telis pharetratus urges
 Ictibus sævis fodiens inique
 Pectus inerme;
 Fulgido armorum validam decore.
 Impiam cur non laceras Neæram?
 Hinc tibi clarum paries trophæum,
 Exuviasque.
 Nam meos cerva levior fugaci
 Fervidos ignes, tacite medullas
 Tabe qui dira penetrant, tuosque
 Diffugit arcus.

In abitum Aloyfii Gonzaga.

Heu heu luctifona præcipe tibia,
 Cantus Melpomene dic age lugubres,
 Heu nunc funereum flebiliter melos
 Ferali cane barbato.
 Et crines cyparissus sacra manibus
 Velet, purpureis & fluat in genis
 Humor, conveniunt quippe sororibus
 Tristes nunc lacrimæ tuis.
 Ergo perpetuus luminibus sopor
 Irrepens tacite, membraque vinciens
 Urget magnanimum [proh scelus, & nefas]
 Gonzagam superis parem?

Quo

Quo nil fidereo Phœbus ab æthere
In terris melius viderat, aut magis
Acri conspicuum militia ducem,
Ut Martis sobolem decet
Cui bello intrepidâ, moreque fulminis
Votum barbaricas sternere dexterâ
Gentes, Hesperia & pellere finibus
Ardens matris ab ubere,
Æternumque fuit. Quod nisi candida
Herois triplices sanguineis Deæ
Rupissent manibus flamina regii,
Ni mors atra peremerit,
Non prædator Iberus, neque Theutones,
Urbes Aufoniæ scindere funditus
Tentarent facibus, cladeque perdere
Romanos cineres ferâ.
Non hæc numinibus proveniunt sine
Divûm, raucisoni qui pelagi minas,
Terras, astra, polum; nigraque Tartara,
Nuru, fronteque temperant.
Ut Flos (alma manu quem genuit sua
Natura, advolitant florida candidi,
Cumque ornant Zephyri rura, coloribus
Pingentes variis humum)
Quo pollet nitido cespite pulchrius,
Et quo purpurea luce serenius,
Hoc dira citius tabe celerrimo
Languescit moriens gradu.
Sic quicumque vias arripit arduæ
Virtutis melius, clarius & micat;
Hunc mors Tartareis ocyus irruens
Demergit tenebris atrox.
Sed quo Musa procax me rapidum vehis?
Non cymbæ Oceanum fluctibus asperum:
Nec tractus volucres aërios vagæ
Formosæ Veneris secent.

Ad Benedictum Accoltum Card.

Quæ nobis hilari lumine sidera
 Riserunt? Veneris an fuit aureæ
 Hoc? an terribili fulmina dextera
 Patris qui rotat ignea?
 Ut te nectareum pectore cernerem
 Promentem eloquium mellifluis notis,
 Audiremque sacro verba silentio
 Nil mortale sonantia.
 Illa & candidior, lætior & dies,
 Natalique mihi luce beatior
 Affulsit, memori funereum ad rogam,
 Cum mors membra resolverit,
 Quo primum placidas hausimus auribus
 Voces; tunc animo protinus agmina
 Nostro discutis, & sollicitudinum
 Fluctus, ceu Boreas solet.
 Accolte, horrifono nubila flamine
 Confestim aëriis pellere sedibus.
 O quæ læta mihi cordis in intimo
 Jam spes concipitur sinu.
 Quod ni nostra sopor lumina ferreus
 Condat, ni Stygis ante diem vadis
 Nos mergat Lachesis, stamina rumpere
 Pernix; quam cupiam tuum
 Nomen perpetuis tollere laudibus,
 Et trans sidereas arduus eveham
 Nubes, transque volans astra micantia,
 Ut summi Jovis armiger.

Ad Antonium Allegrettum.

Apenninigenæ fluminis accolas
 Inter, præcipuum Castalidum decus
 Antoni, celebris gloria Thusciæ,
 Quo non conspicuum terra videt magis

Astrum.

Astrum, o pars animæ, o læta quies meæ.
Tu septem dominæ culmina montium
Urbis, quæ populos compede vinxerat
Olim, nunc tenebris, pulvereque obsitæ
Spectas, attonita mente vicem dolens,
Et flavum Tiberim, sanguine barbara
Nuper purpureum quem manus impia
Reddens, Romulidum mœnia diruit:
Quod cernens facinus littoribus suis
Indignum, lacrimis Oceanum Thetis
Implevit, miseris & querimoniis.
Nec luctu abstinuit Nereidum chorus.
Me rus umbriferis collibus, & nemus
Invitant gelidum valle recondita,
Me lassum reficit ruris amœnitas,
Et curis animum solvere tristibus
Cogit, quem nimium tela Cupidinis
Sævis dilacerant ictibus effera.
Hic succincta comas, & Zephyro caput
Ingens obliiciens molliter obstrepit
Pinus, nec platanus fiderei canis
Umbrosis rabiem pellere frondibus
Cessat, perpetuo mixta simul viret,
Et dilecta Deo laurea Pythio,
Myrtusque Idaliæ grata maris Deæ.
Hic dulci nitidis murmure fontibus
Manans gramineos rivus aquæ thoros,
Aspectu recreans lumina, perfluit.
Nec suavi requiem dant modulamine
Depictæ variis colla coloribus
In silvis volucres dulcia conqueri.
His in deliciis otia conteram,
Quærens egregiæ Palladis artibus
Altum sideribus tollere verticem.
Nec tristis metuam tempora pallidæ
Mortis, nec cupiam: sic placitum Deis.

De Neæra.

Molliter gressus movet ut Neæra,
 Tangit & prati viridantis herbam,
 Candidi spirat Zephyri repente
 Dulciter aura.

Protinus flores, violasque tellus
 Suggestit, quamvis hiemis procellæ
 Sæviant latè pelago minantes
 Turbine diro.

Hæc foret Sapphûs modulanda plectro.
 Hæc foret Flacci fidibus canenda,
 Hæc foret vari celebranda Thusco
 Carmine sacro,

Qui modos, cyncus veluti, canoros
 Fudit ad ripas Araris virentes,
 Dum suos ludens teneros puellæ
 Deslet amores.

Hæret heu menti nimium, serenæ
 Splendidum frontis jubar, & renidens
 Purpura in labris, hebenusque crine.
 Marmor & ore,

De Jasmine Puella in Florem.

Candida tabuerant Jasmines ora puellæ,
 Presserat æternus lumina clara sopor.
 Jam face funerea niveos invaserat artus,
 Et dabat horribiles impia flamma sonos.
 Ætherio tum forte sedens Venus aurea nimbo,
 Dum spectat facinus, talibus orsa loqui.
 Divina heu poterunt tam dira incendia membra
 Carpere? Jasmines immemor orbis erit?
 Vix ea dicta dedit, flammæ cum protinus omnes
 Ardentemque ignes deseruere rogam.
 Cespitem prorupit tunc flos argenteus atro,
 Tristi ne careant hæc monumenta nota.

Virginis & nomen flori, candorque remansit,
Lilia cui cedunt, alba ligustra, nives.

De Amore favos Mellis furante, ex Greco.

Dum studio raperet puerili forte Cupido
Mella, manum sæva cuspide læsit apīs.
Sensit, & indoluit, Venerique ait aspice mater
Quam parva est cuspis, vulnere quanta facit.
Cui Venus arridens inspecto vulnere dixit.
At tu parve puer vulnere quanta facis?

Ad Cosmum Med. Flor. & Senen. Ducem.

Insignis quamvis pietate, insignis & armis
Ediderit genitor fortia facta tuus,
Hoc opus, hoc unum late tamen omnia vincit.
Quod tuus extiterit maxime Cosme parens.

De M. Angelo Benarroto Sculptore.

Dum spectat Mæcedum regem, quem Grajus Apelles
Pinxerat, admirans Juppiter obstupuit.
Mortalesque (ait) pingat, sed Etruscus Apelles
Me, dignus solum pingere quippe Jovem.

Ad Juliam Romanam.

Barbarus irruerat Romanam miles in urbem,
Martiaque horribili cæde madebat humus.
Ædibus in patriis, parvisque penatibus, ingens
Gloria Romulidum Julia gentis erat.
Quæ, simul irrupit mediis penetralibus hostis,
Virgineo vidit proque pudore peti.
An mortem verear (inquit) præferre pudori?
Nonne pudicitæ morte luendus honor?
Dixit, fulmineoque arrepto protinus ense
Marmorea rupit pectora casta manu.

Vives in toto semper memorabilis orbe
Julia, non Latium nomina tanta capit.

De Neptuno Picto a Vincio.

Pinxit Virgilius Neptunum, pinxit Homerus,
Dum maris undisoni per vada flestit equos.
Mente quidem vares illum conspexit uterque,
Vincius ast oculis, jureque vincit eos.

Ad Cosmum Med. Flor. & Senen. Ducem.

Cum primum terris ceu sydus Cosme salubre
Te casto genitrix edidit ex utero,
Exceptum gremio Charites fovere, tibi que
Perfudit sacro membra liquore Venus.
Porrexere simul Virtus, Fortunaque dextram,
Scilicet ut gemino numine tutus eas.
Defuerat tantum Mavors, & bellicus arder:
Perstitit hoc alter Mars tibi Cosme pater.

De Paulo Jovis Historiographo.

Si cupis Eoæ motus, & prælia gentis
Noscere, & occiduae fortia facta plagæ,
Si gelida exoptas fuerint quæ gesta sub Arcto,
Scire, sub humenti ductaque bella Noto,
Perlegito Jovium, Jovio nam regnat in uno
Historiæ integritas, candor & eloquii.

Ad Ferdinandum Gonzagam.

Inviſtam bello dextram Germania ſenſit.
Senſerunt vires Celtica regna tuas.
Iſter, & Eridanus tremuerunt te duce, quorum
Hic Gallo, hic Scythico ſanguine tinxit aquas.
Inter ſe magnos componere fœdere reges,
Orbem majus opus quam domuiſſe fuit.

De Filio Cosmi Med. Flor. & Senen. Ducis.

Ut soboles tantis est digna parentibus orta,
 Juppiter hæc prompsit pectore verba facro,
 In mare nunc auro flaventes Arnus arenas
 Volvat, & argento purior unda fluat.
 Clarius & niteat Sol terris, candida cælo
 Splendidus Phœbe, ceteraque astra micent.

Ad Dominicum Gberardum.

Rontinus noster Thuscæ remeavit in urbem,
 Rontinus medicis, quadrigis prænitet albis.
 Rontino patre non est Phœbo gratior ullus.
 Ille etenim vera, doctæque Machaonis arte,
 Scriptorum spretis longis ambagibus, Orco
 Mortales, tenebrisque infernis liberat; utque
 Nunc alios fileam, me quondam cum igneus ardor,
 Lentaque paulatim tabes consumeret artus,
 Atque alis circumstreperet mors frigida fuscis,
 Eripuit [fatcor] letho, & pallentibus umbris
 Excitum, dulcis vitæ revocavit in auras.
 Indulgere igitur Genio juvat, & dare plausus.
 Tali quippe viro furere est mihi dulce recepto.
 Gaudia ne differ, reditu sed lætus amici
 Communis, roseos cum primum Aurora jugales
 Ostendet terris, rus nostrum, nosque revise.

Ad Hippolytum Med. Card.

Romana Princeps gentis, sanctique senatus,
 Auspiciis facta est Roma beata tuis.
 Te duce desuetas cernent Capitolia pompas,
 Squallentem ponent Martia testa situm.
 Aspice lætatur, tellus, mare, sidera cæli,
 Aurea Saturni sæcula nam redeunt.

Ad Eundem.

Enitet auricomo diffulgens vertice Iydus.

Quo non splendidius lumen in orbe micat.

Non rapit huic nitidam, reliquis, ut Phœbus ab axe
Lucem, sed dubium est an capit inde suam.

De Eodem.

Viderat Hippolytum dum favos tendit in hostes

Aurea Mavortem quem Venus esse rata,

Hæc secum: ah pereat quicumque horrentia bella,

Diraque sanguinea repperit arma manu.

Fulgentesne oculos nitidum ceu Iydus olympi;

Oraque Thracia candidiora nive

Barbarus abscondet nobis Germanus, & Ister?

Heu potero tantæ tædia ferre moræ?

Sed quia non pariunt cœlestes otia palmas,

Nec laus, aut virtus provenit inde; feram.

De Victoria Fulmine Taeta ex Græco Epigrammate Pompeii Magni.

Fulmine disjectas quod habet Victoria pennas,

Quæ Tyberim impendens despicit arce super.

Roma metu parcas, placidi hæc sunt signa rotantis.

Ne possit volucres inde movere gradus.

De eadem.

Amisissis numquam poterit Victoria pennis

Septenas arces relinquere Roma tuas.

Ad Benedictum Accoltum Card.

Divini Accolto soli debentur honores.

Accolti volitet fama per ora virum.

Accepta Italiam nam solus clade labantem
Auxilio firmat, militibusque juvat.

Quin patriæ officio certans prior, indicat heros
Et consanguineis mentem, animumque pium.

De quodam Fonte Montis Pyrenæi.

Aspicite, ut vitreus labatur murmure blando
Fons, & inexhausto gurgite manet aqua.

Hanc si pastores, si turbavere bobulci

Sordibus injectis, protinus illa fugit.

Nimirum sordes nymphis; quas alta Pirene.

Educat invisas, Virginibusque patet.

Ad Paulum Jovium Historiographum.

Divinis ut quondam herbis Diana pudicum

Eripuit Stygiis fluctibus Hippolytum.

Sic tenebris gentes, pallentique eripis Orco

Historiæ claro lumine Paule tuæ.

Ergo tibi Divum merito largitur honores

Orbis adhuc vivo funera præveniens.

De Tyberi inundante.

Speſtabat vasto spumantem gurgite Tybrin

Neptunus, tales cum dedit ore sonos.

Heu fama, & gestis Tybris superaverat olim

Nos, at nunc tumidis vincere tentat aquis.

De Daphnide quodam.

Viderat ætherii Daphnin regnator Olympi.

Hæferat in puero, mens animusque Dei.

Mirantem spectans Phœbus, pater optime (dixit)

Dignior extiterat hic Ganymede rapi.

Talia cui genitor demisit pectore: Daphne

Dignior hic Daphnis quem sequereris erat.

De Cynthia.

Forte Jovis luco Dryadum comitante caterva
 Pulchra vagabatur Cynthia dulce canens.
 Flos varios inter flores, violasque ligustri
 Spirabat mollis, candidiorque nive.
 Hunc carpsit pastor, qui forte adstabat, & (inquit)
 Hoc quoque digneris neſtere virgo comas.
 Pollice virgineo contacto, purpura florem
 Infecit, fugit qui fuit ante color.
 In promptu cauſa eſt: nam florem protinus illum
 Divino tinxit ſparſus ab ore rubor.

Ad Alexandrum Farnesiam Cardinalem.

Aſpice ut obſcura ſeptem caligine colles
 Involvat nubes Martia Roma tuos.
 Aſpice demiffis labatur Tybris ut undis,
 Nerea nec tumido gurgite, ut ante, petat.
 Diffugient nubes, Tyberi reddentur honores
 Priſtini, Alexandro qui periſſe duce.

Ad Hispaniam de Andrea Angulio.

Quid tot bellatrix, tantosque Hispania jaſtas
 Illuſtres armis, egregioſque viros?
 Angulium eloquio potius mirare tonantem.
 Tantorum hic inſtar ſolus alumnus erit.

Epitaphium Bartholomai Rontini Medici.

Arte Machaonia mortalia fata morantem
 Rontinum terris abſtulit atra dies.
 Nunc ſævam licet, & mitem te Parca vocare:
 Hoc opus, hoc ſolum nomen utrumque decet.
 Sævam: namque orbi diffulgens eripis aſtrum.
 Mitem: nam reddis, venerat unde, polo.

*Ad Paulum Jovium Historiographum Pisis
morantem.*

Oceani veluti cum Sol defertur in undas,
Nox tenebris terram, velat & atra polum.
Sic, ubi digrederis, tecum lux alma recedit,
Flora gemit, lacrimis auget, & Arnus aquas.
Ergo, quam præsens concedis, tollis & absens,
Jam nobis redeat te redeunte salus.

De Lodovico Ariosto.

Cecropios inter (ceu sydus) fulget **Homerus**.
Non illi invenit Græcia prisca parem.
Vergilium Roma admirata est, quamque Maronis
Non alia dixit bella canenda tuba.
Hujus candori vatis nunc cedit uterque,
Sitque suo iudex Græcia: Roma suo.

De Oculis Neæra.

Dum nemora, & saltus omnes Venus alma peragrat
Quærens parvus ubi delituisse Amor,
Replebat mæstis terras, atque astra querelis:
Cernere erat lacrimis ora rigare Deam.
Spes ubi nulla fuit, latitantem protinus illum
Luminibus vidit, diva Neæra, tuis.
Tunc ait, Idalium valeat, valeantque Cythera,
O nate, hic sedes nostra perennis erit.

Ad Petrum Ang. Bargeum.

Ut stetit Idaliis errans Venus aurea campis
[Ridet enim ante alias hæc plaga cara Deæ]
Illius adglomerant lateri mille undique Amores,
Musarumque sacer, Naiadumque chorus.
Perpetuusque comes Divæ tum luvere cœpit,
Et viridem Zephyrus pingere dulcis humum.

Spe-

S E G N I I.

29

Speſtantur paſſim in pratis molles hyacinthi, &
 Candida purpureis lilia mixta roſis.
 Tunc Venus accitis Euterpe, Calliopeque,
 Floribus accumulans veſtis utrique ſinus,
 Ite (ait) his Thuſcum violis ornate poëtam,
 Et manibus plenis florea ferta date.

Ad Coſinum Med. Flor. Duceſ.

Olim quot dederant Auguſto numina honores,
 Nunc totidem tribuunt inclite Coſme tibi.
 Auguſtum patriæ patrem gens Romula dixit,
 Te patrem patriæ Thuſcia læta vocat.
 Aurea pax illo vigit regnante per orbem;
 Tu placida populos, cunctaque pace regis.
 Naſcenti Auguſto ſydus fulſit Capricorni.
 Natali arriſit ſydus idemque tuo.
 Debita ad aſtra ſibi princeps ſero ille rediit.
 Tu felix eadem ſerius aſtra petes.

De Neæra.

Aliger occurrit dum forte Cupido Neære,
 Eſſe ratus Venerem, quo mea mater? ait.
 Utque fuit puero gratiſſimus agnitus error,
 Obſtupuit deinceps, erubuitque ſimul.

De Hortis ſuis.

India quas legit, & Nilus quas irrigat herbas,
 Quas & odorato pollice carpit Arabs,
 Littora quaſque ferunt, montes, vallesque profunda,
 Hic parvo cunctas aggere collis habet.
 Hæc animum paſcit ſpectari digna, ſed illa
 Radice, & folio eſt, ſemine, flore potens.
 Alma igitur natura parens ſuperaris ab arte,
 Hoc tantum liceat dicere pace tua.
 Nam quæcumque ſinu per totum amplecteris orbem
 Cernuntur parvo cuncta vigere loco.

Ea

Ex primo Lib. Græcorum Epigramm.

Quattuor illustres certamina Græcia ponit.
 Sunt duo sacra Deis : & duo sacra viris.
 Prima Jovis, Phœbique ; Palæmonis, Archemorique,
 Quorum apium, maius, pinus, oliva, decor.

De Julio III. Pont. Max.

Italix atque orbis regina olim aurea Roma
 Suppliciter tristis constitit ante Jovem.
 Dextera non hastam, clypeum non læva gerebat.
 Deciderat sacro vertice cassis humi.
 Et laniata comas, lacera & crudeliter ora
 Fundebat gemitus, verbaque erant lacrimæ.
 His motus Divûm rector, quid Martia Roma
 Fles? ait, ah fugiat mœstus ab ore dolor.
 Pata tuis finem voluere imponere damnis;
 Et longis tandem consulere malis.
 Tertius e cœlo descendit Julius alto;
 Hic pater, hic urbis conditor alter erit.

De Expeditione Germanica Caroli Cæs. Aug.

Dum gelidas Cæsar Rhēni contendit in oras,
 Et petit hostili barbara regna manu,
 Horruit inspectis Germania Cæsaris armis.
 Insolitus subiit protinus ossa tremor.
 Utque fuit telis accincta, & casside fulgens,
 Procubuit lacrimans illius ante pedes.
 Hæcque (ait) exuvias tibi trado maxime Cæsar,
 Ut Marti ex illis digna trophæa pares.
 Jam nunc incipies merito Germanicus esse:
 Hoc tantum nomen defuit ante tibi.

De Bellis impendentibus.

Sanguineum quassat clypeum Tritonia Pallas.
 In toto Mavors impius orbe fremit.

Jam

Jam pelagi rector maria obstreperit omnia circum.
 Tartarea Eumenides intonuere tuba.
 In chaos ergo omnis priscum miscebitur orbis?
 En pontus, tellus, astra cruore rubent.

De Statu aenea Persei.

En Danaës Perseus, & proles clara Tonantis
 Palladis armisonæ numine tutus adest.
 Læva Medusæum gestat caput, altera ferrum,
 Pes clypeum, atque alter Gorgona calcit humi.
 Arne igitur lætare parens, & candida Flora,
 Perseo namque cadent impia monstra duce.

De Hortis sui Ruris Septimiani.

Aspice odoratis halantes floribus hortos,
 Quos dulcis Zephyri molliter aura foveat.
 Hic regnat Pomona, hic Flora, hic aurea cornu
 Copia distendit foetibus arboreis.
 Non mirum, æterno nam ridet omnia vere,
 Hoc Fabio eximium munus Apollo dedit.

De Eisdem Hortis suis.

Hanc villam, hos hortos, nemus hoc, & rursus æmæni
 Quas potes innumeras cernere delicias.
 Annorum series, patriique incendia belli
 Excidio dederant, eruerantque solo.
 Sed Fabius soboles Antoni Segnius illis
 Jam deploratis attulit auxilium.
 Nam studio miro cuncta instauravit, eisque
 Restituit cultu splendidior decus.
 Ergo loci genius, Nymphæque, & numina ruris
 Certatim meritis hæc posuere suis.

*In obitum Benedicti Varchi. Ad Lauream
Ammannatiam.*

Ingentis fumas solatia carmina luctus
Laurea, quæ Musis adderis una novem.
His Varchi nomen, clari & celebrantur honores.
Tanta sed attolli gloria laude nequit.

De B. Varchio e terrestri Cycno in cœlestem verso.

Qui Penei Grajo: Tiberis Latio: Arni & Etrusco
Complerat cantu ripas, & carmine dulci:
Ante alios omnes suavis candoreque præstans
Cycnus: dum fato terras poscente relinquit,
Indignas tanto nimirum nomine terras:
Aërias niveis & nubes transvolat alis:
Atria stellantis tetigit sublimia cœli:
Enituit subito, & radians mutatus in astrum:
Astrum, cui tellus, æther, atque æquora rident.
Sic cœlestis olor, ceu Sol effulget Olympo
Debita honoratæ referens nunc præmia vitæ.

Epit. ejusdem.

Laudatus cunctis: laudandus nec satis unquam,
Invidia major, Varchius hic tegitur.

Ad Petrum Victorium.

Victori, Latie regnat Grajæque Minervæ
In quo majestas, candor & eloquii.
Auspice te excolitur jampridem Etrusca juvenis
Virtutis turum te duce carpit iter.
Utque olim Chiron clarum exercebat Achillem,
Sic animos ornas, moribus erudiens.
Ex te haurire darur cunctis, ceu fonte perenni,
Quid sit vitandum, quidque beare queat
Qui post fata aliis igitur tribuuntur honores
Orbis viventi donat habere tibi.

PECINI SEJANI

CREMONENSIS.



*De Classe Turcarum a Christiana victa,
& capta.*

O Grata fama Christianis omnibus
De classe capta barbara.
Quæ per tot ætates, tot & per sæcula
Fuerat potens toto æquore.
Primum occupavit Bosphorum olim Thracium.
Cepitque vi Byzantium.
Euxinus additur, simul Symplegades,
Cimmerius atque Bosphorus.
Propontidem mox hinc, & hinc invasit hæc.
Hellesque pontum transit.
Ad Cycladas venit, quibus cunctis quidem
Longo potita est tempore.
Multosque post annos Rhodon claram capit.
Sed Proditoris crimine,
Qui prodidit Equites suos fratres: tamen
Pœnas scelus meritas dedit.
Tandemque cœpit huc, & illuc currere,
Orasque deprædarier.
Nunc litoris Corinthii: nunc Cretici:
Nunc totiusque Græciæ.
Epirus hanc timebat, hanc Corcyraque,
Timebat Jonium, & mare
Superum timebat hanc, timebat inferum,
Ligusticum cum Corsico.

Tes-

Terrebat hæc Sardos, & insulas, bonos
 Quæ funditores educant.
 Nili ostia occupavit hæc septemplcis,
 Ambasque Syrtes aridas.
 Hæc regibus cunctis favebat Africæ,
 Et omnibus prædonibus.
 Incendio castella multa, & oppida
 Placebat huic absumere.
 Mordere Turcas cerneret rabidos uti
 Canes viros, & feminas.
 O quot fuere cæsi ab his. quot & fame
 Periere in atro carcere.
 O quot equites fortissimi, quot & Duces
 Cecidere Melita in Insula.
 A qua repulsi Turcæ post adit Cyprum
 Frangens fidem Veneris datam.
 Hanc barbarus noctes, dies non definit
 Vastare ferro, & ignibus.
 Nec credit illum, qui gubernat omnia,
 Punire cunctos perfidos.
 En Pontifex Quintus Pius Sanctissimus
 Cum Purpuratis Fratribus,
 Et Austrius Philippus ille Hispaniæ
 Rex semper invictissimus,
 Patres simul Veneti, Patres justissimi,
 Patres & Illustrissimi
 Fædus ineunt nolle amplius pati feros
 Sævire tantum Barbaros.
 Princepsque consensu omnium, & sententiæ
 Delectus Imperator est
 Classis Fidelium Austrius, quia a Carolo
 Quinto genitus est Austrio.
 Nam militaris hunc rei scientiam
 Callere cuncti non negant.
 Virtutis haud expertem, adest auctoritas.
 Nec procul erit felicitas.
 Triremibus cunctis coactis deserit
 Ibericis Iberiam.

Portumque Genuæ intrat faventibus Notis.
 Læta excipit Respublica.
 Hic Principes sunt Itali quamplurimi,
 Hic sunt Duces, & milites.
 Paucis diebus hinc abit Neapolin,
 Neapolin clarissimam
 Doctis viris, principibus & quamplurimis.
 Cunctique honorant Austrium.
 Mox hinc abit Messanam, ubi moratur, &
 Dum ceteræ advolent rates:
 Dum & tela, quæ cudunt Cyclopes incudibus,
 Mittant quibus cuncta urier
 Cernas, Charybdis interim fluctus vorax
 Nec attrahit, nec evomit.
 Nec Scylla nautas territat latratibus
 Canum suorum horrentibus.
 Ut ante, non fervet fretum Trinacrium,
 Omen quidem non pessimum.
 Adsunt diem ad dictam carinæ ceteræ:
 Funesque solvunt illico,
 Dant vela ventris prosperis, puppes volant
 Unctæ per undas marmoris.
 Classis brevi Corcyram adit, mox hinc abit
 Ad Gomenizas (ut ferunt)
 Exercitum hic, classemque lustrat Austrius,
 Ut militaris lex jubet.
 Marcus Columna Antonius cum heroibus
 De stirpe præsto est Romuli.
 Quintus Pius pietate præditus pia
 Præfecit hunc classi suæ.
 Pompejus hic Columna adest cum Prospero.
 Sabella gens, & Maxima.
 Pandulphus hic Stroza est, Nigrinus, Buffalus,
 Metellus hic Caraciolus.
 Pisanus hic est Boza, Perpignanus hic,
 Palotta, Thomas Medices.
 Venerus hic classis Venetæ adest totius
 Ductor quidem invictissimus.

Delegit hunc Senatus integerrimus
 Cunctis datis suffragiis.
 Quirinus hic, & Barbadicus incliti,
 Sed mæstus hic est paululum.
 Hic Bragadini adfunt, Grotus, Duodus: hic,
 Nereides quos diligunt,
 Canuleii clarissimi, Cornelii.
 Catharinus hic, Superantius.
 Hostesque (fama ut est) feros qui conterunt,
 Sunt Contarini hic strenui.
 Hic Lauredanus, Landus, hic Lipomanus,
 Pisanus hic cum Pefaro.
 Molinus hic, Bonus, Caballus, Malipetrus,
 Badovarius cum Fufcaro.
 Fratellus hic, hic Romierius non latet,
 Nanus, & Gradenigus simul.
 Non est Valerius, Vallereffus hinc procul.
 Benedictus hic, Mezusque adest.
 Donatus hic, hic est Leo, Ciconia,
 Pasqualigi, & Pizamani.
 Zenus, Polanus, Mocenigus, Dandolus,
 Bembus, Morus, Balbus, Tronus.
 Alique Veneti plurimi: quidam tamen
 Frontem quidem læti parum.
 At ille Justinianus est hilaris: quia
 Se nuncium sperat fore
 Victoriæ primum suis charissimis
 Cum civibus, tum patriæ.
 Hic ille Commendator est Major, nihil
 Curans necem ob sanctam fidem.
 Hic Frigarola Illustis est, Cuevaque
 Vargas, Benevides, Vergara.
 Cardona, Dieghi, Argalia, Occava, Alvarus,
 Qui sanctæ habet titulum Crucis.
 Pirola, & Guardiola, Cicuta, Menganus,
 Drazzus, Cimera, Crissaque.
 Hic Runius, Bustus, Medinus, Mongiva,
 Quessada, Oievcs, Pasacalus.

Hermandus hic, & Rocha Ful. Speciamus hic,
 Batinus hic, Emanuel.
 Heredia hic, Vafchesque adest, hic Lephrias
 Amadeus, Caidus hic
 Equites, Duces, multique fortes milites
 Miffi perusta Hispaniâ,
 Veterana gens in præliis horrentibus
 Horrens nihil mortem horridam.
 Allobrogum hic miffi Duces a Principe:
 Leininus horum Ductor est.
 Octavianus hic adest Muretus: &
 Non est Batallinus procul.
 Adfunt triremes Thusciæ hic, & incliti
 Equites, Ducesque strenui,
 Quos ille magnus Cosmus ornatus Pio
 Quinto corona auri sacra
 Miffi, sed ille Fabius est Galeratus hic
 Domus suæ, & patriæ decus.
 Hic Andreas, Neptunus alter, Doria,
 Ligurum manu circumdatus.
 Philippus hic est Doria, hic sunt Spinulæ,
 Grimaldus hic, Sancta Fedra adest.
 Hic Julius Centurio adest, Marinus hic.
 Cafalis, Imperialis hic.
 Hic rostra Lomelina sunt, Nigronaque,
 Nigronus hic Ambrosius est,
 Qui causa mortis nigræ erit genti feræ.
 Aloisiusque hic Gamba adest.
 Petrus ille Bartholomæus hic Navarchus est,
 Quem Lomelina dedit Domus.
 Hic Bandinellus Saulius adest, Treffanus.
 Hic Baltius, Foliana adest.
 Polydorus hic; Bellinus hic, Luanus hic,
 Bua, Pelleranus, Stellio.
 Hic Garibaltius, Lagana, Cornilia est,
 Tienfa, Zurla, Costaque.
 Equitesque Melitenfes avent ulciscier
 Equitum fuorum funera.

Princeps adest Parma & Placentiæ micans
Et ostro, & armis aureis.

Urbini adest Princeps viris Mavortius
Stipatus, hic Lunatus est.

Gonzaga Sigismundus hic adest suis
Cum Transpadanis strenuis.

Gonzaga adest Octavius, qui patriæ
Virtutis est peramulus.

Terræque quos motu dedit Ferraria
Interritos perterrita.

Hinc Corneus, Sanctæque Floræ Sfortia,
Belli quidem duo fulmina.

Jordanus ille Ursinus hic heros adest,
Urfa sua horridus horrida.

Hic bellicosus Paulus est Vitellius.
Hic Julius Rangonius.

Albericus hic Ludronius Germaniæ
Adest Tribunus militum.

Adesse Cæsar Avalos heu non potuit hic
Zephyris relictis navibus.

Nec Vinciguerra Archus bonum cum nomine
Omen quidem secum gerens.

Aliique multi Equites, Ducesque, & milites
Absunt Notis cessantibus.

Insubrium pubes micans in lucidæ
Armis stat hic & torquibus.

Adsunt Duces Cremonæ: adsunt Brixia,
Quæ sunt mihi carissimæ.

Et quos Crema educat simul cum Bergamo.
Verona quos, Vicetia.

Non hic viri desunt ab urbe Antenoris
Virtute plena præditi.

Nec hi tacendi sunt, qui in obscuris quidem
Non delitescunt angulis.

Taccus. Cania, Gancarolus, Canevallus hic.
Horatius Fisoognus.

Hic Gasparus adest Oxius, Bonfittus hic,
Paternus, & Afaitatus hic.

Nec

Nec Angelus deest; Avonal hic adest.
Et Condacollis non latet.

Georgius Græcus, Carassus, Sarnus hic.
Portus, Brisantus, Clappaque.

Alzarus hic, Cochinus hic, Lucichus hic,
Santubius cum Tessera.

Cum Cipice Dominus, Turrianus, Daniel,
Securus hic. Patarusque adest.

Calergii hic adsunt, adest Bonus senex,
Quem terra misit Gnosia.

Omnesque demum qui fuere, ab Italis
Missi urbibusque, & opidis.

Multique ab oris, quæ colunt sanctam Crucem,
Ultro parati occumbere.

Omnes salutant Imperatorem suum
Hilares Joannem Austrum.

Heros in armis splendidus splendentibus
Hæc verba cœpit dicere.

Mirari nequis velit me in florida
Ætate delectum Ducem.

Vestrum maritimum ad hoc periculis maximis
Bellum refertum (ut cernitis)

Nam cuncta, quæ sunt sub hoc cœlo, quidem
Fiunt Superno Numine.

Quare mei Commilitones spernere
Nolite, quem elegit Deus.

Vobiscum ero paratus ipse perpeti
Duros labores, ipseque

Feram sitim, famem, ipse primus omnia
Mortis petam pericula.

Noloque vos habere me vestrum Ducem:
Regem sed hunc Regum omnium.

Extollit hic imaginem affixam Cruci
Nati Patris summi Poli.

Rex hic erit noster, tuebiturque nos
Ab hostibus crudelibus.

Promittit hic victoriam certam. Ergo sit
Ab omnibus timor præcul.


Hic cerneret cunctos obortas fundere
 Præ gaudio guttas genis.
Voluntque cuncti cuncta ferre incommoda,
 Necem & cruentam pro fide.
Post consulunt quid facto opus sit; nec mora;
 Pugnare statuunt fortiter.
Cephaleniam ventis secundis insulam
 Spirantibus statim petunt.
Andrana it exploratum ubi sint Barbari.
 Refertque: Naupacti in sinu.
Olli Austrius cunctique Principes simul
 Amittere haud deliberant.
Occasionem; quam Deus fert, & cito
 Hortantur omnes, quo velint,
Quod dixerint, re comprobare; nec fidem
 Christi sinant a Barbaris.
Lacerarier, cuncti libenter velle se
 Dicant perire pro fide.
Hortatione non egent: nam strenue
 Turcas volunt occidere.
Cephaleniam classis relinquit insulam
 Instructa triplici ordine.
Et septimo Octobris die venit, videt,
 Vincitque (nervis omnibus
Prius tamen cum fortiter, tum strenue
 Pugnando) classem Barbaram.
Cælo it cadentum clamor, & pugnantium.
 Pars ferro acuto concidit.
Pars glandibus missis cavo ære plumbes,
 Pars ferreis, magnis pilis.
Pars arcibus missis sagittis illitis
 Atro cruore viperæ.
Pars ignibus Vulcani, & est miraculum,
 Multos sub undis urier.
Naupactus horret, Echinadesque, cum vident
 Rubescere mare sanguine.
Tot Punicas cæpit Duellius haud rates,
 Tot milites, nec tot Duces:

Nec ille Pompejus latrones tot freti
 Magnus, sacri ut fasti canunt:
 Octavius pugnando nec tot ad Actium
 Ab his locis distans parum,
 Antonium cum vicit, & quæ finit
 Vitam nigris serpentibus:
 Quot Imperator Austrius fortissimus
 Cum fœderis fodalibus.
 Quid fecerit brevi trium concordia,
 Est omnibus notissimum:
 Faceffat hinc discordia, o Cæsar, simul
 Regesque cuncti, & Principes,
 Qui consententur Christiana nomina,
 Ferire fœdus hoc velint.
 Nunc recipiendi tempus est, quicquid fuit
 Captum ratibus hostilibus.
 Nunc tempus est pugnare cum Turca truci.
 Terra, mari, velis, equis:
 Ut tam potentem hostem queamus vincere,
 Regnoque tanto expellere.
 Id nos monet Dux Pœnus Annibal sciens
 Hostes suos devincere:
 Sed nesciens parta uter victoria,
 Romana ut historia refert.
 Nunc supplicationibus nos supplices
 Orare decrevis Deum
 Debemus omnes, gratiasque agere: quia
 Tantam dedit victoriam.
 Nunc est canendum voce quam clarissima,
 Et mente quam latissima;
 Io triumphe: io Imperator Austriæ
 Classis fidelis totius.
 Io triumphe Pontifex Pie Quinte: io
 Patres micantes purpura;
 Io triumphe Rex Philippe Hispaniæ,
 Triumphæ Veneti io Patres.
 Io triumphe Principes, io Duces,
 Post hæc canamus supplices:

36. **P E C I N I S E J A N I.**
Deo Patri, atque Filio cum Spiritu
Sancto sit omnis gloria.

*Epitaphium Clarissimi Augustini Barbadii, qui
pro Patria, Christique fide cum Turca apud
Echinadas strenue pugnando occubuit.*

**Thalia nostra veste pulla est obfusa
Pangens cruenta funera
Equitum. Ducum, fortissimorum militum
Pugnantium, cadentium,
Pro Christiana fortiter Republica,
Quos inter hic heu concidit.
Dum Barbadicus ense cedit Barbaros.
Fixus sagitta oculus heu perit.**





THOMAS SENECA

GRAMMATICUS.

*Ad Viram omnium præstantissimum Cosmum Medicum,
spem, & refugium suum.*

COsme tuas animo si parvo implere licebit,
Exequar has laudes, quas primis orsus ab annis
Forte aliud faciensolvebam in teque, tuosque;
Nec mea de multis, quibus hic tibi consonat aer,
Undique fors fuerit manca, & postrema Camæna,
Inque tuos titulos felici creverit æstu
Fortis amore tui, fortis pietate, fideque;
Nam si pace loqui fas est Regumque Ducumque,
Quos habet hæc ætas, notus quos extulit orbis,
Nemo est te melior, nemo est te dignior uno
Carmine vatisono, vel pulvinaribus altis,
Cujus ab auspiciis fato impendente levata
Chara tibi imprimis patria, & fulgore, bonisque
Artibus in toto facta est illustrior orbe,
Nec quisquam ex alto quantum sol aureus orbe
Despiciat, est alter Civis felicior ullus,
Libertate potens, opibus sublimis, amicis
Commodus, ac gemino Natorum pignore fultus,
Eloquio insignis, vivendi exemplar, amorque
Humani generis, patriæ Pater inclitus altræ,
Qui Divos, hominesque tuo connectis honore.
Me quoque, cui pridem adjutor, dexterque fuisti,
Respice quæso senem, sed adhuc ardente senecta,
Et præsta, ut valeam supremæ tempora vitæ
In fastos, cumulumque tuæ componere laudis;
Sic tibi cuncta pio succedant Numine vota,
Nullaque non ætas studeat meminisse tuorum.

JACOBI SENTINI

RICINENSIS.

20-02
20-02

Hesperides hortum Vatum tenuisse puellas
 Omnis, & Hesperia, Grajaque turba canit.
 In quo fulva simul ramis fulgentibus arbor
 Præbebat dominis aurea poma suis.
Hortulus ille mihi liber hic, mihi crede, Latinis:
 Nam non est toto hoc ditior orbe liber.
Cujus si flava cupies ex arbore, lector,
 Unâ poma leges aurea mille die.
Aureus hic numerus, quod tanto Nomine dignum
 Effecit Cæsar Julius auctor opus.
Tempora Romanis gentes quibus æra ferebant,
 Quæ proprium Nomen inditionis habent.
Intervalla, cyclus sunt hic & Apollinis alti,
 Monstratque & Domini littera certa diem.
Hinc Phaëtonteos poteris cognoscere motus,
 Motus & Phœbes hinc tibi nosse licet.
Adde etiam Phœbi pariter Lunæque labores,
 Quos qui scire volent hinc bene scire queunt.
Hic tibi vel Titan cum jungitur ipse sorori,
 Oppositusve manet, conspiciendus adest.
Hic quibus in signis Phœbus, vel Luna vehatur
 Edocet. ambobus dat sua lora liber.
Hic tibi horizonte & descendant horrida signa,
 Ascendantve quibus monstrat in arte modis.
Hic quam quæque dies Phœbo fulgente trahatur,
 Quamque brevis maneat, stat tibi quæque dies.

Hic

Hic modo inæqualis, necnon æqualis haberi
Hora, quod & quadrans noscere posse docet.
Hic etiam tabula est qua constant omnia cunctis
Urbibus, Europæ hæc datque, trahitque gradum.
Hoc Germanus opus Regio de monte Johannes
Composuit, patriæ Nomen, honosque suæ.
Qui fuit, & Rhetor summus, qui solus & alta
Astrorum doctor verus in arte fuit.
Qui fuit & Vates celebris, cui semper abunde
Et Latia eloquium, Grajaque lingua dedit.
Multa viris latiis juvenis monumenta reliquit.
Scribere sed nobis dum meliora parat;
Ah scelus infandum! secuit sua fila sororum
Una trium celeri vipera sæva manu.
Notus in Italia est, & qua regione potentes
Mergit equos Phœbus, nascitur unde simul.





FRANCISCI SFONDRATI

MEDIOLANENSIS.



De Raptu Helénæ.

LIBER PRIMUS.

AUſa cano juvenis Phrygii, qui jura fidemque
Hospitii ſanctam, thalamumque abſentis Atridæ
Polluit, inſigne hoc facinus, quod atrocibus orbem
Concutiens bellis, totque urbes clade perenni
Evertens, aliis alta incrementa paravit.
Tu modo læta meum complectere, Muſa, laborem,
Nec minus æqua veni, ſi magno in turbine rerum,
Quo tot geſta virum, tot nunc præconia laudum
Panduntur, veteres titulos vulgataque rurfus
Furta loquor: fors antiquo ſub nomine caſus
Obleſcet memorare novos, ſæclique recentis
Conſilia, & mores hac tempeſtate receptos.
Quod ſi hæc vota parum cedent, felicior aûrâ
Mox aderit, cum res, & noſtræ ætatis honores
Percurram, patriæque intexam nobilis ortum.
Jam pontum emenſi fatali claſſe præmebant
Littus; & Euboicos rutilans Aurora receptus,
Hoſtilesque procul Teucris oſtenderat oras,
Cum miro juvenilem animum ſuccenſus amore,
Aſtutum ſomno excutitur dux Troicus alto.
Tum ſecum viſa in tenebris, ſpeciemque revolvens
Oblatam, & raræ exemplar mirabile formæ;

Artonitus primo, sensuque habes, hæsit atque anceps.
An vigilet: tantus latet unde excreverit ardor:
Nec dum posse adeo nocturna insomnia noscitur.
At simul illi oculorum acies, atque excita mens est.
Verum aperit, sentitque ictus, causasque recenset.
Utque in rebus amor dubiis solertia prodit
Consilia atque animos ultro addit, vimque loquendi
Iliacos tandem proceres, cœtumque frequentem
Accersit: tum composito sic incipit ore.
Postquam, magnanimi o comites, infida tenemus
Littora & hic patrio jacenda est alea jussu;
Ante opus est longe eventus spectare futuros;
Et quanto graviora instant discrimina cœptis.
Cautius audendum est: namque, ut nocitura paratis
Non adeo officient: sic quæ felicia casu
Inciderint, minimæ laudis monumenta relinquent.
At, quoniam haud vano lempus sermo ac terendum est,
Non ego Trojantis classes & fata retexam,
Nec passis eadem repetam, quæ Solis ab ortu
Ad Gades audita, atque omnibus edita terris.
Scilicet ingentes patriæ templisque ruinas
Intulit, atque atrox infandas Græciæ cædes.
Quæ fas dura pati, sed non tolerare dolentem
Hæssionem: proh Dii! virgo Regina tyranni
Imperio supposita trucidis, vitamque tot annos
Magna labe trahens, generosa quiescere Troum
Corda sinet? tantumque scelus patientur inultum?
Sat foret, eversa damnum reparabile Trojæ,
Et veteris stimulos vindictæ, obtunderet ævum:
Verum servitiis raptoris serva nefandi
Durat adhuc, semperque graves pudibunda querelas
Innovat, & lacrimis miseranda recentibus augeat.
Hinc odii fomes; hinc iusta percitus ira,
Egregius genitor classem sociesque paravit,
Ut tantum excuteret Trojanz dedecus urbis.
Nam, si illicitos vinclo emendare jugali
Concubitus, calpeque notam delere prioris,
Sed magis ad patrios miseram remeare penates

Effusus ille velit: iussum est conjungere dexteras.
 Quod si amens utrumque neget, legesque recuset
 Accipere oblatas: tantum arma, manusque supersunt,
 Jus ubi non viget; & gladio tum vindice agendum est.
 Sed frustra hæc reor, atque ausus tentamus inanes
 O socii: nec enim præbet spem foederis ullam
 Olli mens afflueta malis, & nescia recti:
 Servabit mores, & pacem fasque repellet.
 Quod si tunc bellare putem, non æqua feretur
 Sors pugnae: non externo tot in orbe periculis
 Objecti, tuto ille suis peccaverit oris.
 Haud scelerum oblitus, nec me timor improbus urget
 Ficta loqui: laudem semper præferre saluti
 Contendam: nec me avertent extrema malorum,
 Dum lapsos decoret memorabilis exitus annos.
 Sed quid, in ultores iterum si damna redirent?
 Actum etenim, & cunctis nostra hæc infamia sæclis
 Major erit, primisque etiam pejora sequentur:
 Quare agite in melius liceat consulta referre:
 Et, si opibus nequeunt modicis ablata reduci,
 Æquum erit, egregiumque alio par reddere rapto.
 Nec quid (ut intueor) sese nunc aptius offert,
 Filia quam Ledaë, quæ magno est nata Tonante.
 Et germana Deum, conjuxque insignis Atridæ.
 Atque adeo Argolicis specie prælata puellis:
 Hæc igitur tentanda via est: justamque parare
 Seu vi, sive dolis vindictam ex hoste licebit.
 Quin læti Superos etiam sperate secundos:
 Pro merito hanc debent; quam dudum in montibus Ida
 Nuda repromisit nostro tunc munere victrix
 Alma Venus: quodque esse potest spe certius omni,
 Illam Diva mihi præsentis numine eandem
 Obtulit in somnis nuper, quo tempore anhelans
 Tithoni conjux visa haud mentita revelat.
 Hæc Paris affectu tanto, atque ardore loquutus
 Tum fuit, ut fremerent uno omnes ore Lacænam.
 Et quamquam indigna hæc, nimiumque audacia multis
 Perculerint animos; cupido se opponere Regi

Nemo audet: magnis igitur conatibus altas
 Obvertunt puppes, nixque tumentia torquent
 Carbasæ, remigibusque actis petiere Gytheum.
 Interea ad magnum placuit præmittere Atriden,
 Qui longe ex Asiæ venisse renuntiet oris.
 Periamiden, Grajo ut statuatur cum sanguine foedus.
 Ille quod & Trojæ, Phrygiique potentia regni
 Nota fuit, veterisque atrox injuria belli;
 Quanquam parte alia pacis mandata referrent:
 Haud tamen antiquo fidebat providus hosti.
 Verum plura agitans cautâ formidine damnis
 Occurrit longe, & casus prospectat in omnes.
 Mox validam egreditur multis stipantibus urbem,
 Qua Phrygii adventant procures: at proxima postquam
 Adstitit in medio gens Laomedontia campo,
 Certatum officiis: fundit Menelaus Achivum
 Eloquium, & blandis dictis, vultuque sereno
 Iliadum frustra mentes captare laborat.
 Jamque intus curâ ingenti solenne parabant
 Justitium, & festos pompæ regalis honores;
 Atria sternerantque toros; pars maxima longis
 Instaurare dapes mensis, & dona Lyæi.
 Verum, ubi dux Troum, testisque apparuit ingens
 Turba virum; læto strepit omnis regia cantu.
 Et varii audiri sonitus, quos Thessala notis
 Euterpe est modulata choris, studioque minori
 Ætherias illam certes agitare choreas,
 Et versare polos, orbemque rotare canorum.
 Ergo Phrygum his faciles animos, & pectora mulcent
 Mollia: nec minus arguræ soleptia gentis
 Arte effingit opes, fuit ingens ambitus aulæ,
 Egregium ostentans infra, supraque laborem,
 Insignemque loci cultum: nam carbasæ circum
 Addiderant picta, & miris variata figuris;
 Crebraque odoratas spargebant lumina nubes;
 Lumina vel noctu radios imitantia solis.
 Multaque præterea: sed postquam Tyndaris ultro
 Affuit, ut reliquas Phœbeia lampas obumbrat,

Sic cunctis summo injecit fulgore tenebras.
 Apparet mirâ species compage, nec umquam
 Talis visa alibi facies, oculique micantes,
 Siderci illi oculi, vires, & fastus Amoris,
 Unde faces, ac vincla paret, promatque sagittas,
 Quis hominumque, Deumque animas transfigere, & illas
 Nectere, tum gratis longum queat urere flammis.
 Obstupuere simul Troës, & Dardanus imo est
 Pectore concussus; quique umbræ cessit inani,
 Spectans plura oculis, extemplo immobilis hæsit,
 Vixque diu potuit, quod tanto ardore remotus
 Optarat, propior specimen cœleste tueri.
 Jamque erat alte instructa abacis operosa supellex,
 Atque adeo mensis; cum lætum tibia cœnæ
 Dat signum, & manibus lymphæ insperguntur odoræ.
 Promunturque dapes: fruitur Trojana juvenus,
 Et stupet apponi quicquid vescum unda, solumque,
 Fertque aër, luxuque eadem variata liquorum
 Mirifico, & laute altilibus condita popinis.
 Interea ardentem Paridis præsenferat æstum
 Oebalis, intentaque acie pia suspirantem
 Viderat: egregia huic facies corpusque decenti
 Robore, compactum, cultuque insigne superbo.
 Inde novum sensim perlustrans femina amantem
 Pectore totum haurit, seseque haud secius illi
 Jam dedens placidos averso conjuge figit
 Obtutus, blandoque interdum lumine nictat.
 Utque immensus amor non casu, aut arte paratur,
 Propositove animi simili sed imagine mentis,
 Atque pari instinctu cœli: sic illa Diones
 Sidereo afflatu pulchrum formosa tuendo
 Jam calet, & cæco paulatim ex igne liquefcit.
 Sed postquam dapibus modulos cecinere supremis,
 Alternoque hilares hauserunt cymbia potu:
 Dum jam læta aliis instant solatia somni,
 At multa abrumpi metuit sua gaudia nocte
 Priamides, visu gratæ contentus amantis.
 Verum se Alcibides optato tempore coram

Protulit, hic dociles inter spectatus Aethæos,
Pulsandique fides, & clarius arte canendi,
Vocale hoc tandem sociavit carmine plectrum:
Non ego, ut Oceani fluxu, atque ambita refluxu
Perpetuo tellus stet parte habitabilis ulla:
Aut rerum arcanas quæram discernere causas.
Nec loquar, ut magnus semper circumferat orbis
Fixaque, & adversis errantia sidera gyris.
Novimus hæc & nostra docet quæ plurima tellus.
At læta hos odere graves convivia cantus.
Apta feram, & lapsu ne cedat tempus inerti,
Dum cithara hæc crepitans, & dulcis lumina somnus
Fessa premat, socius veniet, noctisque levamen
Magnus Amor, quem non fumantis Mulciber Ætne,
Ac Regina Paphi genuit, bellicque superbus
Arbiter, aut tepido Chloris supposita Favonio,
Nec Lucina parens, vel Nox secura creavit,
Nec Jovis apricis Peniæ concepit in hortis
Ex Poro, exultansque humano ignavia luxu.
Hæc vetus, utque reor, paucis notescit origo,
Hospes quam docuit caræ genitricis Apollo.
Postquam etenim summus genitor primordia rerum
Fecit, & his proprias vario discrimine formas
Indidit; admirata suum Natura decorem
Protinus indoluit, tantæ quod molis inane
Esse opus, idque brevi fruiturum cerneret ævo.
Namque rudi in Mundo deerant consortia rerum,
Nullaque erat primis sensusque, animique voluptas,
Exitiumque aliis instabat morte priorum.
Ac, veluti dulcis cum proxima funera nati
Mœsta videt genitrix, cui nobilis ubera succi
Præbuit; & viduum servavit casta cubile,
Illa vicem optaret nato subiisse redempto:
At, simul ac via nulla datur, spes nulla salutis,
Ingemit, & fletus amens effundit amarus,
Haud aliter magna hanc nutrix miserata ruina
Innumeris totum implebat singultribus orbem,
Talibus interdum exclamans: Ergo ista peribit

Machina? & in primo hærentem sermone moratur:
Heu dolor, o utinam non hæc fabrefacta fuissent,
Aut ego nunc morerer; sed mors fugit atra volentes.
His simul ingeminat luctum, totamque subortæ
Irrorant lacrimæ, nimbi vel fluminis instar.
Jam tum quinta dies aderat, jam pectore toto
Exhaustus lacrimas humor, vocemque negabat.
Ecce acrem nervos invadere, & ossa rigorem,
Ac velli intortis sensit præcordia fibris;
Palluit, atque omnes immane perhorruit artus,
Et penitus valido ad terram prolapsa tremore est.
Hinc medium ingenti patefactum est pectus hiatu,
Atque reluctatis erupit visceribus cor.
Quod si tum lex mortis erat, suprema tulisset:
Triste tamen visum est Ponti, & Telluris alumnam
Inspectare suo cordi pia iusta parantem,
Quod demum, ut cineres mox occlusura sepulchro,
Detulit ad Superos, cœlestique igne cremandum.
Sed Deus hanc largo disjecit munere curam.
Nam postquam magnæ altricis præcordia flammæ
Hauferè, in variam mutari cœpta figuram;
Hinc levis aura simul fusa est, & amoris origo
Apta inferre animis quascumque simillima formas:
Quale refert oculis speculum fulgore metalli,
Splendentisque vitri; quid enim non imprimit hæc vis?
Ergo Amor afflatu leni simul omnia lustrans,
Viventes animas mirâ virtute replevit,
Et prima ostendit reparandæ semina prolis.
Namque modis se inter variis animantia junxit,
Atque rudes hominum jucundo fœdere sensus,
Mollivitque iras, & pectora cruda ferarum:
Idem etiam tulit, ut propriis ex fœtibus herbæ
Propagent genus, & nativo e germine plantæ;
Caudicibusque hederam, vitemque innexuit ulmis.
Præterea, quod quisque cupit, fruiturque, fugitque,
Nimirum pater omnipotens concessit amor.
At vos cura agitat quos interiore Cupido,
Assiduoque æstu torquet; nam pallida certe

Hos facies, imique notant suspiria cordis :
Prima licet casto processit pugna labore,
Pergite; feminea hæc feritas superatur amando,
Talibus arrisit festivo murmure cœtus,
Idque Paris conatus erat: sed viribus ullis
Nescit amor, vel flamma regi: pudor ilicet ora
Purpureus tinxit, restique expressa caloris
Signa dedit: magis illa suum sed cauta ruborem
Actutum occultuit defricti luminis astu
At non intentum Iliaden hoc fugit amoris
Indicium, spemque erexit potiore fruendi
Successu [sic tentat amor] jamque hora quietis,
Poculaque accierant torpentem crebra soporem.
Sed non ulla quies, nullum est solamen amantis.
Namque, ubi deposuit longum Ledeja cultum,
Accubuitque toro, tunc omnia mente revolvit
Visa prius, lætosque oculos, floremque juventæ,
Priamidumque genus, Trojanæque urbis honores:
Hinc majora agitat, quam vel conspexerit amens.
Vel spectare queat: sed mox sibi conscia turpes
Castigat curas, sacroque adversa pudori
Arguit hæc genio invito; tum vertitur ardens
In latus obliquum, & quærit revoluta quietem.
At non cedit amor; mutatâ sede repugnat
Acrius, & Paridis manifestos obiiicit ignes,
Conceptumque illâ supremâ voce ruborem.
His actam, & motu versantem membra frequenti
Excipit Atrides, & blando murmure poscit,
Qui languor, quæ causa repens ita viscera quasset.
Illa acrem, haud falso, cordis conquesta dolorem,
Conjugis infesti illecebras, atque oscula vitat:
Dardanidenque suum repetit. nec pugnat amori
Amplius; huic cessit: gravior sed cura recurât,
Conqueriturque magis: studium suspirat inane,
Vanaque vota dolet secumque ita corde volutat.
Quid juvat, heu, miseram his curis accendere mentem,
Quæ nunquam extingui valeant? ergo ipsa pudoris
Sacra, fidemque amens violem, aut pia fœdera solvam

Regalis thalami? nomenque insigne Lacæna
Inficiat? gravior noxa est quod dignior errat.
Præterea haud facile est oculos, curamque mariti
Fallere pervigilis, tantumque admittere Regem.
Durum etenim ignaram tot supposuisse periclis.
At nihil effugiam, fervens amor omnia vincit,
Et novit reperire viam, tempusque furori.
Sed quod nos magis atque adeo ad præcordia torquet,
Forte per immites infestis navibus undas
Dardanus ire parat, vel saltem certus eundi
Est meus ille brevi: neque & mea vota relinquet.
Deditus imperio est genitoris, & ardua tractans
Consilia, haud poterit nostris intendere rebus.
Sunt tamen ardentes flammæ, tua tela Cupido
Haud levia, & vis nulla tuis se viribus æquat.
Quod si pulchra Jovem genitrix deduxit Olympo,
Cur non hac hominem formâ retinere valebo?
Inde animum partes Helene versabat in omnes,
Queis captum vinculis teneat, quave arte moretur.
Ceu canibus studio ingenti venator odoris
Quum capream excussit; multave indagine cervum;
Si rursus elabi in saltus exploret opacos,
Acrius insequitur, nodosque & retia tendit
Circumdans omnes aditus; fertque illius ægre
Effugium, quem jam mensis inferre parabat.
Haud minus interea curarum fluctuat æstu
Priamides, neque adhuc somnum jam luce propinqua
Accipere, aut potis est depellere mente Lacænam.
Nunc raram effigiem sensu miratur inerti,
Nunc ardore furit; sortem hanc modo tristis Atridæ
Invidet, interdumque notas, & plurima grati
Signa animi repetens, spem læto in pectore nutrit.
Tum secum exclamat: Quantum mihi grata fuisti
Alma Venus: mali donum quo munere pensas!
Ipse equidem pueri arbitrium nunc jure tuebor,
Mûsarum sprevisse choros, artemque Minervæ
Et Junonis opes: quæ si sua cesserit æthræ
Regna, meam prudens malim præferre Lacænam.

At cur hæc mea, perpetuo quæ addicta mariti est
Imperio, nisi furta parem insignemve rapinam?
Certum quippe sedet factò quocumque potiri
Velle Helenâ, & cunctis Paridem obiectare periclis.
Sed quid agam? divæne ausim turbare quietem?
Quod mihi si tristi eventu forte irritus ibit
Conatus, jam stat miseram hanc abrumpere vitam,
Præcipitemque animam tenebras extendere ad imas.
Ergo age, quæ talis felicia gaudia fructus
Porrexti prior, immenso succurre labori:
Stella micans tu, duxque meæ es, spesque una salutis.
Tum velut ignotâ fessus regione viator
Si a rectâ detorsit iter, nec longius audet
Vadere, præteritum tædetque revolvere calle m:
Hinc campi in medio, densæve sub arbore sistit,
Si quem forte viâ comitem qui pergat eadem
Prospiciat, quive ancipites regat incola gressus.
Haud secus Iliades, postquam sententia nondum
Constitit ulla satis, causas simulare morandi
Cogitat: interea succurret tempus agendis.
Talia versarat dudum, cum fessa subivit
Tardus membra sopor, rursusque oblata Dione
Consilium probat, & mentem læto omine firmat.
Jamque refulgebat radiis lux alma coruscis,
Et properans cœli primam transcenderat oram:
Cum Regem Paris immensa spe latus adibat,
Cumque illo frater jucunda fronde Cremones.
Atque Acamas Antenorides, natusque Dione,
Primoresque alii, nec non Priameja pubes.
Tum quoque parte omni regalia tecta fremebant,
Muneribusque intenta suis Spartana juvenus
Itque reditque frequens, ac longo murmure complet
Atria: quadrupedes cornu, frenisque columnas
Obstreperant circum, famulorumque intonat ordo,
Liminaque hastati servantes prima latrones.
Rex intus Danaûm venerandâ fronte coronam,
Sceptra manu gestans, populorum audire querelas.
Stant juxta lecti proceres, patrumque senatus,

Nobiliumque chori; quo postquam Trojus heros
Accessit, turbaque fuit cedente loquendi
Copia; tum primum longis ambagibus orsus
(Ut memorem faciebat amor) mandata parentis
Falsa refert, causasque moræ prætexere tendit.
Namque suæ infelix repetens ab origine fatum
Urbis, & illatas Grajorum a gente ruinas,
Venit ad Hesionæ lacrimas; ubi plurima questus
Æternum Telamoni odium, nec tempore longo
Extinctam rabiem, Phrygii tum dedecus ingens
Nominis, & Priami iustas exaggerat iras.
Inde Asiæ imperium extollens, opulentaque regna,
Parentes dicto populos, totque inclita fratrum
Nomina commemorat, metuendosque Hectoris ictus.
Quotque objecta foret tellus Argiva periclis:
Sed tamen Iliaco Regi pia Numina mentem
Bellorum exortem, & cupidam inspirasse quietis:
Hocque ipsum studio adductum, quo cuncta duello
Præferre, immenso testatum proderet orbi.
Jam tentasse omnes aditus, munusque supremum
Delatum Atridæ, cujus prudentia cunctos,
Et præclara fides, virtusque anteiret Achæos.
His ille ut placidas jamdudum intenderat aures,
Sic diversa movens animo, vix coniecit unde
Hæc pietas, & tanta insit fiducia Teucro.
Verum adeo propriæ capit omnes gratia laudis,
Sicque agit, ut falso laudantis dicta sequatur
Certa fides: igitur blandâ deceptus amantis
Arte Lacon, haud pauca refert, & nititur hosti
Solvere Dardanio grates; tum recta probare
Consilia atque animos, & multis fœdera jungi
Posse modis aperit: nec se cui credita tantæ
Res fuerit molis, casu quocumque referre
Posse gradum; tandem imprudens ne cœpta relinquat,
Hortatur Paridem, ac præsens eventa moretur.



LIBER SECUNDUS.

Ille animo victor, postquam Lacedæmone fisti,
Regis sponte, datum est, omnisque exinde recessit
Mente pavor, jam nunc vacat indulgere furori:
Nec mora, nec requies, studium quodcumque puellam
Vertit in Oëbaliæ, totusque incumbit amanti.
Sævus amor quem non mirando numine cogit
Oblitum propriæ rationis in altera sese
Pectora transferre, atque alieno vivere sensu?
Cuncta ergo aggreditur; nulla intentata relinquit
Consilia, ut pulchræ teneros confirmet amores
Tyndaridis: Venerisque intendit callidus artes.
Ac, veluti Auroræ, Zephyrive profectus ab oris
Mercator, quem spes optati maxima quæstus
Traxit ad emporium, quo mercibus emptor opimis
Accedat; varias operosoque ordine caurus
Promittit opes, studiumque fori sibi comparat omnis:
Sic Trojanus amans gemmisque, auroque coruscans,
Et luxu vestes patrio, Serumque nitentes
Indutus, numquam ornatu bis cultus eodem,
Præstantem augebat formam; corpusque labore
Exercens vario vires ostendere, & artem,
Seu jaculo interdum, aut librata pondere massæ,
Sive fugâ certet veloce, agilive palæstrâ,
Primas sæpe tulit; vel quando interritus acrem
Urget equum, pedibusque instans, frenoque retentans,
Aut agit in gyrum, aut saltu, cursuve fatigat.
Interdum paribus ludit si prælia turmis,
Victori acclamant omnes; seu spicula vibrat,
Sive leves vacuum jaculatur in aërâ cannas.
Nec minus & gravibus cum pugna edicitur armis,
Intenduntque equites præscripto in limite cursum;
Adversa in medio occurrunt acie æquore bini,
Æraque pulsa sonant, fractisque hastilibus æther.
Hæc Paridi suadebat amor: sed gratius illud
Tempus erat, placidi cum cernere lumina vultus

Contigit, & longo præsentem adistere tractu.
 Hinc sacras solenne aras, ludosque frequenter
 Lætus adit, segnosque horas, atque otia vitat.
 Sæpius & lauta in multam convivia noctem
 Exhibuit, populoque hilares plaudente choreas.
 Sed quid agat? neque enim curas narrare latentes
 Est locus, & coram lacrimis orare salutem.
 Æstuat impatiens se nec succurrere votis
 Posse suis, nec quem Argivæ discernere gentis,
 Cui tantam fidens committeret advena molem.
 At Regina pari dudum confixa sagittâ
 Virus alit, sævitque nocens in corde venenum;
 Inque dies late serpit, crescuntque dolores.
 Dum jube in Teucro studium, assiduumque laborem
 Perdita, torque sui præconia sentit amantis:
 Jam quo plura haurit, majore incenditur æstu;
 Uritur, atque imis consumitur ægra medullis.
 Sed, postquam valido nequicquam obstare furori
 Nixa fuit, frustra iterumque iterumque repugnat;
 Victa diu tandem optatis laxavit habenas.
 Inter Tyndareas comites non ultima Thecle
 Tum fuit, arcanas Helene cui pandere curas
 Suerat, & a teneris semper convenerat annis.
 At nunc grata magis, Phrygio quod creta fuisset
 Sanguine: nam multas inter captiva puellas
 Veniit, Herculeæ quo tempore Pergama dudum
 Evertere manus, & Ledæ est tradita matri.
 Unam hanc posse videt curis afferre quietem
 Oëbalis: & rerum seriem, firmataque promens
 Vota animo, fusis lacrimis, linguaque trementi
 Orat opem supplex, & sæpe amplexa precatur.
 Illa graves dominæ ardentis miserata querelas
 Annuit, ac blandis adhibens solamina dictis
 Læta brevi sperare monet, remque ordine texit.
 Nec cœptum remorata, ducem mox callida Teucrum
 Convenit, & patriam, nomen, casusque retexens,
 Eloquitur molli quantum sit grata Læcenæ,
 Et quam fida diu, torque illi assueta per annos.

Quod

Quod si Tænariam nasci fortuna tulisset
 Invida, jam felix, cunctisque beatior esset.
 Verum dulcis amor patriæ, & natalis origo,
 Desertis etiam quæ rupibus afficit ortos,
 Arripit hanc sortem, nimiaque cupidine semper
 Ardentem impellit Phrygios agnoscere campos,
 Et patriis thus ferre Deis, sedesque parentum
 Visere, cognatoque & amico frædere junctos.
 Hoc igitur miseram tantum deposcere munus,
 Si quando Iliacas classem est ducturus ad oras,
 Se deferre velit: Reginæ accedere nutum
 Spem fore, quæ nunquam repulit majora petentem.
 Audit hæc hilari vultu Priamejus heros,
 Atque illam rarus Idæo sibi nomine fidam,
 Talibus alloquitur: Nulla hac mihi gratior unquam
 Nuntia, nec nostro venit magis apta dolori,
 Optatisque tuis: nam quod nunc Thecla petisti,
 Quis neget ignotus? sed enim me plura fatebor
 Debere, ac patriæ communis origine nexum. [ausim
 Multum hoc pondus habet, meque ipsum impellit, ut
 Ilicet arcanos soli tibi credere sensus.
 Magna sequor, sed quæ interdum docet usus obire.
 Nec te suspensam teneo, neque vera filebo:
 Insanis agitor curis, & proxima letho
 Vita labat, jamque in varios abitura recessus.
 Nec patet ulla salus pesti, quæ fors tibi dudum
 Cognita: nam tantum quis non præsenferit ignem?
 At cur jam moror effari? me Tyndaris urit,
 Exitiumque feret, nisi vestro munere vivam.
 Haud me, cara fugit, nutrix, nimis ardua posci,
 Et minus apta meæ, sed non indebita forti.
 Certa loquor, nec Theclæ unquam mentita referrem,
 Verum nunc minime fas est arcana Deorum
 Pandere consilia, & mentem; non id tamen unum
 Præteream: pacta debent mercede Lacænam
 Dii superi, speque hac fretus Lacedæmonis urbem
 Accessi, votumque sequar: nec me ardua terrent
 Cœpta, sed egregiæ victorem evadere pugnæ,

Decretumve mori, & solari hoc funere manes.
 Tu nunc una potes tristem hunc avertere casum,
 Et nobis curam, atque animum mollire puellæ.
 Sic p[er]stquam effatus, collaris Troada donis,
 Promissisque onerat: solata est illa labantem,
 Spem præstans dubiæ menti mandata referre.
 Nec placuit tunc ardenti simul omnia Teucro
 Prodere; & in duris quia major gratia rebus
 Debetur, sæpe ancipiti spe lusit amantem.
 Verum ubi nequicquam votum commune duorum,
 Seque inter variis signis, nutuque loquentes
 Dissimulare potest, curas jam detegit omnes;
 Itque, reditque frequens Thecle, quam nomen euntem
 Crebrius excusat Phrygium, & nunc dicta reportat
 Mollia, nunc longo defertur epistola textu
 De re pluta loquens, levibus modo plena querellis:
 Quandoque immodico designans gaudia lusu.
 Interdum proprio juvenum fabricata labore
 Dona libens, variisque notis inscripta ferebat.
 Sic igitur studiis ardent concordibus ambo;
 Mens eadem, ut tuto lati potiantur amore.
 Illicet Argolica pariter decedere terrâ.
 Interea motu vario Minœja proles
 Dissidet, antiquos Atrei dum plurimi census,
 Et multas partitur opes, litique supremum
 Impositura diem Crætæ edicit in urbe.
 Linq[ui]t & Euboicas Belides inclitus oras,
 Et Clymenes, Merionque potens, Dictysque vocantur,
 Minoisque alii, quacumque ex parte nepotes.
 Poscitur & conjux Helenes: at certus eundi
 Non videt infelix, qua res sub mole relinquit;
 Nec patriæ damnum, turbendamque Hellada sentit;
 Quodque adeo insanum est, formosam credere pulchro
 Oëbaliden Teucro nec tum discordia gentis
 Est animo, cladesque utraque ex parte sequutæ
 Jampridem: nec Thesæ est memor ante rapinæ.
 Fallitur Atreides: Paridemque affatur, inani
 Consilio repetens causas, subitique recessus

Commoda, ut optatæ studio conducere pacis
Id valeat, quod tot præclari nominis una
Convenient Reges, quibus hæc sint ardua curæ,
Et queiscum vario tractari examine possint;
Ipse modo ut maneat, rursusque iterumque precatur.
Annuit immoto is vultu vix pauca loquutus:
Et simulans visu curas, spem pectore celat.
Nec mora Tanario Regi, jamque ire parabat,
Cum falsos dantem gemitus, fistasque querelas
Uxorem alloquitur, lacrimantique oscula figens
Commendat Spartæ cives, populosque merentes,
Et parvam Hermionen: mandat super omnia curam
Hospitis Iliaci.
Inde abit Ægæum discindens remige pontum.
At non sollicitos fors hæc effugit amantes.
Jamque optata diu tandem venisse ruerunt
Tempora, nec labor est; concors sententia perstat
Ire viam cessitque dies; nihil amplius obstat,
Nil metuunt, postquam tutos discessus Atridæ
Reddidit invisi, nullaque ex parte requirunt
Officium Thecles: ineunt ipsi improba coram
Consilia, infamemque fugam, nec plura morantur.
Instruit Iliacam defueto remige classem
Dardanus; hinc Helene collectis ordine rebus
Dirum carpit iter, carique oblata pudoris
Tota abit in vetitum, furiisque Cupidinis ardet.
Nec natam, patriosque lares, aut impia famam
Curat, ut illicito vesana incumbat amori.
Nec minus ausa probant comites infanda sequutæ.
Tum læta ante alias Thecle, geminæque sorores
Sanguinis Atrei, famosi criminis ambæ
Participes. sociæque, cestro quas sævus eodem
Eximulabat Amor: Acamantem deperit Æthre,
Altera formoso Clymene est addicta Cremoni.
Talis, dum pelagi fultaret adultera fluctus;
Oblata est procul in magno vetus insula tractu
Dicta prius Cranaë, Sporadum intermixta latebris;
Quæ licet asperior, rarisque habitata colonis,

Nota tamen, clari quod nominis educat herbam
 Serpyllo similem foliis, ac cespice largo,
 Cui lenire cutim, & Venerem placare potestas,
 Atque mero infusæ lætos ostendere vultus.
 Hic classi requies, blandosque excerpit amoris
 Priamides fructus: cujus ne longa periret
 Fama boni, gratæ ponens monumenta quietis,
 Uno Helenes herbam, atque locum cognomine dicit,
 Instituitque sacris templum solenne Diones.
 Inde iter inceptum peragunt, & cæcula versant.
 Nullus tum liquido glomeratus in aëre nimbus,
 Nullus erat placido circumfluis æquore vortex,
 Et flatu Zephyri tendebant vela secundo,
 Ipse repugnantes Boreas tunc militior auras
 Pressit, Erichthææ repetens sua furta puellæ.
 Suscipit infaustum raptor Priameus omen;
 Atque Helenæ thalamos, & non inglorius ultam
 Conspicit Hesionen: sed enim contraria votis
 Scilicet humanis aliam Rhamnusia sortem
 Obtulit, & cæpto fecit desistere cursu.
 Nam telluris inops Dido, sed ditior auri,
 Pigmalioneas fugiens Sichæja fraudes,
 Affuit in medio Trojanis obvia ponto.
 Illa quidem patriis haud jure penatibus exul,
 Nec sibi ad auriferum sedes optaverat Hermum,
 Felicesque Arabas, aut fertilis horrea Nili,
 Vicinosque Asiæ campos: quin cauta petebat
 Italiam, mundique decus, nisi fata repugnent.
 Verum alio infelix agitata furentibus Austris
 Inclinarat iter Græcorum ad littora versus.
 Quæ procul ut vasto conspexit in æquore Teucros
 Objectas inferre rates, jam gnara malorum,
 Et graviora timens (neque enim metuisse cavendo
 Adversa indignum est) classem subsistere jussit.
 Interea solido direxerat ordine proras,
 Et pila, & contos, & ferrea vincla trabesque
 Struxerat, harpagonasque, informiaque armamenta,
 Quum prior aurafum Phœnissa aplustre virago

Impellens Tyrios dictis accendit & ausu
 Egregio, suaderque ulcisci conjugis umbras.
 Nec secus Hectorides Cretenses tendere contra,
 Cappadoesive ratus piratas, quive Pelasgum
 Sæpius incurfant Cilicum navalibus æquor,
 Multijuges statuit porrecta in cornua pinus,
 Implicuitque leves stabili compage carinas.
 Hinc tribulos, plumbumq; picemq; , & sulphur, & ignes.
 Telaque terrificique parat tormenta fragoris.
 Præterea Aneam mittit, qui verberare crebro
 Undam agitans prima exploret discrimina Martis,
 Jamque ille haud procul intrepidam properabat Elisam
 Sævior, & pugnâ explessent præcoce furores:
 Nec Carthago olim, vel fors nunc Roma maneret.
 Quum Sol hesperiiis condens in fluctibus orbem,
 Noxque incerta animis ardentibus intercessit.
 Inde fatigatis repetentes agmina tonsis
 Lassatos curare artus, & ubique locantes
 Excubias atris speculari infida tenebris.
 Tempus erat quo cuncta suis animalia curis
 Solvit primus amor somni, quum Cynthia nobis
 Imminet, adversoque micat sub cardine Titan.
 Tum Regina sago recubans Sidonia vili,
 Ambiguum fero captarat lassâ quietem.
 Ecce viri remeans a sedibus umbra beatis
 Tales visa pio est effundere murmure voces:
 Ille ego sum, Dido, cui maxima conjugis olim
 Cura fuit, dum felices simul egimus annos.
 At postquam infandâ dissoluit cæde hymenæos
 Frater, & infernas solum detrusit ad umbras;
 Sollicito manes, & nunc Ducis ante tribunal
 Tartarei, assiduosque Hecaræ simul edere questus
 Non moror, eventu ut cedant tibi vota secundo.
 Ipsa maritali lustrasti funus honore
 Corporis effossi, & celasti marmore bustum.
 Hinc ego (sunt justis sua præmia) vere potitus
 Perpetuo, patriæque adsum felicitis alumnus.
 Ergo meas animi penetralibus accipe voces,

Quæ

Quæ feri observent utinam mandata nepotes.
 Desere fatales pugnas, infausta que semper
 Bella sequi, nec sic nostros ulciscere casus.
 Nam neque Pygmalion, quam cernis in æquore classem,
 Ducit; & hostiles dux non ostenderet iras,
 Ni prior audaci tentasses prælia remo.
 At fuge Tyrriænos dulcis Sichæia campos,
 Diverſoque aliam sortire sub æthere sedem;
 Quod simul ac profugæ fatalia mœnia genti
 Fixeris, hæc precibus veniet sors prospera nostris.
 Arduus extremos ubi Gallia tangit Iberos,
 Surgit apex; latere in pelagus qui tendit utroque,
 Forte Pyrenæum dicent, nam monte frequentes
 Lucos Silvicolæ Pastores igne cremabunt,
 Inde fluens calidis argentea bractea venis
 Occlusum ostendet locupleti in rupe metallum,
 Quo claram Tyrii patriam, sceptrumque parabunt
 Immenſum. quid enim mortale potentius auro?
 Dixit, & intentam monitis excussit amantem.
 Paruit illa viri dictis, demissa que tendi
 Vela jubens, tandem variis agitata procellis
 Condidit in Lybico venalem littore Byrsam.
 Interea trepidæ metuens Sichæus Elisa,
 Ne rapido instarent fugientibus agmine Troës:
 Invocat Elyſſos manes, Herebumque potentem,
 Et mox Iliacas miro ciet impete naves.
 Jamque illæ ut steterant, cursu vertuntur in Eurum:
 Vixque fide dignum est, pinus abiisse natantes
 Ocyus, Eo quam stridula cuspis ab arcu
 Evolat, aut quam avidus prædam quum despicit ales.
 Segnius & celeri simulat descendere lapsu
 Sidus, & excussum demittitur æthere fulmen:
 Tum quoque flaminibus nullis, sed concita motu
 Vela tument, mugit clavus, stridentque rudentes.
 Scilicet obstupere omnes, hebetesque sopore
 Prærepto, proras crebro & percurrere puppes.
 At quid agant? nec enim sisti tunc arte, nec ulla
 Vi potuere rates; auget nox alta timorem,

Mensque memor sceleris : jam solo id numine Divum
Evenisse putant : sed iniquum in crimine Regis
Imperium excusant, superosque frequentibus ergo
Sollicitant timidi votis : at Dardanus astrum
Suspiciens Veneris, tacito vix murmure, cœli
Implorare fidem, & Divæ promissa recensens,
Ejus se nutu impulsus, jussisque suusum,
Nec falli fas esse Deis auctoribus ullum.
Tum matutino Phrygiis apparuit ortu
Lucifer, & dubio firmavit lumine cursum :
Jamque novam pallens lucem ostendebat Apollo,
Purgabatque udas tetra caligine terras ;
Quum procul apparet turris, tabulataque nautas
Summa monent pelagi vitare pericula falsi.
Hanc fertur cello sic vertice Sostratus olim
Erexisse super scopulum, ne tanta pateret
Externis jactura viris, nam cautibus æquor
Difficile ignaros reflexis falleret undis.
Protinus exultant Teucri, terramque requirunt .
At vada perlustrans clavumque & dirigit axem
Puppe sedens alrâ rector, nautisque superbe
Intonat, & magno torquet terrore flagellum .
Sicque diu refluus lassato remige tandem
Fluctibus, optato consistunt littore Troës .
Hic extrema duos tellus Ægyptia colles
Proiicit in pelagus, per quos Pharus insula tractu
Clauditur oblongo, geminosque ad cornua portus
Efficit ; Eoos Acrolochias aspicit ortus,
Hesperias alter Eunostus vergit in oras .
Quo postquam egressa est totis Priameja castris
Turba, Deis reduces instruxit Dardanus aras .
Ipse coronatis Helenâ comitante capillis
Prima Salutari solvebat vota Dianæ .
Proteus interea Neptuni sede relicta,
Cæruleique gregis studio, de more vetusto
Gaudentes populos, gratamque inviserat urbem,
Atque graves abigens curas, magno agmine campos
Circumierat, trepidamque sagaci indagine prædam

Immanesque feras multo sudore premebat.
At postquam occiduos procul inspexere recessus
Solis equi, celerès declivi tramite currum
Pone trahunt, notasque diu sitientia in undas
Labra, & spumantes properant immergere rictus.
Tum quoque defessis gratæ indulgere quieti
Tempus adest Phariis, reflexaque cornua buccis
Aptant, & tumidis, quanta est vis, faucibus efflant.
Ilicet emissis reboant clangoribus antra.
Prataque cum sylvis, & densior arbore lucus.
Inde canes variis strepitum latratibus augent
Æthera scindentes, & quo paulo ante solutis
Gaudia testati vinclis, dum sanguine pasci,
Et simul hostiles sperant evertere fœtus,
Nunc simili [sua cura feris] clamore queruntur,
Impastique dolent, & multi ad claustra reduci.
Nec mora conveniunt trepidi, aptaturque paratis
Copula, nectunturque suis sua vincula millis.
Illi autem æternâ contenti pace revertunt:
Nam neque sollicito sulcantes remige pontum
Infestasque artes, atque impia bella perosi,
Ocia securo vitate inimica labore
Inde sitim valido extinguunt sudore receptam,
Et placidam assiduo carpunt sudore quietem.
Qui læti curas remonent sudore diurnas.
Jamque propinquabant primi, præmissaque longo
Ordine prodiderat venientem pompa Tyrannum;
Cum Teucer prædæ metuens, postquam omnia cautis,
Disposuit signis, tum primum occurrere Regi
Censuit, assuetumque Ægypti doctus honorem
Ad genua injunctis manibus, sic Protea supplex
Affatur. Si magna tibi vis cognita dudum
Fortunæ, & pelagi, cunctisque exinde timendum est:
Æquum erit, ut nostros foveas Rex optime casus.
Troja mihi natale solum, Priamusque superbæ
Rex Asiæ pater est, & quæ tulit Hectora mater.
Ille quidem (ut semper genitorem gloria nati
Excitat & virtus sit clarior omnis agendo)

Ne mea si qua subest, ævo torperet inerti
Insita vis animi; classem, sociosque paravit.
Et primum ad veteres iussit dare vela Mycenæ,
Si qua hostes possent induci ad fœdera Graii.
Jamque ego tractarâ, sed frustra, pace redibam,
Atque omnes pelagi catus superasse videbar:
At vetuit, votumque diu fors vana fefellit.
Namque per Ægæos classis contraria stuctus
Obstitit, & cœpto fecit desistere cursu.
Nox erat, & prima sperabam prælia luce,
Quum vis mira freri, seu vis fuit illa Deorum.
Compulit insolita nox tantum errare procellâ.
Et quoniam magis esse solet suspecta latentis
Causa fugæ [caput hoc testor superosque minaces]
Hæc nos haud vestris pacata ad littora damnis,
Nec venisse dolo; sed vi pelagoque coactos.
Tu profugos admitte precor, si præmia tanti
Officii exspectas, aut te clementia summo
Sceptro digna movet, vel priscae stirpis origo:
Namque Phryges hominum fama est vixisse priores,
Unde trahit sobolem Memphis cognata secundam.
Hæc licet audierit commoto pectore Proteus,
Ambages Paridis fictas, & crimina noscens,
At sic pauca refert: Prognate e sanguine gentis
Laomedontææ, nec tempus plurima fandi est,
Nec locus; at requies captanda, & quæ hospita cunctis
Aula patet, nullosque arcere penatibus unquam
Sueta, pio vos hospitio laribusque benignis
Suscipit una omnes: mecum succedite tectis;
Hic tuta est statio: dabitur lux altera nostris
Colloquiis, longoque mihi sermone terenda.
Hisque simul Phariam Teucris comitantibus urbem
Ingreditur, simul & Trojanæ plurima classi
Ferri dona jubet, nivæ funalia ceræ,
Et fructum Cereris genialem, & munera Bacchi,
Arboreos etiam fœtus, tum pinguis septem
Viscera taurorum: verubus pars assa rotatis,
Pars infrixa adipe, atque undanti elixa lcbete.

Sic igitur, quique in tectis, ratibusque morantur,
 Dardanidæ penitus gaudent, pelagique labores
 Convictu, ac vino pendunt, & corpora curant.
 At non Iliacus curis absolvitur heros,
 Sed placidos lusus, elapsaque gaudia dudum
 Irrequietus amor tristi formidine pensat:
 Cuncta timet, scelerique memor, pulchræque rapinæ,
 Et simul ambiguum pectus, suspectaque Protei
 Verba putans, odit læto convivio plausu,
 Insomnemque agitat noctem mens conscia noxæ,
 Innumeros animo curarum suscitât æstus.
 Et jam si qua foret digressus copia, primum
 Pergat iter, solusque Helenâ comitante recedat.
 Verum incerta fugæ ratio est, & mœnibus urbis
 Clauditur, & gyris ingentibus Amphitrites.

LIBER TERTIUS.

Interea miseris lucem mortalibus almam
 Protulit e roseo conjux Tithonia curru.
 Hinc surgit jubare exorto Priameja pubes
 Stripatura Ducem, cumque imo in limite cœli
 Lustraret radiis magis alta cacumina Phœbus,
 Ad Regem simul accedunt, tum sacra parabat
 Ille Jovi summo, & Paridem in penetrâle vocari,
 Arcanumque adytum mandarât, eoque Cremonem,
 Atque Anchisiaden, magnoque Antenore natum,
 Nulla mora est: animis pariter nutantibus aras
 Secretas adeunt, & raro inspecta profanis
 Antra viris: aderat mediâ pius æde Sacerdos
 Inflexis genibus, rectoque sedilibus altis
 Pectore inhærebat spectans orientia Solis.
 Proxima fumanti redolent altaria thure,
 Luminibusque micant, variisque affixa figuris
 Signa super, tabulæque & certa volumina vatum.
 Ipse ergo, Iliacis templum subeuntibus, ullo
 Non motus nutu, sed longo murmure dudum
 Numen adorabat, votisque ardentibus omnes

Corporis affecti curas, & pondera molis
 Terrenæ excutiens, paulatim ad sidera puram
 Mentem extollebat, superosque solutus adibat.
 Ecce autem subito aspectu pallefcere visus,
 Sanguis abit, nullæ apparent in corpore vires,
 Nec venas, artusve, aut pulsat spiritus auras,
 Intentisque oculis, & parte immobilis omni
 Hæret, ut exanimum corpus, gelidumque cadaver,
 Aut opus, egregio quod tandem marmore sinxit.
 Docta manus, tota penitus compagine vivum
 Assimulans, cui sola animæ vis deficit alma.
 Verum ubi jamdudum monstrum hoc mirabile Protei
 Attonitis juvenes animis stupuere, vicissim
 Ambigui sese aspectant, nec panditur ulli,
 Quid speret metuatve; adeo tùm visa repente
 Lux illi emicuisse oculis, torpensque moveri:
 Non secus ac longo e somno atque e nocte profundâ
 Qui primum excitus, subiit vitalis ab omni
 Parte vigor, solitoque intingitur ora colore.
 Mox ubi cunctatus paulum sese ipse recepit,
 Hæc folio incumbens divino est ore locutus,
 Dardanii heroës, quæ vestros plurima sensus
 Relligio, mixtaque premat formidine cura,
 Cernere conspicuum est: quando hæc miranda Deorum
 Atque ignota prius licuit tam clara tueri:
 Sed, postquam farum alterius, Numenque coëgit
 Cœptum relinquere iter, vosque has accedere terras,
 Plura manent: quod frustra alii multa arte requirunt.
 Vobis sponte datur sæclis patranda futuris
 Noscere, sic placitum æterno quandoque Tonanti,
 Ut late pateat cœlestis gloria doni.
 Ille igitur sola mundum qui mente gubernat,
 Egregius scelerum vindex, prudensque bonorum
 Largitor, callere dedit mihi munere raro
 Præterita, & quæ nunc instant, casusque futuros.
 Haud satis idem etiam incolumes mihi protulit annos
 Expertes penitus necis, & mirabile corpus
 Concessit varios ultro aptum inducere vultus,

Et volucrum ac pecudum formas, undisque natantum,
 Rerumque omnigenas facies diversaque monstra.
 Nec minor inde fuit Neptuni gratia, curam
 Qui gregis æquorei cessit, pelagique potentem
 Esse Deum, tribuitque coli solennibus aris.
 Nec tua Priamide, dudum me præda fefellit,
 Mendacesque doli, nec quæ te pœna maneret;
 Cujus summa manus socios in crimen adegit.
 At nolunt hoc fata Deumque immobilis ordo
 Plectere nunc facinus, quod non impune relinquent
 Namque ultrix Superûm lente sese admovet ira,
 Subsistensque diu tolerat scelerata nocentum
 Vota, queant ut jam putres abstergere labes.
 At, si quem averti a noxis spes nulla supersit,
 Protinus effusas vindictæ laxat habenas:
 Conpensatque severa moras graviore flagello:
 Sed quæ justa Deis ira est? quando omnia nutu
 Ipsorum eveniunt, quodque est super æthera scitum,
 Evitare nefas: aut quæ tum pœna coactos
 Æqua manet, cum fata trahunt? Venus imminet Idæ,
 Insanosque animis obliqua enutrit amores.
 Inde autem infames Latonæ nata Mycenæ
 Obducto inspicit radio, bellumque minatur
 Efferus Armipotens, Senior cui falce recurvâ
 Jungitur, ardentes protendunt sidera cristas,
 Et medius placido connivet Juppiter astro.
 Cui vis ergo fuit cœlestes fallere motus?
 At pater omnipotens proprium dedit omnibus ultro
 Arbitrium, prava ut rectis præferre liceret,
 Et quamvis summi nutu genitoris agantur
 Cuncta, nec invito fieri quid Numine possit;
 Haud tamen arctamur. sed libertate perenni
 Humano assiduas versamus pectore curas,
 Mox placitum sponte eligimus, sequimurque volentes.
 Cumquæ superna aliquid portendunt signa futurum,
 Id Deus e summo præsens adspectat Olympo,
 Terrisque ante diem demonstrat imagine cœli.
 Sic igitur scelere indigno succensa per orbem

Late odia, & bellis ardentes undique terras
 Conspicio, hinc longo tandem post tempore regni
 Excidium Phrygii, Priamumque extrema ferentem,
 Cunctorumque fere natorum funera; nec te
 Gaudentem rapto infelix vis ulla juvabit.
 Mox etiam intueor palantes omnibus undis
 Reliquias Tróum, & diverso in littore fusas.
 Hæu sortem humanæ gentis ratione carentem,
 Quæ cum dura venit, numquam uno vulnere lædens.
 Damna frequens parat, & vix lapsa sequentibus urget,
 At contra si lenis adest, nova gaudia semper
 Felici accumulat, donisque recentibus auget.
 Haud aliter postquam adversis exercita votis
 Jam Fortuna dæu fuerit, deponet acerba
 Sponte odia, & quantum fundo depresserat imo,
 Tantum sublimi feret altam in vertice gentem.
 Vos juvenes palma hæc spectat, vos tanta manebit
 Spes, olim Italico quæ tantum accedet honori.
 Et te nate Dea, primum qui classe procellis
 Jactata innumeris venies, ubi Tibris in æquor
 Influit, atque armis hic parva conjuge sedem
 Constitues, ponet mutandam filius urbem
 Sylvius, hinc Gemini demum Mavortia proles
 Albanas linquent arces, & mœnia Romæ
 Romulus Æneades occiso fratre locabit.
 Hic igitur miranda loci primordia, sceptrum
 Orbis ubi stabitque caput: namque æmula virtus
 Ingentes humili eventus prædicet in ortu.
 Dumque libens recolo, quæ pace, & plurima bello
 Roma geret, totque heroum, tot clara virorum
 Pectora: mens hæret potiusque ardentia cœlo
 Lumina, & Oceani fundo numeremus arenas;
 Id loquar, Ænea, gentem nulla afferet ætas
 Postera, quæ major, populove æquanda Quiritum,
 Nec quem orbis reliqui clades, moveantve rapinæ.
 Quandoquidem regnum omne ingens, summiq; potestas
 Imperii ferro violenta exordia semper
 Aut capere dolis; sed longo tempore demum

Consensum præstant populi, assuetisque volentes
Subiiciunt se deinde jugis, tum jure creare
Legitimo Reges censent, rerumque potentes.
O fortuna hominum, & vitæ mortalis iniqua
Conditio, humanæque vices, quæ cuncta rotatu
Volvitis assiduo, solitoque errore perennem
Lætitiam exosæ supremâ in parte locatos
Ad sedes fato urgenti detruditis imas.
Quæ tot jura dabit populis, totque urbibus ingens
Imponet regnisque jugum, mox subdet eisdem
Cervicem misera, atque vicem collapsa rependet.
Sed tamen egregium est felici fidere nasci,
Et condi ominibus lætis: en Roma futuris
Tot devota malis, summum haud deponet honorem;
Primam etenim veræ sedem pietatis adepta
Pontificum titulo formidandisque tiaris
Major erit, miroque hic propagabitur auctu
Relligio, quæ dehinc variis agitata procellis
Ambitione patrum, & serpentibus undique luxu
Immodico errorum sectis, tandem ultima victrix
Ad mores renovata pios in sæcula tendet.
Ergo illis felix ævum, divinaque large
Dona ferent Superi, quos tanti muneris olim
Auctores dederint: at vestri hic seminis unus,
O focii, Divûm celsâ illâ in sede locandus
Occurrit, columen sacri qui nominis ardens
Proteget, insignis fama, reque amplior ipsâ;
Tum specie, atque animo, & præstans virtute, piorum
Anceps Concilium, & studia in contraria versum
Componens, sataget rebus succurrere lapsis.
Verum ego cur mœrens, bilique accensus amarâ
Prætereo, quæ dira sacros sententia patres
Impellet duram Hesperiiis indicere legem;
Ut Capitolinos posthac Germania Reges
Ad septem procerum nutum legat, unde tot annos
Urbesque & populi, leges, fascesque requirant.
Quod si amplo, varioque situ, si mole vitorum,
Et numero, atque opibus terras superambiat omnes:

Sat fuerit si in conventu suffragia tanto
 Æqua ferat, summolve aliis sociarit honores.
 Sed, quoniam fuerat monitis fatalibus ante
 Decretum Augustæ culmen ditionis ab ortu
 Ad Solem occiduum cursu deferre perenni;
 Sors quoque ad extremos hæc demum tendet Iberos.
 Namque ipsis dabit externo de stemmate Regem,
 Quem summo ornatum sceptrum tam læta fovebit,
 Quantum aliquem Æneadum, rerumque ad sidera tollet
 Gestarum fama, & domitorum gloria Regum
 Verum etiam ille suos manes patietur, & isdem
 Temporibus Deus orbem alium, penitusque repostas,
 Atque diu ignotas, alioque sub axe jacentes
 Ostendet nostris terras, quarum undique gentes
 Mirentur novitatem, alias speciesque, habitusque,
 Naturasque hominum, cœlique, solique, marisque.
 Montibus hic, fluviisque auri, argentique redundans
 Copia: tum certo fiet manifesta periclo
 Antipodum via, sed magnus dum cetera vates
 Prosequitur, casu incertum est nutune Deorum
 Ecce Anchisiadæ subitus sopor occupat artus,
 Excelsusque thoro sensu languente cadit vir.
 Pectora tum comitum casu tremefacta repenti.
 Verum ipse ut spatium nactus paulisper anhelis
 Flatibus, atque gravi dehinc murmure respiravit:
 Sic iterum: o juvenes, ultra quid fata reposcant
 Æneam nunc scire nefas: nec pauca supersunt.
 At non cuncta uni Superum prudentia defert.
 Vos etiam præclarus honor, stirpsque alta sequetur:
 Utque ambos nunc exagitat par cura suorum,
 Sic pariter sævi ereptos discrimine belli
 Eventus varii, fallacesque æquoris æstus
 Extremo tandem Adriaci maris aggere sistent.
 Hic partitus opem, gentesque, & sacra Cremonæ,
 Invitum fesso cum patre Acamanta relinques,
 Et sedem inde aliam fato ducente requirens
 Idæo Eridani penetrabis in ostia remo.
 Sed postquam adverso ductaris gurgite pinus,

Attigerisque diu medium vix fluminis alveum,
 Qua procul uberibus pandet se Insubria campis:
 Ecce novum dictuque ingens, at numine Divum
 Iliacas puppes rapidæ alti verticis undæ
 Impellent, dextroque insigent lirtore proras,
 Nec studio, aut poterunt divelli hinc viribus ullis.
 Tum manifesta aderunt iterum præfagia Teucris.
 Namque agro visa explorans delubra propinquo.
 Fatalem Jani invenies & conjugis aram.
 Ille quidem spector bellorum, & pacis amator
 Ostendet sedem hanc profugis, requiemque paratam
 Quæ tu monstra sequens, atque aura affatus Olympi
 Hic muros statues, quos instar navis in orbem
 Signabis, malique loco prisca æde relicta
 Annua decernes Jano cum conjuge gratus
 Sacra, tuique addes fulgorem nominis urbi.
 At validis posthac Aneja Roma colonis
 Præsidium imperio hic statuet, quo tutius hostis
 Barbarici evitent damna, insanosque tumultus.
 Sevitiæ prius ipsa tamen passura suorum,
 Quam belli cladem externi, feliciter ævum
 Mox ducet, fatoque diu meliore fruetur.
 Quandoquidem templis domibusque extructa superbis,
 Ingeniis armisque vicens atque ubere campi,
 Italicas inter celsum caput efferet urbes.
 Quod si omnes rerum eventus, & gesta referrem,
 Nec mihi multa dies, nec vox, aut lingua loquenti
 Sufficerent: immenso igitur quamplurima saltu
 Transiliens, longo post tempore gesta filebo:
 Donec viperei fato inclinante manipuli
 Exurget juvenis, cœlo quem Sfortia gignet
 Flaminio, Italicis præclarus Sfortia bellis.
 Huic natam Rex Insubrum, solamque parenti
 Progeniem thalamo junget, dignisque hymenæis.
 Et vestram titulis cedet dotalibus urbem.
 Ipse diu Ausoniæ signis victricibus oras
 Percurrens, postquam socerum suprema cadentem
 Fata petent, invictus animo, validisque Cremonæ

Præfidiis summa audebit, tum stemmata, resque
 Conjugis accipiens, Insubrum regna tenebit
 Felix, constituetque optatæ fœdera pacis.
 Hujus ego egregias animoque, & corpore dotes
 Quum repeto, ac gratum linguæque orisque decorem,
 Tum pectus pugna intrepidum, præsentia nec non
 Consilia, & bello fortunam, atque inclita facta;
 Præteritis vix major erit, sæclisque futuris:
 Hinc nimio ut luxu pariter galeæ aptus & armis
 Natus sceptrâ reget: sed, postquam interrita magnis
 Ipsum ausis celebres manus obtruncarit ad aras,
 Filius imprudens regni juvenilibus annis
 Succedet, solo genitorem nomine reddens.
 Ecce autem tristi patruus rumore sequetur,
 Quem rerum præstantem usu, gravibusque tumentem
 Consiliis, longum Hesperius mirabitur orbis.
 Sed quam vanæ hominum curæ, nimiumque procaces
 Fortunæ lusus! nam majus ut horrida robur
 Ostendet, cæpta evertit malefida potentum.
 Ille igitur Celtarum armis claustra ardua pandens,
 Italicam abruptet non tali mente quietem.
 Namque aliis bellum intexens horrenda parabit
 Fata sibi, & Latio miserandæ exordia pestis.
 Aurea tum latè florebut lilia, donec
 Alter avi referens præclarum Sfortia nomen,
 Externo auxilio, civilique agmine, & omnis
 Assensu Ausoniæ, sedes intrabit avitas.
 Sed gravis hic labor, & valido tentatus ab hoste
 Sæpius, evertet bello tria castra trienni.
 Tresque duces, qui tot casus, & funera, totque
 Experti clades, Ticini ad mœnia tandem
 Spectabunt Regem illum animo membrisque opibusque
 Ingentem, captivum adversæ haud cedere sorti.
 Ergo idem Hispanas primum ducetur ad oras.
 Cæsarei at procures hunc magni criminis ante
 Delatum, regno erepto vixque arce receptum
 Et vallis, & fossâ, & milite circumfident.
 Quæ non damna feret, quæ non miseranda videbit

Hic ipse, atque graves infesto ex hoste ruinas?
 Nec tantum id fileam; quamquam omnes debilis artus
 Morbo acri, & rebus modicis, speque ausus inani;
 Haud tamen ante loco cedit, quam tristis egestas
 Extrema, & fame defectum penuria coget.
 Jamque anceps feror, an miseram fors improba sedem
 Sfortiaco heroi, aut felicem læta pararit:
 Quando ipsum exitio populorum, omnisque tumultu,
 Europæ, ac patriæ damnis rerum omnium egentem
 Excierit, totoque hærentem corpore, & ægrum.
 Verum parte alia adspirans tot ubique periclis
 Elapsumque malis, contra tot tela, tot hostes
 Proteget, & certo pacabit fœdere regnum.
 Scilicet hæc superis primum laus inde Cremonæ
 Debita erit: nam, quæ sceptri primordia figet
 Sfortiacci, feret auxilium plerumque cadenti.
 Quin hic filii alid, genio impellente recludam.
 Quamquam etenim sacra Romani in classe senatus
 Optari dabitur cunctis, nullamque galero
 Purpureo gentem excludet; longum tamen una
 Urbs tua tot decorata bonis, tot dotibus omne
 Promeritura decus tam clari muneris expers,
 Et caritura diu est; donec pia numina sortem
 Mutabunt, varioque astrorum lumine fructus
 Trunca novos arbor valido dabit incremento.
 Hæc effatus erat Proteus; & plura tenebat
 Promenda: at longo factorum examine fessus
 Substitit: illi autem festini ad littora tendunt,
 Pertæsiq; iter, & peregrinæ incommoda terræ,
 In patriam reditum exoptant, finemque laborum.



F A B I I S F O R T I Æ
F O R O J U L I E N S I S .

Contra Selimum .

Per mare dum pedibus , per summa cacumina remis ,
 Insuetas Xerxes audet inire vias ;
 Confusas leges , fastusque exosa superbos
 Fortuna insanum perfida rupit iter .
 Quique olim fuerat Neptuno vincla minatus ,
 Pensavit vili post sua facta fuga :
 Sic tu sæve Selin , dum spe tecum omnia vincis ,
 Adversoque audes bella movere Deo :
 Et Venetum contra cupis adventare Leonem ,
 Et sanctas fidei dilacerare comas :
 Vinceris ut caussa , pariter sic vinceris armis :
 Sic etiam posthac semper inermis eris .
 Quodque Cypro damni dederas , tibi fœnore magno
 Id Leo in Joniis reddidit ultus aquis .

Ismarium exiguo periturum tempore monstrum
 Dixerunt vates , credite , vera canunt .
 Namque animal lethale vomens e pectore virus
 Mortifero immites quod necat ore feras ,
 Hoc insigne Pater , claris fatale triumphis
 Maximus a Decimo Tertius omen habet .
 Scilicet hæc nobis dant signum insignia : serpens
 Barbarus aspectum procidet ante tuum .
 Auguror hoc tibi summe Parens , nam clara sereno
 Fulserunt cœlo sidera : victor eris .



BAPTISTA SICULUS



In Auctoris Persona, ad Lectorem.

Ingenium superasset opus nunc Dædale; si me
 Legisses, validis volitare per aëra pennis
 Vidisses reneri trepidantia brachia nati,
 Et posset Siculus totum quâ verteret orbem.
 Inventâ gaudere basi, curaque solutus.
 Si quis Hyperboreos ardet discindere montes
 Æmulus assiduo superet Babylona labore,
 Condat & excelso pendentia culmina Olympo.
 Velificatus Athos narratur, jungere terras
 Pontibus humana instruxit sollertia, sed te
 Non minus ista juvent volumus, quam pagina signat.
 Nostra oppugnabit munitos machina muros
 Cautius, hac poterit sese hostis ab hoste tueri,
 Terrigenisque minus nocuissent tela Tonantis,
 Frustra & Trinacrii sudassent brachia fabri;
 Enceladus siculâ nec jam premeretur arena.
 Quo privata domus, quo Regia tecta struantur
 Ordine, quo loca sacra Deum ornes, quove profana,
 Certus eris, quo rura colas, quam fertilis illinc
 Surgat ager, læta ut capiant vix horrea messes.
 Inde operum vitia emendes; qua regula, quemve
 Quisque modum rebus tandem proponat agendis.
 Accedit post hæc Romanæ gratia linguæ;
 Si te forte juvat nulla pallefcere culpa
 Eloquii, eloquium hic est, quodque imiteris habebis,
 Et quæ nulla tibi veterum monumenta dedere

Hic

Hic nosces, lecture, meas si volvere chartas
 Non pigeat, oculisque tenax si incumbere avaris
 Dediscas, largas si bibliopola sonanti
 Impleat ære manus, nostros legisse labores
 Non te pœniteat, celeri quos callidus arte
 Impressor doctæ perstrinxit robore dextræ


MICHAELIS SILVII



Ad Titianum pictorem.


A Te uno pingi voluit Titiane Diegus,
 Pictores unum quem probat ante alios.
 Qui sibi tam similem facis hunc, ut dimidiatum
 Se credat: magnum hoc: efficis arte tamen.
 At contra suaves mores, & pectus, & illud
 Tam cultum ingenuis artibus ingenium
 Formari a se uno voluit Titiane Diegus:
 Quanto est hoc quam illud rectius, & melius?
 Qui pingenda tibi quæ sunt moritura reliquit,
 Formanda assumit non moritura sibi.





BAPTISTÆ SPAGNOLI

MANTUANI.



Ad D. Falconem Protonotarium.

Sunt propria, sunt qui niteant virtute parentum:
 Falco, tuam radiat splendor uterque domum.
 Sed tuus est major: nam quidquid laudis in omnes
 Sparsit avos virtus prodiga solus habes.

In eundem.

Si te tristis adit quisquam, cur lætior exit?
 Falco, tuum Charites concomitantur iter,

Eidem.

Cur male custodit tua janitor atria, Falco?
 Quod scit in occulta turpe domo esse nihil.

Ad eundem.

Cur tibi tam levis est, cur tam jucunda senectus?
 Libera quod vitiis tota juventa fuit.

Ad Franciscum Gonzagam Pr. Mant.

Dant sua Romanis victæ cognomina gentes,
 Et jam patratum testificantur opus.
 At nondum victi dederant tibi nomina Franci:
 Hæc tibi venturæ nuntia laudis erant.

In-

Infans a lupo invasus.

Fert lupo infantem prensa cervice: pater se
 Propriens nati pendula crura tenet.
 Dum rapit, inde fames, pietasque ardentius istinc,
 Heu, tulit hæc truncum corpus, at illa caput.

In Pamphilum Saxum.

Pamphilus & Saxum duo sunt contraria in iisdem
 Nominibus: saxum friget; amor, calor est.
 Sed tamen ignescit saxum, atque tenacius ignem
 Servat, at & cœlo saxa pluisse ferunt.
 Pamphilus est igitur saxum, quod ab æthere venit
 Igne calens, quo Sol, quo Venus alma calet.

In Codrum.

Ilias in genibus; spumat manus una lebetem;
 Una veru versat, tres obit iste viros.

De Falcone.

Cum Deus extructo terras inviseret orbe,
 Cunctaque de veteri cerneret orta chaos:
 Natura ex utero traxit duo pignora, quorum
 Nutibus humane dividerentur opes
 Virtutem Sortemque vocant: temeraria Sorti
 Frons fuit; at Virtus casta, modesta, proba.
 Mentis inops, orbamque ferens Sors lumine frontem;
 Iustitiam nescit, consilioque caret.
 At virtus gravis, æqua, sagax, innoxia, verax:
 Pondera, mensuras corrigit & numeros.
 Quod jubet utilitas, Virtus, quod poscit honestas
 Præstat; inaudita nil ratione facit.
 Sors autem quidquid præceps sine lege libido
 Suggestit; instabili datque, adimitque manu.

Ipsa

Ipsa sibi fatis est; ipsa est sibi præmia Virtus:

Sors est, præter opes, & sine honore nihil.

Has sibi, quod nemo potuit sine Numine, tandem
Evaluit Falco conciliare duas.

Nec mirum: quoniam quisquis veneratur Olympum,
Ipse sibi cælos subiicit, ipse Deum.

Cur posthabeantur boni.

Sponte malos homines, & noxia gramina nutrit:

At melius semen ferre recusat humus

Mitior est propriis, alienaque pignora semper

Tractat inhumana dura noverca manu.

Vir bonus est cæli, malus est telluris alumnu:

Quos igitur cælum diligit, odit humus.

De Virtute.

Plurima Virtuti laus hic: at præmia nulla.

Nam Deus illius præmia solus habet.

De eadem.

Eximie claros cur ad Virtutis honores,

Ex humili plures vidimus ire loco?

Pauperibus Virtus quia sit sine dote maritis

Nubit: habet grandes Sors opulenta viros.

Ad Falconem.

Innumeros Phoenix, & Phœbi nuncius annos

Vivit; Hamadryades tempora longa Deæ:

Sæcula tot cervus, tot vivit sæcula cornix:

Ast hominum paucis vita diebus abit.

Recte igitur, Falco, major tibi cura dierum

Quam sit opum: redit æs; non redit ulla dies.

De Natura Amoris.

Omnipotens jaculis, metuendus & igne Cupido,
 Qui sibi mortales subiicit atque Deos.
 Audentes animos amat, & sublimia corda
 Gaudet ad eximium sollicitare decus.
 Ignipotens ideo, quia amat ardere medullas,
 Pectoraque excusso fert animosa metu:
 Aliger est, quoniam terris petit alta relictis;
 Et secat excelsas, difficilesque vias.
 Ambulat armatus; quia diligit arma, virumque,
 Qui gerit audaci bella superba manu.
 Legimus Alcidae curas & Achillis amores,
 Oënidæ ardores, Tantalidæque dolos.
 Adspice Leandrum cumidos contemnere fluctus,
 Et dare ventosis pensile corpus aquis
 Perseus audaci veniens per inane volatu,
 Æquoream valido sustulit ense feram.
 Et Paris invasit fausto Lacedæmona raptu:
 Unus amans tanta fortior urbe fuit.
 Multa potest, fateor, Virtus, Rhamusia multa.
 Sed tamen in nobis prædominatur Amor.
 Quando amor in mentes cælo delabitur altas,
 Protinus heroas, semideosque facit.
 Hi sunt, qui factis celebrant illustribus orbem,
 Et quorum penetrat nomen utrumque polum.
 Hos igitur stimulos, istas generosa Juventus
 Disce pati flammæ; & sapienter ama.

Ad Jovianum Pontanum ex tempore.

Cum legerem nuper, curis accensus amaris
 Uranien, Pontane, tuam lucentiaque astra,
 Et cœli stellantis opes; egressa repente
 Luxit, ut expulsa Sol tempestate, voluptas:
 Carminibus vis tanta tuis, quantam neque Circe
 Nec Medea sagax medicis invenit in herbis.

Tristibus adplaudunt animis, & grandia cantu
 Dulcisono totam rapiunt in gaudia mentem.
 Hoc erat Amphion quo mœnia surgere fecit;
 Hoc erat Orpheo quod agebat flumina plectro.
 Felices igitur tuâ quicunabula primum
 Et sacri videre ortus primordia campi.
 Sic cœlo in nostras est tanta potentia mentes,
 Ut canit Uranie; tanti si credere fas est
 Esse vagos astrorum ignes; Cyllenia certe
 Flamma tibi nimium favit nimiumque potenti
 Sidere Phœbeum pluit in tuâ pectora carmen.
 Te virides inter lauros Bajanaque tempe
 Per loca quæ fertur coluisse Papinius olim
 Pierides aluere. Deæ: nos inter opacas
 Mancius eduxit salices per aquatica rura,
 Inter arundineas, lutris ubi testæ, lacunas.
 Propterea mea fila situm sensere palustrem,
 Et rudis ex trunco nobis formata saligna
 Est lyra, & articuli resides, & inutile plectrum.

Ad Comitem Fregosinum Campofregosum.

Dulce Musarum decus, & voluptas,
 Patriæ splendor. Ligurumque princeps,
 Quem fovet dulci gremio récepium
 Hospita Manto;
 Impio postquam Genus tumultu,
 Missus ex alto Phlegethontis amne
 Jura subvertit placidamque pacem
 Nuntius Orci,
 Te decet magnos animi dolores
 Atque Neptuni salientis æstum
 Ferre, & accenso Jove fulgurantem
 Fortiter iram,
 Rebus adversis agitata virtus
 Crescit, & robur cruciata longo
 Sumit attritu, meliusque terfo
 Candidatore.

Ocium clari fugiunt honores :
 Nobiles ducit labor ad triumphos ;
 Sudor insignes iter ad coronas
 Monstrat apertum.

Unico vitrum superatur ictu ;
 Spernit incudes adamas & omnem
 Malleum : virtus animosa casum
 Sustinet omnem .

Debiles nautas humilemque cymbam
 Africus pulsus violenter undis
 Jactat & vasto fragilem carinam
 Vortice sorbet .

Fronte sublimi ratis alta proram
 Tollit , & Caurum , Boreamque ridet ,
 Atque prosternit valido sonantem
 Pectore pontum .

Blanda fortunæ levitas in altum
 Volvit ; & facti cito pœnitentem
 Dexteram versans male fida curvum
 Deprimit orbem .

Fortium gaudens hominum ruinis ,
 Regna longinqui penetrare mundi
 Cogit Heroas , patrioque pulsos
 Jactat ab Orbe .

Egit Æneam pelago vagantem
 Flante per nigros Aquilone fluctus
 Atque nimboſo reboante cœlo
 Littus ad Afrum .

Pulsus antiquam Salamina Teucer
 Liquit Alciden odium novercæ
 Misit ad Gades , ubi cernit altam
 Julia Calpen .

Faucis angustæ mare vorticosum
 Exules quondam soror , atque frater ,
 Heu nimis tristi secūdere cursu ,
 Phryxus , & Helle .

Velleris fulvi spolio superbus
 Equor Euxinum , gelidamque Tethym

Thessala primus rate navigavit
Fortis Jason.

Magna, non una regione virtus
Clauditur. toto spatatur Orbe
Sicut immensum radians Olympum
Clarus Apollo.

Perfidam sortem generosa virtus
Spernit, & plausum popularis auræ
Æstimans ludi puerilis instar
Libera regnat.

Vate Dircæo generata Manto
Unde gens urbis fata Mantuanæ
Juncta Tyrrheno Siculam Carybdim
Vidit & Ætnam,

Vidit & ripam resonantis Arni,
Qui per Etruscos sinuosus agros
Serpit, & cultis inimica campis
Flumina voluit.

Inde per montis jura saltuosi
Venit errantes ubi major undas
Mincius spargit. bifidoque terram
Circuit amne:

Tum solo nomen dedit occupato,
Atque Thebanos imitata muros
Cum sua celsam genitrice proles
Condidit arcem.

Nave Phœnices Tyria colonos
Regnaque fratris fugiens avari
Nobilem Dido patriam Colossi
Vidit in undis;

Vidit & Cyprum, Paphiamque gentem;
Transiit Syrtes, Lilybæa lustrans
Æquora, & tandem Libycæ subivit
Littora Byrsæ.

Spernit imbellem populum libido
Dira fortunæ, tumidoque plebem
Corde fastidit; sua tela frontes
Mittit in altas.

Ergo priscorum memorata Virtus

Excitet fortes animi lacertos;

Et tuæ fiant tibi clara gentis

Stemmata calcar.

Namque te magno genitore natum,

Atque Virtutis gremio educatum

Ad decus summum vocat, & supremam

Gloria laudem.

Ergo visurus Pylam senectam

Vive, nec tantum Genuæ potentis,

Regna, sed pinguem teneas Etrusci

Littoris oram.

Africæ latis dominare campis,

Atque Sardoi spatiosa ponti

Doris, & bello superata Cygnos

Porrigeat arma.

Dum venit fati melioris ætas,

Liberum curis animum solutis

Transfer ad Musas, viridique lauro

Tempora cinge.

Et per herbosos spatia tractus,

Qua Padus ripas onerosus altæ

Compleat, & mites salicum per umbras

Serpit in æquor.

Lætæ Regali Sabiola tecto

Villa felici redimita cultu,

Te sua tutum statione longos

Servet in annos.

Servet & prolem Deus, atque claræ

Conjugis sanctum caput & nepotes,

Vosque cœlestem ferat in senatum

Longa senectus.

Deprecatio, pro salute Æmylii Romani.

Phœbe, quid Æmylio febrem finis esse molestam?

In tua quid juris corpora languor habet?

Tu pater herbarum, tu vim medicaminis omnem

Per maria, & fluvios mittis & omne solum.

Viribus usa tuis subigit Medea dracones,
 Terrigenasque viros, ignivomosque boves.
 Vulneris auxilium non Larissæa tulerunt
 Spicula, sanatrix ars tua Phœbe fuit.
 Tu piper, & myrrham, casias, & cinnama profers,
 Et redolens opus est thurea virga tuum.
 Tu paris Hyblæum nectar, paris Attica mella;
 Sunt etiam munus Medica mala tuum.
 Tu coquis albentes in apricis collibus uvas:
 Gnosia vina paris, vina Falerna paris.
 Quæ generant humiles felicia balsama silvæ,
 Hierichuntino sunt tua dona solo.
 Tu facis æstatem, tu ver, hiememque nivofam,
 Esque potens pluviae, grandinis, atque gelu.
 Luna regit menses tu Cynthia dirigis annos:
 Illa colit tenebras, tu jubar atque diem.
 Semina cum liquida tu digeris omnia Tethy
 Quæ freta, quæ tellus, quæ levis æthra tenet.
 Tu Liber, tu sancta Ceres, tu numina plura;
 Nam quia multa potes, nomina multa tenes.
 Omnia comburis sub eodem sidera signo;
 Omniaque imperiis subiicis astra tuis.
 Sola tuam claudit veniens foror obvia lucem,
 Et tua liventi lumina nube tegit:
 Displicet id Superis: ideo pro talibus ausis
 Non leve vindictæ constituere genus.
 Namque viam Lunæ noctis volvere per umbram;
 Ut chaos & tenebras discat & ipsa pari
 Ergo quid Æmylio febrem finis esse molestam?
 Cur tam dira lues hæc tua membra premit?
 Hic tibi primævis vix ab lactatus ab annis
 Obrulit ætatis tempora to a suæ.
 Nullus in Aoniis argutior ambulat oris;
 Seu numero currat impare, sive pati.
 Ad domini funus cecinit miserabile carmen;
 Unde tua meruit tempora fronde tegi.
 Nunc jacet, & morbo dolet enervatus acerbo,
 Mœstitiæ tristem debilitante animum.

Non

Non redit ad dulces Musas, Heliconidas undas
 Non valet infirmo sollicitare gradu.
 Pleetra jacent, lyra muta filet; sine carmine languent,
 Et viduæ ducunt ocia longa fides.
 Vitales aperi fibras, artusque jacentes
 Erige, nec Stygius polluat ora color.
 Quale Giganteos post aspera bella tumultus
 Te memorant carmen concinuisse Jovi,
 Tale tibi referet, cum te præstasse salutem
 Senferit, & medicas applicuisse manus.
 Et cecidisse tuis veterem Pythona sagittis
 Dicet, & auxilio Pergama facta tuo.
 Quod te, quod Triviam pulcherrima Rhea sororem
 Progenit Sedes cur tibi quarta datur.
 Curve tuo mitem curru premis Aphrogeniam,
 Curve sub ardenti fidere Martis eas.
 Cur Veneris claudo, cur Martia furta marito
 Deregis, occultum nec finis esse scelus.
 Quid sibi vult Phœbus, quid Sol, quid nomen Apollo,
 Et cur te Rhodii Læmion esse canunt,
 Cur tibi det Titan, & cur cognomina Delos;
 Nomina cur Cynthus, cur tibi Thymbra facit.
 Cur Lycius, cur Grynæus, cur Smintheus esse
 Diceris, & Clarius, Chrysocomusque Deus:
 Cur Myrinus, cur Cyrrhæus, Pæanque vocaris,
 Unde tibi Argenetes nomen & Orrygius.
 Argolico ritu quare Argyrotoxis, Agyeus,
 Ac Nomius, quare dictus Alexicacos.
 Ulion adiunget cur te Milesia pubes;
 Cur Grajo veteres ore Phaneta vocant.
 Quid sibi tela volunt, quid laurea ferta, quid arcus,
 Quid lyra, quid crines, quid juvenile decus?
 His aliisque tuas mulcebit versibus aures,
 Et tua Pimpleo carmine dona caner.
 Phœbe pater vaturn communibus annue votis;
 Proque tuo fufas accipe vate preces.

*Ad Joann. Sabadinum Argenteum, pro filii
morte paramythia.*

Quæ vos innocui vexat fortuna parentes?
 Tristia cur tantis fletibus ora madent?
 Mitius Andromache tulit Aſtynacta peremptum;
 Mitius errantem Penelopea virum,
 Mitius Halcyone crudelia fata mariti,
 Hippolyrum Phœbe, garrula mater Ityn.
 Flevit Hylam minus Alcides, minus Iſis Oſyrin,
 Et Niobe natos, & Phætona ſoror.
 Quid tibi vult tanto resonans querimonia luſtu?
 Et gemitu longo ſollicitata domus?
 Cur ſeſoſa genis facies ſquallentibus horret?
 Cur macies turpi dejicit ora ſitu?
 Quo fugere ſales? cur lætæ gratia frontis
 Decidit? obſcurum quæ tegit umbra caput?
 Cur tua compreſſo ſacundia mutuit ore?
 Nèc fluit in dulces lingua diſerta ſonos?
 Dic age, lugubri deformis imagine vultus
 In mea ſecretum pectora vulnus agit.
 Aſpera ſors veros & proſpera tangit amicos,
 Corporibus quia mens una duobus ineſt.
 Hei mihi, nescio quod radiis grave ſidus iniquis
 Miſit in infauſtos fulmina tanta lares.
 Et mihi perpetuus chara cum conjuge mœror
 Attulit a Stygio longa venena lacu.
 Carolus eximæ fulgens puer indole formæ.
 Occubuit, caſti vora ſecunda thori.
 Et jam morigera Superos pietate colebat,
 Et docili ſupplex Numina ſancta fide.
 Jam matura novis ætas lucebat in annis:
 In tenero gravitas ore ſenilis erat.
 Talis erat nobis qualis roſa prima roſetis,
 Et qualis riguo Lilia prima ſolo,
 Læta verecundos decorabat gratia vultus,
 Et gravis ornabat dulcia verba lepor.

Ille meo tristes tollebat pectore curas,
Gaudia patris erat, gaudia matris erat.
Hunc igitur rapiens lex ferrea mortis avaræ
Sub gelidam tristi funere merfit humum.
Lugēt mœsta domus, vidui sine prole parentes,
In gemitu noctes ducimus, atque dies:
Sicut ubi implumes invasit vipera nidos,
Ingemit, & querulo carmine plangit avis,
Solvitur in lacrimas gemitusque miserrima conjux,
Er requiem numquam debile pectus habet.
Cum gemit illa, mihi lacrimas ciet: ignea rotant
Lumina, singultu guttura rauca sonant.
Est mihi pro nato simul & pro conjuge mœror,
Et duplex agitat faucia corda dolor.
Pœnitet ingratae producere tempora vitæ,
Et toties mortis vulnera acerba pati.
Emorimur toties obeunt quot pignora nobis,
Et toties ferrum corda paterna secat.
Pelle graves animo curas, Argentea proles,
Neu cruciet tantus pectora mœsta dolor.
Terra domus non est animis accommoda nostris;
Alius it nostræ conditionis honor.
Qui nimium terras amat, & mortalia testæ,
Fallitur; est alio patria nostra loco.
Hic sumus extorres, alienaque regna tenemus
Sub gravis exilii servitiiq; jugo.
Nunc animus curis coquitur, nunc corpora morbo;
Et stimulos affert quælibet hora novos.
Nunc fratrum subeunt obitus, modo fata nepotum:
Tempus in obsequiis tristibus omne fuit.
Crebrius auditur per templa, per atria planctus,
Quam faciles inter vox Hymenææ choros.
Et modo nostra vocant, modo nos aliena sepulchra:
Funera sunt nostri continuata dies.
O Felix quem res non implicuere caducæ,
Quem nullus retinet posteritatis amor.
Quem nec cura domus nec deficientis in horas
Corporis, aut vitæ prætereuntis agit.

Postquam divitiis fuerint & honore potiti,
Mors hominum triplici corpora fauce vorat,
Felices frustra nobis promittimus annos,
Semper enim curæ tristitiæque premunt.
Fluctus ut insequitur fluctum, sic tempora volvit
Nostra catenatis fors inimica malis.
Mittimur æthereos per limina mortis in axes,
Hæc patet in nostros janua sola lares.
Est illic natale solum, nostrique penates,
Regnat ubi decimo maximus orbe pater.
Nos Deus ex alto, nos magni gloria mundi,
Omnia nos pronis vultibus astra vocant.
Cum nitet, & pictæ noctis fulgoribus ardet,
Ostendit nostras pulcher Olympus opes.
Noster enim polus est, sunt sidera, nostra; sereno
Civibus arridet Lucifer orbe suis.
Est requies illic, illic æterna voluptas,
Perpetuus splendor, gaudia, risus, amor.
Carolus est illic, & candida lilia circum
Tempora virginei signa pudoris, habet.
Nos quoque cum Lachesis nostros evolverit annos,
In loca fatalis transferet illa dies,
Quotquot erunt animas, & quot nos ante fuere
Accipient lato magna theatra sinu.
Fas erit hic nostræ vultus agnoscere gentis,
Atque dare alternis mutua verba sonis.
Hic cum fratre soror, nati cum patribus ibunt;
Vespera nec festos finiet ulla dies.
Quos modo miramur, regione videbimus illa,
Et veteres inter suspiciemur avos.
Hic sunt qui patrum vestigia sancta sequuti
Stigmata servatæ religionis habent.
Tunc tuus ille nepos juvenem quem fata tulerunt,
Cognatam nitido porriget ore manum.
Tunc tuus occurret tibi natus, & obvia circum
Brachia cum lacrimis colla paterna dabit.
Coge vagos animi fluctus, Argentea proles,
Cordeque conceptus deferat ægra dolor.

Comprime bacchantes ventos, & nubila pelle;
Cymbaque tranquillo currat, ut ante, mari.
Ad nova cœpta redi, laudemque laboribus auge,
Et brevis immensa floreat arte liber.
Scribe quod æterno dignentur honore nepotes,
Et quod non valeat perdere longa dies.
Utque minus rodant vigiles præcordia curæ;
Fertilis ingenii pinguis rura cole.
Interea celeri labentia tempora cursu
Exilii finem servitiiue dabunt.

Ad Sigismundum Gonzagam contra Amorem.

Consultuit pietas ut te, Sigmunde, monerem
Communem juvenum ne sequerere viam.
Omnis enim tenera puer ut lanugine vernat,
Perdere in insano tempus amore solet.
Quo caveas igitur scelus hoc, animique venenum,
Quid sit amor paucis instituare modis.
Mentis amor vitium juvenile, cupidine formæ
Visu animi robur debilitante satum.
Hoc ubi corda premens humana, tenacius hæsit;
Obligat impositæ colla subacta iugo.
Et trahit in facinus Veneri quodcumque videtur;
Nil veritum leges, imperiumque Dei.
Res horrenda, facit licitum scelus omne videri;
Sic jacet affectu mens hebetata malo.
Ut Notus æstivis obnubilat aëra nimbis;
Ac tenet oppressum sole latente diem:
Sic Amor ante oculos animi velamina tendit:
Et trahit in cæcum pectora nostra chaos.
Hinc securus amans per aperta pericula fertur,
Quæ nisi mentis inops nullus adire velit.
Hic positus noctu scalis super alta domorum
Tectæ salit, Getico dum riget aura gelu.
Hic jacet in latebris; loculoque reconditus arcto,
Spem titubans inter fluctuat, atque metum.

Pugnat in ambiguo sententia pectore duplex;
 Vellet amore frui; vellet inire fugam.
 Ille subit gladios, & pro muliere duellum:
 Mox inir egestam sanguinolentus humum.
 Fit pecus omnis amans: dum pro ratione libido
 Judicium nutu temperat omne suo.
 Quisquis enim vivit sine lumine mentis & usu;
 Fert hominis vultus, ingeniumque feræ:
 Est pecus; & fallax hominem mentitur imago.
 Testis opus melior, veridicumque magis.
 Anser aquis gaudet; silvis aper, aëre falco,
 Legibus humanum consilioque genus.
 Sirenes, Satyri, Panes, Nymphæque marinæ;
 Et Lamiæ humani corporis ora ferunt:
 Si videas vultus, homines vidisse putabis;
 Esse feras constat, si intuearis opus.
 Hinc igitur fati non sunt mendacia vates,
 Quanto homini vultus imposuere novos;
 Qui partim sensu, partim ratione feruntur;
 Nec vivunt totos cum pierate dies.
 Hi sunt Centauri; Minotaurique bifformes;
 Monstra, quibus duplex ambiguūque genus.
 Talia significant animos in amore jacentes
 Continue, in mutuum degenerare pecus.
 Hinc bovis effigiem subit Inachis; æquora subter
 Latrat, & absorptas Scylla profundit aquas.
 Nyctimene in noctis volucrem conversa; Medusæ
 Tempora vipereæ complicuere comæ
 Utque scias quantum valeat subvertere mentes,
 Inferior nullis cladibus iste furor.
 Adspice Leandrum spatiosa per æquora nantem;
 In se odium fati sollicitare sui.
 Adspice pastorem Phrygium Spartana ferentem
 Furta domus lacrimas, excidiumque suæ.
 Suasit amor Scyllæ regno spoliare parentem;
 Et dare Gnosiaco se, patriamque duci.
 Tanta animo rabies; hostem præponere patri,
 Consuluit sævo sævior angue puer.

Adspice Thesæ redeuntia vela carinæ,
Ferre Jovis neptes (furta superba) duas.
Crudeles casus, tristemque attende rapinam;
Nec servasse datam, fœdera vana, fidem.
Quid referam Cyniræ coitum? quid Biblidis ignem?
Et scelera admissio Pasiphaea bove?
Phasias hospitibus dedit aurea vellera Graiis;
Et secuit dura pignora parva manu.
Heu facinus crudele! parens in sanguine nati
Tingitur: in sobolem carnificata suam.
Ira malum minus est; brevibus quia præterit horis:
Longa venenosus tempora vivit amor:
Vivit; & assiduis hominem cruciatibus angit;
Et tenet ardenti corda sepulta foco.
Cetera quæ nostrum dicit mortalia vulgus
Crimina, sunt longe pernicioſa minus.
His etenim satis est uni nocuisse: Cupido
Vult homines saltem præcipitare duos.
Semper enim tali febrit quicumque cicuta,
Vult alium vitio commaculare pari.
Adspice quam variis Erymanthida Juppiter urſam
Cepit, ut est virgo ludificata modis.
Quot studuit verbis Daphnen facundus Apollo
Flectere; & ardori conciliare suo?
Te cui magnanimo grandes in pectore curas
Parturit antiquæ gloria longa domus;
Et cui majorum laudes calcaria subdunt,
Ut studeas atavis non minor esse tuis;
Hanc decet ex animo penitus convellere pestem;
Et sepire omnes, ne feriare, vias.
Ac vitare locos puer hic ubi retia tendit;
Atque ubi in insidiis ipse latere solet.
Retia sunt juvenum; vultus, & amabilis ætas;
Quæ rapiunt sensus illaqueantque novos.
Corda retundit Amor; generosa negotia frangit;
Nec nisi femineum mente volutat opus.
Grandibus inceptis, studiisque virilibus obstat:
Nec probat herpa fortiter acta manu.

Negligit insignes quæ sunt paritura triumphos;
 Et decora, & ti ulos extimat asse minus.
 Delicias, unguenta, jocos, & inertia laudat
 Otia; & ad Phrygios fila reducta modos.
 Invidus Æneam Libycis tentavit in oris
 Sistere; ne in Latium prosequeretur iter:
 Ne iacta imperii primordia poneret Alba,
 Unde sata est orbis Roma futura caput.
 Æstuat amissa Chryseide magnus Achilles;
 Languet; & Argolicis ferre recusat opem.
 Sic Amor elatam studuit subvertere mentem,
 Ut Venerem Grajos poneret ante duces;
 Ut juvenis tantum decus obscuraret; & arma
 Græca forent læso debiliora duce.
 Et quia nudus Amor studet exhaustire sequaces;
 Eximias luxu dilapidante domos:
 Hinc ubi quis lautis minuit patrimonia mensis,
 Ambulat attrita tristis inopsque toga:
 Et quas cura patrum multis sudaverat annis,
 Femina longævas una triumphat opes,
 Et quoniam puer est, levium solatia rerum,
 Qualia blanditiæ, basia, carmen, amat.
 Et quia pennatus; cito mobilis: & quia cæcus,
 Præcipiti fertur per scelus omne gradu,
 Et quia fert arcus, mucronigeramque pharetram,
 Atque facem; mala mens, ingeniumque ferox.
 Incipit a risu; curis coalescit amaris;
 Desinit in lacrimas improbus iste furor.
 Quisquis amas igitur [quamquam fortuna secundet,
 Et facilem puppi det levis aura viam]
 Sis memor eventus, versaque relabere cymba,
 Pervia tranquillo dum finit unda freto.
 Et cave; ne subita maris involvare procella,
 Dum tonat ardenti fulminis ira polo.
 Hæc habui ad præsens, tibi quæ memoranda putavi;
 Dum cupio ad summum ut promoveare decus.



PUBLII SPINULÆ GENUENSIS.



Ad Deliam .

Sint aliis comites fusci, mea Delia, Solis,
 Quos nigra admotis India torret equis :
 Sint & opes magnæ, cunctarum & copia rerum,
 Et quidquid Latio dat Tyros, Afer, Arabs,
 Sint vestes illis tenues, sit gemmea gaza ;
 Quidquid & extremis fertur ab Armeniis :
 His etiam curæ miseris cumulentur edaces ;
 Abrumpant somnos ; tristia corda coquant.
 Quorum tu laudes sortem ; infelicius illis
 Prorsum, crede mihi, non genus est hominum.
 Quid cupis hæc igitur (felix, tua si bona noris !)
 Commoda quæ tantis sunt comitata malis :
 Quæ tractare manu serpentes femina diras
 Ausa est, te multo ditior illa fuit .
 Ditior illa, novus cui miscuit ipse maritus
 Flens flenti propria tetra venena manu .
 Ditior infelix Monima, & Milesia, quæ se
 Suspendit laqueo mœsta, jubente viro .
 Auri sacra fames en quo perducit, amorque
 Æris, divitiæ, gloria, forma, decor .
 Virgo tuæ gentis flos, Delia, ut istius, omnes
 Quam Veneres unam surripuisse ferunt ;
 Quid Reginorum capiens diadema, veneno
 Mutasti ambrosiam, stulta puella, tibi ?

Mu.

Mutasti exsilio patriamque, virumque Tyranno,
 Et vitæ horribili gaudia cuncta nece?
 Fata bonis inimica, monilia & aurea demis;
 Stupea & immitis vincula neſtis ei.
 I nunc, & credas mortali infana ſuperbo,
 Huic Grajæ invidetas & diadema. vale.

De Puella ſua.

Purpurea eſt facies, facies eſt candida noſtræ,
 Lilia non membris ſunt magis alba ſuis.
 Ut ſi nix minio certet, vel cana pruina;
 Et folia ut puro lacte notata roſæ.
 Mirus in inceſſu, luſu, riſuque Puellæ
 Ac vultu eſt, nulla factus ab arte, decor.
 Quid? quocumque pedes, quocumque & lumina movit,
 Quanta hanc ſubſequitur gratia, quanta venus?
 Sive ſibi compſit flavos de more capillos,
 Sive autem effuſis maluit eſſe comis;
 Qualis in orbe ſuo graditur formoſa Dione,
 Mille habet ornatus integra Virgo ſibi.
 Cum ſedet æquales inter; ſeu veſte recincta,
 Cum movet ad certos candida membra modos;
 Pallāurit Tyria, nivea urit veſte, Minerva
 Procedens, urit vocibus ore loquens.

Ad Deliam.

Eheu! Delia, quid me miſerum dura ſinis mori?
 Quid non exanimis te miſeretur, Delia, Publii?
 En ſlentem feriunt in tenebris me pluviæ nigris;
 En perterrefacit mortis imago (aspice) plurima.
 Promiſſa hæccine ſunt, atque mihi paſta, rogo, fides?
 Tu ſlenti quoties; ne lacrimis ora riges tua,
 Dixti: nam faciam (crede mihi) quæ cupis omnia.
 Ventos ferre ſinis (perſida) ſed dicta tua omnia.

De Porciâ.

Illius ut fixi vultus in imagine, forma
Quæ visa est superas æquiparare Deas;
Oravi ut facerent oculos me Numina totum.
Serva erat & pueris hæc comitata tribus.
Quæsiui a puero; quæ porticus integit istam?
Et campo celeres quo movet oro pedes?
Nobiscum venias, inquit: sequor officiosus.
Extemplo & campos indicat atque domum.
Tum tria complebam, atque decē annua tempora; lustris.
Ipsa erat æqualis pæne Puella mihi.
Hic tibi quid referam divinæ frontis honorem,
Candida membra ejus, purpureasque genas?
Non cedit Divis Phrygius quas ponere vidit
Idæis pexas verticibus tunicas.
Præstabant cunctis illæ tum: sæcula nostra
At mage formosas nunc peperere Deas.
Pulchrior est oculis hæc nostra puellula Phœbi,
Ipsa est, quàm Charites gratior una tribus.
Non alia in terris facies humana moratur,
Divos quæ possit urere, ut ista Jovem.
Ischomache sicut, Centauris grata rapina,
Componit, sicut casta Minerva, latus.
Et, Jovis ut conjux, incedit maxima toto
Corpore longa manus, totaque fulva coma est.
Ejus jucundis mira haud deest gratia verbis;
Omnia quæ Pallas, quæ Cytheræa probat.
Atque illi donat sua carmina Phœbus Apollo,
Et docta Aonias Calliopea fides.
Sirenum voces superat, quæ cantibus olim
Sisyphidæ illektas detinuerunt rates.
Personat & cithara, & genalia nablia vertit;
Cum voce & digiti sæpe loquuntur ei.
In choreis omnem Cypriam mea Porcia sola
Saltando vincit mobilitate pedes;

Et

Et manuum vincit gestu, se ipsam quoque vincit,
Vertendo vincit saltibus organicis.
Lesbium & illa pedem servando, & pollicis ictum:
Urit, dum saltat, dum canit atque sedet.
Urit, ut incendunt rapidæ ipsa altaria flammæ,
Cum cadit æternis hostia cæsa Deis
Scribere scit recte; longis rationibus assem
Assolet in partes ducere mille quater.
Sit quibus illa meæ semper gratissima vitæ,
Ampla comes si sit forma pudicitiae,
Oravi: Votis atque annuit ipse Cupido:
Mutua nempe Puer vincla paravit ei:
Namque meis votis responder; digna marito
Cum digno, ut licuit, tanta Puella fuit.
Magni contulerunt tanta illi munera Divi:
Post Venerem hæc nobis forma secunda redit.
Gloria tu nostris tu sola es nata Puellis;
Solo es cum summo digna cubare Jove.
Non dabit humanos semper tibi visere lectos
Hic tua qui nobis invidet ora, Pater.
Ista saluranti arridens mihi, sensit Amorem:
Scripsi illi subito, scripsit & illa mihi.
Protinus incendit flammis utrumque Cupido.
Atque Venus menses urit acerba suas.
Arma Dei feriunt animos facientia amorem,
Aurea tela suos, aurea tela meos.
Plurima donavit nobisque: monilia contra
Nos duo, odorantes misimus & manicas.
Ac, ne deprendi possint mea scripta parenti,
Mox telam capsæ defuit illa suæ,
Imposuitque notas tabulam duram inter, & ipsam
Telam, dehinc prudens ostia facta fuit.
Qualis flamma furit, si dulce infundat olivum
Servus, ut extemplo cœna coquatur hero.
Crevit amor noster, simul est data copia fandi:
Unum animum ex binis mox Erycina facit.
Datque fidem mihi, doque fidem illi mutui amoris,
Perpetuo nobis fœdera sancta fore:

Per Venerem jurat, natiq; Cupidinis arcus,
 Quam mihi, nec magno nubere malle Jovi.
 Per Venerem juro, natiq; Cupidinis arcus,
 Quam se, nec Cypriam ducere malle Deam.
 Ambos una fides, ajo, Lux, auferet una:
 Cunctæ aliæ valcant: tu mihi sola places.

T I T I S T R O Z Æ

F E R R A R I E N S I S.

0320

Quando Anthiam amare cœperis.

Candida lux aderat Maiis vicina Calendis,
 Quam festam veteres instituis Aui:
 Quam pia solenni celebrat Ferraria cultu.
 Aurea cum admissis præmia ponit equis;
 Cumque frequens tardos populus spectator Asellos
 Increpat, & plausum turba jocosa ciet:
 Cum rapido certat juvenum manus æmula cursu,
 Vitra retroflexam cui premat alba comam.
 Tempore quo Zephyrus viridantes evocat herbas,
 Et vario pictam florē colorat humum.
 Purpureo cum vere novus redit annus, & ales
 Plurima frondosis garrit in arboribus.
 Hic dum sollicito spectarem lumine cursus;
 Ante mea arcitenens constitit ora Puer:
 Aurea cui læva pendebat parte phaterra;
 Nudus, & adspectu blandus & acer erat.
 Isque ubi collegit celeres, quibus utitur, alas,
 Deprompsit nivea splendida tela manu;
 Atque ait: o juvenis volucrum mirator equorum;
 Quod mirere magis nunc mea dextra dabit.

Dixerat; & pariter sonuit cum voce sagitta;
 Inque meo subitum pectore vulnus erat.
 Tum calor insuetus venas penetravit ad imas;
 Et magni patuit vis manifesta Dei.
 Dum stupeo, conorque novas extinguere flammæ,
 Subridens peninis evolat ille suis.
 Acer ut inolitæ Calabri domitoris habentæ
 Pugnat equus campis, qui modo liber erat;
 Post tamen audacem discit tolerare magistrum,
 Et fractus docta concidit arte furor:
 Haud aliter mentis constantia victa severæ;
 Et mea corripuit plurimus ossa Deus;
 Collaque submisit domito luctantia fastu,
 Et Dominam victor servitiumque dedit.
 Tum monuit, teneræ valeat quid gloria formæ,
 Quid faciles oculi, virgineusque pudor.
 Nec mihi consilio, nec prodest viribus uti;
 Et bene libertas ante retenta, perit.
 Felix qui sacros tutus contempsit amores,
 Nec dominæ insanum pertulit imperium.
 Sed felix nimium rursus, nimiumque beatus,
 Si cui se facilem præbuit ipsa Venus.
 At mihi si legem Parcæ imposuistis amandi.
 Si nostris hæc est meta petenda rotis;
 Lætor fiderei vultus quod imagine carpat,
 Qualem non ætas viderit ulla prius.
 Hoc vires Natura suas effudit in uno,
 Et mirata, suum vix opus esse putat.
 Si Paris hanc faciem Phrygia vidisset in Ida,
 Illo non esset iudice prima Venus.
 Huic merito potuit Juno invidisse figuræ,
 Sub Jove si primis nata fuisset avis.
 Hanc tu, si sapias, potius pro Gnoside velles
 In cælum curru Bacche, tulisse tuo.
 Cetera cum dederint Superi tibi, deorat amator,
 Qui caneret dotes cara puella tuas.
 Ipse ego tale aliquid modo si promittere possum,
 Castalioque bibit si mea fonte sitis;

Ingenium, mentemque tibi formosa dicabo;
 Et nostris fies nobilis ipsa sonis.
 Vos quibus adspirat flatu fortuna secundo,
 Nec residues virtus alta jacere finit:
 Vos decet æternæ præconia quærere laudis,
 Sublimi eloquio belligerave manu.
 At mihi formosam satis est cecinisse puellam:
 Hæc studia, has artes, hæc ego bella sequar.
 Cæcula prostratæ proscindunt æquora classes;
 Proxima sed radit litora, parva ratis.
 Sic ego, cui tenue ingenium, nimis ardua lingua;
 Et satis est, si me culta Puella prober.
 Tu modo Nympha velis paribus contendere flammis;
 Quæ facie præstat, convenit esse piam.
 Odimus Jâsiden, quoniam crudelis amanti,
 Asperiorque suis rupibus illa fuit.
 Tyndaris Iliaco si dura fuisset amanti;
 Non ita Mæonio carmine nota foret.
 Cynthia clara minus, Nemesisque obscurior esset;
 Sed facilis Nemesis, Cynthia miris erat.
 Tu quoque dulcis Anus, tali dignissima prole,
 Incipe nos inter connumerare tuos.
 Me tibi vel generum, vel natæ suscipe fratrem;
 Quidquid in hac flam, juverit esse domo.
 Non vigil ærato dubitem me adfigere posti,
 Et fessa in gelido ponere membra solo.
 Nec minus est rerum mihi, quam tibi cura tuarum.
 Haud natæ custos aptior ullus erit.
 Este procul juvenes; non hic corrumpitur auro
 Janitor: officio fungitur ipse suo.
 Vos quoque nocturni procul hinc discedite fures;
 Insomnis custos excubat in foribus.
 Ah quoties, cum me patientem cuncta videbis,
 Ipsa etiam dices; non amat iste, perit.
 Nec poteris nostro non ingemuisse labori,
 Dignaue pro meritis præmia ferre meis.
 Non ego Sidonias vestes, non aurea tecta,
 Fertilis aut agri jugera mille petam.

Una satis fuerit, regno mihi carior omni
 Anthia, qua felix conjuge semper ero.

Qualis visa Anthia in Coppari agris.

Qualis erat roseis in odoræ vallibus *Ætnæ*
 Virgineo lusu languida *Persephone*;
 Qualis apud *Xanthum* nemorosa sedit in *Idæ*
Oënone socias inter *Hamadryadas*;
 Qualis pinifero, confecta cæde ferarum,
 Procubuit *Cynthi* fessa *Diana* jugo,
 Talis *Coppari* peragratis *Anthia* campis
 Lassa sub umbrosis concidit arboribus.
 Tum mihi visa decens; tam se formosior ipsa,
 Ignea quam cedunt sidera, *Phœbe*, tibi
 Vidi ego flaventes auro certare capillos,
 Oraque purpureas exsuperare rosas.
 Vidi ego sideribus nitidos contendere ocellos,
 Candida *Sithonias* vincere colla nives.
 Ipsa suo varios disponens ordine flores,
 Texebat facili mollia ferta manu.
 Quam circumfusæ distabant carmina *Nymphæ*;
 Et querulæ foliis obstrepuistis, aves
 At vos felices, fortunatæque puellæ,
 Virginei comites consiliumque chori;
 Dicite si qua dedit mutato signa colore,
 Dicite qui vultus me veniente fuit;
 Num discedentem argutis spectarit ocellis,
 Illius an fuerit nomen in ore meum?
 Ah, quam ne fieret *Zephyri* nova præda verebar,
 Flamine cum molli blandior ille foret!
 Quid sciet *antor*, venti *Borea* didicere magistro;
 Quamque petunt omnes, non bene tuta manet.
 Ah, quam purpureis invidi floribus amens,
 Sedula quos nivea legerat ipsa manu!
 Pertimuique *Jovem* ne se mutasset in illos,
 Fallere qui variis novit imaginibus.

Europen tauro; Danaën deceperat auro,
 Atque Deum nivea dissimularat ave.
 His mea Vita; dolis ne tu caperere timebam;
 Sollicitumque tuus me facit esse decor.
 Nam tibi vix similem veteres cecinere poëta;
 Nec videt immenso Phœbus in orbe parem.
 Qui vult humano cœlestem in corpore formam
 Cernere; de facie cogitet ille tua.
 Nec minus ingenio; & morum candore probaris,
 Atque sibi talem quisque venire cupit.
 Ergo prius tellus alimenta negaverit orbi,
 Et novus Hesperio surget ab axe dies:
 Ante Pado Tagus, atque Athesi miscebitur Ister,
 Pectore quam vultus defluat iste meo.
 Felices, quibus & caram retinere puellam
 Semper, & in tuto vivere amore licet!
 Quos neque turbarit vigilans in limine custos,
 Dulcia nec tristis gaudia norit anus:
 Nec quibus insidias obscura nocte pararit
 Exiliens tacitis aspera turba locis.
 Hæc mihi sæpe nocent, hæc sunt mihi sæpe timenda;
 Me tamen inprimis callida torquet Anus.
 Illa meos aditus servat, timidamque puellam
 Territat, horrendis imperiosa minis.
 Hanc tibi cum dabitur ludendi copia, falle,
 Anthia, nec placidum tempus abire sine.
 Nam non semper eris, qua nunc formosa juventa;
 Jam veniet celeri curva senecta gradu.
 Ut violas, roseumque vides cessare decorem.
 Squalet ut amissis horrida silva comis:
 Candida sic etiam facies abeuntribus annis
 Deficit; & nil tunc pœnituisse juvat.

Laus Anthiæ, a forma, & moribus.

O bene conveniens capiti velamen honesto;
 Sidereos oculos, aurea fila, comas;

O teneram, levemque manum, cui Juno, Venusque
 Invidisse queant, & rua, Phœbe, soror!
O niveas artus pulla sub veste latentes.
 Et non humanis edita verba sonis!
O dulces risus, habitum, moresque venustos.
O nulla læsam labe pudicitiam!
Vos in me insolitum, vos in me accenditis ignem;
 Imaque furtivus corripit ossa vapor.
Vos mihi sollicito rapitis de pectore sensus,
 Et votis alitur spes animosa suis.
Adspicite, ut vero pro corpore restet imago;
 Et nisi fertis opem, mox ego nullus ero.
At tu Naturæ decus, exemplumque potentis,
 Qua non est Latio pulchrior ulla solo,
Tu nitidos in me converte parumper ocellos,
 Queis potes obscura reddere nocte diem.
Tu precibus non dura meis, præsensque faveto;
 Et mihi (si fas est) dicito, noster eris.
Mortales æquat superis clementia Divis;
 Et miseriis rebus consuluisse pium est.
Si dedit egregiam faciem Natura puellis,
 Non adamanteum pectus habere jubet:
Nec jubet exitio tristi lætentur amantum.
 Fallitur, id suadet si qua puella sibi.
Sed placidi mores, & rusticitate carentes
 Cum tibi sint, nimium mens mihi casta nocet.
Mens mihi casta nocet, qua tu formosa triumphas,
 Et qua summa tuum sidera nomen adit.
Non tamen invenies in nostro crimen amore;
 Non animum turpis, sed pia cura movet.
Nosque precor societ placidos Hymenæus in annos,
 Atque maritales præferat ipse faces.
Hoc si contigerit, nec dedignata recuses;
 Despiciam magni diria regna Midæ.
Nec magis Assyrii quæcumque est gaza sepulchri,
 Aut opus optarim nobile pyramidum.
Nudus amor non curat opes; discedat ab illo
 Sollicitæ quisquis servit avaritiæ.

Quem potius pretium, quam culta puella movebit ;
 Dignus cum censu est ille perire suo .
 Non animum nobis adeo tribuere tenacem
 Fata , nec ingenium sordida cura premit .
 Cui tantum superest , ut vivere possit honeste ,
 Gaudeat : hos fines præteriisse nefas .

De discessu Anthie ex Ferraria.

Postquam Ferrariæ discedens mœnia liquit
 Anthia ; Ferrariam liquit & ipsa Venus .
 Mollis Amor simul Etruscas migravit ad urbes ;
 Secum blanditias , deliciasque tulit ,
 Sed licet ad Tanaim , rapidumque feratur Hydaspem ;
 Herculeas quamvis transeat illa vias :
 Quaque rotant fluctus alterno vortice Syrtes ;
 Per mare , per terras subsequar ipse tamen .
 Nunc utinam sumptis imitarer Persea pennis .
 Nunc vellem ingenium Dædale docte tuum .
 Nunc ego Medæa quo fugit Jasona , currum
 Optarim , volucres Triptolemique rotas .
 Scilicet ut Dominæ subito improvisus adessem ;
 Duceret ingratas neu via longa moras .
 Quo propero infelix ? pergamne per aspera saxa ?
 Per gelidas Alpes , perpetuasque nives ?
 Quid si latronum occurrat manus impia , raptis
 Vestibus immiti quæ petar ense caput ?
 Aut nemorum latebris , aut alto monte ruentes ,
 Dilacerent rabidæ mêmbra cruenta feræ ?
 Novimus infaustos casus , discrimina amantum :
 Fata obstant lætis invida principiis .
 Pyramus exemplum præbet , miserandaque Thisbe ,
 Quos rapuit simili mors violenta modo .
 Testis adest , animos cui conscia virgo natanti ,
 Sæpe in arenoso littore visa , dedit .
 Ille per insanas mediis Aquilonibus undas
 Ibat , ut optata posset amante frui .

Nec revocare minis genitor, nec flectere mater
 Blanda potest; ultio sed periturus abit.
 Jamque procelloso positurus in æquore vitam,
 Hei mihi, congeminat, Sesta puella vale.
 Sesta puella vale, clamabat; & ecce loquentem
 Præruptus vassæ suppressit agger aquæ.
 Præterea jam forte novum suspirat amorem
 Anthia, nec fidei, nec memor ipsa mei.
 Rara quidem fida est, oculus nisi nutriat ignem,
 Femina: juratos vix timet ulla Deos.
 Perfida securum sic te Menelaë fefellit
 Externa ad Trojam vesta puella rate.
 Arsit in Ægistho furiosi mater Orestis,
 Dum gerit Atrides vindice bella manu.
 Multæ etiam, quarum veteres meminere poetæ,
 Deseruere viros, legitimamque fidem.
 His fortasse meam poterunt numerare puellam;
 Atque ideo doleam cur ego, semper erit.
 Me miserum! quonam Dominae fiducia cessit?
 Quid queror? & vano terreor ipse metu?
 Parce precor, mea Lux, si quid male lingua locuta es:
 Omnia magnus amor tuta timere jubet.
 Sic Deus ille mihi stimulum sub pectore fixit;
 Raraque cum casto forma pudore venit.
 Sed tua Penelopen superat constantia, quamvis
 Illa sit Argolicæ fama pudicitiae.
 Ibo igitur; nec me certum tardabit eundi
 Tristis hiems: segnes impiger odit Amor.
 Illius æthereas pennas tranabimus Alpes;
 Atque aderit nostræ dux Cytherea viæ.
 Thuscus at incolumem postquam me acceperit Arnus,
 Et dominam dabitur posse videre meam;
 Tunc ego velatus myrto viridante capillos,
 Persolvam magnis debita vota Deis.

Amica potitus, gloriatur.

Dî Superi, Venus alma, puer venerande Cupido,
 Nox hesternâ mihi gaudia quanta dedit?
 Clara sub obscuris latitabant nubibus astra,
 Condiderat vultus candida Luna suos:
 Ad Dominam furtim, superato culmine tecti,
 Conscia me, jussu tempore, duxit anus.
 Mollia quis variis amplexibus oscula mista
 Narret? & in teneris dulcia verba jocis?
 Ah quoties esset cum jam lassata voluptas,
 Mutua blanditiis est revocata Venus!
 Quam me præteritos casus meminisse juvabat?
 Et fûsum in niveo multa referre sinu!
 Ite procul segnes, atræ quos tempora noctis
 Terrent, & multa nubilus Auster aqua.
 Præcipiti quibus ad Dominam timor ire fenestra
 Obstitit: ite procul, linquite signa ducis.
 Fortibus intrepidi sunt castra Cupidinis apta,
 Et juvenum audaces adjuvat ille manus.
 Sive novos aliquis furtim tentabit amores,
 Seu fallet segnem cauta puella virum,
 Ipsa Cytheriaco despectans vertice terras
 Annuit, ac ridet dulcia furta Venus;
 At mihi si tecum tales perducere noctes.
 Teque meo liceat, Vita, tenere sinu;
 Congerat o quantum cupiat sibi quilibet auri:
 Me satis est duram pellere posse famem.
 Estivamque sitim sedare fluentibus undis,
 Et satis est humiles incoluisse casus;
 O quam me in viridi tecum recubare juvaret
 Gramine, fagus ubi funderet alta comam
 Mille rigans flores nitidis ubi rivulus undis,
 Per vicina levi serperet arva sono.
 Illic & volucrum sub opacis abdita ramis
 Continuas querulos garrula turba modos.

Silvarumque comas tenui movet aura fufurro,
Gratior & mulcet languida membra quies.
Crimen apri formofus Adonis, & ipfa Dione
Sæpius in folis delituere locis.
Sic Paridi Oenone, fic cœli fede relicta
Dignata eft tenero Luna coire proco.
Montibus, ante Jovem, juvenes pariterque puellæ
Errabant: viguit tunc fine labe pudor.
Pace tua gens præfca loquar; fi credere oportet;
Durus in hoc ego fum, subdubitoque tamen.
Atque utinam nobis iterum mos ille rediret:
Nunc melius fcirent commoditate frui.
Non ego fæpe graves perferrem mente dolores,
Humida nec lacrimis lumina noftra forent.
At tibi, qui facilem cuftodis dure puellam,
Janitor, exitium Numina trifte ferant
Sit domino fufpecta fides tua, teque perofus,
Infidias vitæ præparet ille tuæ.
Ut vigiles femper, numquam tamen omnia cernea:
Decipit aftutos ingeniofa Venus.
Jo non Argus, Danaën non ferrea claufam
Oftia fervarunt, Acrifiusque pater.
Tu cui pro meritis oculum deſpecta juvenus
Evulſit, demens cuncta videre putas?
Si mihi credideris; aditum dabis uſque petenti;
Adventu nec erit janua clauſa meo.
Tunc ego te propter vitæ difcrimen adire
Non dubitem, & patriis me ſpoliare bonis.
Ferre nec iſta tua pro libertate recuſem
In me translato vincula ſervitio.
Eheu quid precibus fluctus placare tumentes
Conor, & iratis perdere verba Notis?
Illum monſtrafera genuit Polyphemus in Ætna,
Inque truci durum pectore marmor habet.
Fraude mea capiendus erit: mihi namque futuri
Compoſuit magicum præſcia carmen anus.
Illa ſoporiferum liquido cum melle papaver
Miſcuit, & variis gramina ſecta locis.

Hæc docuit Baccho diffundere; dicere verba

Queis sopor invitis eliciendus erit.

Multaque de cœlo quibus ignea sidera ducit,

Et rapidi ad fontem fluminis unda redit.

Illa anq̃s adimit senibus, labefactaque mira

Arte Cupidineas mittit in ossa faces.

Cum libet, insolito juvenes inflamat amore,

Cum libet, extincto deficit igne calor.

Illa jubet, fractis manes prodire sepulchris,

Nigraque terrifica Tartara voce movet.

Carminc longinquos messem traducit in agros;

Et cantata suum deserit herba solum.

At vos Cœlicolæ nostris ignoscite cœptis:

Non mea contemnit Numina vestra fides.

Nec soror hos Phœbi metuant, nec sidera cantos

Hac Domina tantum querimus arte frui.

Ad Annulum ab amica datum.

Annule dulce mihi dilectæ munus amicæ,

Annule delicias inter habende meas;

Tu licet excellas auro pretiosus, & apte

Gemma sit artifici clausa magisterio;

Est aliquid, mihi quo meruisti gratior esse:

Scilicet in nivea te tulit illa manu.

Illa etiam dono cum te mihi tradere vellet,

In primis monuit, quam sibi carus eras.

Mecum igitur semper noctesque diesque manebis;

Mille tibi amplexus, oscula mille feram.

Inque sinu ponere, manus dum nostra lavatur;

Invida ne nitidum te mihi lædat aqua.

Tu modo, læva, cave commissum perdere pignus,

Si qua hoc mandantis gratia tangit heri.

*Ad Janum Pannonium, ut suat se placito
indulgere amori.*

Quis novus ille sacri vates Heliconis in antro,

Cujus Apollineum carmen ab ore sonat?

Dicite, Pierides, ubi primos egerit annos;
 Quæ tener infueto prefferit arva pede:
 Quo duce lauriferæ peragraverit avia silvæ;
 Sub quibus ille vagans luserit arboribus.
 At nisi mens fallit, videor cognoscere vatem;
 Hunc Heliconiades vel aluisse ferunt:
 Vos canere arcano puerum docuistis in antro,
 Pulsæque filæ levi sollicitare manu.
 Ipse sacris adhibere choris dignatus Apollo,
 Jussit honorata cingere fronde caput.
 Perque pias duxit sedes, & amœna vireta,
 Plurima Pegaseos qua regit umbra lacus.
 O nimium felix, o fortunate poeta,
 Ingenio priscis æquiparande viris.
 Ecce tibi faciles donant sua carmina Musæ,
 Nec negat Aoniam pulcher Apollo lyram.
 Jam tibi pallentes hederas, thyrsosque merenti
 Præbuit, & currus Euhius ipse suos.
 Nec tibi deficiunt, ubi vis intendere vires,
 Ardua sive libet, seu leviora sequi.
 Quid formæ decus, & mores sanctumque pudorem,
 Quid referam vitæ candida facta tuæ?
 Omnia præsentem, Superi tibi, Jane, dedissent:
 Ni vacuum dulci pectus amore foret.
 Immeritas nec jam satis est odisse puellas,
 Tristia sed tetrico carmine bella paras.
 Ac mihi servitium capto, Dominamque ferenti
 Obiicis, extremæ crimina desidiæ.
 Quodque diu fuerim mordaci fabula vulgo.
 Nec patriis humilis tollar imaginibus:
 Nec quod amans rectum videam, cum plurima cernas
 Subiectus nullis ipse Cupidinibus.
 Incautumque vocas, & sanæ mentis egentem,
 Cujus sit dubio credita cymba mari.
 Munera quin etiam caræ pretiosa puellæ
 Ut suspecta, mihi despicienda putas.
 Sæpe refers, dulci sub melle venena latere.
 Et placitis hamum sæpe subesse cibis.

Quam.

Quanta puellari levitas in pectore regnet,
 Quam cito consuerint credere falsa, mones.
 Quid valeant herbæ, quid noxia gramina narras,
 Et quodcumque Venus monstret iniqua nefas.
 Multaque feminei memoras exempla furoris,
 Transverſas olim quas malus legit Amor.
 Acrior his, ut me redimam rationibus urges,
 Utque velim ex humili tollere valle caput.
 Tum positis levibus curis, & amore relicto,
 Regia sublimi condere bella pede.
 Non equidem adverſior tibi me nunc, Jane, monenti:
 Atque meæ fateor crimina nequitia.
 Nec te Therſiten potius, ſed Neſtora dicam,
 Tam bene qui noris, tam graviterque loqui.
 Sed tamen, aut fatiſ, aut longo impellor ab uſu,
 Optima cum videam, deteriora ſequor.
 Non ſecus adſiduus conſectus febris æger,
 Inviſam medicæ deſpicit uſus opem.
 Tum ſuccos omnes, medicamina cuncta peruſus,
 Negligit infirmi corporis auxilia.
 Forſitan huic poterat olim ſuccurrere morbo,
 Cum primo illatum, nec grave vulnus erat.
 Nunc ſero medicina datur, nec inania poſthac
 Proderit amiſſo claudere ſepta bove.
 Non ita præcipites agitantur in æquore cymbæ,
 Cum Notus Joniis fluctibus inſonuit,
 Ut me verſat Amor pectus populatus & omne
 Jus animi, atque ſuo me regit arbitrio.
 Talis permultos tulit exitus: hic quoque Titum
 Auferat; hoc noſter limite currat, equus.
 Mortales omnes, neque enim trahit una voluptas:
 Ingenio ſequitur proxima quiſque ſuo.
 Hunc rapit armorum ſublimem gloria cœlo,
 Proferat ut dômities gentibus imperium.
 Lucra petens mercem ſuſcis vehit alter ab Indiſ;
 Alter ab Oceano, flave Britanne, tuo.
 Ille ſacris cœleſtis Superum ſe dedicat aris;
 Hic notat aſtriferi lucida ſigna poli.

Hunc

Hunc juvat occultas Naturæ discere vires,
 Et procul a vulgo condita mente sequi.
 Ille Machaonias animum convertit ad artes;
 Versat hic antiquum sedulus Hippocratem.
 Hunc juris lassant numerosa volumina, at illum
 Nobilibus studiis docta Minerva tenet.
 Me mea sors tenero voluit succurrere Amori;
 Et mihi pars hujus credita militiæ est.
 Non ut rere tamen (liceat mihi vera tueri)
 Desidiam castris dux habet ille suis.
 An tibi cum vigilet totas ad limina noctes,
 Anxius in dominam, segnis amator erit?
 Quem labor haud ullus, quem non via longa fatiget,
 Ignavi turpem sustinet ille notam?
 Strenuus oppositos audet transcendere montes,
 Horrida nec Boreæ frigora curat amans.
 Nec rapidi tardant undis spumantibus amnes,
 Cum fluit ex altis nix resoluta jugis.
 Lentus erat juvenis, cum sæva per æquora nabat,
 Quem tepido fovit Sesta puella sinu?
 An Turni solitas vires, animosque Cupido
 Fregit? an ignavum reddidit Æaciden?
 Ferre famem, tolerare sitim, contemnere somnos,
 Dura pari didicit plurima, quisquis amat.
 Sed non, quæ deceant, positi sub nubibus atris
 Cernimus, & vobis purius ista patent.
 Semivirum didicit monstrante Cupidine Theseus,
 Qua voti compos perderet arte bovem.
 Incolumis numquam patriæ tetigisset Jason
 Littora, Phryxæ vellere clarus ovis;
 Ni benefuadus Amor vitare pericula tanta,
 Poscere virgineam ni monuisset opem.
 Ille dat ingeniis vires, animique vigorem
 Excitat, ille rudes perficit arte viros.
 Ast incerta sequor, te iudice: nec mihi fas est
 Noscere, quem mea sint vota habitura modum.
 Hæc quodcumque hominum fruitur vitalibus auris
 Sors habet; & fœti nescia jura latent.

Tene

Tene putas nostris exceptum legibus esse?
 An tua fors melior sorte putanda mea est?
 Si mihi difficiles casus memorabis amantum;
 Sunt quibus indulsit non inimica Venus.
 Haud semper vultu perstat Fortuna minaci:
 Non omnis rabido est agna dicata lupo.
 Cæde Neoptolemus patria si territus esset,
 Liquisset turpi Dorica castra fuga.
 Cum toties fuerint infidæ puppibus undæ,
 Creber in æquoreas navita fertur aquas.
 An quia Cadmeum juvenem laceraverat olim
 Montibus Aoniis effera turba canum;
 Segnior Hippolytus silvis canibusque vacavit?
 Venandi Cephalo cura minorve fuit?
 Nec tu Palladias ideo nunc despicias artes,
 Hæ licet intulerint plurima sæpe mala.
 Docta licet quondam magni Demosthenis ora
 In dominum fuerint perniciofa suum:
 Exitium ingenio quamvis sibi triste pararit
 Gloria Romani Tullius eloquii.
 Causaque Nasonem similis procul Urbe fugatum,
 Impulerit Getici litus adire maris.
 Munera cur spernam gratæ mihi pignora mentis?
 Quæ summo quæri digna labore forent.
 Gemma erit in pretio, quam se mercatur avarus
 Finxerit a rubri littore ferre maris?
 Annulus artis opus miræ, mihi vilis habendus,
 Quem tulit in digito dia Puella suo?
 Cui neque nostra parem, neque prisca temporis ætas
 Vidit; nec similem sæcla futura ferent.
 Quam suavis placido comitatur gravis vultu;
 Tristis ubi nullum vendicat ira locum:
 Quæ me non dubitat nitidis proponere ocellis,
 Quæ mihi vel proprio corpore cara magis.
 Hæc in nos igitur magicas meditabitur artes?
 Miscebit timida toxica dira manu?
 Thessalicos esto ritus, herbasque nocentes
 Noverit, atque ausit quæque nefanda sequi;

Quo

Quo reus admissio merui sperare venenum?
 Immerito miseram cur paret illa necem?
 Quid metuam, invitus ne carmine cogar amare,
 Cum nostræ cedant carmina cuncta Deæ?
 Hac Laërtiaden facie Phœbeja Circe,
 Phasias hac potuit detinuisse virum.
 Hac mea difficili vinxit præcordia nodo,
 Illius ut nullo solvar amore die.
 Quod si credentem nimium mutare puellam
 Criminibus sistis improba lingua valer:
 Imminet hoc aliis etiam commune periculum
 In fera quos eadem prælia lingua ciet.
 Illa propinquorum communia iura resolvit;
 Fœdera que antiquæ rumpit amicitiae.
 Conditio hæc multos, non solos tangit amantes.
 Hæc te sollicitum reddere cura potest.
 Non savi, ut scribis, Catilinæ femina mentem
 Compulit in facinus: dux fuit ipse sibi.
 Nam furor inmitis, quo perdere cuncta parabat,
 Egrot ut in prolem verteret arma suam.
 Tarquinius rapuit dominandi cæca libido,
 Materiam sceleri quæ dare sæpe solet.
 Si Danaï proles cognato sanguine ferrum
 Tinxit, securis insidiata viris:
 Causa fuit genitor iussis metuendus acerbis,
 Ut formidatas tolleretur ipse manus.
 Lemniadum mentes agitavit Numinis ira;
 Nec fontes reliquas impia Scylla facit.
 Thésiden contempta Venus, non Cressa peremit:
 Ulcisci offensas sic solet illa suas.
 Amphitryoniades non crimine Dejaniræ,
 Fraude sed œcubuit, perfide Nessel, tua.
 Molle dedit teneris pectus Natura puellis;
 Quas tamen impellit justus in arma dolor.
 Audierat partim, partim delicta mariti
 Viderat, Ægisthi Graja secuta fidem.
 Lesaque natorum maculata est sanguine Colchis,
 Et Progne infidi conjugis alta nefas.

Cur omnes igitur sceleris tua carmina damnant,
 De tot, paucarum crimina si qua vides?
 Extulit hunc etiam celeberrima gloria sexum,
 Et monumenta suæ plurima laudis habet.
 Virginitas ultro servata, & bellica virtus;
 Magnum Orithyæ contribuere decus.
 Lampedo, Hippolyten, Menalippen, Jane, videmus
 Illustres inter nomen habere viros,
 His quoque se comitem merito Marchesia jungit:
 Nec caret Antiope laude, nec Harpalice.
 Magnanimam Tomyrin, fortem propone Camillam,
 Et subeat menti Penthesilea tuæ,
 Adde & Amazonia reliquas de stirpe sorores,
 Respice Carmentam, respice Penelopen.
 Ultra nefas animo, propria Lucretia dextra.
 Inviſto, occurret clara pudore tibi.
 At rapidum nando transmittere Clœlia Tibrin
 Ausa, suis animis præmia digna tulit.
 Quid te commemorem Vestalis Claudia virgo?
 Qua stetit attoniti vindice fratris honos.
 Quisve tuum dignis nomen Cornelia tollat
 Laudibus? aut animum, Porcia casta, tuum?
 Quis te prætereat generosi pectoris Esther.
 Non bene damnatos protinus ultra Syros?
 Quisve Palæstina genitam te stirpe virago,
 Spem taceat patriæ, subsidiumque tuæ?
 Te duce libertas Moseæ reddita genti,
 Assyriusque tua concidit arte furor.
 Si fortasse petes exempla recentia; nonne
 Cognita perpetua laude Mathildis erit?
 Sponte opibus spretis regnum Violanta reliquit;
 Seque sacri sociam maluit esse chori.
 Nec tamen hanc illi vel inanis gloria mentem,
 Vel præceps studium simplicitasve dedit:
 Sed ratio constans, haud turpi obnoxia voto,
 Ac vitæ tendens ad melioris iter.
 Harum ingens numerus terras florere per omnes
 Cernitur, hac cœlo quæis datur ire via.

Legibus his etiam multas numerare solutas
Possumus insignes moribus, atque fide.
Sed procul a cœpto videar discedere, si tot
Inistam exemplis, quæ bene nota tibi.
Denique seu belli, seu pacis munera quæris;
Seu nova, seu prisca temporis acta leges;
Plurima quæ laudes, muliebria facta videbis;
Vix plures titulos fama virilis habet.
Turpiter his, hostem cum te fatearis, amice,
Ac fugias, vitæ quæ tibi nota comes:
Ede quid esse velis, quem te mihi dicere fas sit;
Aptane quærendis laudibus ista via est?
Obscænum læso vitæ candore relinquis.
Judicium, verbis proditus ipse tuis.
Atque aliquid licuit mihi credere, ni bene nossem
Ingenuos mores; Socraticamque domum.
Ipse ego naturæ ducentis jura secutus,
Pergam, quo cœpi tramite, ferre pedem.
Nec tamen immerito: quid enim præstantius unquam
Pacifico Genius mitis Amore tulit?
Ille decus cœli, & Superum jucunda voluptas:
Hoc absente Jovis regia tristis erit.
Illius adventu gaudent volucresque, fereque,
Quicquid alit tellus, æquora quidquid alunt.
Hic pacis Deus est; & amabilis, optat amari:
Spernit opes; odit turpia; pulchra cupit.
At quæ bellipotens exercet vitricus arma,
Non probat, & nulla est cæde cruenta manus.
Si quis amans aliquid sine lege, immane, nefandum
Molitur, nullum hic crimen amoris erit.
Nam male compositæ præceps insania vitæ
Mortales animos in scelus omne trahit.
Implacidas hominum docuit mansuescere mentes,
Dulciaque objecit pabula mollis Amor.
Ille truces, fastus, violentaque pectora lenit,
Nec regum claris cedit imaginibus.
Æneamque suum, ne non foret omnibus idem,
Accendit vultu candida Elisa tuo.

Nil

Nil sua facundum solertia juxit Ulysses,
 Nec magno virtus profuit Æacidæ.
 Pauper adhuc luxu penitus dum Roma carebat,
 Sceptrafer Ægeriam ferrur amasse Numa.
 Aurea progenitum divino sanguine, Cæsar,
 Spicula cognati te petiere Dei,
 Ille ferum Annibalem domuit, regemque superbum,
 Area cui totus parvula mundus erat.
 Sensit & Atrides vim Numinis hujus & arma,
 Concidit Argolica quo ducē Troja manu.
 Pectora quineriam magni incaluerē Platonis,
 Cujus tam celebri carmine notus amor.
 His comes accedit Calvus, mollisque Catullus,
 Atque Anser, flammæ qui cecinere suas.
 Abstulit ardentem Gallum formosa Lycoris,
 Carmine amatoris Cynthia claræ sui est.
 Vivit ab insigni Nemesis celebrata Tibullo,
 Vivit Pelignis nota Corinna sonis.
 Ille sacri vates operis Jesseja proles,
 Præfecit populo quem Deus ipse suo.
 Bersabæ captus forma, tibi magne Cupido
 Cessit; nec Salomon tutior ipse fuit.
 Quique Philistæos subita oppressisse ruina
 Dicitur, & certam non timuisse necem;
 Succubuit vultus, teneroque vacavit amor;
 Nec puduit domina multa jubente pati.
 Nil magis horrendum Polyphemo senserat Ætna,
 Sævior indomitis fratribus ille fuit.
 Dum tamen æquorea siccæ in rupe capillos,
 Exarsit visâ te, Galatea, Cyclops.
 Admovitque preces blandus, studioque placendi,
 Insolita rigidam pexuit arte comam.
 Jam tibi pomæ legit; tibi pastoralia cantat
 Carmina; lanigeras jam tibi servat oves.
 Quem neque proposita pietas humana nefando
 Arcebat, magni cura nec ulla Jovis;
 Leniit hunc blandæ Veneris placidissima proles,
 Quæ valet æternos sollicitare Deos.

Suspice quam nitido murata effulgeat astro
 Frigida veliferas quæ regit Urfa rates.
 Suspice Sidonii radiantia cornua Tauri,
 Florida cui simplex ferta puella dabat.
 Suspice Atlanteam Majam, geminasque sorores,
 Ab Jove quæ cælum pignus amoris habent.
 Quis vero innumeros Alcidae nesciat ignes?
 Et quot sæva manu monstra subegit amas?
 Tu quoque amator cras, cum Thessala rura tenenti
 Præstabat citharæ fistula, Phœbe, vicem.
 Quid Steropen, Veneremq; sequar? quid Pallada? quidve
 Ilian hic referam Mars placuisse tibi?
 Persea quid memorem dubiæ qui præmia pugnae
 Andromeden subito saucius igne tulit?
 Quidve triumphato dum victor ab orbe redires,
 Lyncibus avestam Gnosida, Bacche, tuis?
 Arsit in Halcyone gelidarum rector aquarum,
 Cœpit Amymone, Laodiceque Deum.
 Illi cura fuit Tiro, & formosa Celano:
 Anguibus & nondum cincta Medusa caput.
 Sit licet Oceanus spatiosis obsitus annis,
 Flagrat inextincto Tethyos igne suæ.
 Tichonusque pater cano venerabilis ævo,
 Te Dea, venturæ nuncia lucis, amat.
 Hippotaden rapido ventorum turbine lassum,
 Pulchra foveat niveo Dejopea sinu.
 At Zephyrum Chloris, quæ floribus arva coronans,
 Efflat odoratis lilia mista rosis.
 Quo me sæve feres Aquilo? num te quoque victum
 Credibile est ullas sustinuisse faces?
 Horridus ille licet Superis, terrisque minetur;
 Æquora terribili concitet alta sono:
 Littore ab Aethæo placitam rapuisse puellam
 Dicitur, & votis consuluisse suis.
 Nec tamen a Latio, gelidæ sed rupibus Arcti,
 Et patriæ rigido venit ab axe tuæ.
 Arsit & implacidus Stygii dominator Averni,
 Duraque permulsi pectora blanda Venus.

Virgineamque ferens sub regna latentia prædam
Noctifero pavidam terruit axe diem.
Denique cuncta videt subiecta Cupidinis armis
Æthere prospiciens Phæbus utrumque polum.
Nec mare, nec terras, nec sidera summa moveret:
Ni quiddam egregium, ni Deus esset Amor,
Omnia cum nullo superet discrimine, quidnam
Mirum est, in tanto si grege Titus amat?
Nam mea Nestoreos ætas nondum attigit annos,
Nec me Tithoni longa Senectæ premit.
Nunc Venerem tractare decet, nunc dicere cantus,
Nunc dare flamenti mollia fecta comæ.
Tu quoque quid faceres tales sortitus ocellos,
Quales non Jo, non tulit Antiope?
Nempe tibi caderent tam fortia verba, nec ullam
Scævola, vel Cicero tradere posset opem:
Ille licet juris fuerit legumque peritus;
Alter Palladio noverit ore loqui.
Desine velle meos abrumpere durus amores,
Et sine me placito vivere servitio.
Quisquis ab hoc vitæ poterit me avertere cursu,
Ille avidam Tityi pectore pellet avem.
Tantaleamque sitim fugitivis leniet undis;
Atque tuum infelix. Sisyphæ, sistet onus,
Clarus erat bello, bello quoque concidit Hector;
Et periit notis Tiphys in æquoribus,
Ast ego, quem certo jampridem perculit arcu,
Aligeri semper miles Amoris ero.
Et tibi quem curis vacuum respexit Apollo,
Grandisona linguam bella canenda tubâ.
Despice, parve liber, morsus livoris edaces.
Jam tibi Cæsareo contigit ore legi.
Maxima perpetuæ referes præconia laudis,
Carmina iudicio si probat ille suo.



De lepore Dominae fugitivo.

Dicite, io, Nymphæ nemorum secreta colentes,
 Candidus effugiens qua lepus egit iter.
 Perfidus auratæ subduxit colla catenæ;
 Ipsaque cum sancta vincula rupta fide.
 Dicite; sic vestro faveat Diſtynna labori,
 Præbeat innumeras sic locus iste feras.
 Florida semper humus Zephyro silvæque vireſcant,
 Nec liquidam turbet cum grege paſtor aquam.
 Cynthia ſic penitus veſtros ignoret amores,
 Nec placidum furtis antra cubile negent.
 Quid tacitæ ſpectatis? & ingens pectora vobis
 Occupat oppoſita riſus ad ora manu?
 Ne lacrimas, gemituſque meos, ne verba Puellæ
 Temnite: conſilium ferte, & opem miſero.
 Illum equidem reor hos ſaltus, hæc luſtra petiſſe;
 Signa canum larè turba ſecuta dedit.
 Ullane de comitum numero, quæ retia tendunt,
 Fallaces timidum compulſit in laqueos?
 Reddite, Hamadryades, noſtrumque levate dolorem,
 Nec miſerum trifti ſollicitare morâ.
 Reddite voſque mihi me reſtituiſſe, putabo.
 Luſus erat Dominae deliciæque meæ.
 Hunc ego per virides umbras cum matre vagantem,
 Ad ripam excepi, Sandale amœne, tuam.
 Parvuus erat, totoque nitens in corpore candor,
 Mæandri niveas exſuperabat aves.
 Hic ego, quamprimum, dixi mittatur amicæ:
 Nulla quidem tali munere digna magis.
 Paulatimque metu poſito miteſcere cœpit,
 Et dominae teneros accubat ante pedes.
 Et modo protenta virides cervice corollas
 Accipit, ac tergum molliter aure premit:
 Et modo formosæ lambens fert oſcula dextræ:
 Porrectas avido nunc capit ore dapes.

Illa, puellari studio depeſtere ſueta,
 Securum nitidis ſæpe lavabat aquis.
 Gratus erat nimium Domina: nunc luget ademptum:
 Et cupit infano viſta dolore mori.
 Per ſuperos oro Nymphæ, caſtamque Dianam,
 Reddite, ſi veſtros incidit in laqueos.
 Aut nobis, ſaltu ſi ſe tulit obuius iſto,
 Dicite quo celerem corripiſſet ille fugam.
 Ah, quam ne trucibus timeo ſit præda moloffis,
 Et viridem lacero corpore tingat humum.
 Ah demens, in aperta ruis discrimina vitæ;
 Improbe, quid dominam notaque teſta fugis?
 Humano cultu adſuetus, paſcêris amaro
 Gramine nec ſemper copia fontis erit.
 Sed qua tarda graves agitabunt plauſtra iuveni,
 Sordida vix avidam teniet unda ſitim.
 Sæpe levi ſtrepitu folii labentis ab ulmo
 Anxius in duro cespice ſomnus erit.
 Huc ades, & veniam ſupplex pete: pone timorem;
 Si redeas, parceret protinus illa tibi.
 Novi animum, novi ingenium, quod molle, piumque,
 Neſciat irarſci, neſciat eſſe ferum.
 Sed quid verba iuvat, queſtusque effundere inanes?
 Nec prece, nec lacrimis perfidus ille redit.
 Forſitan, aut viridi ludit laſcivus in herbâ,
 Aut novus inventa conjuge gaudet amans.
 O nimium felix, generoſo pectore digna
 Liberras, cunctis anteferenda bonis!
 Non te ſolliciti congeſtum divitis aurum
 Torquet, & immenſas candida temnis opes.
 Te propter ferus, hic illeſtus, ſprevit heriles
 Blanditias, gratum quidquid & ante fuit.
 Non tamen uſque adeo nobis optanda videris,
 Quin malim Dominam ſervitiumque pati.



Ad Jovem, ut avertat insomnia.

Quid votis adversa meis fortuna minatur?

Quid Superum tristis deferet ira novi?

Parce Deum rector: non me duce dura juvenus

Titanum regnis intulit arma tuis.

Non ego Solis equos mutato limite duxi,

Cum timuit rapidas regia vestra faces.

Non ego mactato crudeliter hospite dicar

Humanos artus adposuisse tibi.

Auratas vestes, Siculi non more tyranni

Dextera de sanctis traxit imaginibus.

Haud ulli per me contempto numine Divum,

Sacrilega ablata est aurea barba manu.

Nec veluti Xerxes Neptuno vincla minamur,

Classibus insolitum cum patefecit iter.

Non per me Elysio rapta est Proserpina regi;

Nec triplici latrans impius ore canis.

Ergo quid insontem crudelia somnia terrent?

Et duræ volucres, terribilesque feræ?

Nonne satis fuerat, carâ quod pulsus ab urbe,

Sollicita vigilans tot mala mente feram?

Nocturnam turbent nisi tristia visa quietem,

Quæ vel rara solet, vel brevis esse mihi.

Dii, cohibere iras, miserisque ignoscere vestrum est:

In celeres abeant somnia dira Notos.

Tu quoque, sancte puer generosi rector amoris,

Sævitæ finem constituisse velis.

Nam tua non umquam contempsisti tela Cupido,

Nec doleo imperii crescere jura tui.

Nec Veneris, nostri indicio, cognovit amores

Deprensæ mirâ callidus arte faber.

Nempe ego te quondam felix Duce miles habebam:

Invidit nostris fors inimica bonis

Omnia nunc contra conjurant: nulla facultas

Jam mihi vitandi tot fera tela datur.

Quod

Quod si supplicium superest, si pœna perennis;
Hæc precor ut vitæ sit mihi summa dies.
Protinus expediet tristes compescere luctus.
Nam satius miseris est periisse semel.

Ad Amorem.

Ah demens, quisquis silvas, latebrosaque rura
Credidit, Amor, telis non adeunda tuis.
Tu nemus umbrosum, tu ripas fluminis alti,
Et liquidos fontes, & juga montis adis.
Quæ nitidi primum radiantia lumina Solis,
Quæ videt occasum, subjacet ora tibi.
Quasque tenet sedes Boreas, & nubilus Auster,
Indevitatas sustinuerunt faces.
Ah quoties gravibus cupiens me solvere curis,
Desertos saltus, & loca sola peto!
Sive urbes adeam, nemorum seu devia lustrum,
Sive ego cæruleum per mare puppe vehar:
Tu mea furtivo sequeris vestigia passu,
Et jacis immitti spicula certa manu.
Parce puer, sævas in me torquere sagittas:
Ardenti infixum pectore vulnus alo.
Parce puer: quid me extremum sentire furorem
Cogis? an hæc ullum vindicat ira nefas?
O quam te decuit potius domuisse Puellam,
Quæ me, quæque tuum despicit imperium.
Ni frustra ex humero sonat, auree Dive, pharetra,
Ni micat ex oculis irrita flamma tuis;
Huc ades, & facibus celeres, Amor, adde sagittas,
Noxiaque ultrici pectora fige manu.
Eac tamen insignis pereat ne gratia formæ,
Nec ducat roseo pallor in ore notam.
Hoc ego non cuperem; nec sum me Judice tanti:
Signa mihi satis est si qua caloris erunt.

Somnium.

Nox erat, & varias agitabam pectore curas,
 Cum tandem oppressit lumina sera quies.
 Hic mihi per somnum mista formidine certam
 Spem dedit, atque animos fumere iussit Amor.
 Namque mare ingressus portu prodire videbar,
 Quique ratem regeret navita nullus erat.
 Littore consiterat jaculis armatus, & arcu,
 Et pharetra accinctus verlicolore puer.
 Hujus erat facies, qualis cum luteus ora
 Exerit Eoo Delius Oceano.
 Myrtea cingebant auratos fersa capillos,
 Nullaque in aligero corpore vestis erat.
 Ille ducem mihi se, moderatoremque carinae
 Obtulit, & coeptum tendere iussit iter.
 Tum levis insiliit puppim, clavumque magistra
 Arte regens, Zephyris vela ferenda dedit.
 Provehitur pelago cita crebrescentibus auris
 Pinus, & immensum protinus æquor arat.
 Ipsa videbantur vario discurrere lusu
 Agmina Nereidum, quæ freta salsa colunt.
 Hic Ephyre, Drymo, Cydippe, Arethusa, Gryopis,
 Xanthia, Cymodoce, Lysis, & Op's erant.
 Pone sequabantur Cyrene, Glaucia, Doris,
 Liriope, Cloto, Pſychia, Lemothoë.
 Quas inter vixdum posito Galatea timore,
 Narrabat flammæ, trux Polypheme, tuas.
 Nomina sed longum est tot commemorare Dearum,
 Totque simul nandi connumerare modos.
 Pars, alterna jacet pulsato brachia ponto,
 Et vix parte movet posteriore salum.
 Pars, maris ima subit piscantibus æmula mergis;
 Pars, nisi quod superest vertice tota latet.
 Hæc, velut in nodum duplicato poplite fertur,
 Remigat hæc pedibus, dum resupina jacet.
 At male dissimulans ardorem his mista Deorum
 Spumiferas ingens turba secabat aquas.

Hic

Hic ego Arionium Delphinem ludere vidi,
Tempora cui pietas vivere longa dedit.
Et variis tremulo nabant in marmore pisces,
Ægeum quales, Joniumque ferunt.
Hic mihi, quam tutum fragili confidere ligno,
Ostendere brevi ventus & unda mora.
Namque ea dum miror pelago proventus aperto,
Decrescunt montes, littora diffugiunt.
Post ubi conspectu tellus submota recessit;
Hinc Notus, hinc Boreas, Africus inde ruunt.
Undique convulsum feriunt mare; dumque tuetur
Quisque suas partes, diripere salum.
Involvere diem nubes, cæcæque tenebræ
Insurgunt, & nox ingruit atra mari.
Intonat horrifono cælum se murmure miscens,
Et sua terribilis Juppiter arma ciet.
Ignea discussis erumpit nubibus æthra;
Deucalionæ præcipitantur aquæ.
Nunc ferit immenso Neptunus sidera fluctu,
Et nunc diductis terra aperitur aquis.
Tollitur in cælum, summoque in gurgite pendet:
Tartara mox præceps ferrur ad ima ratis:
At puer insanis agitari ut fluctibus æquor,
Terribilesque poli sensit adesse minas;
Evolat, & celsæ residens in vertice rupis,
Eventum sævi prospicit inde mali.
Deficit auxilio spoliata carina magistri,
Atque procellosis ingemit ista Notis.
Dilacerata furens Aquilo fert vela per auras,
Et celer Eoos concitat Eurus equos.
Correptamque ratem scopulis illidit acutis,
Lataque per rimas est via facta salo.
Talia cernenti gelidus tremor ossa pererrat;
Sollicitant nostræ Numina sancta preces.
Ipsam quin etiam, mea qui modo vela regebat,
Naufragus imploro, cæruleosque Deos.
Nec jam restabat misero spes ulla salutis:
Ante oculos species plurima mortis erat.

Cum

Cum subito ristes compescuit Æolus iras,
 Atque reluctantes traxit in antra Notos.
 Tum rabidos fratres latebroso carcere clausit;
 Et rediit pulsa nocte serena dies.
 Ipse tridente suo pelagi rex temperat undas,
 Lapsus cæruleis per maria alta rotis.
 Quem medium vasti cõmitantur Numina ponti:
 Humida rotantes implicat alga comas.
 Hic puer ad navem levibus redit impiger alis,
 Sollicitosque jubet ponere corde metus.
 Exoptata procul monstrat mihi littora dextra,
 Atque, inquit, ridens, hæc tua Tite fides?
 Exiguamne adeo spem nostro in numine ponis?
 Quid dubitas? quid nunc vult timor iste sibi?
 An paterer, si me fueras duce creditus undis,
 Dicerer, ut mortis causa fuisset tuæ?
 Ille ego sum, quem tu nosti, Deus auctor amoris,
 Quin tibi nunc Dominam conciliare paro.
 Quæ nunc difficilem quamvis se præstet amanti;
 Perfer; erit mitis protinus illa tibi.
 Nec te formosæ pigeat servire puellæ.
 Quid non Alcides ipse in amore tulit?
 Prætereo mortale genus, Divosque minores,
 Perdomui Phœbum, magnanimumque Jovem.
 Ista tuos volui prædicere somnia casus,
 Ne curæ credas te minus esse mihi.
 At tu marmoreis referas pia munera templis;
 Quæ cum siderea matre Cupido tenet.
 Hæc ait: interea navis petit anxia portum,
 Somniaque excussit nuntia lucis avis.

Querela uxoris, occiso Principe.

Heu nimium viridi conjux crepte juventa,
 Heu vitæ quondam spesque, salusque meæ.
 Hancne tuam faciem video? pectusque decorum?
 Hæc tua, quæ geminum lumina sidus erant?

Vix

Vix laceros vultus, & sparfos sanguine crines
Agnosco, & diris membra cruenta modis.
Occidis, heu, manibus conjux miserande tuorum.
Vulneraque in tenero corpore sæva patent.
Unde mihi speranda salus, regnique fidele
Præsidium fuerat, prodiit inde nefas.
Deneget iratus populo sua lumina Titan,
Impiaque averfis mœnia damnet equis.
Cur me fata sinunt tanto superesse dolori?
Cur tua summe Deûm dextera cessat iners?
Nec Ducis immerito maculatos sanguine cives
Horrida Phlegræi fulminis ira petit?
Non genitor, non forma tibi, non profuit ætas,
Junctaque cum multa brachia ferre prece.
Nil hominum juvat atque fidem implorasse Deorum;
Impia sed cæco est acta furore manus.
Meme utinam letho comitem tibi dextra dedisset,
Quæ pectus duro petculit ense tuum.
Ne quam junxit Hymen, divelleret Atropos a te;
Sed conjuncta forent funera nostra tuis.
Nunc sævos inter gemitus, lacrimasque relinquo;
Nec sine te grata est vita futura mihi.
Nunc mea ferali mutantur festa cupresso,
Adspicioque tuos vix bene nupta rogos.
Quam modo festus Hymen tædam gestavit ad aras,
Illa sepulchrales ponitur ante focos.
Felix natorum Niobe post fata fuisti:
Eripuit sensum saxea forma malis.
Felix quæ dominam Cyane dum luget ademptam,
Sicelidem subito fonte rigavit humum.
Felices etiam viridi quæ cortice clausæ,
Fletibus Heliades imposuere modum.
Ipsa dolore gravi nimium confixa reserbor,
Fortunamque timent ista subire meam.
Et mihi, vir, tecum moriendi jura negantur,
Parcaque non gratam prorogat usque diem.
Vos precor, o Superi, si quid pietatis & æqui est;
Si flectunt ullæ Numina vestra preces,

Ante

Ante oculos vestros inter penetralia celsi
 Principis injusta fraude, piate necem.
 Et scelerum ultore: merito punite nocentes
 Supplicio, & factis præmia digna date
 At tibi per facinus vitam cui funere acerbo
 Abstulit ante annos impia dextra tuos;
 Elysi placidas liceat cognoscere sedes;
 Et memor Elysiæ care marite, vale.

Ad Pisanum pictorem, statuariumque summum.

Quis Pisane tuum merito celebrabit honore
 Ingenium præstans, artificesque manus?
 Nam neque par Zeuxis, nec par tibi magnus Apelles,
 Sive velis hominem fingere, sive teram.
 Quid volucres vivas, aut quid labentia narrem
 Flumina, cumque suis æquora litoribus:
 Illic & videor fluctus audire sonantes;
 Turbaque cæruleam squammea findit aquam.
 Perspicuos molli circumdas margine fontes,
 Mistaque odoratis floribus herba viret.
 Per nemora, & saltus Nymphæ venantur apertos,
 Retiaque, & pharetras, & sua tela gerunt.
 Parte alia capreas lustris excire videntur,
 Et fera latrantes rostra movere canes.
 Illic exitio leporis celer imminet UMBER:
 Hic fremit insultans, frenaque mandit equus.
 Nare lacu ranas, silvis errare leones:
 Ima valle truces ire videmus apros.
 Se profert antro catulis comitantibus ursa:
 Martius ad plenum tendit ovile lupus.
 Quis non miretur gestus & sancta virorum
 Corpora? quæ penitus vivere nemo neget?
 Quisve Jovis faciem pictam non pronus adoret,
 Effigiem veri Numinis esse ratus?
 Denique quidquid agis, Naturæ jura potentis
 Æquas divini viribus ingenii.

Nec

Nec solum miro pingendi excellis honore,
 Nec titulos virtus hæc dedit una tibi;
 Sed Polycleteas artes, ac Mentora vincis;
 Cedit Lysippus, Phidiacusque labor,
 Hæc propter toto partum tibi nomen in orbe;
 Te præsens ætas posteritalque canet.
 Ast opere insigni nostros effingere vultus
 Quod cupis; haud parva est gratia habenda tibi.
 Si longos aliter mea non exhibit in annos,
 At saltem vivet munere fama tuo.

Ad Ariadnam, puellam formosissimam.

Ut prior est ætas faciem mirata Lacæne,
 Sic formam laudant nunc, Ariadna, tuam.
 Tyndaris hoc uno fertur superasse, quod illa
 Difficilis blandis nesciit esse procis.
 Tu pietate carens, & fastus plena superbi
 Formæ corrumpis maxima dona tuæ.
 Nec magis Euryali gemitu, lacrimisque moveris,
 Quam prece turbati flectitur ira salvi.
 Quid faceres si Nestoreos hic vinceret annos?
 Et tegeret crispas horrida barba genas?
 Exemplo tibi sit pharetrati mater Amoris;
 Dignata est puero jungere Diva latus.
 Illo etiam ferrur lacrimas fudisse perempto;
 Et solito roteus fugit ab ore decor.
 Abstulit Endymion tenera Latoida formâ,
 Dum patrio niveas monte reducit oves.
 Ipsa licet Dea sit, noctisque Aurora tenebras
 Pellat. in amplexum non pudet ire senis.
 Invidisse Deos perhibent, cum mollia cano
 Oscula Tithono culta puella daret.
 Tu juvenem, quo non formosior alter in urbe,
 Spernis, & infano cogis amore mori.
 Si sapis, ipsa tuæ fructum decerpe juventæ:
 Respice; jam properans terga senecta premit,
 Quod

Quod si nec facies qualem Narcissus habebat,
 Nec movet antiquo sanguine clara domus,
 Te saltem moveant generosæ Palladis artes;
 Quis inter priscos hic numerandus erit?
 Huic tu si faveas, hunc si digneris amare,
 Cantabit laudes, dia puella, tuas:
 Atque immortalis famæ tibi quæret honorem;
 Et tua post obitum forma perennis erit.

Laudat Ferrariam.

Tandem Flaminiae nemorosa reliquimus arva:
 Jam datur optatam cernere Ferrariam.
 Hic mihi blanda Venus primum inspiravit amorem;
 Raptaque libertas, servitiumque datum.
 Hinc ego in exilium dominâ damnante profectus,
 Quas peperit pœnas impia lingua, lui.
 Omnia nunc tandem in melius præsentia Divûm
 Rettulit, & facta prælia pace fugat:
 Spargite odoratos instructa per atria flores,
 Debitaque antiquo sacra parate Lari.
 Quisquis adest, votis faveat: vicina rixas
 Ponat, & exultent compita lætitiâ.
 Ipse Dionea redimitus tempora myrto
 Imponam tepidis grana Sabæa focis.
 Ferte pedem placata Venus, mitisque Cupido;
 Nec vos fortunæ spernite dona meæ.
 Vobis magna satis, Superi, sunt munera parva,
 Si modo mens nigrâ candida labe caret.
 Vos patriæ turres, patrii salvete Penates:
 Urbs faustis salve condita sideribus.
 Tu Superum templis, domibusque ornata superbis
 Finitimis effers invidiosa caput.
 Dives agri, parque auri Leonello principe flores,
 Et populi turbam vix capis ipsa tui.
 Jam tibi Pierios Phœbus largitur honores,
 Vivida nec defunt artibus ingenia.

Te fecunda Ceres immensis frugibus implet;
 Nec tibi Lenæus dulcia musta negat.
 Læta sagine depascunt prata juvenci;
 Lanigeræ carpunt fertile gramen oves.
 Te Pater Eridanus sinuoso flumine cingit,
 Et vetat hostiles pertimuisse minas.
 Martia securi contemnunt classica cives;
 Nullaque sunt, nisi quæ prælia fecit Amor.
 O felix nimium tellus, nimiumque beata!
 Tu modo Cœlicolas relligiosa cole.
 Hic tibi perpetuum ver floreat, ipsaque nullo
 Exercente sinum Gargara vincat humus.
 Non lupus insidias stabulis meditetur apertis:
 Et cum rore cadat nectar, & ambrosia.
 Tum gens secura exactis feliciter annis,
 Elysias sedes, & loca sancta petat.

Ad Isottam.

Hanc Sigismundi tibi fert, Isotta, salutem
 Nomine, sollicita litera facta manu.
 Scribere difficile est, quam me nova cura fatiget;
 Quam mihi mors fuerit Patris acerba tui.
 Ejus enim nobis nimium jactura dolenda est,
 Qui præstans factis, ingenioque fuit.
 Et quamcumque illi patriam fortuna dedisset;
 Illam ortu potuit nobilitare suo.
 Sed quamvis nostræ summum decus adderet urbi,
 Clarus & innumeris esset imaginibus;
 Virtutesque viri quamvis ego semper amarim;
 Te propter nobis carior ille fuit.
 Nec minus hunc colui quam dux Trojanus Achatem,
 Quam rector Grajæ Nestora militiæ.
 Sed fortuna diu gressu non pergit eodem;
 Spesque hominum vanas insidiosa facit.
 Invidisse mihi crudelia fata videntur,
 Injecitque feras impia Parca manus.

Ille jacet, cujus dulci sermone fruebar:
Quo potuit curas sæpe levare meas.
Cujus recta fides, ingens prudentia, fidum
Consilium, gravitas digna Catone fuit.
Ast ego dilecti casu cùm vexer amici;
Me cruciat luctus, cara puella tuus.
Et tristes lacrimæ, & sævi sine fine dolores
Dilacerant miseris pectora nostra modis.
At mihi sive libet castris educere turmas:
Signaque in adversos Martia ferre duces;
Sive per hostiles latum diffundere campos
Agmen, & in victo castra locare solo;
Seu placet obsessis invadere mœnibus urbes,
Oppida seu victor capta subire parem;
Protinus ante oculos tua sese ostendit imago
Flebilis, & curas excitat illa meas.
Nec sic ereptâ Æacides Briseide, nec sic
Orpheus amissâ conjuge mœstus erat.
Quod si nostra tibi virtus, & gloria cordi est;
Desine nos fletu sollicitare tuo.
Ecce meo adficitur mœrore exercitus omnis;
Proque suo nimis est anxia turba duce;
Et pariter fremit, atque aliquid putat esse finistri;
Quid tamen, ignorat veraque causa latet.
Sæpe mihi comites; quid Dux fortissime, dicunt
Tristis es? ac vultus quid petit iste sibi?
Si bene fortunamque tuam, præclaraque facta
Novimus, & laudis tot monumenta tuæ,
Te potius gaudere decet, quem magna tuentur
Numina, cui Mavors, Juno, Minerva, favent.
Talibus atque aliis conantur demere curas,
Conveniens morbo nec medicina meo est.
Protinus una potes tantum lenire dolorem,
Spes mea, si gemitus comprimis ipsa tuos.
Manibus officium pietas immensa paternis
Præstitit: iste modum debet habere dolor.
Adspice post nimbos nitidum quam sæpe reducat
Vectus lucifero Cynthius axe diem:

Æquo-

Æquora placantur, quæ nunc Aquilone tuebant,
Et cedit fratri roscida Luna suo.
At pluvialis hiems Zephyro spirante recedit,
Omniaque alternas constat habere vices.
Hanc Natura potens stabili tulit ordine legem,
Desinat ut, quicquid cœperit esse semel.
Metas cuique suas dat inexorabile fatum:
Et nil morte homini certius esse potest.
Illa malis requiem, finemque laboribus adfert;
Quorum si spectes agmina longa, ruunt
Viderat hoc celeberrima Samiæ telluris alumnus;
Hoc & magnanimus sensit Anaxagoras.
Hoc Xenophon sensit, quem non revocavit ab aris
Filius extinctus; nec doluisse ferunt.
Ergo quid incassum prodest tot fundere questus?
Nil casus nobis attulit iste novi.
Natus enim mortalis erat, cui tempore parvo
Etsi nunc maneat, mors obeunda fuit,
Defuit haud quidquam dum vivere fata dederunt.
Quo felix dici debeat ipse minus.
Cetera si desint, fortunatissimus esset,
Cum tu illi talis filia contigeris.
Adde, quod ad Superos aditum mens æqua, fidesque,
Et virtus præstans, religioque dedit.
Non igitur grati, nec amantis signa videntur,
Illius tantis ingemuisse bonis.
Et si quis remanet post fata novissima sensus,
Ægre fert lacrimas umbra paterna tuas.
Quod te, per cineres, animamque parentis, & illum
Qui nos junxit Amor, per Veneremque rogo;
Per quæcumque tibi parvæ tulit oscula mater,
Per spem fraternam, per faciemque tuam:
Per Sigismundi [si qua est tibi gratia] nomen.
Te præter cui non ulla placere potest;
Nil profecturas oro compesce querelas,
Queis tua concutitur flore juventa suo:
Desine fidereos lacrimis corrumpere ocellos,
Et rigido roseas ungue notare genas.

Parce precor formæ, qualem prælata duabus
Valle sub Idæa mater Amoris habet.
Si tua cara minus; nostræ succurre saluti;
Quæ nisi desieris, nulla futura brevi est.
Si pater occubuit letho, mœstamque reliquit;
Adfines adsunt, frater, opesque tibi.
His quoque me, cui non obscurum nomen in orbe
Clara dedit virtus, connumerare velis:
Quem crines flavi rapiunt, oculique loquaces,
Quique caret dura rusticitate pudor;
Qui tibi frater ero, genitorque, & fidus amator,
Dum mea torquebit fila secunda soror.
Ipse loqui coram potius, quam scribere vellem.
Otia si qua mihi Martia bella darent.
Est aliquid veras voces audire precantis:
Exorant lacrimæ quod fera corda negent.
Auxilium tulit Æsonidæ Medea roganti;
Ante aras flentem viderat illa virum.
Supplicibus præsens Theseus Minoida verbis
Flexit, ut implicitam solveret arte viam.
Spem tamen hanc, & amor tuus in me Isotta, fidesque
Dant, ut adesse putes, cum mea verba legis.
Et simul ac nimio pectus mœrore levaris,
Augebit vires firmior illa suas.
Quod si vera monent; nec amantem insomnia fallunt
Quæ sopor obscura candida nocte tulit;
Te fore quamprimum lætam, facieque serenâ,
Fatidico cecidit Delphicus ore Deus.
Phœbe fave, & votis bonus annue; nuntia lucis
Ante tuos currus sic Dea semper eat.
Æthereumque tibi sternens iter, increpet atræ
Humentes umbras noctis, & astra fuget;
Sic formosa tibi Eunomie, cætusque sororum
Pareat, & vigili serviat officio.
Sic cum permenso labêris ab æthere cursu,
Doris Atlanteis læta receptor aquis.
Sic leviter Phaëtona tegat lapis, & tua Delos
Perpetuo maneat non agitata Notis.

Semper & intonsos cingat tibi laurea crines.
 Et semper tibi sint carmina, sintque, lyræ.
 Longa sed afflictam ne lasset epistola mentem,
 Cogimus invitam sistere, Diva, manum.
 Illa quidem nollit, mihiq̃ue adversata repugnat,
 Sponte operam tribuens officiosa suam.
 Et veluti præsens tecum nunc ipsa loquatur.
 Gaudet; & hæc scriptis addere pauca monet.
 Ut memor usque mei nullis exercita curis
 Vivas, hoc poterit gratius esse nihil.
 Sic ego securus vivam, sic me tibi custos
 Insignem multâ laude remittet, Amor.

Ad Luciam Barziam.

Immortale decus Perusinæ, Barzia, gentis,
 Quam bene conveniens Lucia nomen habes!
 Lucet enim latè morum nitor ille tuorum;
 Rara nec ingenuo forma pudore caret.
 Inque oculis Charites habitant, & grata Venustas,
 Quos super, & circum blandus oberrat Amor.
 Inde faces, ac tela jact, furtimque latentes
 Tendit ibi laqueos, multiplicesque plagas.
 Cernere nec cuiquam fas est ardentia tuto
 Lûmina: tantum illic Ars, Geniûsque valent.
 At tu, cujus abît numquam de fronte Cupido,
 Nulla cupidinei signa calorîs habes.
 Nec facit hoc (neque enim rudis, & tam nescia rerum es)
 Mentis inurbanæ rustica simplicitas;
 Verum innata tibi constantia, qua nihil optas
 Aut humile, aut quod te dedecuisse putes.
 Da veniam, tibi si nimium temerarius esse,
 Audacterque aliquid dicere visus ero.
 Me nisi certus amor, formosæ ferre puellæ
 Vincula jussisset, quæ mihi culta diu est,
 Nil non tentarem, studioque anniterer omni,
 Ne nostram abnueres noscere velle fidem.
 Forsan & adsequerer: ne saltem hoc dicere nollēs;
 Hic amat, & certe est dignus amore meo.

Ad Ludovicum Carrum.

Sæpe aditum dedit ad Dominam mihi adultera clavis,
 Adventum expectat dum, Lodovice, meum.
 Me conata semel simulato ludere somno est:
 Nec bene successit, lusa sed arte pari est.
 Vix lectum attigeram, detracto nudor amictu,
 Et quod Amor suadet munus obire paro.
 Oscula do frustra, frustra illam amplector, & ad rem
 Spectante haud uti sedulitate juvat.
 Perstat enim cœpto veluti devicta sopore
 Atque silet, quamquam mille petita modis.
 At me non latuit dolus, & ceu rumpere somnum
 Non ausim, jacui mutus, inersque thoro,
 Subrisit tandem, & niveis mea colla lacertis
 Implicuit: lectus cetera, noxque sciunt.

In Invidum.

Nil ego te metuo, quamvis mihi multa mineris.
 Invide, quid frustra fortia verba jacis?
 Hæc ubi nota minus tua sit socordia perfer.
 Nos sine concordēs, quâ sumus, ire viâ
 Tune illam demens levibus corrumpere donis,
 Deque meo speras eripuisse sinu?
 Jam tibi nunc faciam rumpantur ut ilia tristi
 Invidiâ, si me provehet ira magis,
 Et faciam, mea cum spectaris gaudia, dicas:
 Tiresiæ gravior quam mea pœna malis.

Ad Cambium Philosophum,

Desine me gravibus toties obrundere dictis,
 Et vitæ, Cambi, facta notare meæ.
 Nil agis, ac certum frustra mutare laboras:
 Nec potes a cœpro me revocare meo.
 Linter tota dedit rapidis ubi linrea ventis,
 Et cita jam medio gurgite cymba volat;

Non

Non facile ad portus retro convertere cursum
Quos modo discedens liquerit, ipse valet.
Sic ego, qui cupidi pelago maleficus Amoris
Jactor, ab hac nequeo vela referre viâ.
Et mihi jam dulce est in amaro vivere luctu:
Tantum mens cæcæ perdita noctis habet.
Hæc qui mira putat; vitas ignorat amantum,
Nescit & ut cupiant sæpe in amore mori.
Stabat in abruptis vates miserabilis antris
Eurydicen lugens, nocte dieque suam,
Ismarus, & Rhodope nequidquam, & Thracius Hebrus
Quærebant solitæ carmina blanda lyræ
Sæpe etiam Nymphas duri ad solatia casus,
Hæc illi solitas dicere verba ferunt.
Pone graves, Orpheu, curas, neu crede gemendo
Tartareos iterum posse movere Deos,
Quod semel amissum, nullo reparabile pacto,
Hoc ipsum levius, si patiaris. erit.
Invenies alios, quos admireris amores,
Eurydicenque novam Thessala terra dabit.
Talibus, atque aliis frustra lenire dolentem
Tentabant, monitis nec locus ullus erat.
Carminaque & Nymphas, lucemque perosus, in ipsos
Amens jactabat non bona verba Deos.
Ergo ego quid faciam? si natus Apolline vates
Atque Dea, curam vincere non potuit?
Aut lapis, aut ferrum est, quæ numquam gaudia tangunt,
Nec dolor, asperitas nec movet ulla mali.
Quem blando numquam vultu spes allicit, & qui
Nil timet, in quo non gratia, non odium est
Adspice, læsa suos ut sæpe animalia prodant
Adfectus, nostræ quæ rationis egent.
Triste gemit duris incisa securibus arbor,
Et queritur viridem ponere mœsta comam.
Saxorum oppositis frenati molibus amnes
Indignantur aquas lentius ire suas.
Gurgitibusque fragor spumantibus indicat iram;
Sensibus ut propriis illa carere neget.

Gaudet ut accensis ramorum fascibus ignis,
 Sic super injecta flere videtur aqua.
 Terra quoque, & cœlum modorident, & modo lugent;
 Forma nec in rebus permanet una diu.
 Si varios igitur nequeo componere motus
 Pectoris, haud facti causa pudenda mei est.
 Me Natura hominem voluit mitissima nasci,
 Non in Caucaſeis rupibus esse feram.
 Hinc sequor humanis quæ convenientia duco
 Moribus, ætati non aliena meæ.
 At tu quem studiis sublimibus evehit ardens
 Ingenium, ad vitæ liberioris iter,
 Quæ mihi proponis clarorum exempla virorum,
 Tu sequere, & sine me fata subire mea.

Ad Antibiam.

Incipe læta dies roseo procedere ab ortu,
 Igneaque extremus Lucifer astra fuget.
 Jam matutinis Auroram cantibus ales
 Garrula cæruleo fuscitat e gremio.
 At tu quæ tantum nimis importuna moraris,
 Umbra soporiferæ languida noctis abi.
 Deferet huc rediens peregrinas Anthia terras,
 Atque Antenoreâ mœnia facta manu.
 Ipse focus pia thura dabo, myrtoque virenti,
 Purpureisque tegam limina sancta rosis.
 Hinc sacris operarus (amat Venus omnia læta)
 Incipiam verno cingere flore caput.
 Perfususque comas nardi felicitis odore,
 Dicam ego percussa carmina læta lyrâ:
 Nec trahere in feram pudeat convivia noctem,
 Liberaque epoto fundere verba mero.
 Sit procul hinc tristis rugæ censura severæ,
 Canaque cum duro barba supercilio
 Vos procul este. quibus fulvi sitis imperat auri:
 Oderunt curas Liber, & alma Venus.

Nec

Nec vobis culpanda tamen lascivia nostra:
Cernite, quo Superos impulit acer Amor.
Ille Deum rector, qui fulmine territat orbem,
Sumpfit Agenoreis cornua littoribus.
Virginemque tulit fraterna per æquora prædam.
Sollicita repetens Gnosia rura fugâ.
Quin etiam falsus niveas Olor induit alas,
Et teneros fulvo preffit in imbre sinus
Non mare, non tellus, non sævi regia Ditis,
Non ipsa Herculeæ sidera laude carent.
Fronte dolens lacera liquidis, Acheloë, sub undis
Non levis Herculei testis amoris ades.
Illi etiam victrix spoliato fortibus armis
Tradidit ornatus Lyda puella suos.
Quique tulit cælum, Dominæ mandata tulisse
Creditur, & plenas attenuasse colos.
Materna quoties Delo, Delphisque relictis
Saucius Hæmonias pavit Apollo boves?
Æger, & artis inops, nullis adjutus ab herbis,
Cum toties aliis ipse tulisset opem.
Populeis ramis, pro lauri fronde, corona
Cinxerat impexam nexa sine arte comam.
Pauperis indutus rigido pastoris amictu,
Sedit in umbrosis vallibus Æmathiæ.
Perditus ipse suos illic cantabat amores,
Carminè Phœbeis conveniente modis,
Aoniæque vicem citharæ supplerat amanti
Stridula septenis canna foraminibus.
Ecce leves Satyri coeunt, facilesque Napææ
Conveniunt, udo Naradesque pede.
Mirantur vocem insolitam, mirantur & artem,
Laudat & ignotum pendula turba Deum.
Forſan & hic aliquis, me iudicè vincitur, inquit
Pan Deus & præfert te quoque, Phœbe, tibi.
Ad vaga mox idem desertis flumina campis
Pastor agis pastas Sole cadente boves.
Nec subiisse casam puduit, fœnoque rigenti
Inter cornigerum procubuisse pecus.

Ergo

Ergo quidquid Amor fuisse decuisse putemus,
Cum possit magnos sollicitare Deos:
Nec quisquam insanis contemnere vocibus ausit.
Asper erit, læsi Numinis ultor erit.
Sed tibi dum veteris spectantur vela theatri,
Ternaque fluminibus mœnia cincta suis:
Vel dum te Livi retinet, veneranda, sepulchro,
Nunc sacra sedes curia Justitiæ:
At dum visendi cupidam te fana morantur,
Proximaque antiquo Regia testata foro;
Aut dum cæruleum cymba juvat ire per amnem,
Ortaque vicino balnea fonte petis;
Ullane cura mei tepido suspiria movit
Pectore, securam quæ minus esse sinat?
An magis erepto ne tristis amore vacares,
Rivalem nobis urbs Patavina dedit?
Vobis formosæ nam cuncta licere putatis;
Crimina vestra tamen fama sinistra notat.
De te nec possum mordaci credere vulgo,
Nec te perfidiæ suspicor esse ream.
Judicio sed casta meo, peccare caveto:
Intentos oculos Juppiter altus habet.
Si petis, interea quid agam, dum lenta moraris,
Mecum bella gerunt Spes, Timor, atque Venus.
Nam modo te votis fingebam, Vita, peractis,
Ferrariam celerem velle referre gradum.
Ah quoties falsus de te mihi sapius augur,
Nec dubium novi præpetis omen avis!
Et modo te rebar violentis febribus ægram
Torqueri, infectos pertimuique locos!
Nunc pater invitæ ne quem tibi jungere vellet;
Qui creber totâ rumor in urbe fuit.
Occurrit quoties aliquis mihi lætus amator;
Huius agunt dixi vela secunda ratem.
Sed mea nec remis agitur, nec fertur ab auris:
Unca procelloso est anchora jacta salo.
Et cibus, & somni ingrati te absente, fuerunt;
Nullaque nox misero non vigilata mihi.

At sopor invitus si quando irrepit ocellis;
Non ideo vacua mente manere licet.
Nam tua quamprimum in somnis occurrit imago,
Et renovat curas infidiosa meas,
Te quia non poteram, viscebam sæpe fenestras,
Queis mihi sævus Amor vulnera mille dedit.
Attenitâ quoties perlegi mente tabellas,
Quæ me discessus præmonuere tui!
Mecum semper erant; illas quoque forte legebam,
Cum mihi in Angelica Lausa reperta viâ est.
Rettulit illa brevi redituram tempore alumnam,
Quartus ubi niveos Sol agitasset equos.
Hæc, prius exanimis, tum demum voce revixi,
Et rediit toto perditus ore color.
Vellere Phryxæo nec sic lætatus Jason,
Nec Paris advectâ Pergama Tyndaride.
At tu ne fuerint mea gaudia vana, redito;
Hancque diem verax vaticinetur Amor.
Adspice quam liquido tibi rident Numina cœlo,
Et placidæ volucres carmina blanda canunt.
Certat odoratos tibi fundere terra colores;
Ne desint nitidæ florida festa comæ.
Jam pater Eridanus tumidam compescuit alvum;
Jamque vocat pandos aura secunda sinus.
Populus ex ripis tibi plurima porrigit umbram:
Candida ne fervens Sirius ora notet.
Jam virides fusæ per cærule colla capillos
Nabunt, & ludent Naides ante ratem.
Inque tuum Dryades, Saryrique, & Panes honorem,
Præcincti variâ tempora fronde, canent.

Ad Amicam.

Si levior foliis, auraque incertior essem.
Et fluere modico tempore nostra fides;
Non ego tam longo constans in amore fuissetem,
Ire nec assiduas cogeres in lacrimas.

Nec graciles adeo macies consumeret artus,
 Nec mea mutaret pallidus ora color.
 Sed vos decipere incautos didicistis amantes;
 Et queritur lædi, fallere si qua parat.
 Tu, me infelicem, formosam Lotida narras,
 Et Marcotinidem præposuisse tibi.
 Has ego dispeream, si præter nomina novi;
 Tardaque & infido sit mihi dura Venus.
 Tene ego deserta potuissem ducere vitam?
 Hæc Jope quamvis, Inachis illa foret?
 Non sum, quem valeant aliæ mutare puellæ,
 Nec meus incertis passibus errat Amor.
 Huc cursum tenui: tu portus es: anchora nostra hic
 Hæreat, hinc nullis fluctibus eiiciar.

De Natali Antibia.

Natalem Dominæ mecum celebrate, coloni,
 Et positis curis, undique cesset opus.
 Hunc nitidi servate diem; vinclisque solutis,
 Demant servitio libera colla boves.
 Nunc agitate choros, & carmina dicite læti;
 Nec madidum verno stet sine flore caput.
 Cernite, qua roseus processit ab æquore Titan,
 Utque tegant clarum vellera nulla diem.
 Garrula vicinis carmen Philomela sub umbris
 Integrat, & solito dulcius orsa queri.
 Hac fœcunda die pubescunt gramina campis:
 Floriferos aperit terra benigna sinus.
 Hac quoque luce Venus mediis in fluctibus orta est;
 Dixit & Aprilem nomine Diva suo.
 Omnia lætantur: pariter lætemur & ipsi;
 Candida nos positis mensa vocat dapibus.
 Ocyus annosum, pueri, proferte Lyæum;
 Porgite sollicitâ pocula plena manu.
 Tibia nunc hilaret bifori convivia cantu,
 Atque habeant nullum verba jocosa modum.

At tu, quæ magnam sine me nunc incolis urbem
Anthia, Natali munera solve tuo.
En agedum lymphis nitidi rorentur ocelli,
Atque suo tenues ordine pone comas.
Hinc roseis digitisabilem tibi finge coronam,
Membraque sepositâ candida veste tege.
Sic demum Genio meriti referentur honores:
Ille novum mirâ condidit arte decus
Ille tibi insignem, cui cedunt omnia, formam;
Ille etiam eximium præbuit ingenium.
Sed tibi nec libeat Paulli procedere ad aras,
Nec pete clamosa proxima templa foro:
Nec minus Angelicæ fanum memorabile Matris
Effuge: rivales hæc loca semper habent,
Ipsa Dei fatis est volucres qui ponderat Umbras,
Si vetus oblato munere limen adis.
Hic nullæ impediunt juvenum tua vota catervæ
Anthia; rarus in hac æde vagatur amans.
Tunc securus ero, tunc me tibi pectore fixum
Crediderim longâ posse manere die.

Ad Borsium.

Dux, genus a magnâ qui ducis origine Regum,
Imperioque refers aurea sæcla tuo:
Qui propria gaudes virtute excellere, cujus
Gloria nullius crescere laude potest.
Quo nihil a Superis optet Ferraria majus;
Tradere quo melius nil potuere Dei:
Si qua tibi tot res ingentes otia linquunt,
Hæc facilis placido lumine pauca lege.
Corporis egregias non hic perscribere laudes
Conor, nec regni jura referre tui.
Nec loquor hic a te purgata paludibus arva,
Messibus ut largis cultus abundet ager:
Non sacras ædes, non clara palatia, per te
Sumptibus innumeris ædificata canam:

Quâ

Quâ tua se mole attollat Carthusia linquo;
 Et Schivinojæ gratia quanta domus:
 Nec mihi cura, novis quas muris cinxerit arces
 Dicere, nec pulchræ mœnia Ferrariæ,
 Rem quoque non parvam sileo; quod tollis in imâ
 Planicie excelsi nobile montis opus.
 Magna quidem sunt hæc: hominum sed facta labore;
 Nec decus ad proprium tu tibi solus habes.
 At punire malos; æqua dare præmia lance;
 Ponere non sanis frena cupidinibus;
 Inviſtumque malis animum præstare, Deosque,
 Ut facis, ante oculos semper habere tuum est.
 Hæc ego mira puto, quibus hic tibi vera paratus
 Gloria, quæ rectâ ducit in astra viâ.

Mustela Epicedion.

Tene igitur nobis eliso gutture talem
 Mustela infelix, & miserranda refers?
 Sic laqueo pendes alto delapsa cubili?
 Suspensæ auxilium sic tibi nemo tulit?
 Sic oculos, linguamque geris, sic frigida tortis
 Pallent ora labris? sicque relinquis herum?
 Quis referat gemitus, ubi perculit Herculis aures,
 Non expectati fama sinistra mali?
 Nil potuit puero te gratius esse, nec illi
 Morte tuâ quidquam tristius esse potest.
 Tu digitos blando tentabas improba morſu,
 Porrecto ludens semisupina pede;
 Et mollem e labiis noras sorbere salivam,
 Et quiddam exiguo murmure dulce queri.
 Tu fera passeribus pestis, sturnisque fuisti,
 Quos trahere e nidis ars tibi summa fuit.
 Teque suis visâ pullis timuere columbæ,
 Et magnis avibus parvula terror eras.
 Eheu, quam variis fors casibus omnia mutat,
 Quam felix aliquid non finit esse diu!

Quo vigor ille animi? quo strenua corporis illa
Dexteritas abiit? quo nitor ille tuus?
Hæc simul involvit crudelibus Atropos umbris,
Nullaque sunt de tot signa futura bonis.
At mea si quidquam promittere carmina possunt;
Gloria [crede mihi] non moritura tua est.
Jam te nec præsens nec postera nesciet ætas,
Æternumque tuus nomen habebit honos.
Ne tamen alitibus sis præda, aut esca per undas
Piscibus hinc illinc diripienda nates,
Callirhoë lugens, pueri commota dolore,
Membra sepulchrali ponit humanda thoro.
Aurea quem multo ridentem flore corona
Circuit, & tristes itur ad exsequias.
Turbaque Nympharum, puerorum flente coronâ,
Muneribus variis officiosa vacat.
Jam viridi in luco Galatea, & Lysis, & Ægle,
Struxerunt niveâ faxea busta manu.
Glaucia fert violas, amarantum Ceiris, & Hero
Juniperi baccas, Dejopeja crocum.
Ast Ephyre lauros, serpylla Citheris, Adonin
Cypria, narcissum Chloris, Idyia rosas.
Hypsipylea gerit casiam, Cardelia myrtum;
Abrotanum Pÿche, lilia Phyllis habet.
His simul, atque aliis tumulum beneolentibus herbis
Implent, & saxo corpus inane tegunt.
Tum super iniiciunt quot gignit terra colores;
Omnis & Assyrio fragrat odore locus.
Jamque omnes dixere vale, vale optima quondam
Bellatrix, domino cara ministra tuo.
De te si quid adhuc extincto corpore testat;
Semper sis felix, Elysiumque colas.
Proxima quin etiam tales in cortice versus
Populus indicium funeris hujus habet:
Hic Mustela jacet, pueri dolor Herculis ingens:
Pro meritis Dryades hunc tibi dant tumulum.

Ad Philomelam.

Æmula divini suavissima carminis ales,
 Quæ virides umbras, & loca sacra tenes;
 Mollibus & variis quæ tot discrimina vocum
 Flexibus, humanâ dulcius arte, refers;
 Munere pro tali tibi quid, Philomela, rependam?
 Præmia quæ tanto digna labore putem?
 Dum vagus huc illuc hortis genialibus erro.
 Miror & artificii culta vireta manu,
 Hospitis officio tu protinus usa benigni,
 Fingis in adventu carmina mille meo.
 Nec procul hinc densis canis abdita frondibus, altæ
 Illicis in ramo, populeisve comis.
 Verum hic juniperi insidiis mihi proxima trunco,
 Non imitabilibus me venerata modis.
 Et licet hac perstem tibi tam vicinus in umbrâ,
 Deque tuâ suavi garrulitate loquar;
 Nil tamen ipsa times nec gutturi ista canori
 Sedulitas ideo dulce remittit opus.
 Grata sed, in longum luco resonante, querela
 Ducitur, argutis continuata modis.
 Nos vero tali quoniam dignaris honore,
 Dicimus in laudes hæc tibi pauca tuas:
 Humanas avium quæ mulcent cantibus aures,
 Cedere carminibus carmina cuncta tuis.
 Vive diu, similisque tui generata propago
 Finit extremum non nisi fera diem.

Properat ad Amicam.

Ite citi, volucresque pedes prævertite ventos,
 Et loca deliciis quærite nota meis.
 Nota meis loca deliciis, ubi candida sæpe
 Mecum dignata est ludere Phyllorhoë:
 Phyllorhoë, nullis faciem perfusa venenis;
 Cui proprius roseo fulget ab ore color.

Cujus inauratos cupiat sibi Cynthia crines,
Cui faciles oculos invideant Charites:
Formosæque manus, doctisq; laboribus aptas
Juret per similes ipsa Minerva suis.
Tum reliquis agiles respondent partibus artus;
Nec tu in eâ ut quidquam carpere, Mome, queas.
Talis erat virgo Cæneia; talis & altum
Per mare Dictæo vecta puella bove.
Talis erat fulvi decepta cupidine nimbi,
Et quam sub falso lusit Olore Deus.
Omphale erat vatum talis celeberrima cantu:
Talis & Idæo rapta Lacæna proco.
Talis & illa fuit, quæ me sibi junxerat olim;
Nondum juratam fallere docta fidem:
Cujus ego immite imperium tot perditus annos,
Multaque non sano pectore digna tuli.
Sed tua Phyllorhoë, quamvis collata deabus
Ambiguum valeat reddere forma Parin;
Candida simplicitas, tumidoque carentia fastu
Pectora, sunt ipso grata decore magis.
Adde fidem quam nec conjux Ithacesia vincat,
Nec Mithridateas quæ comitata vias:
Nec quæ tartaream properavit adire paludem,
Defunctum Evadne sponte secuta virum.
Te licet inprimis cupiam formosa videre,
Vixque brevi patiar tempus inane moræ;
Triptolemi tamen haud optem conscendere currus,
Ire nec in celeri Bellerophontis equo:
Aut levibus Persei volitare per aëra pennis.
Aut, furibunda, tuâ currere, Cholchi, rotâ:
Nec Zoroastreas artes magicive requiram
Carminis auxilium, Dædaleamve fugam.
Nec mihi si liceat, pedibus talaria curem
Picta galeriti nectere Mercurii.
Unus enim nobis poterit satis esse Cupido,
Quo duce susceptum perficiamus iter;
Qui mihi semper adest, levibusque quod excitat alis.
Nostrum furtivo flamine corpus agit.

Vix mihi jam videor pedibus contingere terram;
 Vincit & humanos strenua planta gradus.
 Sublimisque pari quamvis discrimine Phœbus
 Distet ab Eois, occiduisque locis;
 Et canis exurat sitientes fervidus agros,
 Mutaque sub densâ fronde quiescat avis;
 Non tamen accelerans immenso lædor ab æstu,
 Nec mea longinquum membra fatigat iter.
 Quoque magis propero, tanto magis ipse labori
 Sufficio, & vires impiger urget amor.
 Heu, quanto adficeret me Sors inimica dolore,
 Si qua meum subito caussa teneret iter.
 Et mihi jam senior properanti occurrat amicus,
 Quem fugere oblatum me pudor ipse vetet;
 Singula qui vario cupidus sermone requirat,
 Sciteturque viam, propositumque meum:
 Multaque contexens longis ambagibus erret;
 Atque importunus multa referre velit:
 Ut Ferdinandus magni post fata parentis
 Ausonias terras Parthenopenque regat:
 Nuper ut urbano Florentia concita motu,
 Tristitia det miseris civibus exilia.
 Ut trepidus Borges Romanam liquerit urbem,
 Mœstaque Pontificis funere turba sui.
 Ut Pius insignis magnâ virrute fideque
 Æterni in terris jura parentis agat:
 Sforciadem, Venetumque probet, quod fœdera pacis
 Securus studio servet uterque pari.
 Hinc Malatestigenæ miretur principis artes
 Bellorum egregias, eximiumque decus.
 Illinc innumeris Federicum laudibus ornet,
 Præstantemque manu, consilioque ducem.
 Nec minus Estenses heroas, & inclita facta
 A primis orsus dicat originibus:
 Ingressusque tui titulos genitoris, & acta
 Conferat ad laudes se Leonelle ruas.
 Unicus hinc Phœnix Latio Dux Borsius illi
 Argumenta novæ præbeat historiæ:

Et referat quantum nostro sit in Hercule laudis,
Et Silmundeo qualis in ore decor.
Tum patris, & patrui vestigia clara sequentem
Eftensem his cupiat jungere Nicoleon.
Addat & immitem Turcam, nostraque ferocem
Segnitie; & captis urbibus excidia:
Jam Pelopea Getas regnare per oppida, jamque
Hadriaci in populos arma parare maris.
Quod suadente Pio Federicus Cæsar in hostem
Ardeat & vires concitet ipse suas.
Quod paret ingentem commota Britannia classem,
Et repetat forti Sequana regna manu.
Parte aliâ veteres hostes insurgere Gallos,
Tutantes magnis viribus imperium.
Nec regem oblitum Italiæ, carive nepotis,
Maximaque ad Ligures mittere subsidia.
Ergo, ne similis turbet nova gaudia casus,
Neu videar dominæ lentus, inersque meæ,
Nunc precor aërio nebula circumder amictu,
Quâ Venus Ænean induit alma suum.
Sic demum jussas potero contingere sedes
Tutus, & optatam cernere Phyllorhoën.
Dum loquor, & celeri moveo vestigia passu,
Extremæ apparet meta propinqua viæ.
Jam procul adspicio servantem compita quercum,
Et veteres fagos, populeumque nemus.
Ecce levi statu teneris de frondibus exit,
Et cadit in faciem lenior aura meam.
Huc ego crediderim Zephyrum migrasse tepentem,
Captum sideribus, cara puella. tuis.
Qui mihi non stultè sibi consuluisse videtur,
Chlorida si pro te deserit ille suam.
Nam quid in extremis vidit pretiosius oris?
Quid nunc in nostro pulchrius orbe videt?
Lava Padi ripas, verus at mihi dextra facellum
Monstrat, & annosæ culmina parva casæ,
Quam lentis hederæ complexibus undique cingunt,
Delet ubi raros alta senecta Deos.

Nil ibi vel Zeuxis, vel magnus pinxit Apelles,
Nil ibi Phidiacæ composuere manus.
Lignea crux vero mediâ quæ pendet in æde,
Egregiâ clari Mentoris arte caret.
Pæne suis convulsa trahens de sedibus olim
Fundamenta rapax sustulit Eridanus.
Proximaque, aggeribus ruptis, per culta vagatus,
Mucida sacrilegis tecta replevit aquis.
Muscopus templi paries; humorque, situsque
Præteriti reddunt tristia signa mali.
Nec procul hinc sterilis campi septena Sacerdos
Conductis pauper jugera bobus arat.
Huc mea simplicibus Nymphis comitata Dione,
Cincta caput vario flore venire solet.
Cujus in adventu templis augustior ædes
Omnibus; hæc cunctas unica vincit opes.
Ecce diu latitans aperitur villa remotis
Arboribus, caræ villa beata Deæ.
Protinus hac visa celeri præcordia motu
Venturæ exultant præscia lætitiæ.
Quid mihi fiet. Amor, blandos cum cernere vultus
Fas erit? & niveam cum dabit illa manum?
Tunc ego non dubitem Cræsi contemnere gazas,
Et tot Pellææ clara trophæa domus.
Si quis enim crispas ad frontem ludere crines
Viderit, & quali se ferat alta gradu.
Noverit argutis eadem quid possit ocellis;
Ut mortale nihil dulcia verba sonent:
Sentiet Ætnæis certantes ignibus ignes,
Et poterit constans æqua, & iniqua pati.
Quod si forte alicui dignabitur oscula ferre,
Altera vel proprio sanguine lætus emet.
Vulnus & auxilium quod Pelias hasta tulisset,
Mirabar, fati nescius ipse mei.
Desino nunc, facileque inducor ut omnia credam,
Si necis & vitæ jus habet omne meæ.
Illa quidem media Phalarin placaret in irâ,
Tardaretque tuas, sæve Perille, manus.

Terribilemque suis oculis mirefcere Martem
 Cogat, & iratum ponere tela Jovem.
 Felices agri, fortunatique coloni,
 Quæque simul colitis rura benigna Deæ!
 Namque ubi vere novo genialia tendit in arva,
 Vobiscum dulces protrahit illa moras
 Vobiscum loquitur, vobiscum carmina cantat,
 Vobiscum faciles, exhilaratque choros.
 Et modo vobiscum cultis spatatur in hortis,
 Et modo plena vago retia pisce trahit.
 Nunc manibus doctis imitatur Palladis artes,
 Nunc molles elegos, & mea verba legit.
 Fallor, an hæc Ceiris Dominæ carissima nutrix
 Substitit? ac verso respicit usque gradu?
 En rapidis iterum fertur cita passibus: ipsa est;
 Notaque ut accedam dat mihi signa manu.
 Progrediar, quæramque meis fiducia votis
 Quæ sit; quidve novi sedula portet anus.
 Quod tua si præsens aderit solertia amanti,
 Talibus officiis aurea Ceiris eris.

Phyllorhoës Epicedium.

Quo miser usque tuos celabis, Tite, dolores?
 Ægraque mens tacitum quo premet usque malum?
 Dissimulare prius licuit, dum Sol tibi fulsit
 Candidus, & placidæ spes bona sortis erat.
 Nunc fera consilium superat violentia fati,
 Nunc ars indomito victa dolore perit.
 Maxima sæpe latent sub tristi gaudia vultu;
 At sua cor læsum non bene damna tegit.
 Infandos luctus, & vulnera pectoris ede,
 Atque ea quæ nulli nota fuere prius:
 Quæ si forte times hominum vulgare per ora;
 Silva locum lacrimis præbet opaca tuis:
 Silva locum præbet lacrimis, ubi semita nulla
 Cernitur, humani signa nec ulla pedis.

Hic querulas tantum volucres habitare, ferasque
Credibile est: procul hinc arbiter omnis abest,
Sol, cujus radios umbrosa cacumina silvæ,
Huc vix oppositis frondibus ire sinunt;
Qui nunc Hæmonii non immemor ignis, & undæ,
Forſitan hic mecum condoliturus ades.
Teſtis eris nihil eſſe mihi, cur vivere curem,
Æthereâ poſtquam lux mea luce caret.
Nam quid ego hic aliud, niſi durum, ac flebile ſemper,
Sublata ſperem te mihi Phyllorhoë?
Tu meus ardor eras; in te mea maxima cura
Hæſerat, & voti ſumma, caputque mei.
At nunc a patriâ ſævi contagia morbi
Dum fugis indigno funere raptâ jaces.
Et mihi jaſturæ tantum, tantumque doloris,
Conditio diræ mortis acerba tulit:
Ut ſemper miſero juſtiſſima cauſſa querelæ
Creſcat, & æternis immeror in lacrimis.
Heu ſævæ leges, & dura potentia fati,
Humani finitis quæ nihil eſſe diu.
An fuit omnino veſtras infringere vires.
Si paucos etiam viveret illa dies?
Nunc primum viridis campos ingreſſa juventæ.
Non extremus honor temporis hujus erat.
Dedecet immites, & acerbos carpere fruſtus,
Illum, quem culti ſpes tenet ulla ſoli.
Vos quoque tam ſubito decus hoc, talemque puellam
Nondum matura morte tuliffe neſas.
Serius, aut citius veſtri mortalia ſiunt
Juris, & hæc illi fors adeunda fuit.
Heu funeſta dies, nigro damnanda lapillo;
Triſtibus infauſtum nomen adepta malis;
Qua puri quondam radios imitantia Phœbi
Deſeruit ſolitus lumina mœſta nitor:
Quâ bene compoſitos artus, faciemque ſerenam,
Flaventesque comas invida textit humus;
Quâ vigor ingenui defecit corporis, & qua
Tabuit egregiis artibus apta manus:

Quâ vox illa prius morientibus æmula cyncis,
 Cœpit in æternam muta filere diem;
 Quaque pios actus mors interrupt, & altæ
 Infregit mentis nobile propositum!
 Heu nimium miseri, infortunatique parentes,
 Conficiet verus quos sine fine dolor!
 Vos luctu assiduo sensum amisisse malorum
 Crediderim, in vitâ quos mora longa tenet.
 An potuit vestros Niobe superare dolores?
 Cognitaque adversis casibus Antiope?
 Plurima namque licet utræque tristitia passæ,
 Haud minor hæc illâ clade ruina fuit.
 Seu mores, sive ingenium, seu gratia formæ
 Quæritur, aut priscæ nobilitatis honos:
 Hæsit in hac unâ simul harum gloria rerum;
 Hujus in occasu tot periire bona.
 Sic vestra imprimis ægre jactura ferenda est;
 Nec dabit his ætas fletibus ulla modum.
 At facer ex illo tunc cum discederet ore
 Spiritus, & vestras quæreret illa manus,
 Inque oculis vestris cum lumina fixa teneret,
 Quid vobis animi consiliique fuit?
 Si quemquam potuit præsens extinguere mœror.
 Perdere vos etiam debuit illa dies.
 Non habitura parem terquinque peregerat annos
 Phyllorhoë vestros inter adulta sinus.
 Phyllorhoën vobis tantum ostendisse videntur,
 Et subito vobis eripuissæ Dei.
 Non generum vobis, non caros illa nepotes
 Præbuit, aut dotis dona parata tulit.
 Divitiisque brevi gavisa, & honore parentum,
 Mox erit exiguus filia vestra cinis.
 Sed quid ego infelix vestra infortunia tantum,
 Ipse velut patiar vulnera nulla, queror?
 Igne Cupidineo quicumque fideliter arsit,
 Unica cui præstans cura puella fuit,
 Cui placitum subitis fortuna abrupt amor
 Casibus; ærumnas cogitet ille meas:

Ille suo exemplo poterit mea tristia fata
 Discere, & arcani pectoris acre malum.
 Si possent aliquâ cœlestia Numina flecti,
 Nec vetitum certis legibus esset iter,
 Quod prius obtinuit Stygiis a Manibus Orpheus,
 Sollicito Superi nunc mihi forte darent
 Si proprios iterum levis umbra rediret in artus.
 Carpere concessas me duce iussa vias,
 Forsitam admonitus, quo rursum perditâ pæcto
 Flentem mœsta virum liquerit Eurydice,
 Cautius ingrederer nocitura pericula vitans,
 Et quæcumque solent gaudia magna sequi.
 Ah miser, ah iterum miser, ah sine pectore, Tite,
 Quo dolor impellit? quæ tibi verba cadunt?
 Tunc Deum stabili firmatas ordine leges,
 Credideris certam deficere ante diem?
 Cum semel hinc alium raptæ mittuntur in orbem.
 Terrenasque animæ deseruere domos,
 Præmia pro meritis referunt, sedesque paratas
 [Sic statuit Superum provida cura] tenent.
 Corpora nec surgunt letho defuncta, priusquam
 Ultima iudicii venerit hora sui.
 Si tamen æterni veneranda potentia regis,
 Qui cœlo, & terris imperat, atque mari,
 Omnipotens qui solus agit mirabile quidquid
 Cernimus, & quidquid lumina nostra latet;
 Si tibi Phyllorhoën nunc illa potentia reddat,
 Ne noceas huic, quam diligis ipse, cave.
 Nam nisi vera loqui piget, his egressa tenebris,
 Ætheriis gaudet sedibus illa frui.
 Et pudor, & nulli pia mens obnoxia culpæ,
 Rectum iter ad Superos unde recessit, habet.
 Phyllorhoë felix terris colit astra relictis.
 Magnorum in numero jam nova Diva Deum.
 Pro quibus inducor, ne non ego gratuler illi;
 Ne videar tantis invidus esse bonis.
 At quoniam solitos misero mihi cernere vultus
 Non datur, & placidæ gratia frontis abest;

Dum

Dum moror in terris, dum tu colis æthera virgo,
Accipiet lacrimas dulcis imago meas.
Hæc tibi, Phyllorhoë, similis vera omnia de te,
Si modo non desit spiritus, ecce refert.
Hæc mihi grata comes, seu tendere Solis ad ortum,
Seu juvat Hesperium visere littus, erit.
Hæc mihi si Geticas rupes, calidamve Syenem
Transferar, in caro semper habenda sinu.
Huic ego curarum seriem narrabo mearum,
Et quoties cupiam te, mea vita, sequi.
Namque ubi in humanis nulla est constantia rebus,
Quid spe fallaci pascere vota juvat?
Illi vita fuit longissima, quisquis honeste
Occidit; & spretis quæ videt, alta petit.
Interea dum fila sinunt mea currere Parcæ.
Nec summi injussu Regis abire licet,
Candida quod relevent afflictum insomnia lætor
Effigiem referunt quæ mihi sæpe tuam.
Nam quoties nitidi capitis pulcherrimus ordo,
Per somnos oculis visus adesse meis?
Attonito quoties gemini se luminis ardor
Obtulit? & miro nota decore manus?
Mutua quid referam, quæ tu mihi sæpe videris
Accipere, & solitis reddere verba sonis.
O ego quam tali deceptus imagine felix!
O placidæ noctes! o mihi grate sopor!
Atque utinam non tam subito me somnus, & error
Linqueret, ac mecum staret uterque diu!
Scilicet ut tecum maneam pulcherrima, donec
Longa meæ veniant tædia lætitiæ.
Dum mortalis eras, nec adhuc te in parte Deorum
Regia fiderei viderat alta poli;
Sola tamen mihi Numen eras, & criminis expers:
Candidus impura labe carebat amor.
Te supplex igitur meritis pro talibus oro;
Per fratrem, per te qui genuere, precor;
Ut tua præsentis Superos mihi gratia reddat.
Utque mei numquam non memor esse velis.

At me nulla tui capient obliuia, seu me
 Lux alit, æternâ sive ego nocte premar.
Et quæ præcessit Majas octava Kalendas,
 Postquam non ultra es, tu mihi visa, dies;
 Illa mihi solennis erit, lacrimosæque semper,
 Indicium tanti, principiumque mali.
Hic tibi dum licuit nobiscum ducere vitam,
 Me tenuit laudis maxima cura tuæ.
Nunc quoque, neu præsens, neu postera nesciat ætas,
 Qualis sub gelido marmore Nympha cubet.
Ipse tuum nostro signavi carmine bustum,
 Qua Padus illabens rura paternâ videt.
At quicumque leget miseri monumenta doloris,
 Verba Sibyllino tradita ab ore putet:
 Qua nihil in terris tulit hæc pretiosius ætas,
 Quæ potuit credi, dum fuit, esse Dea,
Phyllorhoë jacet hic teneris extincta sub annis,
 Proxima Ferrariæ dum tenet arva suæ:
Tempore quo misera pestis baccatur in urbe,
 Nec fors vicinis parcit iniqua locis.
Crudeles nimium Divi, crudelia fata,
 Perdere quæ tantum sustinuerè decus.

Ad Psittacum.

Psittace, quid frustra misero mihi nuper ademptam
 Phyllorhoën tanta sedulitate vocas?
Parce precor, parce insanos augere dolores,
 Heu periit, quam tu vivere forte putas.
Parce: meo toties animam de pectore vellis,
 Phyllorhoën quoties blanda lingua refert.
Heu, periit, neque eam spes amplius ulla videndi,
 Quam propter nobis vivere dulce fuit.
Si sensus tibi, si ratio est, ut habere videris,
 Communi tristem te decet esse malo,
Non sum equidem oblitus, tibi quæ responsa vocanti,
 Poscentique dapes sæpius illa daret.

Et

Et memini, aurato cum te prodire juberet
 Carcere, porrectam te insiluisse manum;
 Atque illinc dulcem, rostro parcente, salivam
 Suxisse illæsis molliter e labiis.
 Post, ubi divinæ laudas sidera frontis,
 Non homo, dicebas, sed Dea Phyllorhoë est.
 Prisca salutato si paucis Cæsare verbis,
 Nigrantes ætas nobilitavit aves.
 Quid tibi facundâ fingenti plurima voce
 Tam bene, tam docte, Psittace, laudis erit?
 Laudo equidem, ingenium miror, debere fatemur.
 Nos tibi: nulla tuis gloria par meritis.
 Sed ratio, & tempus, fortunaque lubrica, certam
 Dant nostris legem rebus, & eripiunt.
 Hæc igitur nos caussa movet desistere cœpto
 Nonnunquam, & placitum flectere propositum.
 Quid loquor? unde meæ tanta inconstantia mentis?
 Quod modo damnaram, Psittace, nunc cupio.
 Forte meis aliqua ratus es te posse mederi
 Luctibus, hos ubi sum dictus adisse lares.
 Quodque ita sit, cum me tristi mœrore silentem
 Vidisti, & multo rore madere genas;
 Tu quoque commotus graviter, sociusque doloris,
 Ecce piis lacrimis lumina mœsta rigas.
 Functus es officio veri, & prudentis amici,
 Nilque reliquisti quo mala nostra leves.
 Perge precor, Dominæque tuo communis utrique
 Semper adorandum nomen ab ore sonet.
 Atque utinam in sævo pieras tua vulnere fiat,
 Tam dulci eloquio Pelias hasta mihi.

Pro D. Isabella Sponsa ad Mantuæ Principem.

Non ita servato gaudebat Jasone Colchis,
 Cum tulit auratæ nobile vellus ovis;
 Nec sic Dædaleas cæso Minoia monstro.
 Vidit ubi Ægiden exsuperasse vias;

Nec

Nec sic deposita duræ formidine sortis
Læta erat oblitis luctibus Andromede;
Tot maris ac terræ post sæva pericula; nec sic
Conspicito incolumi Penelopea viro.
Ut Franciscæ tuas lætor, ceu scribis, ad urbem
Tandem expectatas hanc dare vela rates,
Quæ tibi concedant felices dextera cursus
Numina, sunt precibus sollicitata meis.
Cum socero fratres, carasque valere sorores,
Et salvos omnes gratulor esse tuos.
Sed tamen inprimis cupio te cernere, si me
Virgineus patitur dicere verba pudor.
Serpit enim insolitus, qualem nec dicere norim,
Nec meditari animo, nostra per ossa calor.
Ille novis furtim curis invadere pectus
Niritur, immemorem nec finit esse tui.
Et quamvis, juvenum pulcherrime, longius absis.
Nostra tamen vultus mens videt usque tuos.
Haud debere parum Superis Franciscæ videbar,
Quod non in Geticis rupibus orta forem:
Quod mihi sit genitrix Leonora, quod Hercule dicar
Nata duce, & proavos jactet uterque suos:
Hic Gallos, ast Hispanos ex ordine Reges
Sanguinis auctores adferat illa sui.
Ulla sed optandæ ne pars mihi sortis abesset,
Maxima tu nostris gloria rebus ades,
Qui patris egregias laudes imitaris, & alta
Fulges Gonzagæ nobilitate domus.
Nec secura fui, tua dum præclara teneret
Te procul a nostrâ Mantua Ferrariâ.
Et seu dictus eras forci certare palæstrâ,
Seu celeri cursu ludere, sive pila:
Flectere seu validis sinuosos viribus arcus,
Seu jacere abducta spicula lenta manu:
Seu pedes interdum magnam graderere per urbem,
Sulcaret patrios seu tua cymba lacus,
Sive ferebaris campo exercere ferocem,
Qualis in Oëbalio pulvere Castor, equum:

Seu

Seu rapidis canibus lepores, capreasque fugares,
 Sive truces audax insequeris apros;
 Pertimui subito, ne quod discrimen adires,
 Nec mihi parva tuæ cura salutis erat.
 Fama puellarum te visere sæpe choreas
 Retrulit: hoc utinam nil mihi triste ferat.
 Altera nec nostro se misceat improba amor.
 Neu quærat pactam sollicitare fidem.
 Difficile est aliquid de te mihi credere: verum
 Nescio quid cogor subdubitare tamen.
 Hoc tua persuadet facies insignis, & ille
 Securam qui me non finit esse; Deus.
 At mihi si nemo te præter amatur, & uni
 Sum tibi legitimâ consociata fide;
 Si non indignæ sumus ut mereamur amari;
 Mutua fac teneat te quoque cura mei.
 Atque ita qui teneris in te bene cœpit ab annis,
 Me crescente meus crescere perget amor.

Ad D. Alfonsum puerum genethliacon.

Salve magne puer, stellis felicibus orbe,
 Diva meo peperit quem Lionora Duci,
 Cujus ut optatos mundo Sol cerneret ortus,
 Serus anhelantes æquore merfit equos.
 Lucida nascenti cupiens occurrere Phœbe,
 Conquesta est longum segnius ire diem:
 Exaudita Deis populorum vota, precesque;
 Tandem te nobis hac tribuere die:
 Qua rerum ingenti perfecta mole quievit;
 Quam festam jussit maximus esse Deus.
 Hæc Domini lux est. Dominoque dicata, tibi que
 Conveniens, Regni qui caput hujus eris.
 At te prima suis manibus Lucina creatum
 Sustulit, & Charites huc coïere Deæ;
 Et tibi gratantes simul arrisere, Venusque
 Candida Acidaliis membra rigavit aquis.

Oscu-

Oscula prima dedit, primos involvit amictus,
Oraque purpureis tinxit eburna rosis.
Sed te non alio decuisset tempore nasci,
Aufoniis quam quo Pax viget in populis,
Hoc fuit indicium nullos te principe morus
Armorum, ac belli per tua regna fore.
Mensis & hic magno de nomine dictus Juli,
Spondet opes certas, imperiumque tibi.
Ipsa quoque auspiciis adsunt felicibus astra,
Atque parant faciles fata benigna vias.
Te nascente gravis Saturni stella maligni
Occidit, adfuetam deseruitque domum.
Libera servitio Domini lætissima cælum
Possidet, & faustos nunciat urna dies.
Juppiter at Pisces præsentem intermicat astro,
Et sedet in gremio Virginis alma Venus.
Martem libra tenet, Solem, Solisque sororem
Sustinet Herculeus, Mercuriumque Leo.
Atque ita disposito cœuntia sidera cursu
Promittunt sceptris omnia læta tuis.
Salve magne puer, Ducis Herculis inclita proles,
Estensis jam nunc spesque, decusque domus.
Care nepos Regum, toto quos orbe potentes
Ac meritis claros cernimus esse suis:
Nulla tibi potuit generis contingere major
Gloria, vi cœli missus ab arce fores.
Utque reor, laudi desit pars nequa futura,
Nomen ab Alfonso grande tenebis avo.
Ista quidem facies animosi plena vigoris,
Et jam nunc tanti corporis effigies,
Nil penitus mortale tenent, manifesta que nobis
Herculei reddunt seminis indicia.
Hinc comitata suis Astræa sororibus, illinc
Observat cunas Africa Diva tuas.
Hoc minus: ad caput adstitit tibi regia Juno,
Et Fortuna tuos excubat ante pedes.
Eja age, cresce puer, certissima cura Deorum;
Blanditiæ magni, delitiæque patris.

Tu quoque uti posses nobis pulcherrime nasci,

Erepta est sævis naufraga mater aquis.

Hadriaci. dominam maris, ipsa reliquerat urbem,

Ad patriæ portus vela datura suæ:

Protinus obscura tegitur caligine cœlum;

Consurgit medio nox tenebrosa die.

Cærule tetricæ permiscet æquora venti,

Littoraque insanis fluctibus ista sonant.

Deucalionæos demittit Juppiter imbres;

Nubibus abruptis fulgura crebra micant.

Hinc Notus, inde ruit Boreas; hinc Eurus, & inde

Africus horrifono turbine bella gerunt.

Corripiuntque rates, & sævis flatibus instant;

Hic dextrum, at lævum mox ferit ille latus.

Hic furit in proram, puppim contrarius alter

Verberat, & vasto cuncta fragore fremunt.

Flamina flaminibus, fluctus dum fluctibus obstant:

Non vento ventus, non aqua cedit aquæ:

Annixuque pari contenditur, iraque discors

Servat deprentas inter utroque rates.

Nec finit omnino tumidis mergantur ab undis:

Quæque nocent, prosunt, auxiliumque ferunt.

Et nunc aggeribus vastis tolluntur aquarum,

Et nunc subductis fluctibus ima petunt.

Non aamen aut retro ad litus convertere cursum,

Aut iter inceptum continuare licet.

Quassatæ implentur cœlique marisque carinæ

Imbribus; & duplicis vis premit atra mali.

Sævæ hiems, venti ingeminant, striduntque rudentes,

Et laterum graviter robora pulsa gemunt.

Interea vero comitum, Lionora, tuarum

Tristia sollicito corda pavore tremunt.

Dant mœstæ lacrimas, desperataque salute

Questu cuncta replent, & sua fata dolent.

Altera in alterius gremio jacet, atraque diræ

Omnibus ante oculos, mortis imago sedet.

Huic pater, huic genitrix, huic filia parva dolorem

Suscitat: & natos hæc vocat, illa virum.

Tum

Tum precibus, votisque Deos sine fine fatigant;
 Detur ut ad patrios posse redire lares.
Nec spes ulla viris melior: quin deficit omnis
 Nautarum posito turba magisterio
Et se posse negans tumidis obstare procellis,
 Fortunæ mandat Cælitibusque rates.
Nec quidquam nisi vota facit: Divosque Deasque
 Orat, ut adflctis rebus adesse velint.
Tu licet immensus dolor urgeat, omnia forti
 Elatoque animo fers, Lionora, tamen.
Hortarique tuos, vires cum mente resumant,
 Et vivis aliquam spem superesse mones;
Et quicumque animo præstat, nec se ipse relinquit.
 Hunc tu præsentem dicis habere Deos
Talibus admonitos, ingens simul excitat ardor,
 Ad sua dehinc subito munera quisque redit:
Et celeri studio nunc huc nunc curritur illuc,
 Duraque contendunt vincere cuncta viri,
In tantis lux illa malis transacta, dieque
 Nox illa haud melior dissimilisve fuit.
Reddita pax cælo tandem, pelagoque, minæque
 Tot, nil excepto triste tulere metu
Atque ita Ferrariam, puero carissime Divis,
 Incolumis genitrix te paritura redit,
Tertius in lucem matris labor, omine fausto
 Venisti; gaudet quæ peperisse marem.
Namque Isabella soror (qua nil formosius, & nil
 Te tamen excepto, gratius esse potest,
Cujus in egregiâ mirabilis indole sensus
 Cernitur) in vestro sanguine prima fuit.
Alter amor populi jam nunc veneranda Beatrix,
 Hanc sequitur, quibus es additus alme puer:
Cujus honoratum pueri matresque virique
 Naralem celebrant, & sine fine canunt.
Nec tantum Delos gaudebat Apollinis ortu,
 Nec tantum nato Gnœsia terra Jove:
Quantum læta novo exultat Ferraria partu,
 Nec regit adfectus officiosa pios.

Non tuba, non citharæ, non tibia, non cava cessant
Tympana, non agili cymbala pulsa manu:
Testa, viæque procul resonant, deiubraque passim
Festivis augent gaudia tanta sonis.
Eruit e latebris squalentes carcere fracto
Captivos, juvenum conglomerata manus,
Undique collucent ignes, rotamque per urbem
Currit, & accensas fert vaga turba faces.
Et rea votorum grates persolvere ad aras
Certat, & emeritis reddere sacra Deis,
Herculeos hic adire lares festinat, & hujus
Lætitix primus nuntius esse cupit;
Ille salutata genetrice dat oscula cunis,
Hic supplex orat cuncta secunda tibi.
Hos inter, caris ad te cum fratribus ipse
Protinus accedens hæc tibi dona fero.
Hæc & purpureos superant, viridesque lapillos,
Quidquid & aurifero gignit in amne Tagus.
Nam tibi longa precor felicit tempora vitæ,
Sanaque mens adsit, justitiamque colas.
Et memor Herculeæ stirpis, vestigia numquam
In lævam flectas a meliore viâ.
Multa incredibili genitor virtute peregit;
Auspiciis domuit tristia monstra suis.
Si quid atrox, si quid dirum, atque immane relinquet,
Delebis forti victor id ipse manu.
Quæ vero tibi digna satis Ferraria reddet
Præmia pro partu nunc, Lionora, tuo?
Quid populi, gentesque dabunt, quas mite benigni
Reddit felices Hercules imperium?
Nil proprium conferre valent: nam spiritus, & res,
Et quidquid possunt, juris id omne tui est.
Restat adorato Jove, Numina cuncta precari.
Ut vivas conjux Herculis ipsa diu:
Ut bene concordēs felix tecum exigit annos,
Sitque diu patriæ duxque, paterque suæ.
Sanguinis ut vestri crescat numerosa propago,
Inclytæque illustres turba sequatur avos.

Atque ut pro miseris natum mortalibus orat,
 Quæ sacra virgineo pondera ventre tulit:
 Sic præsens populis, Regina, fidelibus adsis,
 Ante virum, & nostro hæc nomine verba refer.
 Non satis esse bonis sine crimine ducere vitam,
 Ni tuti fuerint vindice iustitia.
 Hoc præstare potest princeps, qui nomine dignus
 Herculis, Herculeâ nititur ire via.

Jesu Christi Dei opr. max. genethliacon.

O nimium felix, vereque beata, nec ulli
 Pro meritis digno Nox celebranda sono
 Venturæ quæ mox Auroræ præscia, quod fas
 Credere, tentasti lucis habere vicem.
 Ne tantam audires, coram sed ut ipsa videres
 Virgineos partus, angelicosque choros.
 Sed licet abfueris, inter præsepia nasci
 Cum magnus voluit Rex veniente die;
 Admiranda tamen cœli mysteria, torque
 Gaudia credibile est nota fuisse tibi.
 Lucifer, astrorum fortunatissime, qui dum
 Cætera jam pulla sidera nocte fugas,
 In statione manens quicquid gereretur Olympo,
 Novisti, & terræ gloria quanta foret.
 Testis es, humanos Deus ut sibi sumserit artus,
 Sed non mortali semine factus homo
 Et genibus positis asinumque, bovemque repente
 Ante sacros Domini procubuisse pedes.
 Tu quoque Pastorum felix manus, æthere ab alto
 Quærere iussa humilis culmina parva casæ.
 Matribus o genitrix multum prælata beatiss,
 Atque parem nullâ parte habitura tibi:
 Quis tibi digna dabit pro tali munera partu?
 Quis referat mentis gaudia magna tuæ?
 Vix sacer in lucem completis venerat infans
 Mensibus; arrisit virgo beata tibi.

At tu labe carens, supplex, expertusque doloris,
 Continuo partus es venerata tuos.
 Et tibi, quo fatis præsentibus orta volente es;
 Lactandum omnipotens se dedit. alma, Puer,
 Tum veneranda gerens canentem ad pectora barbam
 Secum animo voluit que videt acta senex,
 Divinique memor monitus te letus adorat,
 Poplitibus flexis, progeniemque tuam;
 Et parcente manu teneros avidissimus artus
 Tangit, neve aliqua possit obesse cavet
 Quis dubitet libasse illi mille oscula? nec se
 Dulcibus a lacrimis abstinuisse senem?
 Non hæc Attalici opibus fulgebat, & ostro,
 Sublimis Pario marmore nisa domus:
 Non auro paries gemmisque nitebat Eois;
 Non Arabi thalamus plenus odoris erat:
 Non ullum mensæ argentum, non stragula mollem
 Velabant Phrygio picta labore thorum.
 Juncus, & adgestæ filices, & canna palustris,
 Felicis tugurii nobile tegmen erant.
 Rara sed & vento textura patebat, & imbri;
 Claudebat totum flexile vimen opus:
 At putris limi tunicâ circumdata sepes,
 Ponere jam veteres cœperat exuvias.
 Et crebras, oculis spectantium pervia, rimas
 Fecerat, hirsuto non satis apta gregi.
 Omnis inhærebat paucis, rudibusque columnis,
 Quas faber haud multa finxerat arte, casa.
 Angulus haud ingens, rigidi quo straminis hospes
 Fasciculos paucos accumularat, erat.
 Hoc cibus, & lectus pecori fuit: hoc tibi virgo,
 Substravit senior, composuitque thorum.
 Talibus in plumis cœli regina quievit;
 Nec tamen inde procul bos, & asellus erant.
 Hunc sibi nascenti rerumque, hominumque creatos
 Contemptis opibus legerat ipse locum;
 Ut sacram expleret regio Bethlemica sortem,
 Ea tidicis vatum nobilitata modis.

Dumque simul studiis ingentibus ordine certo;
Factori adfistunt cuncta elementa suo;
Purpurei veris tepidos æquasse calores,
Hibernum Solem; credere velle, pium est.
Scilicet immitti ne frigore (namque ibi nullus
Ignis erat) puero sæva noceret hiems.
Quem Dea dum pannis involveret, omnibus illa
Fæta est apricis gratior ora locis.
Credibile est volucres, ea dum mirantur ab alto,
Alarum celerem sustinuisse fugam:
Vicinasque, truci sedata protinus irâ,
Spectasse attonitas tot pia facta feras.
Parva quidem, Stellâ præeunte, mapalia Reges
Æterni jussu tunc adiere patris.
Atque sacrum oblato venerati munere Numen,
Mutari facies obstupere suas.
Quos vitare mali sedes Herodis iniquas,
Jussere ex alto somnia missa polo.
In patriam lætos eadem quos Stella reduxit;
Atque alia tellus Inda petita via est.
Barbare, quid nunc tot puerorum millia ferro
Occidi, hunc unum dum petis ipse, jubes?
An quia pro nostro mortalia crimine membra
Induit, & cœli venit ab arce sui.
Creditur esse Deo minor, & violabilis ulli,
Sponte suâ terris donec abire velit?
Hic aiquid majus, quam quod mortalibus ullis
Contigit, adsumtum jam semel, intus habet.
Intus habet, quod non sit dimissurus; & idem
Spiritus in nato permanet, atque patre.
Non puer hic gazisque tuis, regnoque potiri
Vi cupit, inque tuum non parat arma caput.
Hunc majora manent: ubi fundamenta salutis
Jecerit humanæ, crimina nostra luet:
Atque docebit, uti purgata labe renasci
Possit homo, & sancta fœda lavabit aquâ,
Inde novæ gentes alios condiscere mores
Admonitæ incipient, & meliora sequi.

Prisca superstitio, simulacraque vana Deorum,
Hoc duce, firmata religione cadent,
Sponte sua post hæc se tristibus offeret aris.
Victima sacrilega percutienda manu.
Tum Stygias lethi descendet victor ad undas,
Terribilique geret signa tremenda manu.
Fulgida sidereis ardebunt lumina flammis;
Adspæctum nec qui perferat hujus, erit.
Excusso manibus remo, cymbaque relicta,
Diffugiet pavidus per vada nigra Charon.
Pandentur foribus pallentia regna revulsis;
Præcipitem rapiunt agmina dira fugam.
Tartareis trepidans immania guttura custos
Claudet, & extendet grandia membra solo.
Herculeæque aliquid pejus quam verbera clavæ
Formidabit: atrox concidet ille furor.
Nec minus extremo comitata sororibus antro
Occulet anguigerum torva Megæra caput.
At fontes pœnis laceratæ immitibus umbræ,
Quas dirum exagitat mente tremente nefas.
Ut procul adspiciant venientem in luce corusca,
Pulsabit justus noxia corda pavor.
Et tenebris abdi cupient: sed abire vetabunt.
Dura catenarum vincla jubente Deo.
Præcipitis nec non ima de sede barathri
Horrendum Pluto proferet ipse caput.
Et procul insolitæ miratus lumina lucis,
Agnoscet Domini territus ora sui;
Quem non ignorans, Erebi de carcere tetro,
Ducturum sanctos ad pia regna patres,
Saucius attonitam fremet acri vulnere mentem;
Obvius audebit nec tamen ire Duci.
Expectata piis igitur cum venerit hora,
Secum Rex hilares ire jubebit avos:
Et citius dicto, comitum stipante suorum
Agmine, se recta tollet ad astra via.
Quod si non magnis componere maxima rebus,
Atque humana sacris æquiparare licet;

Lætitiâ cœli talem fore credere fas est;
 Cum steterit magnum filius ante Patrem:
 Qualem, cum domito referebat ab orbe triumphos,
 Urbem, Roma, tuam concelebrasse ferunt:
 Ausus es huic igitur puero, crudelis Apella,
 Non una indignam fraude parare necem?
 Tunc redemptorem (nisi malles perfidus esse)
 Tentasti infanda tollere morte tuum?
 Qui vitæ quæsitior erit, pœnaque nocentes
 Adficiet; justis præmia digna dabit?
 Talia moliri sed quis mirabitur ausum,
 Qui fuerit nati pestis acerba sui;
 At tu sancta dies, cœlo quæ mitteris alto,
 Adventuque refers annua festa tuo;
 Hercule cum natis, & fratre, & conjuge cara
 Sospitibus, nobis candida sæpe redi.

Ad Silviam.

Silvia cara vale, valeat fidissima Dirce;
 Rura meis valeant conscia deliciis.
 Corpore discedens, animum, mentemque relinquo.
 Debilis incertos vix movet umbra pedes.

In columna, viventi Borſio incisum.

Hanc tibi viventi Ferraria grata columnam
 Ob merita in patriam, Princeps justissime Borſi,
 Dedicat; Estensi qui Dux a sanguine primus
 Excipis imperium, & placida regis, omnia pace.
 Verum ingens quando sibi vindicat omnia Virtus,
 Et longe humanam superat tua plurima sortem
 Gloria: Divinos, si tu patiaris, honores
 Ultro ipsi dabimus; meritasque sacrabimus aras.

In eundem Borſium.

Aurea fulserunt te principe sæcula, Borſi;
 Testantur patriæ te tua facta patrem.

Virtuti imperium si par tibi fata dedissent;
Tot meritis unus vix satis orbis erat.

In laudem riparum Benaci.

Cedriferi colles, & amœni collibus horti,
Lucida Benaci qua fluit unda lacus:
Unde ortum accipiens placido felicia cursu
Meoniæ gentis Mincius arva secat.
Vos salvete simul Nymphæ, salvete Deique,
Si quos aut nemus hoc, aut sacra lympa tenet.
Quam juvar has ripas spectare, habitumque locorum!
Lenis ubi tenui sibilat aura sono.
Tanta ubi vis avium, cantu quæ mulceat aures;
Et quæ sit lautas inter habenda dapes.
Quis non aurifero depastos gurgite pisces
Laudarit, quos hic unicus amnis alit?
Deliciæ quæ non capiant cœlique, folique?
Quis putet his quidquam gratius esse locis?
Contendisse hominum labor, & Natura viderur,
Plus uter hunc dicer nobilitæve situm.
Non animos tantum regio, non lumina pascit
Ægra, sed ut medica corpora sanat ope.
Hoc simul indigenæ experti, externique fatentur.
Hoc refero certa testis & ipse fide.
Neve sit ignotum, qui tot pulcherrima laudet,
Si per eum tribui laus tamen ulla potest:
Post decimum Titus rediens huc Strozius annum.
Hæc vobis grata carmina mente dicat.

Pro Tobia Veronenfi.

Dum canit horrendi Martis fera bella Tobias.
Persephone præstans invida rupit opus.
Et præco insignis rerum, Sismunde, tuarum
Occidit ante diem, mors ea facta tua est:
Vos decuit, Musæ, sacro succurrere vati:
Ille ope, Phœbe, tua vivere dignus erat.

Sed tamen & luctu vestro, lacrimisque Minervæ,
Pegaseas undas intumuisse ferunt.

Pro Joannē, proxeneta egregio.

ic, Pelicane jaces, quem febris acerba peremit,
Nobilis ingenii dexteritate tui.
Vendenti nemo malius componere ementem
Norat, nec lingua promptior ullus erat.
Profuit, & nocuit tua quondam industria multis,
Parque in te probitas, improbitasque fuit.

Pro Guarino Veronensi.

Hic veneranda tegit magni lapis ossa Guarini:
Utraque lingua suo mœreat orba patre.
Hoc Verona decus terris dedit; abstulit ætas
Longior: ad Superos mens pia fecit iter.

Pro Margarita Peregrinia.

Quæ fuit exemplum cœlestis nobile formæ,
In qua tot laudes, tot coïere bona;
Margarita sub hoc tegitur Peregrinia saxo.
I nunc atque mori Numinâ posse nega.

Pro Matthia, Ungariæ Rege.

Quas tua non adiit, Rex invictissime, gentes
Gloria? Matthiam quæ tacitura dies?
Lata novum mundo Natura faventibus astris
Addidit, in lucem te veniente, decus.
Nec fors, nec ratio, nec mentis vividus ardor,
Nec pars virtutis defuit ulla tibi.
Protulit antiquos regni te Principe fines
Pannonis, Arctoïis gens dominata plagis.
Te Geta, te Dacus fremuere, acerque Boëmus,
Horruit & vires ora Liburna tuas.

Effe.

Effera quid bello posses Germania sensit;
 Nec vis conatus ulla morata tuos.
 Ut cœlum ornarent, animo majora parantem,
 Fatales terris te rapuere Deæ.

Pro Lianora Duce Ferr.

Ergo quis eripiet mortalia corpora letho,
 Jus habet in magnas si fera Parta Deas?
 Tristibus haud potuit Lianora resistere fatis,
 Et sibi mirantur Dî cecidisse parem.
 Rege satam, Divique thoro vixisse dicatam
 Herculis; haud illi gloria parva fuit.
 Sed meliora petens, studuit bene ducere vitam;
 Ut bene supremum posset obire diem.

Ad Lucretiam Borgiam.

Vivere certus eram sine amore; Lucretia captum
 Me tenet haud: mirum est; imperat illa Deis.

In eandem.

Ibat Amor facibus: pharetraque superbus, & arcu:
 Erranti huc illuc Borgia visa Dea est.
 Hic novus inquit, erit nobis labor: aurea prendit
 Spicula: queis magnum fixerat ante Jovem.
 Tela sed adducto properantem emittere nervo,
 Illius ex oculis lux ferit orta Deum.
 Obstupuit; cecidere manus; delapsa sagitta est.
 Risit, & hic nostro sævior ignis, ait.

De Pado concreto frigore.

Qui Phaëtonceos extinxit plurimus ignes,
 Pænè gelu absumptis nunc Padus aret aquis,
 Atque repentinos Borealia frigora pontes
 Struxere, & sicco pervia lymphæ pedi est.

Qua-

Quaque rates variis oneratæ mercibus ibant,
 Nunc plaustris junctos cernimus ire boves.
 Ad nova concurrit spectacula vulgus, & audax
 Turba per insuetum fluminis errat iter.
 Mira quidem sunt hæc; sed te mirabile princeps
 Optime, nil ætas protulit ulla magis.

Imago Lucretia.

Quæ Venerem facie, quæ Pallada moribus æquat,
 Conata est dominam pingere docta manus.
 Artificis laudatur opus: divina sed omne
 Mortale exuperat forma magisterium.

De Adventu Borfii.

Quæritis, unde novo diffusum lumine cælum
 Rideat, invisas quidve fugarit aquas?
 Cur liquidus nullis agitur flatibus ær,
 Cur placidum tacitis stet mare littoribus?
 Almæ cur posito tellus squalore virescat,
 Et se purpureis floribus induerit?
 Quid quæque exultet ramis frondentibus arbos?
 Cur solitum repetat garrula carmen avis?
 Non hic caussa fuit mutato fidere Phœbus,
 Nec vaga roriferis Cynthia luminibus.
 Sed modo cum peteret geniales Borfius agros:
 Reddidit aspectu cuncta serena suo:
 Borfius humanos meritis superavit honores:
 Miranturque novum sæcula nostra Deum.

De Lyside a filio occisa.

Vulnere de nati moriens, non Lysida posthac,
 Sed me turdellam dicite Lysis ait.
 Egesto laqueum, mortemque miserrima visco
 Arboris in ramis præparat illa sibi,

Sic ipsa exitium peperit mihi: Numina poenas
Infandi partus me volvere pati.

De Vacca Myronis.

Naturam, atque Artem in vacca petiisse Myronis
Partem ajunt: morem gessit utrique Myro.
Qui vaccam spectet; Natura hanc protulit inquit;
At si contigerit, dixerit Artis opus.

De Rosa Lucretia.

Unde tibi nulla color hic imitabilis arte?
Unde odor? unde tibi gratia tanta, rosa est?
Tene Dicarcheis genitrix tua nutriit oris?
Num Pæstanus ager misit, an Hybla tulit?
Num tu floriferis in odoræ vallibus Ennæ
Orta, vel Oebalii germine nata soli?
Num te aluit Cypros, num Gnosia terra, Cilixve
Tmolus? an innumeri dives odoris Arabs?
Num te Nausicaë patriis collegit in hortis?
Sanguine num tinxit te Cytherea suo?
Nil horum: tibi fors felicior obtigit, o quam
Excellis Dominae pollice carpta meæ.
Illa tibi libans flagrantibus oscula labris:
Egregium a nobis hoc decus, inquit, habe.

De Musis a Leonello Princ. acceptis Ferrarie,

Armorum strepitu Latiis fugiebat ab oris
Territa cum sacro Calliopea choro.
Excipit hanc Divus placida Leonellus in urbe;
Officiis homines hic ligat, atque Deos.

In Scaurum Avarum.

Scaurus habet villas, urbana palatia, nummos;
Pinguiaque innumeris prædia bobus arat.

Huic

Huic tamen assidue major succrescit habendi
 Numquam divitiis exsatiata fames.
 Ditior est igitur patrio contentus agello,
 Qui vivit nullo fœnore Fabricius.

De Dipfade Borgiæ.

Tortile quod lævæ Lucretia nexuit aurum,
 Dira venenosæ est dipfados effigies.
 Hinc docet Invidiæ morsus, & iniqua malorum
 Cedere divinis moribus ingenia.

In Dipfilum.

Fingis? an ex animo adfirmas? vix credere possum
 Te toties vanum, Dypfile, vera loqui.

Ad Lucretiam.

Cur oriebatur qui te non noverit? aut si
 Viderit, in vita hunc quid tenet ulterius?
 An facie quidquam Lucretia pulchrius ista,
 Cultius ingenium cernere posse putat?
 Fallitur; in te omnis terræ, cœlique reposta est
 Gloria; nec tibi quid conferat inveniet.

Ad Carolum.

Si vigiles curæ, subitus si pallor in ore;
 Si crebros gemitus edere, pauca loqui:
 Si nunc jucundo, nunc tristi incedere vultu;
 Si sperare aliquid, plura timere simul:
 Si properare modo, modo lento incedere passu,
 Si vario mentem flectere proposito:
 Si fora, si cœtus hominum vitare frequentes,
 Indicium præbent, Carole, amoris amo.
 Si quid amem quæris; ubi nos malefida reliquit
 Anthia, successit candida Phyllorhoë:

Phyl-

Phyllorhoë nullis facies perfusa venenis,
 Cui proprius roseo fulget in ore color.
 Illa mihi furtim me surripit: hanc sequor unam:
 Hac sine, non videor vivere posse diem.
 Hujus ego insignem non tantum, Carole, formam;
 Verum etiam mores, ingeniumque probō.
 Illa meis leges oculis imponere digna est:
 Illa meos sensus abstulit, illa tenet.
 Illa tenebit, erunt donec vaga sidera cœlo,
 Donec erit tellus, æquora donec erunt.

Ad Antonium.

Accipe inauditi formam maris, & mea quali
 Cymba sit, Antoni, structa magisterio.
 Unda hic sunt lacrimæ, venti suspiria, remi
 Vota error velum, mens malesana ratis.
 Spes temo, curæ comites, constancia amoris
 Est malus, dolor est anchora, navita Amor.
 Adde, quod est portus reliquis maribus: mare nostrum
 Non tantum portu, sed statione caret.

Tumulus Ginevræ Castellæ.

Clara bonis animi, naturæ prædita cunctis
 Dotibus, hic letho rapta Ginevra jaces.
 Vir tibi Castellus, pleno simul omnia quo tu
 Optima successu consequerere, fuit.
 Egistis dulces animis concordibus annos,
 Et vos unus amor junxit, & una fides.
 Hoc sine (quis credat?) tu cœlum invita petisti:
 Hic sine te infelix vivere posse negat.

De quadam, quæ per errorem nupsit filio.

Vir conjux, genitrix, natus, fraterque, sororque
 Hic duo, sint quamvis nomina plura, jacent.
 Error enim scelere causam dedit: inscia nupsit
 Illi, quem peperit filia mista patri.

De

De Mathillo.

Ridicula ex omni se parte effuderat in te
 Simplicitas, domino grata, Mathille, tuo.
 Nil bene, nil per te gestum male, nil tibi laudis,
 Nil ignominie vitave morisve tulit.
 Si tua nec cœlo clementia digna, nec umbras
 Accipit infantes regia Ditis, ubi es?

De Hermione.

Formosam Hermionen senior Lucilius ardet,
 Hunc veluti sanctum diligit illa patrem.
 Poscenti, quod amans juvenis cupit, oja age mecum
 Blande, inquit, volo te vivere, nolo mori.

Ad Bembum, de Lucretia.

Si mutatur in X. C. tertia nominis hujus
 Littera lux, fiet, quod modo luc fuerat.
 Retia subsequitur, cui tu hæc subjunge paratque.
 Subscribens: lux hæc retia, Bembe, parat.

Ad Lucretiam.

Cui non conspecta es, miser est: qui te aspicit, hic se
 Addictum innumeris mortibus esse sciat.
 O rem incredibilem, quam perditus ipse tot annos
 Exuperior, sortem hanc nec tolerare piget.
 Et vivo, & morior: nec mortes ipse recusem
 Mille pati, ut possim te semel aspicere.

Pro Phyllorhoë.

Qui legis hæc, legito submissius; & cave queso,
 Nympham ullo turbes qui cubat hic strepitu.
 Vivere credibile est, placidoque quiescere somno.
 Phyllorhoën, quæ non digna mori fuerat.

HERCULIS STROZÆ FERRARIENSIS.



Ad Lucretiam Borgiam, Genetbliacom.

Audit, io, tandem populos Lucina precantes;
 Audit, io summus publica vota pater.
 En optata diu cœlo dignissima proles,
 Ecce decem menses quæ peperere bona.
 Rideat omnis ager tibi; rideat omnis Olympus,
 Et patris, & matris gaudia magna puer.
 Cuncta secunda tuo nobis spondemus ab ortu;
 Nec bene mens voti, lætitiæque capax.
 Gaudia tanta modum superant, superantque recessus
 Pectoris, & nimia mole minora putes.
 Non aliter parulas nimius sonus impedit aures,
 Non aliter nimium lumina nostra jubar.
 Pars quotacumque tamen populos ribi monstret ovantes:
 Omnis odoriferis ignibus ara calet.
 Sunt sua Junoni, sunt & sua dona Tonanti,
 Et sua munera habet cetera turba Deum.
 Jam fora, jam vici, jam fervent compita flammis;
 Jam novus in tota prœmicat urbe nitor.
 Aëriisque sonum dant tinnula turribus æra,
 Et bombis tellus grandibus ista tremit,
 Dumque tot exaudit simulata tonitrua cœlum,
 Et stupet, hicque alium credit adesse Jovem;
 Et nos forte polis inhiare nitentibus horret,
 Ceu tua non cœlo terra beata magis:

Ne

Ne timeat, superos optemus ut ire penates,
 Sed ne ad nos potius turba superba ruat.
 Jam colit has sedes Superis Astræa relictis,
 Et pia cum sacra Religione Fides.
 Hic Venus, hic Charites, hic est moderata Voluptas;
 Hic Amor arcitenens, arcitenensque Dea.
 Hic castæ Aonides, & cum Tritonide Phœbus,
 Sceptraferaque habitat Juno verenda manu.
 Hoc quodcumque boni tibi nos debere fatemur
 Borgia, sola hominum nata beare genus.
 Accedas Libyen; quicquid tenet illa veneni,
 Perdet; & a vultu fiet amœna tuo.
 Accedas Nilum, sævis cadet ira colubris:
 Tam bona forma trucem molliat Antiphaten.
 Non opus est armes, veluti Thetis altera, natum;
 Sat valet ille, tui quod decus oris habet.
 Hostiles ultro venient sub jura cohortes;
 Subjæctisque labor parcere major erit.
 Fortunate puer, quantum tibi fata dederunt!
 Fulsit in exortus stella benigna tuos.
 Multa quidem Superis debes; plus hoc tamen unum,
 Quod tam rara tibi contigit esse parens.
 Altera non potuit te ferre beatior alius,
 Non tibi si mater, mater Amoris erat.
 Solis ab occasu, Solis spectamus ad ortum,
 Nec tamen huic toto cernimus orbe parem.
 Plus Libyes spoliis, spoliis Orientis & Arcti,
 Borgia natali Roma superba tuo est.
 Nec finit hoc tumidos sibi quærere nomen Iberos,
 Setabis ut vestris alta superbit avis.
 Romule, cui tantam septeno in vertice molem
 Condere felici fata dedere manu;
 Nunc operi gratare tuo: nunc Silvia sese
 Jactet, & altori gaudeat Acca sinu.
 Quale decus vestra, quantum jubar exit ab urbe!
 Non mage nutrito Creta colenda Jove est.
 Hinc reor Arcadibus memorabile Pallanteum
 Thespiadon, magni voce aperisse Dei.

Fatidicæ magis emicuit Lucretia Vati.
 Quam tot Juleæ clara trophæa domus.
 Non potuit tantus feros oriturus in annos,
 Præscia venturi cõda latere nitor.
 Ut licet extremo maneat Sol abditus orbe,
 Astra tamen radii signa latentis habent.
 Hoc deerat tantum decori, famæque futuræ,
 Ut pareres nostros, Borgia diva, Deos.
 Quod fuit in votis, numeris ingentibus imple:
 Munera sunt uteri sera, sed ampla tui.
 Cresce Deûm soboles, & avi benefacta paterni
 Herculis, ut sacro nomen ab anne, refer.
 Excitet Alphonsusque atavus, proavusque Ferandus,
 Summus Aragonæ splendor uterque domus.
 Et magnis stimulet te Cæsar avunculus actis,
 Grandeque Alexander sit tibi calcar avus.
 Hi tibi Scipiadas referunt, referuntque Camillos,
 Quosque tulit claros terra Pelasga duces.
 Gloria perpetuos horum victura per annos,
 Cærula qua totum circuit unda solum.
 Quæque imiteris aget juvenis pater. ora priusquam
 Incipias rudibus solvere blæsa sonis.
 Plurima vis illi membris, & plurima menti,
 Promittitque novum culta juvena decus.
 Fasque, piumque colit, justæque ad pondera lancis
 Dat populo facilis candida jura suo.
 Qua caput opponis Soli, Appenine, cadenti,
 Quaque calent medio cærula Tusca die,
 Quaque resurgentem ponto videt Hadria Phœbum,
 Quaque Athesis gelidum terminat unda latus,
 Antiquas lites, antiquaque bella diremit,
 Sumpta licet tenera sint modo sceptrâ manu.
 Quicquid & in toto bellorum turbine, ducit
 Intrepidus tutam per freta vasta ratem.
 Quas tibi servat opes, uni tibi quanta tuetur
 Regna? parat soli jam tibi quidquid agit.
 Carpsit iter longum, permutatisque subinde
 Gallica, te propter, regna petivit equis.

Non tenuere nives, non saxa Alpina, nec amnes,
 Nec tam longinquæ meta voranda viæ.
 Forsque pruinofas tulit exspes sub Jove noctes,
 Siccaque cœnosis proluit ora vadis.
 Quas adiisse casas, quæve esse viatica credam,
 Aspera dum rapido per jura currit equo?
 At tu gemmatis fortunatissime cunis,
 Non interrupto membra sopore rigas.
 Lacteaque a primo vagitu pocula fugis,
 Atque famem dulci lacte, sitimque fugas.
 Dumque repurgandis nutrix tibi sedula membris
 Instat, agunt famulæ blanda lavacra Deæ.
 Sæpeque nudatos genitrix pia suscipit artus,
 Formosoque fover, quo licet usque sinu,
 Grataque nunc fronti, nunc oscula libat ocellis;
 Nunquæ jocos gestit, blanditiisque tibi.
 Interea circumfiliunt Charitesque, Venusque,
 Æmulaque artidens basia donat Amor:
 Et puero sua tela puer, pharetramque nitentem
 Monstrat, & adducta cornua juncta manu.
 Quæque illi improbitas sinuato sævit ab arcu.
 Irritaque ut numquam dirigat arma, docet:
 Maternosque tibi flores, & ianthina ferta
 Porrigit, & Paphio lilia nata solo.
 Inque tuam queritur lingua trepidante parentem;
 Hoc tamen in tacita callidus aure refert:
 Scilicet ut facibus, pharetraque exarmet, & arcu,
 Sæpeque luctantem te Veneremque domet.
 Hic, velut ora docent, materna lude superbis;
 Deque triumphatis frons tibi læta Deis.
 Non satis expleri possunt tua membra tuendo,
 Sæpe licet repetant agmina densa fores:
 Auræque attoniti pendent cunabula circum,
 Utque probent multum, plura probanda sinunt.
 Atque aliquis tua, magne puer, dum consulit ora,
 Præcinit ad cunas talia verba tuas:
 Cresce puer: te fata manent, tibi læta parantur
 Imperia, & generi nomina magna tuo.

Te duce, larga fluent Hyblæo flumina melle,
 Vitalesque dabit quælibet arbor opes.
 Perpetui tibi erunt flores, totumque per annum,
 Natalem referent tempora verna tuum.
 Sponteque odora tui sudabunt balsama campi,
 Qualia Idumæi non tulit uber agri.
 Arrabiasque ferent inara a novalia messes,
 Ditiæque haud ullus dividet arva lapis.
 Non erit Oebalio pretium, non usus, ahenos:
 Fulgida pascentes purpura tingeret oves.
 Nec Jovis ira cadet, nec tempestate ferentur
 Ulla procelloso naufragi vela mari;
 Nereis inque hominum durata caloribus usus,
 Se tibi, Neptuno non prohibente, dabit.
 Aræque haud maris, haud exæquata cylindris,
 Cuilibet æquoreas larga refunder opes.
 Plurimus argento rivus fluet, & fluet auro,
 Plurimaque in nostris gemma nitebit aquis.
 Non galeæ, non ensis erunt, non pila, nec arcus,
 Nec tormenta; putri Pax teget arma situ.
 Non lites agitare foro, non scita regare,
 Non erit in captos vincla parare reos
 Non iter impediet prædo, nec furibus ullis
 Incustoditæ surripientur opes
 Nulla tributa tui, nec vestigalia pendent;
 Seque & opes ultro tunc tibi quisque dabit.
 At pater effusas rerum tibi linquet habenas,
 Et sinet hæc fatis currere sæcla tuis.
 Ambrosiaque parens artus perfusa nitentes,
 Tot bona gaudebit sanguinis esse sui.
 Felix matre puer, felix patre, & altera, & alter
 Prole, thoro vobis terra beata tribus.
 Sint rata dicta precor; meque illos servet in annos
 Cynthius, & quanto sit fatis ore canat.



Amorem sibi celandum.

Uror io, sævas remove, Puer improbe, flammæ,
 Uror; & ulterius mens nequit ægra pati.
 Pectoris arcanos nihil est quod temperet æstus,
 Causa sed exitio quælibet apta meo.
 Seu mihi fidereæ subeunt fastigia frontis,
 Seu, Veneris quales non reor esse, comæ.
 Seu magis arguti vires admiror ocelli,
 Labrave purpureis anteferenda rosis.
 Oraque nativo niveum fucata rubore,
 Qualia commiscet pocula Massagetes.
 Seu similes ebori dentes, & eburnea colla,
 Seu nivei recolo munera rara sinus.
 Seu leves humeros, seu castigata voluto
 Illa, seu longam, præniveamque manum.
 Denique seu decor objicitur, seu gratia morum,
 Mille Venus causas, unde fatiget, habet:
 Nec suspirandi locus est, pœnamque ferendi;
 Una datur lacrimis conscia silva meis,
 Hic quoque vix ausim tenues effundere questus,
 Dum timeo intentis auribus esse rubos.
 Namque & Hamadryadas cognata vivere quercu,
 Najadas & liquido vivere fonte ferunt.
 Quin viridi occultè signavi in cortice nomen;
 Abrado invita cara elementa manu.
 Ergo graves semper taciti celabimus ignes?
 Quamque ferat nobis, non sciet ullus opem?
 Mitius est subita fatum subiisse securi,
 Inter & hostiles oppetiisse manus.
 Mille neces una patimur, semperque fatigat
 Sævius, impatiens carceris acer amor.
 Sueverat huc illuc levibus divertere pennis,
 Ducere nec longas in statione moras.
 Jam bis in Eleo certarunt pulvere currus,
 Pectore discessit nec tamen ille meo;

Signa nec ulla dedi populantis corda caloris:
Mille faces constans, spicula mille tuli.
Qui bene dissimulat, quos dissimulavimus, ignes,
Militet in castris, magne Cupido, tuis.
Et tua lictorea redimitus tempora myrto,
Signa triumphales præferat ante rotas.
Sed mihi quid profunt artes? si semen arenæ
Creditur, & sterilis nil mihi reddit ager?
Tot mala perpeffo, vix contigit oscula furtim
Carpere, blanditias nec servasse datum est.
Sæpe quidem licuit, per causam, tangere dextram,
Clamque pedem tenero composuisse pedi.
Tum magis inde meis passim bacchata medullis
Flamma gravaturum continuavit onus.
Et nisi quod graciles spes credula nutriit artus.
Jam niger hausisset corpus inane rogos.
Vix manet: umbra pedes, umbra est hoc debile corpus,
Ante quod optavit multa puella sibi.
Nec tamen æquorea maciem de compede traxi,
Membra Prometheis nec tenuata malis.
Hoc Dominæ crimen, cujus de fronte Cupido
In mea ferventi conjicit ossa faces.
Non me Sicanius flammaverit acrius ignis,
Quam Dominæ roseo qui micat ore nitor.
Sed tacito flammæ sub pectore ferre necesse est;
Vulnera ni frustra sustinuisse velim.
Post Hyadas sperat geminorum sidera fratrum,
Nec timet iratas navita doctus aquas.
Sic mihi post longos requies speranda labores,
Ulla nec inceptum causa moretur iter.
Tu Dea, tu tantum præsens mea vota secunda:
Ipsa dabis faciles duro in amore vias.

In tunicarum munus, pro Mario Æquicola.

Non sic Oeteo furialis in Hercule sævît,
Illita quæ Nessi sanguine vestis erat;

Ut tunicæ, tua dona, meas rapuere medullas,
 Dædala quas triplici Gratia pinxit acu.
 Moxque sub Orchomeni beneolentibus abluit undis,
 Pulchraque Acidalio lavit in anne Venus.
 Si tibi tale aliquid, Juno, sopire volenti
 Spectantem e Phrygio vertice bella Jovem;
 Non erat ut peteres tibi præmunire Dionen
 Ambrosios cestro versicolore sinus.
 His habet illecebras Cythereja zona minores,
 Nec tantas animis injicit illa faces.
 Non Phryges, aut Babylon, non conferat æmula Circe,
 Non radii vires, Lyda puella, tui.
 Nec si quid docta Tritonia texuit arte,
 Quod gereret festa Juppiter ipse die.
 Non meliore fuit velata Cytheris amictu,
 Cypria cum nudo contigit arva pede.
 Nabat Erythræa materna per æquora conchâ,
 Qualis erat spumis edita, nuda Venus.
 Semidei adsiliunt circum Tritones, & uncâ
 Permulent hilares littora festa tubâ.
 Oceanusque pater, longævaque Tethys, utrimque
 Æquoris alta jubent subsiluisse vada.
 Utque natant proprius, propiusque tuentur alumnam,
 It magis inde novus cana per ossa calor.
 Nullus adhuc sterili degebat in æquore piscis,
 Tum gelidum memorant incaluisse salum.
 Protinus orta ferunt immani corpore cete,
 Quæque latet magno squamea turba mari.
 Prima sed ut tetigit concha fluitante Cythera,
 Æquore cærulei profiluere Dei;
 Excipiuntque manu, primoque in littore sistunt,
 Purpureisque ferunt oscula mille genis:
 Atque aliquis pressa Divæ ore protervior hæret,
 Clamque terit nudum nudus & ipse latus.
 Ver erat, & tepidi flabat levis aura Favoni,
 Flore novo, ingreditur qua Dea, vernat humus.
 Prima Venus sterum carpsit decus, & sibi ferta
 Texuit, effusis impoluitque comis.

Tum

Tum sibi quisque Deæ de more micantia legit
 Germina, & impexo texta dedit capiti.
 Inde levi Zephyro Cypron Dea fertur in altam,
 Cærule Gnosiaci per vada vincta maris.
 Hic illam auricomæ tunicis radiantibus Horæ,
 Quas simul arte nova composuere, tegunt.
 Hic Irene auro textam gemmisque coronam,
 Hic torquem collo donat habere Dice.
 Auribus Eunomie geminas appendit inaures,
 Hæcque magis certat comere, & illa Deam:
 (Non secus, ut se ornare solent loca summa parantes
 Visere, & æternos ante sedere Deos)
 Mox adeo exultam, cœli super ardua templa
 Ante torum magni constituere patris.
 Numina cuncta novæ mirantur munera formæ,
 Et sibi quisque Deam clamque palamque petit.
 Hanc unam censent meritam, cui pareat æther,
 Et mare, & adfuso perflua terra mari.
 Hæc Horis accepta refert Venus, hoc magis uno
 Munera tam raræ quod dederint tunicæ.
 Nuda per herbosos & adhuc ingloria campos
 Fors traheret segnes Cypria Diva moras.
 Non illi imperium terræ, non æquoris esset,
 Non daret in summos jura timenda Deos.
 Nec mihi dulce jugum, nec dulcia vincla parasset
 Egregia in nostrum nata puella decus.
 Quæ mihi præ Superis, & si quod honestius illis,
 Quæ simul ut vivam dispereamque facit.
 Cujus acum tenuem toto magis æstimet orbe.
 Judice me, quisquis mente potente sapit.
 Illam præcipue, tales quæ finxit amictus,
 Quales non homines, non habuere Dei.
 Quas tibi tentet, acus, mea Musa rependere grates,
 Improbus ingenium si minus urat Amor!
 Uror ut Ætna; graves sed non mens, ore querelas
 Edit, ut Hercules igne minore dolor.
 Ille ubi virus atrox squalentes occupat artus,
 Incusat summum voce dolente Jovem:

Sic tua progenies, proh Juppiter, inquit, obibit?
 Herculeæque auctor femina mortis erit?
 Nil ego tale queror: sic sic juvet ire sub umbras;
 Unica sit lethi caussa puella mei.

Ad Lucretiam Borgiam relictis curis Reip.

Publica cura vale; jam nona revertitur æstas.
 Ex quo animi huc illuc vis agitata mei.
 Sintque licet rebus male commoda membra gerendis,
 Implerunt partes non minus illa suas.
 Mente potens obscunda tulit pede debile corpus,
 Nec tenere meas solve, geluve vias.
 At si pro patria quidquam memorabile gessi,
 Vix erit hic unquam caussa pigenda labor.
 Sin per inexpertos illi male cesserit annos,
 Non potuisse piget, sed voluisse juvat.
 Est aliquid canæ munus tentasse senectæ,
 Vestiret teneras cui nova barba genas.
 Et mihi sunt testes non inscia Numina veri,
 Fortunæ nullas me timuisse vices:
 Nec nimium fastu caput erexisse potenti,
 Et sceleris putas exhibuisse manus.
 Quem Padus effracto non terreat aggere? quem non
 Sollicitent multo Martia castra metu?
 Quem malesuada fames populi suprema minantis
 Non moveat? timida præcipitetque fugâ?
 Esto, hæc mille ferant: vix inter millia Divos
 Qui ferat iratos unus & alter erit.
 Præside me, sævo lethalis Apollinis arcu
 Urbs, bis adacta suum non bene flere genus.
 Seu rata fata Deûm, seu sic tibi, maxime, visum,
 Æqua adeo ultrices cui movet ira manus.
 Dira bis extinxi contagia, nec meus unquam
 Defecit, populo deficiente, vigor.
 Maxima labentes juvit solertia cives,
 Juvit & infectas evacuare domos.

Supplicibusque Jovem votis patriosque precari,
Queis fuimus toties debita cura, Lares.
Nempe mihi Phœbo non frons erat ulla litandi,
Transfuga cum Clarii diceret esse gregis;
Consciaque admissi non mens fuit aula manusve
Dulcia neglectæ fila movere lyræ.
Jure pater, poteras me temnere, & ora rebelli
Merfa tuo quondam fonte ferire chely.
Tu mihi prima rudis cum verba resolveret ætas,
Distasti ad cunas carmina balba meas:
Teque duce errantem per summa biverticis umbræ
Abluit, abluerat quæ prius unda patrem.
Tum mihi polliciti longæ præconia famæ,
Tuque caputque tui Calliopea chori.
Forfan & hæc levibus non essent irrita ventis,
Fregissem propria ni mea fata manu.
Jam procul a ripa me clavum, & vela regente,
Per magnas ierat concita puppis aquas;
Cum mihi, nescio quæ, fastu comitata superbo
Mendosi effigies obvia facta boni.
Quo, puer inquit, abis? ventosæque nomina quæris?
Profecturum ex me, non aliunde, decus.
Audieram; sed abire tamen magis usque parabam:
Sola lyræ nobis gloria calcar erat.
Cum, quid abis? mihi rursus ait? patris ecce senecta
Immenso patriæ pondere pressa labat.
Nomen utrumque, animum cæpto meliore removit,
Nam quis opem Patriæ ferre, patrique neget?
Protinus annosus pater in sua jura reponit,
Bissenisque jubet me caput esse viris.
Nec minus interea me cura domestica torquet,
Et sibi vult geminus membra, animumque labor.
Jam neque Parnassus, jam nec sacra laurea cordi;
Pieridum toto pectore fugit amor.
Purpureos inhio fasces, & honora parentum
Stemmata: non alia vivere laude reor.
Nunc Ducis a vultu, nunc a popularibus auris,
Gaudia non longa stantque caduntque mora.

Alterius feror ad nutus nolimque velimque;
 Quique rego populum; sponteque vique regor.
 Nescio quo sint juncta modo: tamen hoc quoque si quis
 Adperat; inveniet juncta, fidemque dabit.
 Quis facile in summo frenum sibi ponit honore?
 Adfectusque etiam temperat igne malos?
 Sic nos ambitio, sic nos sitis urget habendi,
 Sic gravis insani pectoris error agit:
 Hæc sunt anguiferæ cruciantis Erinnyes Orci,
 Tantaleusque liquor, Sisyphiusque lapis.
 Hæcne aliud quam vultur edax? fibræque renatæ?
 Cumque Ixionia dolia casta rota?
 Cerberus, Harpyjæque, & Gorgones, Hadryaquevanis
 Infantum moveant pectora imaginibus:
 Nostra sed ætatis superæque potentia mentis,
 Nil Stygis horrendæ lurida monstra tremunt.
 Se potius metuant, internaque tartara vitent;
 Dignus hic æternâ laude triumphus erit.
 Jam, velut Ioniis remearim sospes ab undis,
 Ipse meæ imposui myrtea ferta rati.
 Inque Padi ripis, velut alti in littore ponti
 Lætificum nautæ carmen oventis ago.
 Teque meum veneror, cœlestis Borgia, Sidus,
 Qua nullum Hesperio purius orbe micat.
 Tu mihi carmen eris, tu lucida callis ad astra,
 Qua niveas animas lacteus orbis habet.
 Adfertæ Superis Juno, Pallasque, Venusque;
 Juno opibus. Pallas meribus, ore Venus.
 Regna tibi meliora, animique nitentior ardor,
 Plusque tua igniferi forma vigoris habet
 Quis neget his cœlum meritis? tua Numina quondam
 Nilus, & extremo Bætis honore colent
 Tempia tibi statuent, nec votis templa carebunt;
 At nostrum, inter tot grandia, majus erit.



In Natali Domine.

Addite thura focis; Idus venere Decembres,
Semper habenda mihi multo in honore dies.
Vagiit his primum mea Cynthia, deque parentis
Ventre recepta tuo, Gratia pulchra, sinu est.
Os tibi legisti, genulas Decor, ignea blandus
Lumina amor, pectus Cypria, Juno manus.
At celsæ insiluit Majestas regia fronti;
Quosque Amor, & Paphiæ pellicit, illafugat.
Cetera quid sequar? & cœlo data signa sereno?
Astræque veridicis lapsæque, & orta polis?
Quid te fatiferi quidquam scrutator Olympi,
Natalique super, sideribusque rogem?
Magna fides, Superis micuisse faventibus ignes,
Qui formam, & mores, ingeniumque darent:
Jusque homines supra, Veneremq;, Deumq; volucrem,
Inque ipsum (si non sidera falsa) Jovem.
Non aliena loquor: venturi certus aruspex
Hos dedit eventus, matre perente, meos.
Infelix felixque Puer, modo fata tulerunt,
Perpetuam dominam servitiumque tibi.
Cynthia es illa: tibi longos servire per annos
Destinor: hoc magnis par reor esse Deis.
Libertas jam prisca perit; nec obire recuso
Imperiosa licet, jussa potentis heræ.
Quin juga ferre juvat, seu me ultima littora Thules
Visere, seu rigidos malit adire Geras.
At tua cum videas quæcumque in jussa paratum,
Ne sine me lateri longius ire tuo.
Te sequar usque; tuis non obsequiosior alter
Imperiis, nec, qui sit mage fidus, erit.
Et discedenti, reduciue iterare licebit
Oscula, quæ pretium sedulitatis erunt.
Ipse ego sæpe locum Veneri meditabor, & horas:
Aut ego si nequeam; tu mihi utrumque dabis.
Quid

Quid meditanda tamen Veneri loca? quælibet apta :
 Ipse oculos hebetat prætereuntis Amor.
 Si quis & adspectos non occulet; illita multo
 Felle laceffiti sentiet arma Dei
 Blanda Venus, nec acerbus Amor: si quis tamen illos
 Lædat, acerbus Amor, nec bene blanda Venus.
 Nos Veneri morem moremque geramus Amori.
 Nunc quoniam nobis ille, vel illa faver.
 Dicantur bona verba: Deis reddantur honores,
 Præcipua hæc sacris Cælitibusque dies.
 Te dedit hac Genius: sacrum geniale paramus;
 Quisquis ades, nexas flore perunge comas.
 Nunc proferre decet, quos misit Eous odores;
 Quoque Hispana novo puppis ab orbe tulit.
 Nec quisquam accedat pulla sub veste; sed albis
 Ad sacra contendant femina, virque togis.
 Nec gregibus, sed thure litent, & flore reposito:
 Innocuus nullo sanguine gaudet Amor.

*Ad Lycum, navim, qua Dominam vehebat,
 pertinacissime propellentem.*

Quo Lyce? quo properas? celerem compesce carinam,
 Non opus hic remis incubuisse citis.
 Non te mandatis cursor properantibus urget,
 Nec pavidus læsâ vector ab urbe fugit.
 Nec ferox insequitur ponti populator Iberi,
 Aut Venetæ custos insidiosus aquæ.
 Nec tua certantes instant post terga carinæ,
 Unde tibi primus surripiatur honos.
 Quem fugis, ipse vehis: tecum est pars altera nostri.
 Altera cur adeo non rate digna tua est?
 Aut hanc redde mihi, aut reliquā quoque suscipe partem:
 Sarcina conjuncti non onerosa sumus.
 Cum, tua si longus delassat brachia remus,
 Non ego despiciam munus obire tuum.
 Sit mihi fagineo navim propellere conto;
 Ipse bonus remex, Ipse magister ero.

Mecum amor insurget: remo, ventisque vocati
Ibimus optatas, te recubante, vias.
Cumque ratem subigam, si quam tu perditus ardes,
Concine; molle tuo carmine fiet iter.
Mi sat erit, nitidis si me tunc spectet ocellis,
Et laudet nixus cara puella meos.
Cujus ad obtutum crescet mihi robur, & a me
Magne maris domitor Typhi secundus eris.
Dum loquor, heu diversus abis: rogo navita siste,
Siste moraturam, si finis ipse, ratem.
Siste precor, per si qua tuis flamma ossibus hæsit.
Aut tibi si servum ponere cura jugum.
Sic nec anhela fames, nec te sitis arida lædat;
Nec dominus merito verberare terga secet.
Immemorem officii me nulla redarguet ætas.
Multa super vestro sanguine digna canam.
Tullius inde Palatinas ut vestus ad arces
Martigena summum gesserit urbe decus,
Alter, & alter, uti vitam servaret herilem,
Obtulerit certæ pectora fida neci.
Et referam scriptos in Punica bella Volones,
Romula pugnaci pila tulisse manu.
Magnanimique loquar sceptrumque, fidemque Miccythi,
Torque æterna bonis artibus ingenia.
Nec nisi servili fieri de sanguine regem,
Eoos lata qui ditione tener.
Utque nihil metuat Turcas manus ista feroces,
Perque aliena suas regna ministret opes.
Hinc & deliciæ; & suaves mittuntur odores,
Quos domino tellus fert inarata suo.
Hic quod pinguis alit septeno gurgite Nilus,
Quod celeri pingit dædala Memphis acu.
Quicquid Arabs, Sceresque ferunt, & odorifer Indus,
Rubraque gemmiferi devehit unda maris.
Aspera gens bello, sed non tamen aspera cultu;
Ad Venerem dura Martis ab arte redit.
Te quoque credibile est Veneris sensisse calores,
Foras & Arabiæ carperis igne Napes.

Furtivos precor illa tibi conjungat amores,
 Nec pateant vestræ crimina nequitiae.
 Sed quid ego hæc demens levibus frustra eloquor auris?
 Furcifer ille notæ deterioris abit.
 Nec precibus, neque pollicitis fera corda moventur:
 Improbe non juris tanta rapina tui est.
 Haud frustra geminæ tibi pars bona deficit auris,
 Oraque candenti forcipe adusta geris.
 Ipse ego te vidi mitra vinctum ire pudenda.
 Tergaque plectenti sanguinolenta manu.
 Affusamque tibi puerorum illudere turbam:
 Surgit an ex illo nunc tibi crista die?
 Non quodcumque tamen crimen scelerate luiti;
 Ominor, & verbis omina certa meis.
 Aut uncus trahat, aut quercu pendentis ab alta
 Incita gypsatos verberet aura pedes.
 Deque tuo impastis sit rixa cadavere corvis,
 Post avidi lacerent ossa relicta lupi.

In Amorem.

Improbe cum solita careant mea pectora flamma,
 Quid nocturna mihi bella minaris Amor?
 Sit satis hyberni glacialis frigora cœli
 Non semel ad duras sustinuisse fores,
 Sint probrosa satis obscuræ jurgia noctis.
 Totque mihi vacuos præterisse dies.
 Pubentesque satis tibi sit potuisse per annos
 Pressa sub immerito colla tenere jugo.
 I procul, haud tanti fuerint tua dona Cupido,
 Ut mihi non pluris sit superesse diu.
 Et satius fuerit veterum monumenta virorum
 Volvere, quam turpi velle in amore mori.
 Me piget igne meo quemquam torquere, pudetque
 Me dominæ & populo sæpe fuisse jocum.
 Turpia præteritæ cognoscere facta juventæ
 Nunc, licet invitus, præstitit acer Amor.

Vindice me varios liceat tibi quærere amantes
Cognita carminibus Parthenopæa meis.
Mutua ne dubites nutu dare signa loquaci,
Et miseros verbis detinuisse procos.
Me coram liceat missas tractare tabellas,
Pluraque rivali munera ferre meo.
Cessit enim solitus tepefactis sensibus ardor,
Nec me, qui demens egerat, error agit.
Frigidus est calor ille, cinis licet æstuet intus,
Qui me sollicitum fecerat esse, Deus.
Hinc Deus, hinc ratio dubiis sub sensibus hærent,
Vique simul certant ille, vel illa pari.
Sed tamen incumbet stabili ratione Cupido,
Si datur æthereos vincere posse Deos.

Ad Celiã, ut mutuo amet.

Quid mihi dona sacris vovisse ingentia templis
Profuit? & junctas ture dedisse preces?
Non ut Erithræi cumularem munera ponti,
Quodve metalliferis egerit Hermus aquis.
Nec mihi ut imperium dominæ contingeret urbis
Iret & a nigris candida fama rogis:
Nostra sed ut sævis relevarent pectora flammis,
Aut mihi cum Domina mutuus esset amor:
Tuncque per amplexus felicitis stanina vitæ
Duceret in longas Parca benigna moras:
Et cum me fatis urgeret inutilis ætas,
Ante rogum canis fieret amica comis.
Nam mihi quid prodest, primo quæ venit ab ortu
Divite gaza rubri littore nata maris?
Quidve mihi prodest, fulvi quodcumque metalli
Bessus, & aurifera Dalmata fodit humo;
Aut prolata juvant bellacis jura Gebennæ
Appulaque Hispana regna subacta manu?
Quid Getici decus, atque immensa potentia sceptri.
Aut bello, aut placida gloria parta toga?

Nil

Nil levat oppressam curarum pondere mentem;
 Si Venus averſa negligat aure preces.
 Sit mihi grata magis paupertas, Cælia, tecum,
 Quam ſine te totas quas habet orbis, opes.
 At fatis adeo trahor in diverſa malignis.
 Ut tibi ſit curæ tantula cura meæ.
 Tu facilis modo, difficilis modo, ſed meus idem
 Perſtat, & aſſueto tramite pergit amor.
 Viſa ſimul, ſimul ipſa cupita, ſimulque dicavi
 Libera ſervitio peſtora noſtra tuo.
 Et me felicem dixi, dixique beatum,
 Qualis forma, fides ſi tibi talis erat.
 Forma fidem ſuperat ſitque ipſa potentior, illa
 Debilior, nobis illa, vel illa nocet.
 Ah quantum fidei, tantum quoque deme decoris,
 Quæque minor, minus eſt diminuenda tibi.
 Sed quid diminuas? potius, rogo, quam potes, auge,
 Auſtaque ſupremos duret aduſque dies.
 Tunc neque regna petam, nec quod micat ubere lymphæ
 Seu Paſtole tua, ſeu Tage flave tua.
 Hæc aliis optanda; mihi tu Cælia tantum:
 Non ſatis ad vultus orbis uterque tuos.
 Quod ſi dura negas ſolitis contendere flammis,
 Ante velim nobis ima dehifcat humus.
 Speque bona vacuus cunctos prius angar in annos,
 Sub Phlegætonteo flebilis umbra lacu.

Ad Amicam ingratham.

I nunc, & Dominae famam molire perennem,
 Deque puellari ſcribe legenda fide.
 Sæva decennalis preme nunc incendia flammæ,
 Totque ſub anguſto peſtore damna tege.
 Perfer, age huc illuc pro re quacumque recurſa
 Sedulus, & rubri ſelige dona maris.
 Ut tua poſt facili laceretur epiſtola culpa.
 Excluſuſque fleas noctibus ante fores;

Nec

Nec sit adoratos oculos spes ulla videndi,
 Et tua sit nulla parte recepta fides.
 Ah genus ingratum, & malefidum femina nomen?
 Quas neque certus amor, nec benefacta movent.
 Demens, qui meritis muliebria vincere corda
 Sperat, & hæc longa demeruisse fide
 Non ita Threicio nubes Aquilone feruntur,
 Non adeo segetes quolibet Euris agit;
 Ut rapit instabiles animi levis ira puellas;
 Totque opus annorum diruit hora brevis.
 Quoque putas tranquilla magis super æquora ferri,
 Hoc minus est pelago, navita, habenda fides.
 Quis bene jam tenero posthac confidat amori,
 Si pretium exilium est post duo lustra mihi?
 Nec satis exilium est, quod tam patienter amavi,
 Quodque meus nulla labe notatur amor.
 Additur huic aliquid, quod me violentius angit,
 Scilicet illa meis gaudet iniqua malis.
 Illa meus quondam dolor, & mea sola voluptas,
 Quam penes est nostri pectoris arbitrium.
 Gaudeat illa magis, quo me magis aspera torquet,
 Dum modo torquenti fidus, amansque vocer.
 Sed neque jam fidum, nec amantem perfida credit,
 Dum putat his victum terga dedisse malis.
 Nec frustra quis enim, quæ tot toleravimus annos,
 Perferat exigua, voce silente, morâ?
 Tu tamen ipsa animum toties experta fidelem,
 Debueras de me pertimuisse nihil.
 Dum tuâ cura parum nostris fuit ignibus impar,
 Non tibi mens adeo plena timoris erat.
 Quin mihi cuncta libens uni memorare solebas:
 Unus eram dominus; servus & unus eram.
 Nunc ea cum subito & sine causa flammâ repestat,
 Non videor formæ dignus amore tuæ.
 Sim licet indignus, decimo cur despicias anno?
 Deque mea nuper consulis ipsa fide?
 Tunc me debueras abs te removeare furem,
 Cum rudis in primo limine flammâ fuit.

Non leve crimen erit, tumidas duxisse per undas,
 Remige mox nudam destituisse ratem:
 Ut cupiam, verat acta Notus mea lintea retro,
 Instat & usque minis imperiosus Amor.
 Crede mihi, non est aliquâ sanabile vulnus,
 Quod videas annis convaluisse decem
 Serpit uti sensim bibulis nova flamma medullis,
 Sic nisi per longas labitur aucta moras.
 Omnia tentavi, ne me tuus ureret ignis.
 Omnia tentantem sævius ussit Amor.
 Cavimus, effluerent sub inertī temporā luxu,
 Sæpius & longas cœpimus ire vias;
 Sed tamen incassum per saxa Ligustica fugi,
 Transfugaque Jonium per mare vela dedi.
 Seu cane prædabar saltus, seu retibus undas,
 Per vada, per silvas usque secutus Amor.
 Quin ego (da veniam, sic me dolor altus agebat)
 Has alio volui pellere amore faces.
 At simul ulla tuæ fuerat collata figuræ,
 Tum magis hoc sese devius auxit amor.
 Incubuique domûs curis, patriæque regendæ:
 Nec metuunt flammæ urbsque, domusque meas.
 Mille tui species sub mille laboribus offert,
 Fingit in exitium quas puer ille meum.
 Sæpius ut mediis animus mihi desit in actis,
 Nec videam sano lumine si quid ago.
 Et mihi præcipue vis non fuit integra mentis,
 Commisi famulo cum mea verba tuo.
 Qui, licet ipse mihi rear hunc vinxisse merendo,
 Ignibus arcanis non adhibendus erat.
 Quid tamen, hos præter numeros, commisimus illi,
 Clausit lunifera quos mea gemma notâ?
 Quid, quod & ocului fictis mea vulnera verbis;
 Vix, quæ fecisti, vulnera nota tibi.
 Nil ego peccavi: potius rea pagina fati,
 Illaque non faustis eruta cera favis.
 Quid loquor? ille ego sum tristi damnatus ab astro:
 Te mea præcipitem, littera, fata trahunt.

Sorte mea, tu facta levi ludibria vento:

Invideo pœnis attamen ipse tuis.

Nescio quid tibi dulce, manus dum scindit herilis.

Heu necat, & me non tangit amata manus.

De Callirhoë, quæ viva sepulta est.

Bis vixit semel orta, bis hoc composita sepulchro est,

Post sua Callirhoë funera facta parens.

Fœta erat; exanimis tumulatur; at excita partu

Poscit opem: eruitur: mox parit, atque perit.

De Amore, & Laura.

Vidit Amor Lauram, & matrem ratus, oscula junxit,

Oscula quæ misto toxica melle ferunt.

Ussit, & exarsit, flammæque haud gnarus acerbùm

Flevit, & in pharetra credidit esse dolos.

Convolvit calamos: nullus reus: ah rea dixit

Mater, in hoc omnes vulnere es ulta faces.

Ad Lauram.

In me dum vixti, vixi in te Laura, sed in me

Cum jam non vivas amplius, emorior.

In Pana, & Amorem certantes.

Pan, & Amor quondam lucta certare volentes;

Deponunt calamos ille, vel ille sacros.

Hic onus alarum, villosæ nebridos ille,

Proiicit hic arcus, proiicit ille pedum.

Tum liquido exutos artus perfundit olivo,

Cecropiæque modum servat uterque pales.

Conseruere manus totis conatibus ambo,

Robore Pan fidens, dexteritate puer.

Aspera pugna fuit, primisque affulcibus anceps:

Nunc Pana aiebant vincere, nunc puerum.

At demum elato prensavit cornua saltu?
 Panaque, qui vincit omnia, vicit Amor.

De Hippolyta, & Callimacho.

Ruperat Hippolytæ data fœdera, patre coactus
 Æmiliam uxorem ducere Callimachus.
 Illa furit, sed dissimulat, noctemque cupitam
 Pollicita incautum transadigit gladio.
 Et spectante illo (quid non muliebria cogit
 Corda Amor?) usa suâ dexterâ, & ense perit.
 Non grave obire proco; sed non obiisse repente:
 Non doluit proprio vulnere, sed Dominæ.

De Laocoonte.

Non temere antetulit statuis prisca omnibus ætas
 Cælatum triplici Laocoonta manu.
 En geminus natis patrem implicat anguis, & unus
 Sibilat, & sævit, fletque, gemitque lapis.
 Si labor hoc ausus mortali excudere ferro,
 Mirum tam longo non tenuisse situ.
 Sin dedit hoc Pallas, quid adhuc Phrygas angit? Julo
 Præsides, fasne ulli lædere Roma tuos?

Ad Ludovicum Pictorium Poëtam.

Et Phœbum, castasque doces, Lodovice, sorores
 Salsa verecundo verba lepore loqui:
 Ulla nec in toto prurit lascivia libro;
 Pagina non minus est quam tibi vita proba.

Ad Cæliam.

Tam cito diffidium post gaudia Cælia nobis,
 Tam cito post ipsum gaudia diffidium.
 Ut mihi sit metuenda tui magis aura sereni,
 Quam perturbatæ nubila frontis hiems.

Sperat enim a gravibus pacem mens anxia rixis,
At mala de placida jurgia pace timet.

Ad Lucretiam.

Tam bene quod teneas numeros, non, Borgia, mirum est:
Unica si numeros, unde elementa facis.
Muneris est jubar omne tui, sistisque, cieszque,
Cum libet, e magno semina nata chaos.
Causarum tu causa, in te deprehenditur ipse
Juppiter: una creas omnia, & una beas.

Epitaphium Hippolyte Fassonæ.

Hoc tuus Hippolyte ponit tibi marmor Julius
Tassonæ primus nobilitatis honor.
Meque, ait, hoc non te conjux tego: mens mea busti,
Clausa tuo, membris vivis at ipsa meis.

*In Cupidinem marmoreum super Leonis spolio
dormientem ad Lucretiam.*

Ecce Cleonæi substrata pelle Leonis
Languidus in duro marmore torpet Amor.
Estque impune faces prope cernere, telaque & arcus,
Tangereque, apposita pectora nuda manu.
Segnitie nec causa sopor, sed in Hercule, dum se
Jactat, & ora feræ sanguinolenta refert;
Risit, in elatum detorquens sidera frontis,
Borgia, queis animi vis domita illa trucidis:
Præcubuitque puer, fassus nihil esse quod obstat,
Arma ubi juncta decens forma, pudorque movent.

In eundem.

Parcite sopiti tractare Cupidinis arma:
Borgia custodit, proque jacente ferit.

De eodem.

Forte Cleonæi substraverat horrida monstri,
 Hercule quæ victo terga gerebat Amor.
 Seque, faciesque super spolio, calamisque locarat.
 Victrici recolens parva trophæa manu.
 (Res nova) Borgiados cum luce potentis ocelli,
 Terga, puer, faculæ, telaque facta lapis.

Ad Bembum.

Tecum habita, ut vivas: alibi quicumque moratur,
 Non vivit, vita est vivere Bembe sibi.

Ad Carolos Agnellos.

O cari mihi Caroli sodales,
 Agnelli pariter, paresque amore,
 Vultu, moribus, eruditione
 Æque si mihi carus hic, & ille
 Plus meis oculis, meaque vita,
 Imo plus oculis meæ puellæ,
 Quam præ lumine, præque vita amamus,
 Adfitis precor, & simul vocate
 Scalonamque meum, meumque Janum,
 Qui Mantûs merito tuetur arcem,
 Gonzagamque Aloysium, senemque
 Carmelæ, & Clariæ patrem catervæ.
 Adfitis simul, advocateque omnes
 Quotquot nostis Apollinem colentes,
 Et quantum est hominum eruditiorum.
 Atque hinc pellite pessimum poëtam,
 Qui vestri numeros Maronis audet
 Permutare licentius, palamque
 Hoc defendere syllabas labantes,
 Erroresque suos ineptus, excors,
 Instar qui pueri sapit quadrimi,

Quem

Quem mater rudis educarit inter
 Setosum pecus, hispidosque sentes,
 Nunc o, nunc aries uterque fiat
 Agnellus meus, & potente cornu
 Vesanam fuget usquequaque pestem,
 In malamque crucem, malosque corvos;
 Ne tam bella malus Poëta posthac,
 Ut se protegat, inquietet orsa.

Ad Cælium Calcagninum.

Cæli, qui numeros Catullianos
 Calles tam bene quam Catullus, istum
 Qualemcumque, precor, fuges timorem,
 Ne nostrum metuas subire nasum.
 Tam scitam, & lepidam locutionem
 Ausit nemo loquax. dicaculusque
 Ronchis persequi, & inquinare morfu:
 At quanto minus Hercules timendus?
 Nulli noxius, omnibus benignus?

De Beatr. Nolana, Ambrosio Leoni adamata.

Unica quæ fuerat, nunc est mihi trina Beatrix:
 Hanc Deus, hanc vates, hanc dedit arte manus.
 Quæ formata Deo, quum nostris aspera votis
 Staret, ab Aonio est altera picta choro.
 Hac augente magis sine corpore corporis æstus;
 Tertia Palladio est picta magisterio,
 Hæc mihi tota datur: Paphiis licet oribus ora
 Nestere, & ambrosiis pectora pectoribus.
 Vox deest una, suâ quod si respondeat Echo,
 Naturæ hoc rarum nemo negarit opus.
 Sed vox nulla juvat: rigida nam voce petenti
 Non daret: at si vox non erit ulla, dabit.



Epitaph. pro Jo: Pico Mirandula.

Joannes jacet hic Mirandula, cetera norunt
Et Tagus, & Ganges: forsan & Antipodes.

Pro eodem.

Hic situs est Picus, cujus si cuncta perissent
Virtutum; septem vix fat erant tumuli.

Pro Angelo Politiano.

Quis Lycias sortes; quis Pythiæ carmina vatis;
Transmissos Delo quis neget huc Tripodas?
Quippe hic assidue Phœbus, Musæque parentant;
Et caros lacrimis sæpe lavant cineres:
Quin si fata velint, tegerentur numina, sub qua
Angelus obdormit Politianus humo.

In Heluonem.

Sæpe bibis, quo sæpe vomas, & sæpe voracem
Distendas miseri corporis ingluviem.
Quin si forte tenax stomacho cibus hæserit, hunc vel
Dextra, vel in fauces indita penna ciet.
Tamquam sis genitus perdenda ad vina, nec ulli
Te natura alii finxerit officio.
O dignum laqueo facinus! quodcumque voratur,
Turpiter ingeritur, turpius egeritur.

In Amorem furem e Greco.

Dum Veneris puer alveolos furatur Hymetti,
Furanti digitum cuspide fixit apis.
Indoluit graviter, pueriliaque ora rigavit
Fletibus, & matri spicula questus, ait:
Unde hæcantillis vires animantibus? unde
Exili possunt lædere aculeolo!
Cui Dea subridens inquit, non tu quoque nate
Corpore non magno, vulnera magna facis?

In Lycharmum furem.

Suspendendus erat Phœbo redeunte Lycharmus.

Furcam alius fero vespere fur rapuit.

Quid fonti sperare nefas, si turpia furta

Quod dederant laqueo surripuere caput?

Ad Glyceron.

Quantum erat in me animi, additum est tibi; vivit & in

Quod sapimus male quæ nos opus est sapere.

Nec tantum male nunc sapimus, sed vivimus egre.

Absque animo, Glycere, debilis est anima.

Ad Gargalianam.

Morosis nondum squalent tibi tempora canis,

Nec labat annoso pendula ruga situ:

Et jam nulla tuo vernant in limine fœta,

Nec crebris teritur Janua diffidiis,

Te juvenes, te odere senes; desertaque langues,

Quæ fueras procerum publica cura prius.

Lydia Santonico mutasti stragula velo,

Et toga vix corpus sutilis omne tegit.

Quodque in te nulla licuit sperare senectæ,

Ducis honorata lucida pensa manu.

Hoc tantum superest, ut ceram, aut crustula vendas:

Nam male habet, cum nent, Gargaliana, lupa.

Castrico.

Si te amo, me quoque ames: & si te dicis amare,

Iste tamen non est, si bene quæris, amor.

Tantum velle, & nolle, velit nolit quod amicus,

Est amor, at non vis quæ volo: nolo: ea vis.

Non amor hic; verum effigies & nomen amoris.

Sic nec ames potius Castrice; te nec amem.

Ad

Ad Thebaldeum.

Thebaldee, meo cum cum te mutasse tuum cor
 Nosceret, iniecit Flavia pulchra manus:
 Et mihi: num demens alicna tenere putasti?
 Qui dedit hoc, rapuit perfidus ante mihi.
 Sic ait, atque tuum cor abstulit: inde secuta est
 Cor anima, ut faciat corpus inane meum.
 Quare aut redde meum; aut tu contra jure repugna.
 Res sine lite mea est, litigiosa tua est.

Merimisco ministro.

Immortale mihi fundas, Merimisce, Falernum:
 Sutilibus vernent pocula grata rosis.
 Omnia lætitia sint omnia plena Lyæi;
 Omnia sint cantus, omnia plena joci.
 Nunc Bacchum celebrare decet, Bacchoque furenti
 Promere fumosis Massica vina cadis.
 Funde iterum calathos, iterum numerare labora:
 Expetit undenos Parthenopea scyphos.
 Torqueat exhaustas cum sicca canicula fauces,
 Nunc Dominæ nomen grandius esse velim.
 Dextantem numeras, ceu nullum poscat honorem
 Quæ gravat adflatu quarta elementa suo.
 Quid cyatho fraudare sitim meritoque figuram
 Quæris, & insanos fundis inepte sonos?
 Quid tibi, cum dapibus Varroque Macerque citantur?
 Censorem nescit libera mensa pati.
 Cum mihi præstiteris totum exhaustire deuncem;
 Sit tibi pro sterili Spiritus ille nota.

In Rosam Lucretiæ.

Læto nata solo; dextrâ, rosa, pollice carpta;
 Unde tibi solito pulchrior, unde color?
 Num te iterum tinxit Venus? an potius tibi tantum
 Borgia purpureo præbuit ore decus?

In Polycharmum.

Nunc Arabum lapidem, nunc dentiscalpia quæris;
 Commagena magis nunc tibi galla placet?
 Frigida disparibus numeris nunc colluis ora,
 Nunc leporem poscis, nunc Polycharme, lupum.
 Mercarisque nihil nisi quod sit dentibus aptum;
 Et tibi dens nulla pro statione sedet.
 Hoc facis ut quivis dentes tibi iudicet esse:
 Sed fatuos produnt singula verba dolos.

In obitu Hippel. Tassona.

Conjugis Hippolytæ gelidos cum conderet artus
 Marmore, Tassonæ gentis Julius honos:
 Si neque tot bona, nec proles septena, meæque
 Fata movent lacrimæ; quæ satis, inquit, erunt?

De Borgia.

Dum Venerem propriæ Lucretia conscia formæ,
 Vel Phryge conferri iudice nolle videt:
 Occuluit roseos ficta sub imagine vultus;
 Ut pavidam alliceret Cyprida, pulchra minus.
 Publica sed formæ simul in certamina ventum est;
 Exeruit latitans conspicienda jubar.
 Vix se prodiderat: vincor Venus, inquit; & hosti
 Personam, ut frontem conderet, eripuit.

In Cupidinem marmoreum.

Borgia, dilecti tibi viva Cupidinis ora.
 Iliaca supplex mittit ab urbe Venus:
 Nec satis est mutuo, pharetramque, arcumque, facemq;
 Juncta dare; Herculeæ dat quoque terga feræ:
 Scilicet ut liqueat, se cedere Numini, & arma,
 Quicquid & antiqui majus honoris habet.

In

In eundem.

Gorgone quid mirum **Libycus** si duruit **Atlas**?
Lumine **Borgiados** saxificatus **Amor**.

In eundem cum pelle Leonina Herculis.

Borgia, nil mirum, si lassus ab **Hercule** victo,
 Victus & in fulva pelle quiescit **Amor**.

Alciden gravis, hirsuto spoliassse **Leone**:
 At gravior, tecum dimicuisse, labor.

Ad Borgiam.

Herculeis super exuviis, & marmore duro,
 Cum face, cum telis, te prope dormit **Amor**.
 Et **thorus**, & decora alta docent, quam fortis, & asper.
 Cetera, te curam, **Borgia**, habere **Dei**.

Ad eandem.

An tibi larga parum, **Lucretia**, fata videntur,
Borgia quod prima sit data forte domus?
 Quod patre **Alexandro**, fratre inclita **Cæsare**? quodque
 Sis **Venus** ore, opibus **Juno**, **Minerva** manu,
 Quodque favis lepor **Hyblæis** tibi dulcior? & quod
 Tantam ipsæ **Charites** non habeant **Charitem**?
 Quod focer **Alcides**? quod te **Ferraria** adoret?
 Quod fluat in laudes **Castalis** unda tuas;
 Ni quoque te **Phœbo**, **Phœbique** sororibus addas?
 O tot inexpletum dotibus ingenium!

De Lucret. Borgia.

Borgia cum capto spolia ampla referret **Amore**,
 Inque triumphali staret honora thoro.
 Mœsta **Venus**, lacrimisque oculis turbata nitentes
 Sæpe ubi pulchra gravi perculit ora manu:
 Constitit ante **Ducem**, & ne tu, ne ait incluta savi:
 Prona ego, & ipse tibi sponte dat arma puer.

Ad

Ad eandem.

Si quis Apollineos perferre diutius ignes
 Lumine tentarit; lumine captus erit.
 Et qui saxificæ conspexerat ora Medusæ.
 Mutato rigidum corpore marmor erat.
 At quicumque tuos miratur, Borgia, vultus,
 Fit primo intuitu cæcus, & inde lapis.
 Moxque velut Sypli cautes lacrimosa madescit;
 Vivit & in saxo (quis putet?) usque dolor.

Ad eandem.

Quale Pericleo manabat nectar ab ore;
 Quale suo cecinit funere carmen olor:
 Quale melos Siculo tenuit circa profundo;
 Tale refers; sed & hoc, Borgia, dulce magis.

Pro Lucretia infante.

Invitæ absciderant tua fila Lucretia, Parcæ,
 Dum celeri properant ducere pensa manu.
 Cumque eadem vellent subito connectere nodo:
 Quod semel abscissum, Mors ait atra, meum est.

Philomuso.

Lux micat ex oculis nostræ, Philomuse, puellæ
 Unica, quæ in Scythico temperet arva die;
 Cogit & æstivam nimium fervere Syenam,
 Raraque fert nobis sæcula temperie.
 Ecce gelu flammamque mihi: tamen adspice longa
 Tempora, quæ tali crescere luce vident.
 Ignara est utrum cupiat mens ante resolvi.
 Æstus causa gravis, causa maligna gelu.

De Jo: Pico Mirandula.

Dum stat Aristotelis cum magno rixa Platone;
 Et sedet Actæi muta caterva chori:
 Nuper ad Elysios qui venerat Angelus inquit;
 Tantum, fabor enim, ponite diffidium
 Haud procul a nostro Picum modo liquimus Arno,
 Qui vestras Latio solvit in orbe vices.
 Quare age, si fas est, hunc ocyor advocet Arcas:
 Ultro avet hæc inter agmina differere.
 Adplausere omnes: exorataque sorore,
 Virtutis nobis eripuerunt decus.

Paullo.

Qui te, Paule, refert frontem amisisse, quod audes
 Hiscere quæ nemo comprobatur, aut patitur:
 Decipitur; non fronte cares: sed frons ita lingua
 Distat, uti linguam frons premere haud valeat.

Ad Maximilianum Cæsarem.

Te nihil est majus; regno nil majus avito;
 Nomine nil majus, Maximiliane, tuo.
 Vix totidem mundum vaga gloria pervolat alis,
 Facta quot ingenio sunt meditata tuo.
 Non minus illustrem gens Austria jactat alumnum,
 Quam celebrat magnum Gnosia terra Jovem.
 Qui specimen Clarii, Getici qui pectus & arma;
 Mænalique velit noscere corda Dei:
 Ille tuam adspiciat faciem, dextramque, salemque,
 Tresque uno cernet corpore Cælicolas.

De marmorea imagine Beatricis Ambrosii Nolani.

Qui putet hos crines? tales quis credat ocellos?
 Ora quis artificis scalptra magisterio?
 Sibilat aura comis, nitidam dant lumina lucem,
 Ipsaque si nequeunt, dixeris ora loqui.

Un-

Unde fuit duro tam magna potentia cælo?
Huic natura nihil tradere plus poterat.
Sed roseæ, Ambrosiæ, dum te pius Olbiopœia
Tentat Amor raris credere deliciis;
Idaliis niveam descripsit arundine Ligdon,
Quæ ferat interea gaudia magna tibi.
Hinc avidos explere oculos, hinc frigida fas est
Haud semel hausta labris labra calere tuis.
Hinc animi flammæ poteris relevare tuendo;
Ni tamen hoc flammæ addere sit potius:

De eadem.

Qui rigidi pars montis eras, nunc pulchra puellæ
Ora refers; debes jam lapis artifice.
Sed formosa tibi debet magis illa Beatrix,
Cui data de vultu gloria tanta tuo.
Artifici non parta manu tibi fama; sed illi
Nomine parta tuo: debet & illa tibi.
Enthea turba tamen tantum subjungit honoris,
Ut non prisca magis sæcla canant Iopen.
Jam superata Gnidos, velataque forma Diones,
Jam quocumque filet marmore Praxiteles.
Plus igitur de te, qui confert plura, meretur:
Plus bona victuræ carmina laudis habent.
Vincere quis tentet spirantia signa Dipœni?
Et tamen illa situ longa senectæ premit.
Carmina ni fuerint, Ephyreïa quis sciet æra?
Quis te, si taceat, Tyndari, Mæonides?
Semper inextincti divino carmine vatis,
Quod peritura tulit dextera, vivet opus.

Dialogus.

Hæc quam conspicio, numquid Dea Cypria? numquid
Candida Phidiaco marmore Pasithee?
Neutra quidem, alterutram nemo mihi deneget esse;
Tam placet, ore, genis, lumine, fronte, comis.
Non

Non Venus hæc, non ulla Charis, sed pulchra Beatrix,
 Quæ meruit fausti nominis augurium.
 Scilicet, Ambrosie, quo Nola superbit alumno,
 Hæc data carminibus concelebranda tuis.
 Hanc Venus, & nati simul effinxere volucres,
 Effet ut Aonio concupienda viro.
 Ergo tot una tenes mortali corpore dotes,
 Vix quot in astrigeris axibus ulla tenet.
 Hæc mortalis adhuc; sed cum se membra resolvent,
 Æternum vivent nectare, & ambrosia.

Imago loquitur.

Cum tibi sic placeam, quod sim licet aspera tactu,
 Hos nequeas vultus credere marmoreos.
 Quid nitidos veri spectes si luminis orbes,
 Tela quibus nostro cecidit Amor lateri?
 Sed procul hinc abscede: solet mea sæpe Cupido
 Pectora frustratis figere arundinibus.
 O quoties dixit; vincet manus ista puellam,
 Quæ Styga quæ terras, quæ mare, quæ Superos.
 Hic licet adsideas, & marmora furda fatiges,
 Nil tibi quod profit, faxea forma dabit.
 Qui faciem finxit, voluit simul addere mores,
 Et duram duro marmore composuit.

Eadem.

Quid lapidem spectas? quid mutua verba moraris?
 Naturæne putas, quod fuit artificis?
 Ne stupeas, propria Malvicus luditur arte,
 Et vivam jurat, dissimilemque suæ.
 Miraris si fallo homines? Deus ipse Deorum
 Factus ob hanc formam, bos, equus, imber, olor,



VALERII SUPERCHII

PISAURENSIS.



*In Speculam lapideam Clarissimi artium Magistri,
& Medicinæ Doctoris Camilli Leonardi
Pisaurensis.*

Quidquid inhumanos gemmarum parturit usus
Terra parens : vasti quidquid & unda maris.
Quamlibet exiguo claudis, Leonarde, libello :
Mirandum, & seræ prosperitatis opus.
Quod Cæsar positis interdum perlegat armis :
Servarique suas imperet inter opes ;
Et tibi pro meritis æquos decernat honores,
Consulat & famæ tempus in omne tuæ.



TORQUATI TASSI

BERGOMATIS.



Ad D. Joannam Austriacam.

ESt Helene forma, Lucretia magna pudicis
 Moribus, & sacra religione proba.
 Viribus eloquii Cornelia, lumine mentis
 Calliope, & claris Cynthia luminibus.
 Ergo omnes Joanna refert nymphasque, Deasque,
 Cum illarum cunctis dotibus una nitet.

In Eandem.

Virtutis splendor generis cœlestis origo
 Impulit, & formæ gloria summa tuæ,
 Ut canerem te, sed tenuit me maximus horror,
 Cum te conspexi clarius esse nihil.
 Destiti ab incepto, sum muto redditus ore,
 Si potis est, Phœbus te precor ipse canat.



LÆLII TAURELLI

F A N E N S I S.



De cede Radogasi, Getarum Regis.

Barbarus infesto Radagafus Medicis ictu
Dum ruit, & jam spes concidit omnis, ait.
Florentem at minor hanc, atque urbem excindere Romā
Gloria erat, dextrâ quam cecidisse tua.

JO: ANGELI TAYCETI

B R I X I A N I.



*Epithalamium Lucretii Canoriferi Comitis, &
Thaddeæ Vermigenæ.*

Regina o Cypri, o teneri vaga mater Amoris.
Eja age linque Paphon, Idaliasque domos.
Huc propera redimita rosis: Lucretius heros
Te vocat; orantis suscipe, Diya, preces.
En nova nupta illi, Superis æquanda propago,
Amplexus primos, oscula prima parat.
Pectora jungat Hymen, animos Concordia nectat,
Et Charis, & certa Pax comitata Fide.

Igne pari succende duos, ut corpore in uno
 Spiritus unanimis corpora bina regat.
 Det sobolem Lucina favens, uteroque jugalem
 Acceleret mensem Cynthia jam decimum.
 At tu Vermigena, huic tanto conjuncta marito
 Gaude inter pulchras pulchrior Italidas.
 Omnia fausta vides: hic tellus ridet, & aër,
 Duraque flaverit robora melle fluunt.
 Plaudit Amor, thalamus gestit, placidissima Juno;
 Intonat ætherco summus ab axe Pater.

JO: ANTONII TAYGETI

B R I X I A N I.



Ecloga nautica, Idmon: seu Christianorum, &
 Turcarum Navale certamen.

Eurydamas, Idmon.

DIc age, Pieridum Princeps, dic maxime Apollo,
 Prælia cæruleas Neptuni gesta per undas,
 Dum stimulis acti Eumenidum gens effera Thraces,
 Christicolumque acris pugnat manus, o bona Musæ
 Progenies, primis colui quas semper ab annis.
 Ecquæ erit e vobis, quæ me graviora canentem
 Laurigeras inter silvas, Heliconis ad undas
 Sistat, & optata cingat mihi tempora fronde?
 At tu, quem dulces venientem in luminis oras
 Astræa, Autumnus portas, chelasque relinquens,
 Ipsa suas docuit leges, cuique innuba Pallas
 Diversos cæli motus stellasque micantes,
 Et dedit occultas rerum cognoscere causas.
 Macte tuis, Federice actis, & sanguine avito,

Huc

Huc ades, & nostris faveas precor optime votis.
 Non injusta peto; tu nam persæpe recessus
 Aonios lustras, & dum felicia condis,
 Ipse tua intentus miratur carmina Phœbus.
 Gnosius Eurydamas, quo non præstantior alter
 Per vada falsa citam remis impellere puppim,
 Et regere; & soles tempestatesque futuras
 Præcinere, & variæ faciem cognoscere Lunæ;
 Instantes cupiens solers vitare procellas,
 In loca tuta ratem impulerat, portumque tenebat,
 Qua formosa situ, gemina formosior arce
 Corcyra, æquoreas late prospectat in undas;
 Dumque hic Fortunæ ereptus, non horret aquarum
 Agmina; vicino venientem in litore vidit
 Idmona, remigio doctum, puppisque magistrum.
 Talibus atque illum compellat vocibus ultro.

Eur. Fallor? an ista mihi quæ nunc occurrit imago.
 Est umbra? an potius, quod mallet, est Cyprius Idmon?
 Idmon es; o dulci sospes quod velceris aurâ,
 Quam lætor dilecte mihi! longævus Amilcon
 Dixerat, obsessæ tendentem ad mœnia Cypri,
 Atque arma, atque epulas, & Bacchi dona ferentem
 Effugere armatas classes, atque agmina Thracum
 Non potuisse; imis quin te vel mergeret undis
 Dira manus nimium, vel adacto in pectora ferro
 Heu miserum, æternis noctis demitteret umbris;
 Sed te, quæ tantis Idmon fortuna periclis
 Eripuit? nostris & quis te reddidit oris?

Idm. Eurydama; ut senios multis narravit Amilcon,
 Milite cum patriis cuperem succurrere terris,
 Et Cererem obsessis vestarem & vina; carinis
 Ismariis ego præda fui, sed compede victus,
 Et iussus validos manibus propellere remos,
 Verbera & assiduæ sensi fera vincula catenæ,
 Optatam donec fesso Deus ipse salutem
 Attulit, & celso insontem miseratus Olympo est;
 Nam dum Threiciam telis, & remige classem,
 Et ducibus penitus spoliât, primosque trucidat.

Christicolum delecta cohors; mihi pristina tandem
 Reddita libertas, spoliisque oneratus, & auro
 En adsum, non umbra quidem, sed Cyprius Idmon.

Eur. Tune igitur præsens tanti certamina belli
 Horrida vidisti, Ductorum & funera noscis?
 Hæc nobis avidis dum singula quarimus, ante
 Fama loquax, obscura tamen, narrare solebat,
 Non veris vera involvens; Tu protinus ista
 Dic quæso dilecte Idmon; pendebimus omnes
 Ore tuo; en jam te nautarum turba coronat.

Idm. His oculis, his inquam oculis hæc prælia vidi;
 Dicam igitur, magna est etiam meminisse voluptas.
 Threicius, miseræ post diruta mœnia Cypri,
 Ereptis lætus spoliis, regnoque, Tyrannus,
 Jam tercentenis sulcabat puppibus æquor,
 Scilicet ut pelago, Venetoque Leone subacto,
 Et frena, & magno leges imponeret orbi;
 Demens, qui tantis contraria Numina votis,
 Nec vidit capiti ultrices instare sorores;
 Acer Halys, crudelis Halys, quem patre Doriclo
 Conceptum, furtim gelidas ad Strymonis undas
 Edidit Alcimede, primis assuetus ab annis
 Ferre arma, & celerem cornu torquere sagittam,
 Atque pedum cursu ventos superare: & in orbem
 Vertere cornipedem rapidum, cursuque citato
 Comminus adversos hastas effringere in hostes;
 Frigora tum, solesque pati, Boreaue furente,
 Huc illuc vastum ratibus lustrare profundum,
 Primus erat classis ductor; quem proximus, armis
 Consilioque valens sequitur Portunus; & audax
 Sirrochus medias remis transire procellas;
 Nec non & Libyæ solio, sceptroque potitus
 Ruzzalis, Occhialiden populi cognomine dicunt.
 Ergo ubi fama Pii Pastoris nuntia ductu,
 Hispanas properare manus, Latiasque cohortes,
 Et cecinit latè magnas per marmora ponti
 Adventare rates, ultro quæ bella lacessant
 Horrida, & Ismarias valeant excindere gentes;

Armorum, classisque novæ numerique potentis
Non bene certus Halys, varias sub pectore curas
Volvebat; tandemque animo sententia sedit,
Certior armatos illi dum nuntius hostes
Narraret, classemque mari decedere aperto,
Naupactique sinus tutos, portumque tenere.
Et jam Cimmeriis properans nox humida ab antris,
Duxerat obscuras mundum complexa tenebras,
Solaque cadentes nobis Latonia vultus
Ostendens, tremula vestibat cæcula luce;
Cum solitus prædas vectare, & vivere raptò
Carcozza, humentis per amica silentia noctis
Mittitur, exploret nostræ qui robor a gentis,
Telaque & excubias classis, numerumque reporter.
Nec longum in medio tempus, cum nare per æquor
Christicolum pictas cernit Carcozza carinas:
Dumque acie cunctas numerare, & cernere acutâ
Nititur, eripiens misero mentemque aciemque
Ipse Deus, nigra velavit lumina vittâ.
Nam classis numerosa, potens, magnumque futura
Thracibus exitium, segnis, nec idonea bello,
Nec posse Ismaricæ-visa est concurrere classi.
Vix Aurora polum roseo patefecerat ortu
Lutea; cum fari ignarus, sortisque futuræ,
Ecce hilaris Carcozza redit, mox talia fatur:
Christicolæ pereant omnes: Victoria nostras
Læta supervolitat puppes, optataque nobis
Jampridem, felix tandem fors obrulit ultro:
Hesperias nuper, lustro dum cuncta, tritemes
Perspexi numero exiguas, atque artis egentes,
Militis, armorum, atque ducum, quid bella moramur?
Liquite ductores portus, & aperta petamus.
Talia dum memorat, subito per inania magnus
Auditur multo mixtus stridore volatus;
Dumque oculos Thraces mirati ad sidera torquent,
Acriter ecce vident, multo cum vulture, magnum
Pugnantem Jovis armigerum: atq; hostilia aduncis
Unguibus, & sævo rapientem viscera rostro:

Sanguinis unde ingens supra caput affluit imber;
 Turbati stupuere omnes, quidque omnia poscant;
 Quidve ferant, tremulâ perquirunt voce. **Ducumq;**
 Primus Halys dubias mentes, & pectora firmat.
 Auspicia e cœlo nobis patefacta sereno
 Christicolæ horrenda petunt: gaudere potentis
 Strymonii regis procures, & bella parate;
 Nam qui nos avium tinxit cruor, omnia nobis
 Dat certa, Hesperio fluxurum sanguine pontum,
 Dum nostrum illorum referabit pectora ferrum.
 Sic fatus, socios ad pugnam hortatur ovantes,
 Et portum linquens, latum migravit in æquor.
 Ipse audax primas acies Carcozza regebat:
 Sirrochus dextras agit, Occhialidesque sinistras;
 Piratas scelerata cohors postrema coërcet.
 Hos inter, spes magna suis Portunus, & ingens
 Ibat Halys, medique ambo, media agmina ducunt.
 Interea justî succensus Martis amore
 Magnus Joannes, Augusti invicta propago,
 Hesperia cladis, & sparsi sanguinis ultor,
 Ad bellâ hortatus socios, Superosque precatus,
 Agmen agens aderat magnum; classemque pararat
 Quæ posset densas Turcarum evertere turmas:
 Cui comes it Venetum spes magna Venerius heros;
 Et Latia columnen gentis, lumenque Columna
 Magnus & Ursini gemini, duo fulmina Martis,
 Corneaque Ascanius Ductor clarissimus armis;
 Atque simul medias ducunt miro ordine puppes.
 At Ligurum decus egregium, Diis æmula proles;
 Bella fremit forti præcinctus milite, Princeps
 Aurius, & dextrum ducit latus: inde sinistrum
 Barbadiæ agit fortis; cui cruda senectus
 Non minuit validæ vires animumque juventæ;
 Alvarus & rigidi priscus Mavortis alumnus
 Posteriora tenet, magnæ anteriora triremes.
 Ut primum mirâ tot ductas arte carinas,
 Tot signa, & procures tantos, tot lintea vidit,
 Mæstus Halys; multa pressus formidine pectus

Obstupuit, siccisque diu vox faucibus hæsit;
Jam quid agat, nescit: placidos nunc denique vellet
Naupacti tenuisse sinus; tamen ipse timorem
Dissimulat, classemque truces convertit in hostes.
Nec mera, Christicolæ occurrunt; castusque sacerdos
Ostendens vexilla crucis sublimia, Turcas
Territat; & magna clamans sic voce profatur.
Æternum celso suspensus stipite Christus,
Æternum vivat, vivant quicunque sequuntur
Dilectæ vexilla Crucis; mittantur ad umbras
Tartareas, Erebiq;ue domos, gens perfida Thraces.
Sic erit: ecce tonat lævum Deus, ipsaq;ue nobis
Carbasa felici complet turgentia vento.
Ergo utrinque pari concurrunt impete classes;
Fit fragor, & clamore virum, clangore tubarum
Æquora lata sonant magno, cælumque remugit,
Aërque, & strictis collucet ensilus undæ.
Majores aliis Venetûm, armatæque triremes
Et sponte ante alias prima in certamina missæ.
Sæpius æratas valido conamine glandes
Sulphureo jaciunt igni, quo murmure magnos
Æquoreis credas scopulis concurrere montes.
Tunc igitur laceræque rates, cæsæque cohortes
Turcarum, falsis late labuntur in undis
Cum tot pestiferas cædes, tot damna fuorum
Respicens furibundus Halys, jubet ocyus omnes
Ictibus ignis auferrî, & cedere puppes;
Sed nec jussa valent: densæ nam grandinis instat
Ferreæ pila ruunt, Geticas quæ densa triremes
Quo se cumq; ferant, lacerant, sternuntq;, premuntq;.
Sic igitur cæca Orci demissus ad umbras
Thrax perit, & subito lunarum solvitur agmen.
Instaurant acies, adduntque minantia verba
Pro se quisque Duces Getici, pugnamque capeffunt:
Atque hic tormentis, jaculisque, & milite septus
Sirrochus, medias acies circumdare tentat
Christicolûm, ancipiti qui tunc certamine nixi
Comminus limarias contra pugnare catervas.

Non

Non tulit hoc solers, & nostræ causa salutis
Magna, sed adversum tunc Barbadicus in hostem
Agmen agit propere adveniens; atque impedit orsa,
Nec cessat, donec telis, atque igne voraci,
Et glande, hostiles, capto Ductore, carinas
Perdat, & innumeros mittat sub tartara Thracas.
At Carcozza manu fidens, levibusque sagittis,
Sirrocho amisso manet imperterritus; atque
Sævit, & Ausonium pharetram consumit in agmen;
Sternit Atyn, sternit Lalagem, sternitq; Theronem,
Et Fabarim, & puerum Laufum, & spem patris Abantē
Hadriaci; invito is genitore ad bella profectus;
Unica progenies, matris pulcherrima cura,
Æternum miseros liquit sine prole parentes.
Additur his juvenis Superantius; hic prius acrem
Senserat emissam corpus strinxisse sagittam;
Ergo dum manibus vulnus bis terque retractat,
Ecce illi Ismarium penitus cava tempora telum
Traiicit: ille dolens crudeli vulnere, letho
Volvitur, & Venetas moriens reminiscitur oras.
Talia per nostram geminat dum funera classē
Carcozza; assuetus primā tormenta juventā
Tractare, & celeres ex illis mittere glandes;
Cenomanū genus, illorum quos Tropica vallis
Educat, hunc torvo jamdudum lumine Pentheus
Adspicit, & motus gressusque observat ovantis,
Si quando valeat tantos abolere furores,
Classibus & veterem Latiis arcere ruinam.
Vix apicem puppi extulerat, cum protinus illi
Glans violenta cavo contorta ut fulmen ab ære
Transadigit galeam, cerebrique in ventribus hæsit.
Interea mediis utrinque in classibus ardens
Sævit Bellona & resonat clamoribus æther.
Nam cupiens Thracum miseras ulciscier umbras,
Et Regi magno sese jactare triumpho,
Clamat Halys; sævumque gemens, & fervidus irā,
Ipse suam furibundus ad horrida bella triremem
Ducit, & instat agens: nec mente minora volutat
Augu-

Augusti proles, celeri sed puppe propinquat;
 Utrasque innescunt donec retinacula puppes
 Mutua, & alternis in pugnam viribus itur.
 Fit sonus hic ingens, hic pugna asperrima surgit,
 Quanta nec ipsa unquam vidit longæva vetustas,
 Nec nostra inspexit, nec cernet serior ætas.
 Threicii jaculis, & curvo fortiter ense,
 Glandibus Hispani, & rutilis mucronibus instant;
 Pix, & flamma manu, ferrumque, & saxa, fudesque
 Sparguntur: coeunt mixti, pereuntque vicissim
 Hispani, Thracesque simul, mixtique Latini,
 Et pede pes, manibusque manus miscentur; euntq;
 Quo vel pugna magis sævit, vel densius agmen.
 Hic videas passim remos, & trunca natare
 Corpora, & hinc illinc magnas ardere triremes,
 Sanguineisque ingens consurgere fluctibus æquor.
 Ipse suas medius lorica, & casside fulgens
 Austriades, tali compellat voce cohortes:
 O pubes lecta, o magni genitoris alumni,
 O fortes pugnate viri, nunc denique tempus
 Eoas Christi vexilla extendere in oras.
 Sic fatus, magnum confestim fervidus ensem
 Vibrat utraque manu, & medios prorumpit in hostes.
 Quem primum, quem postremum, fortissime Princeps
 Sternis? & æquoreis miseros quot mergis in undis?
 Ipse tibi ante pedes ingentem stragis acervum
 Constituis: te sævus Halys, te Thracia classis
 Horret, & adversum, dum das tot corpora letho,
 Advenisse putant Hæmi de culmine Marrem.
 Quæ dum Threicius miratur funera Ductor,
 Nec videt Hispano jam posse obstare furori,
 Seque suamque ratem, innumeras resonante carinas
 Voce vocat: vocat & Geticas clamore phalanges
 Ingenti, atque ducum tot millia cogit in unum.
 Scilicet ut latam successu, & Marte secundo
 Hispanam expugnet geminato robore puppim.
 Primus ut insidias solers cognoverat: ergo
 Nos erimus segnes ad bella? Venerius inquit;

Et

Et simul in Geticum jam puppes verterat agmen ;
 Hunc super accurrere equites , equitumq; magister
 Quos Melite insignis misit , venitque Columna
 Intrepidus magnæ nitidissima gloria Romæ ,
 Corneaque , & ferro Urfini facibusque corusci ,
 Non mihi centenas tribuant si numina linguas ,
 Oraque Nestoreo sint nostra imbuta lepore ,
 Tot pugnas , sævasque neces , tot vulnera possim
 Dicere , tot valeam laceras numerare triremes .
 Viderat Ismarium de puppe Venerius Acin ,
 Qui doctis carus Musis , falsique sacerdos
 Maumethis , magna Maumethen voce vocabat .
 Protinus ecce senex ardentem lampada torquet
 Incauti in faciem , illius diadema reluxit
 Linigerum ; accurrunt focii , properantque voracem
 Undanti lympha , manibusque extinguere pestem .
 Non tamen hæc profunt , miseri quin flamma rubentem
 Consumat vultum , & totos descendat in artus .
 Inde alias , aliasque faces jacet impiger : illæ
 Consumunt tabulas , ratibusque hostilibus hærent ,
 Dumque viri trepidant intus , Vulcaniaque omnes
 Militiæ oblitæ certatim incendia vitant ,
 Cum ratibus mediis subito exponuntur in undis ;
 Extemplo his actis , æratam corripit hastam ,
 Datque neci hostiles turmas agitarque cadentes
 Per mare , & ingenti redeuntes cuspide pellit .
 Parte aliâ clypeo fulgens , atque ense Columna .
 Magnanimusque Urfinus adest , Thracumq; vicissim
 Innumera æterno demittunt corpora somno .
 Portunique ratem , Getico qui milite , nuper
 Sperabat magnæ properare ad mœnia Romæ ,
 Cum donibusque Dei sacrata evertere templa ,
 Invadunt , ille Aufoniæ tot robora gentis
 Adspiciens , pugnæ inceptæ , oblitusque pudoris ,
 Dat terga atque suam Ducibus dat habere carinam ;
 Et jam Bæticolum valida comitante catervâ
 Austriades , Thracum primos , primamque triremem ,
 Atque ipsum superat Halyn : furit impete vasto
Hispa-

Hispanum generosa cohors; lacerantque, cremantque;
 Undique, & hostilis spoliatur remige puppis.
 Cum fractos cernens locios, creptaque signa
 Mœstus Halys, manibus fulgentia proicit arma,
 Et tali Austriaden compellat voce ruentem.
 Per fortunatas invicti Cæsaris umbras,
 Per te, per magni felicia fata Philippi,
 Me saltem æthereâ captivum vescier aurâ
 Magne sine: ingentes fulcant mihi cæfula puppes,
 Est Thracum mihi magna phalanx, sunt divitis auri
 Pondera: tu spoliis tantis prædaque potitus
 Omnia solus habes; Austriades cui talia reddit:
 Non auri me sacra fames, non denique præda
 Impulit, ut Geticas delerem Marte catervas,
 Sed Christi me vera fides, quam perfide tantum
 Persequeris; morere infelix; & talia fatus,
 Cum galea infidum valido caput amputat ictu,
 Illud & arrecta gestandum fixit in hastâ.
 Atque ea dum nostris felici Marte geruntur,
 Marte potens, pelago assuetus, patiensque laborum
 Occhialides, flammis, ferroque, & glande ruenti
 Aufonidum armatas penitus, lectasque triremes
 Straverat, atque viros lucis spoliaverat aurâ;
 Et Liguris nisi dextra Ducis, præclaraque virtus
 Obstasset fortique viro, atque immania cœpta
 Turbasset; nunc læta minus, nobisque profecto
 Effet cum multo Victoria parta cruore.
 Hostibus ille igitur cædes ac damna rependit
 Glandibus, igne, manu, faxis, ferroque rigenti;
 Occhialidisque ratem saltu petit, atque trucidat
 Turcarum procures multos, & turbinis instar
 Fulmineus, gladio nunc hos, nunc excipit illos;
 Atque metu trepido multos petere æquoris undas
 Cogit, & infirmis pontum tranare lacertis.
 Cum tandem Thracum media inter funera vidit
 Occhialides ardens, illumque affarier orsus.
 Non Ligurum calcas puppes non Itala cernis
 Agmina, sed medium cingunt hostilia tela,

Hosti-

Hostilesque Duces; ergo spolia ista relinques
 Atque animam, & nostris moriens addere triumphis.
 Dixerat, & celerem magno stridore sagittam
 Curvato cornu subito contorquet; at auræ
 Excipiunt vulnus, ductor nulla Aurius olli
 Dicta refert; magnis sed vibrans protinus ensem
 Viribus adversum properat furibundus in hostem.
 Extemplo gladium præceps fugit ille cruentum,
 Inque aliam ex alia sese jacet ipse triremem;
 Horaturque suos, validos impellite remos.
 O socii; properate fugam, mihi terga flagello
 Mars quatit & nostris jam non favet amplius actis.
 Talia cui Ligurum Ductor responsa remittit.
 Quo fugis Occhialide? meritum ne linque triumphum.
 En adsum, spolia ista habeas: nihil ille, sed æquor
 Verrit, & obscuras quæritque, optatque latebras;
 Et fugiens socios duro in certamine linquit,
 Et miseras audit voces, gemitusque cadentum.
 Sic Thracum classe absumptâ; Ducibusque fugatis,
 Et cæsis, nostris favit Victoria votis.
 Ductores spoliis, & præda divite læti
 Hesperii, multis complent clamoribus auras
 Certatim, & carisdum multum amplexibus hærent,
 Lætitiæ dant signa novæ, & dum singula lustrant,
 Armaque, flexibilesque arcus, pictasque pharetras,
 Tormenta, creptas puppes, ereptaque signa,
 Seminecesq; Duces; & dum quamplurima Thracum
 Corpora cæsa vident, & millia captivorum
 Innumera; expleri nequeunt, gratesque Tonanti
 Et Superis reddunt, onerantque altaria donis.
 At nobis, qui Turcarum fera vincula passi,
 Christicolis, veteres solvunt, adimuntque catenas,
 Quid dicam Eurydama? cunctis quamplurima pectus
 Gaudia pertentant, atque hæc majora fuissent;
 Ni Barbaticus longo descendus in ævo
 Turbasset lætas inopino funere mentes.
 Ille etenim hostiles superat dum Marte tritemes,
 Threicio periit lumen confossus ab arcu.

O decus eximium Patriæ, lumenque tuorum,
 Marte senex celeberrime, celeberrime præstantibus actis;
 En te pro meritis alti plaga lucida cœli
 Suscipit, & variis cingunt tibi tempora fertis
 Ætherei procures, en nos lacrimas, gemitusque
 Fundimus, atque tuo geminamus dona sepulchro.
 Tempus & illud erit, Pario cum marmore, & auro
 Excelsum simulachrum ingens, patria optima ponat,
 Teque sui, & Latii, liberatisque parentem,
 Dicat, & æternis mandet tua nomina chartis.
Euryd. Sic Thracum infastas Idmon carissime pugnas,
 Sic & Chrusicolum narras felicia facta:
 Noctibus ut tecum totis, tecumque diebus
 Esse velim, & tantos persæpe audire labores.
 Sed vos o socii, postquam Deus ipse ferocem
 Contudit, & nostris pepulit de finibus hostem;
 Aditis precor unanimes, & templa petamus,
 Votaque thuricremas illi solvamus ad aras.

Elogium.

Intermissa diu curis, trepidoque pavore,
 Dum timet Ismaria Italia terra manus;
 Huc ades, aspira que mihi, Pæanaque lætum,
 Atque novum carmen nunc mea Musa cane:
 Sed ridens, hilarisque veni: nunc indue pallam
 Candentem; auratam nunc age sume lyram.
 Vos quoque qui celfo suspensum in stipite Regem,
 Atque unum colitis tergeminumque Deum,
 Ecquis erit sacras qui non procumbat ad aras,
 Ingerat & sacris thura cremenda focis?
 Spargite odoratos flores, atque urite menses,
 Quas Arabum e terrâ divite nauta vehit:
 Atque viri, atque senes, pueri, innuptæque puellæ,
 Fundite cum multâ munera casta prece.
 Ille ferox, Getici nuper spes magna Tyranni,
 Ausoniae populis qui modo terror erat,

Qui

Qui modo felices populatus mœnia Cypri,
 Et rura, atque urbes divitis Illyrii,
 Exul, inops, classe amissâ, & rerum omnium egenus.
 En perit telis Barbarus, Hesperiiis.
 Captivos viditque suos, captivaque tela;
 Suspensa & sacris parta trophæa tholis.
 Vos quorum nobis Victoria parta cruore est,
 Et simul est longo tempore parta quies;
 Seu vestra in gremio tellus complectitur ossa,
 Seu tumuli vice vos æquora lata regunt;
 Panchæos vobis tellus submittat odores,
 Floribus & semper pullulet urna novis:
 Et magni Nymphæ proles pulcherrima Nerei
 Excipiant placido molliter ossa sinu.
 Nos vacuum vobis tumulum, exequiasque paramus,
 Manibus & gratas solvimus inferias.
 Cernitis illustres animæ solennia dona?
 Auditis querulis verba iterata modis?
 En vobis castus geminat pia verba Sacerdos,
 Spargit aquam, & tumulo thura Sabæa cremat:
 Ecce rogat requiem: Manes salвете beati,
 Salve o Pieriis turba canenda choris.
 Vobis pro meritis, animæ, jam patria cœlum est,
 Et vestro data sunt astra terenda pedi.
 At legio hostilis damnata in nocte profundâ,
 Obscœna æterno crimina in igne luit:
 Quam semper terno latratu territat ingens
 Cerberus, æratas dum jacet ante fores.
 Atque feros diris crines fœcunda colubris
 Tiliphone, assiduo verbere terga secat.
 Sed vobis, quos incolumes Victoria felix
 Servat, & illæsos vivere fata volunt;
 Quas agedum laudes, quos decernemus honores?
 Et quis laudato vos satis ore canat?
 Magnificus vobis debetur jure triumphus:
 Nunc aperi pompas euge, triumphæ, tuas.
 Auratum, Heroës magni, conscendite currum,
 Et victrix circum tempora Laurus eat.

Qui-

Quique vehunt ipsis efflantes naribus ignes,
 Compita per, nivei conspiciantur equi.
 Et post devictæ veniant longa ordine gentes,
 Vectetur mediâ Barbara præda viâ;
 Armaque, flexibilesque arcus, pictæque pharetræ,
 Telaque Threiciâ non jacienda manu.
 Inde etiam ereptas puppes, ereptaque signa,
 Et pugnam ostendat picta tabella novam.
 Nam Thrax, ut sensit Venetum adventare Leonem
 Vidit & Hispani signa tremenda Ducis;
 Adventu infelix subito perterritus hostis,
 Optabat celeri terga dedisse fugæ.
 Non tulit hoc Heros magni clarissima proles
 Cæsaris, Austriadum lumen, & Hesperia;
 Sed classem curvum subito lunavit in arcum,
 Barbaricasque adiit Marte favente rates.
 Quis fragor auditus? quantos tormenta boatus
 Ærea, quæque cavæ signa dedere tubæ?
 Territus ipse pater sonitu Neptunus, aquarum
 Ima adiit, clausis delituitque locis:
 Et pressit Thetys pavidas ad pectora Nymphas,
 Ipsaque monstra alti contremuere maris.
 Et jam sanguineis emanat fontibus æquor,
 Turcarumque super corpora trunca natant;
 Cum laceras cernens puppes, fractasque cohortes,
 Dux Geticus meritæ dat sua colla neci.
 Hæc vos pompa manet; quam vulgus pone sequetur.
 Et magnâ euge io voce triumphæ canet.
 Parte alia egregii vates pia carmina condent,
 Pastorem tollent & super astra Pium.
 Pastor jò, bone Pastor jò tu causâ fugati
 Hostis, & hostilis tu quoque causâ necis.
 Christicolæ tu pace ligas; tu fœdera jungis,
 Vertis & in sævos bella tremenda Getas.
 Nec deerunt qui perpetuis mandare libellis
 Incipiant Venetum nomina clara Patrum.
 Tu bello insignis, tu florens pace senatus;
 Tu verum Ausoniæ, Christicolumque decus.

Interea dum fata vocant, fortunaque vobis
 Adspirat; celeri bella novate manu.
 Quæque mala immitis nostris ingesserat oris
 Hostis, in illius sint graviora caput.

Hieronyma Columna.

Pectora cum miror, latamque, Hieronyma, frontem,
 Et quod ebur roseo candet in ore tibi:
 Adde his purpureasque genas, flavosque capillos,
 Collaque Riphæa non minus alba nive:
 Et cum sidereis multos transfigis ocellis,
 Hosque eadem castis moribus excrucias:
 Cumque per immensi spatiaris sidera cœli,
 Quidque ferant, fati prospicis ante diem:
 Te nunc Uranien, te nunc ego dicere Phœben
 Cogor, & Idaliam te reor esse Deam.

Ad Cupidinem.

Ecce mihi adducto renovat fera vulnera cornu;
 Ecce nova indicit prælia sævus Amor.
 Desine magne precor miserum cruciari Cupido,
 Sic faculas semper certaue tela geras.
 Non me, Dive, modo nectis metuende tenaci
 Compede, nec nuper sum tibi præda recens:
 Sed tenerâ incautum domuisti ætate, tulique
 Heu heu sub laqueis plurima damna tuis.
 Adspice quam veteri flagrent mihi viscera flamma,
 Adspice ut antiquo vulnere pectus hiet.
 Maxima magnanimo victori est gloria, victis
 Parcere, captivis parce benigne tuis.
 Quod si tantus amor laudis, si postibus optas
 Figere victrici parta trophæa manu:
 Quin tu quin potius crudeli armatus Hyellæ,
 Quæ tua non sensit spicula, bella moves?
 Illa quidem cunctis formâ prælata puellis
 Dives opum, & Thuscæ tangere docta lyram:

Durior at pelagi scopulis, tua Numina temnit
Impia, nec lacrimas curat iniqua meas.
Ergo age rumpe moras, poenasque ulciscere nostras,
Teque simul: torvæ retia tende feræ.
Magnificum pariet victori hæc præda triumphum;
Crescet & hinc titulis gloria summa tuis.
Viستا tibi solido statuet de marmore templum,
Sublime; auratâ te trabe finget ebur.
Illuc Nympharum veniet pulcherrima turba,
Ad numerum rapidos docta movere pedes.
Nuptarumque chorus pariter, juvenumque caterva,
Uret odoratis thura Sabæa focis.
Te citharæ arguro celebrabunt carmine vates,
Atque dabit Phrygios tibia grata modos.
Ipse tuos etiam plectro testatus honores,
Effundam longum voce, manuque melos.
Nam referam ut magno quondam confusa tumultu
Dividis antiquo femina prima Chao.
Te duce concordi remeat modulamine cœlum,
Atque nitent faustis sidera luminibus.
Te propter floret tellus, te propter & arbor
Germinat, ac fruges parturit almus ager,
Tu pictas mulces volucres, mulcesque natantes,
Squamiferosque angues, horribilesque feras.
Tu genus humanum reparas; & te sine matris
Naturæ immensum jam periisset opus.
Ille idem summa es Divûmque hominumque voluptas,
Ille idem summus Divum hominumque timor.
Sæpe tuo omnipotens transfixus Juppiter arcu,
Deposuit rutilâ tela trifurca manu.
Igne tuo mediis ardet Neptunus in undis;
Ardent & fluviûm Numina cornigerûm.
Quin etiam sævi dirus moderator Averni
Expertus vires, maxime Dive, tuas.
Testis formosas inter Proserpina Nymphas,
Formosa ac matris unica cura suæ.
Illa quidem Siculis miseranda errabat in agris.
Texerat ut flavæ florida ferta comæ.

Casta soror Phœbi comes it, innuptaque Pallas,
 Consciaque instantis Cypria pulchra doli.
 Cum subito (horrendum visu) concussa remugit,
 Sub pede, dum pariter scissa dehiscit, humus.
 Ille aderat, sceptrumque gerens immane ruebat,
 Terribilis vultu terribilisque comâ.
 Quadrupedes sævos emittunt naribus ignes,
 Diraque flammantis lux micat ex oculis.
 Ac veluti pedibus præcepis Jovis ales aduncis
 Ima petens, cycnum corripit, aut leporem.
 Sic ille: intentam calathis, floresque legentem
 E supero ventis ocyor orbe rapit.
 Impositamque tenet curru; nec verba puellæ
 Tristia, nec comitum jurgia crebra movent.
 Mater jo, conclamat, jo succurre relicta,
 Mater jo, æternas deferor in tenebras.
 Illa querebatur, sed præda divite lætus
 Patruus ardentes acrius urget equos.
 Tene ille indomitus, ille implacabilis, acer,
 Qui numquam precibus flectitur, aut lacrimis,
 Cui Furie ac Phlegethon famulus, cui maxima regnum
 Tartara, cui triplici Janitor ore canis.
 Tene, Amor, ille colit? propriosq; Hymenæon ad ignes
 Convocat, atque humilis sub tua jura venit?
 Salve magne puer, qui Divo antiquior omni,
 Ac rerum genitor, quicquid in orbe domas.
 Salve iterum, atque tuas populus dum pronus ad aras
 Thûra adolet, felix ad tua sacra veni.
 Hæc ego, tu gelidæ jam tandem accende puellæ
 Pectora: me flammis parcius ure tuis.

Ad Barbaram Callinam.

Queris cur taceam? cur febribus urar anhelis?
 Cur miseranda notet pallidus ora color?
 Sidere non istos lævo mihi Sirius ignes
 Attulit: ipsa mei causa puella mali est.

Ut taceam quæ longa dedi suspiria quondam,
Si quando est precibus aspera visa meis;
Nunc heu nunc latos sine me migravit in agros,
Deliciasque meas durus arator habet.
Illic nunc gratas agit Charis alma choreas,
Illic nunc cautus retia tendit Amor.
At mihi perpetui gemitus, lacrimæque supersunt,
Est & nox semper tristis, amara dies.
Atque novus medicis quamvis Epidaurius herbis
Pæoniæ solers afferat artis opem,
Non datur amissam misero sperare salutem,
Qua redeat fessi corporis ille vigor.
Sic quicquid de me nuper sperare licebat,
Auferet invisi funeris atra dies.
Quæque mihi cœptis fuerant suscepta Camœnis,
Omnia sunt rapidis ditipiendâ Notis.
Non ego nunc rerum conabor dicere causas,
Aut memorare meis prælia carminibus.
Ipse tuas tantum percurrens Barbara laudes,
Tentabam plectro nobiliore lyram.
Nam quis te famâ præclato e sanguine natam
Nesciat, atque animi tot bona rara tui?
Illa es quæ sexum vincis, vestigia cujus
Componunt Charites, subsequiturque Pudor.
Maxima cui Pallas mater, Prudentia nutrix,
Cujus & in labris mellificavit apis:
Quam propter redeunt vates, Muliæque resurgunt,
Ferreæ quas tenebris sæcula condiderant.
Hæc ego, cum sineret fatum, memorare parabam.
Heu heu quam celeri fors mea pulsa rota est!
Nunc mea Calliope quod cœperat, interrumpit
Quæ mihi mors rapidas iniicit atra manus.
Jam video infernos manes, noctemque profundam,
Me tenet & Stygii concava cymba senis.
Proh Superi, iustis rapiar vix quinque peractis,
Atque erit ætatis tam brevis hora mea?
Sic flos vix natus pedibus calcatur euntis,
Sic avido implumes angue vorantur aves.

Attamen & lator, nam si mihi Parca minatur;
 Finiet & pœnas Parca benigna meas.
 Ac (si curæ homines optata in morte relinquunt)
 Tunc mecum infans tunc morietur amor.
 Quod si me audieris gelidum liquisse cadaver,
 Contigeritque urnam forte videre meam:
 O decus, o nostri nitidissima gloria sæcli,
 Diva precor celeres Barbara siste rotas:
 Talibus & nostros mœrens testare dolores,
 Atropos huic rupit stamina, jussit amor.

Ad Lucrinam Nympham.

Inclita Nereidum, Superis æquanda propago
 Lucrina, Hadriaci gloria prima chori;
 Quæ lac atque rosas, vincis candore rubenti;
 Nigra oculos, flavis conspicienda comis:
 En tibi seu Phrygio spectanda incedis amictu,
 Sive salis, gracili sub pede gestit humus.
 Si rides, rident Charites. si Nympha loquaris,
 Manant ex labris dulcia mella tuis.
 Tu modo jam facilis pulcherrima Neptunine,
 Ne videre mihi rustica, pande fores.
 Quæris cur facias? ingens tibi fama paratur;
 Præcipuum in nostro carmine Numen eris.
 Talia jactabam surdas malesanus ad aures:
 Ad loculos lumen rettulit illa meos:
 Quos auri optato ut vidit sine pondere laxos,
 Fugit ut instanti territa cerva cane.
 Quid mihi nunc profunt Musæ? quid magnus Apollo?
 Ah pereant versus, deficientque lyræ.
 At tibi quæ pretium venali poscis amor
 Improba, vanescant quas male quæris opes.
 Cumque tibi rugas inducet cana senectus,
 Insultet damnis femina, virque tuis.

Ad Jacobum Aquaneum Patricium Brixianum.

Bacchus adest Jacobe : cadis vindemia plenis
Effluit, agrestes Orgia læta canunt.
Te nunc cinge hedera, nunc patri indulge Lyæo :
Sæpe graves etiam vina jocosa decent.
Dicitur & prisca virtus spectata Catonis
Sæpius annoso concaluisse mero.
Euge jo, pater alme Evan, quam carmina nostra
Quam cupiunt laudes Dive referre tuas ?
Tu lassis requiem præstas, tu multa dolenti
Bacche, potes curas attenuare graves.
Dum tecum Cadmus variis erraret in oris,
Dicitur oblongæ non meminisse viæ.
Te duce & Æneas vastum maris æquor aravit,
Nec subiit patrii flenda ruina soli.
Iple etiam rapior : jam sacro testâ furore
Mens mihi, jam nimio pectora mota Deo.
Nunc libet & patriam, & patriæ primordia nostræ
Ordiri, & gravibus bella tonare modis.
Magnus ut Alcides faustis ducentibus astris,
Mœnia felici struxerit ista manu.
Pro patria extinctos cives, fortissima corda,
Cum rueret nostrum Gallus in exitium.
Et placet auratæ miracula dicere flammæ,
Qua nos & soles pellimus, & pluvias.
Deliciasque agri multas, & maxima aquarum
Commoda, Niliacis invidiosa vadis.
Euge Evan, Jacobe, Evan celebretur ovanti
Carmine ; sed tecum Blossius ipse canat.
Adsit & ingenti tecum devictus amore
Theanus, Aonii maxima cura chori.
Musa quidem exornat vates, & magnus Apollo
Pocula Pieriæ multa ministrat aquæ.
Sed quod scribenti non præstat Castalis unda,
Hoc Bromii patris pocula sufficiunt.

Ad Cupidinem.

Hanc pharetram fulgentem auro, Lyciisque sagittis
 Insignem, has sacro, munera grata, faces.
 Tu modo formosam deduc a rure puellam,
 Atque tibi atque urbi redde, Cupido, decus.
 Te duce me nitidis pectus transfixit ocellis,
 Te duce me flavis nexuit illa comis.
 Tunc jucunda meæ spondebas tempora vitæ,
 Qualia adhuc ullus non habuisset amans.
 Perque tuam nobis jurabas improbe matrem,
 Per tela atque arcus infidiose tuos;
 Te mihi perpetuis vincturum Phyllida nodis,
 Solamenque mihi præsidiumque fore.
 Heus ubi pacta fides? quis jam tibi perfide credat?
 Nunc ubi digna meæ præmia militiæ?
 Phyllis abest, aberitque diu, turbâque procorum
 Non curat pœnas sollicitata meas.
 Forsitan & miseri sordet grave nomen amantis,
 Inque vicem primi carior alter adest.
 Sic est: hoc semper languenti tristitia narrant
 Somnia: sic dudum rumor acerbus ait.
 Ah levior foliis, ah verna incertior aurâ
 Femina, amatori perniciofa tuo.
 Quid de te infelix primum quærat? arma supersunt
 Arma volo, ultricem Mars precor adde manum.
 Mars precor adde manum, mihi nunc crudelis Erynny
 Suggestat infernas sanguinolenta faces.
 Nunc caput ære cavo, duplici nunc tegmine pectus,
 Nunc & crura ocreis induor, ense latus,
 Jam fora, jam leges, genitor, sociique valete,
 Rura peto hæc nostris meta terenda rotis.
 Sed quid ego hæc jacto? tristes discedite curæ,
 Auguror, & certum est, me mea Phyllis amat.
 Illa quidem [& memini] cum jam discedere vellet,
 Illacrimans tales edidit ore sonos.

Hinc,

Hinc , Nocturne , trahor , si dent modo numina vitam
Ut tua nunc abeo , sic tua semper ero .
Atque utinam fidus maneat : ac plura parabat
Dicere , sed vetuit dicere plura dolor .
Illa autem , seu fida mihi , seu perfida peccet ;
Non hac me fateor posse carere diu .
Quare o magne puer , dominæ dulcissima verba
Auribus , atque oculis lumina redde meis .
Tunc te Panchæo supplex venerabor odore ,
Percutiamque sacra culmina culta chely .
Nocturno dat Amor reducem spectare puellam :
Hic caussam vitæ reddidit , ille lyram .

Ad Glyceren .

Jam nova jam Zephyri spirat genitabilis aura ,
Canaque jam tepido Sole pruina liquet ;
Arboribusque comæ redeunt , ac gramine lætus
Ridet ager , nidum sedula ponit avis .
Agricolæ flammæ , stabulumque armenta relinquunt ;
Mænaliis gaudet pastor arundinibus .
Cypria Nympharum grata comitata cohorte ,
Incipit Idalios ducere nuda choros .
Juppiter intonuit ter cæli in parte sereni :
Ad sua nam melius furta redire potest .
Regnat Amor , vincitque feras , vincitque volantes .
Nereaque , & nigri tertia regna Jovis .
At tu cui propriam , Glycerè , Venus aurea formam ,
Cui tot largitur munera culta Charis ,
Cuique & montanâ multo mage pectora caute
Sunt rigida , & Geticâ frigidiora nive ,
Tormentis juvenum gaudes , lacrimasque precantum
Temnis , & igniferi tela , facesque Dei .
Sed tibi cum senitum frontis , capitisque decorem
Dempserit , & nitidis sidera clara oculis ,
Ac neque blandicias dicet , nec fidus amator
Dona , nec ad postes florida fersa feret :

Fle.

Flebis, & ingratam cupies frustrata juventam!
Lapsa sed heu Glycere tempora non redeunt.

Ad Bacchum.

Euge jo, quo nam rapior? quo concitor æstro?
Quæ rabies pectus, quis quatit ossa furor?
Cur lux pulvereâ fuscatur candida nube?
Cur mihi labenti sub pede terra tremit?
Bacchus adest flavos fufus per colla capillos,
Atque hederâ innexus cornua Bacchus adest.
Evohe, noſco Dei currum, celereſque jugales,
Ac comites Nymphas, capripedeſque Deos.
Evohe, Sileni video ſenioris aſellum,
Quem juxta armatus falce Priapus ovat.
Baſſarides tremulis complent ululatibus æthram.
Tympanaque, & buxus, æraque rauca ſonant.
Salve io, Bromie, Nyſæ, Lyæ, Thyoneu,
Liber. Jacche, Evan, Euhye, Thyſigere.
Quo me cumque vocas, ſive ad bacchata Lacœnis
Ardua Taygeti culmina virginibus,
Seu tecum Rhodopen, ſeu viſ me viſere Naxon,
Seu trahis ad Thebas imperioſe tuas.
Evohe, jam propero, da cymbala, da mihi thyrfum;
Evohe, pampineâ fronde retexe comas.
Dive fave, auctorem veneror te carminis, o jam
Jam valeat Phœbus, Caſtaliuſque liquor.
Te dicam ex utero raptum genetricis aduſta.
Femine quem geſſit Juppiter ipſe ſuo.
Qui teneras terræ docuiſti credere vites,
Ut fluerent dulci dolia plena mero.
Qui poteſ humanos ſolus lenire dolores,
Qui rigidos fleſtis ſacrilegoſque domas,
Tu ſuſcos ſuperas Indos. maſtaſque Lycurgum,
Afficis & merito Penthea ſupplicio.
Cumque patri inferrent forteſ fera bella Giganteſ,
Straviſti Rhœtum fortior ipſe trucem.
Addam Cretæ præclarum conjugis aſtrum,
Quæ fulget medio conſpicienda polo.

Sed

Sed jam parce pater, non tales nostra furores
 Mens potis, aut stimulos sustinuisse tuos.
 Aptior ipse levis pueri cantare sagittas,
 Ut myrto cingat tempora grata Venus.
 Quod si, Dive, tuo calefactum corda liquore
 Evantum rapidis inferis agminibus.
 En adsum, o semper nobis venerande, tuoque
 Munere, da curas Bacche fugare graves.
 Da precor, ac nimios extingue Cupidinis ignes,
 Atque mihi antiquo subtrahe colla iugo.

Ad violas a Puella missas.

Formosæ o violæ, munus Violanthidis almæ;
 Servitii violæ præmia grata mei.
 Num vos Idaliis aluit vaga Chloris in hortis,
 Unguibus & carpsit Cypria pulchra suis?
 Panchæas grato messes superatis odore:
 Sed mihi vos nimium dat violenta manus.
 Dat violenta manus, miseri quæ conscia amantis,
 Munera fert pœnis æquiparanda meis.
 Namque ut vos molli vinctas circumdedit auro,
 Me quoque flexilibus nexuit illa comis.
 Estis pallentes, infelix palleo: nomen
 Est violæ, dominæ luminibus violor.

De Phyllide.

Ut mihi fidereis placuit mea Phyllis ocellis,
 Protinus e lacero pectore cor rapuit,
 Tunc igitur dubitans an vecors vivere possem,
 A dominâ ablatum poscere cor statui.
 Dum posco, en nitidæ nimio fulgore puellæ
 Vistâ, repente oculis lux mihi dempta fuit.
 Risit, & intexens laqueum de crinibus aureis,
 Me sibi captivum nexuit acer Amor;
 Hinc semper sine corde miser, sine lumine vixi.
 Languidula assiduo colla premente iugo.

Heu fors infelix, status o miserandus amantum,
 Qui quo plus querunt se, minus inveniunt!

Ad Flores.

O mihi dilecti flores, quos tempore fausto
 Tradiderat niveâ casta puella manu,
 Vos equidem colui: sed nec grata oscula junxi,
 Nec me rotantes dante bibistis aquas.
 At postquam hanc sævi dira inclementia fati
 Ante diem sedes misit ad Elyfias.
 Heu quid agam? sine cordè miser, sine luce relictus
 Vobiscum saltem pignora grata loquar.
 Et nunc o flores stellis felicibus orti,
 (Este vagi) vobis grata alimenta fero.
 Fundo oculis lacrymas, suspiria pectore, numquam
 Aura, vel effusis deficit imber aquis.
 Vos modo vos saltem miseri solamen amantis,
 Æternum extinctâ vivite pro dominâ.

Ad Venerem.

Has tibi candentes pascò, Cytheræa, columbas,
 Parva quidem, at multis munera cum lacrimis.
 Tu, Dea si miseret, nimix placidissima flammæ
 Affer opem, & laqueis sis precor æqua meis.
 Nam nova fidereis miserum inflammavit ocellis,
 Nexuit & flavis pulchra puella comis.
 Huc ades, & nostris faveas mitissima votis,
 Sic te perperuo diva Gradivus amet.
 Jam veniat nostros felix Hymenæus ad ignes,
 Et Charis; & pura Pax comitata Fide.
 Tunc tibi Panchæas uram pulcherrima messes,
 Inscribamque aris carmina nostra tuis:
 Nocturno optatam junxit Venus alma puellam.
 Ille piæ solvit debita vota Deæ.

Ad

Ad Europen, puellam Hebraeam.

Europe, non te simulati fronte juvenci
 Æthereus ludit, diva puella, pater.
 Sed tibi, se quantum Scamele tulit ipse videndum
 Præbet, & ardenti captus amore venit.
 Ipsa etenim Charitum longe pulcherrima cantu
 Inclita, & Etruscâ tangere docta lyram;
 Non tantum silicesque moves, ac flumina sistis,
 Sed summa intentos extrahis arce Deos.
 O felix quæ te tellus habet! at mage felix
 Cui fortunatâ te face jungit Hymen!

Ad Cupidinem.

Accipe, magne puer Veneris, redolentia dona,
 Quæ felix terrâ divite misit Arabs:
 Tu mihi difficilem mitis lenire puellam
 Cœpisti, & longis gaudia ferre malis.
 Nunc ego sponte tuis submitto colla catenis;
 Sponte tibi captus, sponte triumphus ero.
 Et quæcumque meæ dictabunt carmina Muses,
 Illa canent laudes, maxime Dive, tuas.
 Tu sæpe auratis illam transfige sagittis;
 Mutuus ut longo tempore duret amor.

*In nuptiis Simonis Angeli Suspirii Academici
 Occulti, & Julia Gemme.*

Julia Adumbrato nupsit pulcherrima nostro.
 Huc age fer faustas diva Erycina faces.
 Tam bene Gemma nitens flaveri innectitur auro:
 Tam bene cum rutilo marmore fulget ebur.
 Nascatur proles, docti quæ more parentis
 Temperet Etruscâ carmina culta chely:
 Amborum & castis urantur pectora flammis;
 Tunc quoque, cum fuerint illa anus, ille senex.

*In funere Laure puella, amator ad tumulam
conqueritur.*

Hic mea procubuit Laurus, quam lumine disco
 Arfere æstivi sidera læva canis.
Lugete Aonides, Dryades lugete sorores,
 Et cineres Arabo spargite rore pios.
Sol qui Daphneo genuisti accensus amore,
 Heu quanto melior fors tua sorte meâ est!
Daphnen amittis, surgit pulcherrima Laurus;
 Laurus nostra cadit, nostra puella jacet.
Laura jacet, nec quæ niveâ cervice fluebant
 Illius auratas jam movet aura comas.
Sola humus hæc raptò potitur; mea gaudia claudis
 Impia; delicias abstulit ista meas
Redde meam, mihi sæve lapis, mihi redde puellam;
 Improbe, quid lacrimis immaduiffe juvat?
Sed tamen & madeas, & nostros accipe questus,
 Cumque his, & nardum, donaque veris habe.
At tu quæ felix cœlesti in sede virescis
 Pulchrior, æternum Laura beata vale.
Laura vale: at mecum semper ploratus & aura,
 Anxia sit, dum cor nutriet aura meum.



ANTONII TEBALDEI

FERRARIENSIS.

Ad Amorem.

L Ex Amor est, sed Amor lex es sine lege, & amore.
 Pacis Amor Deus es, sed sine pace puer.
 Grandævus puer, & mistus dulcedine amarâ,
 Perpetuo vivens, perpetuo moriens.
 Es levis, es volucer, sed & in me immobilis ales;
 Et nimium constans in devitare tuâ.
 Sic possim, o sine lege puer, pax o sine pace,
 Vivere perpetuo, perpetuoque mori.

Echo.

Dic Echo, quid vult, ut semper vivam ego mæstus?
Æstus: non facit hoc spes moriens? *oriens*.
 Mene urit facies: *acies*, aciesne favilla?
 Illa; diu miserum me fore reris? *eris*. (cor
 Respicit hunc ramum? *hamum*, laurum? *aurum*, & amor
 Accensum? *censum*, corde recedet? *edet*.
 Est ne silex? *ilex*: quæ causa meæ est facis? *Acis*.
 O rem animo exanimi pestiferam? *æstiferam*.
 Quid per tam longum parient mea lumina fletum?
Lethum: scis quid sit, quem tu adamas? *adamas*.

De Cane & Apro.

Gloria uterque sui generis Ligereus Jaspis,
 Et Latialis aper pulchrum ineunt facinus.

Ho-

Hostium uterque timor: fatum sibi debitum uterque,
 Vinci ut uterque nequit, victor uterque cadit,
 Nec victor, sed victus uterque cadit: neque victus.
 Vel victor, sed se præstat uterque parem.
 Hostis uterque suo laudis plus contulit hosti.
 Incipit exequiis vivere uterque suis.

Sua Veneri.

Cur toties privat, toties spe nutrit amantem
 Femina? & instabili semper ab ore rotor?
 Pascitur illa meo interitu; cumque ipse revixi
 Spe data, & illa illam mox rapit, ut peream.
 Sed toties, formosa, mori gratissimum amanti est,
 Dum toties revoces spe, quoties pereoo.

Ad formosam.

Affidue crescit Veneris decor, atque revisa
 Quo magis una mihi est, hoc magis una placet.
 Nulla capit mens te, nec te manus exprimet ulla,
 Spectanti semper pulchrior una redis.

Sua Veneri.

Do vitam, qui sum sine vita: quæ sine flamma es,
 Das flammæ: illo, quod dat, uterque caret.

De M. Ant. Columna, Liviano Superato.

Sic redit Alcides Nemæo tergo onustus,
 Ut Marcus spoliis nunc redit, Urfa, tuis
 Natus uterque Deo est, pater huic Mars, Juppiter illi:
 Vincit, & hospitibus pacat uterque solum.
 Robore, consilioque pares, Deus ille columnas
 Erigit: erectas iste onerat spoliis.

Tum. Jo: Pici Mirandule.

Joannes jacet hic Mirandula: cetera norunt
Et Tagus, & Ganges, forsan & Antipodes.

De M. Antonio Columna puero.

Hermes, dum loqueris, dum rides, Marce, Cupido es,
Mars es, ubi arma capis; tresque refers Superos.
Mars, Amor, Hermes, prosternis, succendis, inundas,
Hostem, Erycinam, aures, vi, facie, eloquio.

De eodem.

Dicitur statuas duas duobus,
Alteram sapientiori Apollo,
Alteram monuisse fortiori ut
Darent: tempore si fuisset illo
Marcus, perpetuus dolor suorum,
Sui gloria sæculi perennis,
Numquam Pythius imperasset olim,
Ut darent statuas duas duobus.

Ad Lygdam.

Spernit Amor leges; Nox est ignara pudoris.
Nec metuit Bacchus, tres mihi sunt comites.
Lege, pudore, metu careo: in tua limina, Lygda,
Conjurant pariter Nox, Amor, & Bromius.

De filia, patrem servante ante partum.

Servatura patrem, strictis sese ensibus offert,
Jam paritura semel, jam peritura parens.
Infans percussa illæsus forte exit ab alvo,
Fata haud passurus matris inulta suæ.
Ista suum heredem pietas habet: haud peritura est,
Tam bene quæ periit, tam bene quæ peperit.

Non posse se oblivisci suæ Veneris.

Non possem audire, aut possem assimilanda videre,
 Unde meo sensim pectore decideres.
 Appuleram miser huc, ubi nil, nisi sola pruina est:
 Sed quoque sola, tibi quo similetur, habet.
 Ipsa es spectanti mihi candida; candida & ista est:
 Frigore & ipsa riges; frigore & ista riger.
 Frigida sis sed & ipsa licet, tamen uris amantem:
 Frigore me semper congelat ista suo.
 Ah quoties a te falli perjura volebam,
 Ah quoties falso te reor esse meam.
 Ambæ estis similes, istam ut reor ipse tenere,
 Solvitur, & nostris effluit e digitis.

De misericordia Laidos.

Trux æstu febris patrum torrebat Apollo,
 Figebat calamo corda nepotis Amor.
 Accessit Lais febremque, & vulnera curat.
 Placat & una Deos: sanat & una duos.

Amoris conditio.

Ite per & silvas, horrentiaque antra ferarum,
 Quærere & immites in mea fata feras,
 Quas etiam mala nostra juvant, nec viscera tandem hæc
 Discerpunt, quoniam plus nece vita nocet.

Cæsari.

Gloria vincendi juncta est cum milite Cæsar:
 Cæsar, parcendi gloria sola tua est.

De Jo: Aragoniâ Ascanii Columnæ.

Janus origo anni est, Jana est quoque lucis origo:
 Pacem, & bella potest iste, vel ista dare,

Cla-

Claviger est alter : nec non gerit altera clavem :

Hic rigidos postes, hæc fera corda aperit.

Ad Superos omnes dat Janus, Jana ad Amorem

Sola aditum, esse etenim quis neget hanc Venerem?

Jure colit Jano nil majus Græcia : Jana

Jure nihil melius Ausonis ora colit.

In Deliam.

Delia ab occasu, Phœbus surgebat ab ortu :

Hesperio nasci rebar ab orbe diem.

Fulgentes ambo, sed Delia clarior, ex quo

Celavit vîsti numinis ora pudor.

Ille oriens radiis nubes, & luce tenebras

Pellit : & hæc pellit nubila cum tenebris.

Ast ubi subjectas se se ille immerfit in undas,

Lux abit, & redeunt nubila cum tenebris.

Ah quam rara dies oritur mihi : nocte ego cæcâ

Involvor, vultus celat ubi illa suos.

Nec tamen invideo, suus orbi ut Sol oriatur,

Dum mea lux claros det mihi sæpe dies.

De Alfonso Avalo.

Avalus Æmiliâ in latâ ripisque Vaterni,

Ingentis belli dum simulacra ciet :

Aureus in medio cursus dum sistit equorum,

Et cuneos totâ cum legione rotat,

Dumque aciem ferro condensam intentat, & hastâ.

Pectora dum fîcto vulnere amica premit,

Telorum, strepitusque virum, clangorque tubarum,

Et fera Vulcani monstra per arma tonant :

Excîtus vitreis Deus admiratur ab undis,

Et cecinit juveni talia fata senex.

Cœpisti, unde alii se perfecisse putarunt,

Tu si perficies, non satis orôis erit.

De Constantia Novellariensi, Scalpente dentes.

Suetus erat Constantis Amor transire per ora,
 Ea graviora oculis spargere tela suis:
 Suetus erat teneris capere obivus oscula labris,
 Halantisque animæ pascere odore animum:
 Cum spinâ ictus, ebur dominæ scalpentis, acutâ,
 Et perfusa sacro murice labra rubent.
 Mater (ait) cadet ipsa tuo rosa tincta cruore:
 Hæc accensa meo sanguine semper erunt.

De equis Fed. Gonzaga Mantue Ducis.

Enceladi, Cæique soror, quæ nuntia veri.
 Et falsi, montes traicis, & maria,
 Vis fieri solito velocior? exue pennas,
 Gonzagæque citis utere regis equis.

De Cupidine.

Cur natum cædit Venus? arcum perdidit, arcum
 Nunc quis habet? Tusco Flavia nata solo.
 Quî factum? petit hæc: dedit hæc. Nam lumine forma
 Deceptus, matri se dare crediderat.

In Medusæ caput.

Exemptam mediâ de Palladis ægide dicas
 Gorgona, quam parvo claudit in orbe lapis.
 Quin & monstrosi perstant miracula vultus;
 Vivit, & innumero palpitat angue caput:
 Tam similis non ipsa sibi est: se forsitan olim
 Vidit, & a speculo faxea facta suo est.

In Laocoontis statuam.

Audax ingenium fabri! ut certare Minervæ
 Posset, & impune vincere; sculpsit opus;

Laocoonta feris, geminâ cum prole, colubris
Depastum, læsæ terna trophæa Deæ.
Ut cum læta suos pœnas dare cerneret hostes,
Vincere, non vinci crederet arte fabri.

Tumulus Marulli, amne demersi.

Hic situs est citharâ celebris gladioque Marullus,
Qui Thusco, heu facinus, liquit in amne animam.
Neptune, immitis: meruit si mergier ille,
Mergier Aonio flumine debuerat.

Epitaph. Lascaris.

Lascaris hic, Grajûm specimen: ne crede cadaver
Illius esse sub hoc marmore, sed statuam.
Altera quippe fuit Niobe: dolor impius illam
Natorum, hunc podagræ transtulit in lapidem.

Tum. Herculis Strozæ.

Herculis hic Strozæ tumulus, quem condidit uxor
Mœrens, Taurellæ Barbara gentis honos.
Plus dederit quamvis, non hac Mausole meretur
Plus tua: fortunâ hæc, non pietate, minor.

Epitaph. Guidi Postumi.

Postumus hic situs est: ne dictum hoc nomine credas
In lucem extincto quod patre prodierit.
Mortales neque enim talem genuere parentes:
Calliopea fuit mater, Apollo pater.

Epitaph. Matthie Corvini.

Corvini brevis hæc urna est: quem magna fatentur
Facta fuisse Deum: fata, fuisse hominem.



JANI THESEI.



Ad Fastiam.

Non tibi opus speculo, formosa o, pulchrior omni
Quum speculo, magnum *Fastia* sis speculum.

Eidem.

Panditur & mundi facies, obscuraque cedunt
Nubila, quum profers *Fastia* poste caput.
Clauditur atque atrâ est nigrum caligine cœlum,
Tecta refers intra quum tua mox faciem.

De Fastia.

Splendor, forma, decor, facundia, gratia, virtus,
His una est cunctis *Fastia* nominibus.

De seipso, & Amore.

Sum pius, atque omni careo pietate: superbus,
Atque humilis: pacem, diraque bella peto.
Viribus infringo chalybem; sunt robore cassa
Membra mihi: spero cunctaque, spero nihil.
Dives, inops, hilaris, tristis, prælarus, avarus:
Et frugi, & nequam: gnarus, & ipse rudis:
Firmus, & incostans: prudens, temerarius: omni
Fidus, cui tuto & fidere nemo potest,
Astuat, atque horret glaciale frigore pectus:
Sum satur, atque crepant ilia laxa fame.

Et

Et vigilo, & sopor altus habet: sunt arida acerba
 Ora siti, & vacuo pocula plena mero.
 Nec verbum proferre queo; vocalior exto
 Stentore: sum mutus, sumque cicada loquax;
 Nimbosos maneo ventos, & nubila supra,
 Et premo declivi corpore pronus humum:
 Accedo quocumque libet, custodia dura
 Invitum fœdi carceris usque tenet.
 Luminibus viduus; cerno quid fiat in orbe:
 Omnia possideo, possideoque nihil:
 Plena mihi effuso rumpuntur & ilia risu,
 Atque udæ sordent rore cadente genæ:
 Et mortem vitamque opto: Mors displicet atra,
 Displicet & misero vivere velle mihi.
 Tot si aliquis quærat cur volvar fluctibus, inquam,
 Heus est [si nescis] caussa protervus Amor.

De seipso.

Dives de nummis, de bobus curvus arator,
 Venator semper de cane verba facit.
 Audax fluctivago de ponto navita, magno
 De mundo, stellis Astronomusque vagis.
 Intrepidus memorat strages bellator, & arma,
 Upilio saltus, flumina, prata, greges.
 Ast ego qui vivo tenero subiectus Amori,
 Nil nisi de tenero semper amore loquar.





BERNARDINI THOMITANI

PATAVINI.



Ad Elisam.

LEgerat adtritas Britanno e littore conchas
 Tityrus, ut canas luderet inter oves.
 Inde crux subito est formosa in vellera lapsus;
 Enituit nullo lana cruore magis.
 Hac te magna Pales; hac donat filia Nerei:
 Jura dabis terris: æquor Elisa reges.

ANTONII THYLESII

COSENTINI.



Cyclops.

HOc quoq; Achæmenides referas: timor omnis abe-
 Æquora namq; tenet jam classis: fare age Cyclops,
 Quos fremitus, miseros solitos quos edere questus;
 Lucis inops errat dum cassus lumine, & heros
 Exanimis procul alta petens effugit Ulysses.
 Nate Dea, Teucrûm decus, & ipes certa, fatebor;
 Sospite quo numquam Neptunia Pergama flammis

Con-

Confedisse, juvant quando hæc, quæ sæpius hausi
 Auribus, expediam dictis; præcordia quamvis
 Pulsat adhuc, prohibetque pavor audita profari.
 Est prope spumantes fluctus sub rupibus Ætnæ
 Spelæum scopulis super impendentibus ingens;
 Dira domus, suffixa horrent ubi terga ferarum,
 Brachiaque informi dependent squallida tabo.
 Inde ferus, cum vix aperit Sol aureus orbem,
 Egreditur pecudes inter, vastusque recumbit,
 Qua salis assiduo pulsu cava saxa resultant.
 Hinc procul e densis latitans ubi conditus umbris
 Errabam, tales jactantem voce querelas
 Auribus his tacitus suspensis sæpe notavi.
 Invisum Superis caput hoc cur parcis in undas,
 Lethæas undas, tandem demergere? si qua
 Es Dea Trinacriæ, quæ rapta silentibus umbris
 Imperitas, memini questus audisse parentis,
 Armatusque animis ingentibus ilicet ultro
 Accurri laturus opem: timor ante sed illum
 Abstulerat: volui tibi quam peperisse salutem,
 Hanc mihi ne inideas: age rursus fistula carmen.
 Aut pater altitonans unum e tot millibus ignem
 Fulmineum, tibi quem manus hæc formaverat olim
 Incute, ut immani transfixus verbere vitæ
 Quod superest, reddam: placitaque in morte quiescam:
 Enceladus quondam velut actus turbine vasto,
 Mole sub hac flammæ spirat larere ustus & ardet
 Secula tot, numquam Jovis ira extincta quiescit.
 Adplorans rursus dic mecum fistula carmen.
 Jam procul Eois surgens rubicunda tenebras
 Dispulit ore nitens, roseo Titonia conflux.
 Undique & extinctus stellarum diffugit orbis;
 Mox fuit, clabensque flagrantibus exit ab undis
 Extremas radiis lustrans Sorigneus oras,
 Et tremulis fulgore vadi accenditur æquor,
 Impellunt animæ quod leniter aspirantes.
 Omnia quæ quondam fuerant mihi dulcia visu.
 Quæ nunc perpetuâ pereunt caligine mersa.

Adplorans rursus dic mecum fistula carmen.
Plurima per silvas errat vaga turba volucrum,
Nativis depicta coloribus, illa nec usquam
Conspicienda fuit celeri per inania lapsu,
Argutis tantum resonant loca vocibus usque.
Tuque arguta iterum resonans dic fistula carmen.
O nemus hinc illinc surgens super æthera, quondam
Grata quies fesso, cum stratus gramine molli,
Suspiciens teretes ramos super, imponentes,
Gaudebam viridi specie resupinus in umbrâ.
Hic hederæ lambunt molles, hic arbutus antris,
Eminet hic fugiens in cœlum garrula pinus,
Cum levis hirsutas frondes movet aura Favoni.
Garrula tuque etiam dic mecum fistula carmen.
Obstrepat ecce cadens saxi manantibus humor,
Et salebris offensa procul respondet imago.
Ite simul prope me pecudes, simul ite capellæ,
Lanigeræ pecudes, hirtæ, simæque capellæ.
Pascite propter aquas: hic mollia pabula campi,
Hic dumosa viret rupes; ne vis fera venti
Præcipites summa speculâ deturbet in undas;
Ne lupus insidias circum malus investiget.
Ite simul prope me pecudes, simul ite capellæ,
Tu quoque pelliti custos gregis, ardua, pernix,
Strenua, fida, sagax, venatrix, effera, pugnax,
Comminus occurrens fures age candida Leuce.
Dulcius hoc iterum repetat mea fistula carmen.
Cœruleo surgunt rorantes gurgite Nymphæ,
Stellantes nox picta sinus ubi fusca recondit.
Quas inter mea cura venit Galatea sorores.
Hanc numquam vitreis e fluctibus egredientem,
Ceu quondam solitus fueram, spectare licebit.
Et nunc illa novos casus miseratur amantis,
Adsidet & forsân, sed suppressit ore querelas.
Ne mea præsentis laceret præcordia luctu.
Dulcius hoc iterum repetat mea fistula carmen.
Jamque procul visus tristes agnoscere voces,
Et gemitus persæpe meas gravis impulit aures.

Quan-

Quandoquidem unanimes pariter conjunxerat ambos
 Fidus amor, pressitque tenaci compede vinctos.
 Ex quo levis adhuc matrem comitatus euntem,
 [Namque juvat meminisse meos mea fistula amores,]
 Conspexi roseis carpentem lilia palmis;
 Et strophio religata comas formosa nitebat.
 Dulcius hoc iterum repetat mea fistula carmen.
 Tunc primum rudis insolito jactatus amore
 Errabam: memini bis denas condere noctes,
 Bisque dies denos solis sub rupibus Ætnæ,
 Nec minor, Ætnæis quam rupibus æstuat ignis,
 Gliscebatur tenore sub corde Cupidinis ignis.
 Inspexi primum liquidis tunc fontibus ora,
 Florebat malis cum nondum pulchra juvenus,
 Luxuriemque comæ fingebam lætus opacam.
 Te quoque tunc primum modulans mea fistula cantus
 Edocui, quibus obstupuit genus omne ferarum,
 Atque evulsa procul radicitus adfuit arbor.
 Tum vaga præcípites tenuerunt flumina cursus,
 Et mea victa novis concentibus, effera quamvis,
 Nata mari quamvis, properans e fluctibus ultro
 Adnabat, dolor est, hæc & meminisse voluptas.
 Frigidulam ah, quoties trepidamque amplexus in actâ
 Nusquam amittebam, donec suspenderat altam
 Luna facem, & tremulis splenderet ignibus æther.
 Tanta mihi quo nunc ceciderunt gaudia? nec te
 Adspiciam posthac levibus super æquora plantis
 Nereidas inter blandas agitare choreas.
 Tristius extremum resonet cava fistula carmen.
 Vivite montivagi Panes, vos vivite Nymphæ,
 Ille ego sum Cyclops Siculæ modulator avenæ,
 Pascere doctus oves, calathosque intexere junco,
 Et canibus lustrare sagacibus omnia sylvæ.
 Viribus invictus quondam, quæ cuncta nefandus
 Abstulit æterna rapiens caligine lucem.
 Tristius extremum resonet cava fistula carmen.
 Stultus ego: Eurymedes prædixerat omnia vates.
 Infelix Cyclops, Ithacus tibi frontis honorem

Demet, Dardaniis veniens rate vectus ab oris.
 Quæ, nisi dempra foret mihi mens prius, evitasset.
 Venerat, & blando cælans immania vultu,
 Infidiis animum rapuit malus ante, dolosi
 Tristia dona ferens nimium pretiosa Lyæi.
 Nectar erat dulci mihi nectare dulcius Hyblæ,
 Et ceu Lethæo dilutum flumine sensus
 Eripuit, circum visi concurrere montes;
 Et remeare vadis refluentibus Acidis unda:
 Tum geminum caput attollens pecus omne, per æquor
 Cernere erat passim liquidis colludere campis.
 Jamque sopor pressit languentem, sponte nec inde
 Territus exilui, cæcæque in nocte volutus,
 Cæde madens, ustusque genas, ferus, anxius, amens,
 Voce fremens, miser errabam: ruit undique silvis
 Turba minax, nec quo se immittat conspicit usquam.
 Ille etenim insultans, victorque fugacibus Austris
 Vela prius procul hinc dederat levis ales in altum.
 Atque ingrata sui monumenta æterna reliquit.
 Tristius extremum resonet cava fistula carmen.
 O pater, o pelagi regnator, ficcine inultum
 Me finis, invisi navem prædonis ad actam
 Quin rapis huc nobis perdendam? vulsa videres
 Corpora jacta manu, pontoque immersa cruento.
 Jamque volant passim correpta cadavera, raptis
 Visceribus, rivique fluunt jam sanguinis atri.
 Tum capiris diri directum lumen utrumque
 Disicerem, pœnas lueret, quas repperit ipse,
 Suppliciiis, quando nihil est his terrius usquam.
 Tristius extremum resonet cava fistula carmen.
 Vel tu si qua mei tangit te cura, procellas
 Iniice, ut impulsus per saxa furentibus Euris
 Frigidus exhalet vitam sine honore sepulchri.
 Quod si fata negant, primosque revisere portus
 Constituunt, longis durisque laboribus actus,
 Da pater, amissis sociis crudelia passus
 Hospitia, ignotasque pererret naufragus oras.
 Quin etiam exhaustis erroribus in sua postquam

Regna reveſtus erit, manus impia morte cruentet.
Hæc horrenda fremebat atrox Polyphemus ad undas.
Quæ mea nec poſthac quaterent tremefacta pavore
Pectora, tu tandem veniens dux inclite Teucrûm
Eripis, & dira ſervas a morte receptum.

Galatea.

Quid mecum quereris, vel me magis improba rides,
Garrula, vocalis, mima, diſerta, loquax?
Quæ mihi nulla videris opacis abdita ſilvis,
Sed mea dicta refers aſſona, nulla licet.
Jam ſatis o Galatea ſuperque jocosa fuiſti.
Ludere quin ludum deſinis inſolitum?
Quin proſers formoſa caput, latebraſque relinquis,
Inque ſinu recubantem ambitioſa foves?
Irritas laſciva, meum jecur æſtuat ardens:
Ibo ego per rupes, teque per antra ſequar,
Nunquam hodie evades falſas fugiens ſuper undas,
Fluctibus aut merges lapſa ſub æquoreis.
Sed gelida mecum requieſces ſtrata ſub umbrâ
Illicis ad ripas dulce ſonantis aquæ.
Et modo blanda choros agitare virentibus herbis
Hoſpes gaudebis inter Hamadryadas:
Dum cava mille ſonans numeros mea garrit arundo,
Ludit & inſonâs corniger inter oves.
Quamvis muta ſilet nunc fiſtula, buccina poſtquam
Tortilis inflexo turbine miſſa fuit.
Quæ patula illudens hiriſuto in pectore pender
Pignus, vel noſtræ teſtis amicitia.
Congregat una greges ſparſos ad ſepta, fluentis
Hac quoque deponunt ubera lactis onus.
Adſoveo aſſidue ſimul ora, impexaque menta:
Sola etenim ſedat concava teſta ſitim.
Sæpius & multo ſinuofa volumine queſtus
Fundit, & umbriferum perſonat omne nemus.
Ac mihi dum texto calathus concreſcit hybiſco
Barbatoſ tibi ſit paſcere cura greges.

Interdum pharetrata fugacibus obvia cervis
 Ibis Lynceo tegmine amicta humeros,
 Candentes humeros, qualis nix albet in *Ætnæ*
 Aëriæ incensis frigida verticibus.
 Quæ, velut æstivis tabescit solibus, utque
 Liquitur ex altis lapsa cacuminibus:
 Sic miser, *Ætnæo* quem non miror ignis inurit,
 Solvor, & ora madent fletibus assiduïs.
 Munera quid referam torquatas læta columbas,
 Picta quoque hinnulei mollia terga notis?
 Qui tener assuetusque sero, lactisque fluore,
 Caprigenum quærit, consequiturque pecus
 Tesqua per & rupes, & per frutices dumosos;
 Jamque manu instituit carpere dente cibos.
 Atque alia accipies: sed munera nulla movent te:
 Saxa ego vestigans te latebrosa petam.
 Quænam age? quæ curvis convallibus insonat? audis
 Quam docili nostros reddidit ore sonos?
 Dura, proterva, procax, petulans, quæ illudis amantem,
 Quo trepidas? nullum jam datur effugium.
 Nimirum densis latet hîc sub montibus, ite,
 Ite canes: rursus rettulit, ite canes.
 Certum est per saltus perquirere sicubi se abdit.
 Ite canes, latrat hic, non minus illa latrat,
 Convenient focii, pulsantur cornua bombis,
 En reboant rauco murmure saxa iterum.
 Fallor & his forsan latet occultata cavernis
 Delia? namque canes infremunt alipedes,
 Incutietque feris rabiem: Cadmeja proles
 Senferat iratæ numina sæva deæ.
 Fessus an ingenti sub fornice semicaper Pan
 Se reficit: locus hic arguit esse Deum.
 Oblita nam tonso mollique sedilia musco
 Læta virent, fons & dulcis abundat aquæ.
 Tum coma formosis procumbit pinea ramis,
 Floret & illæso cespite dives humus.
 Excitus hic somno furit irritabilis ira,
 Sævaque terrificis obicit ora modis.

Qui.

Quisquis es operiar: mugit specus ecce resultans:

Quis scit an his stabulet bellua dira cavis?

Effera quæ vasto si carcere forte fuisset

Libera, quas strages prodigiosa daret?

Atque utinam me nunc ingentibus aspera malis

Perderet, ut tandem desinerem esse miser.

*Lucerna. Lampius Mediolanensis Thylesto
dono dederat.*

Ænea vincta hederæ foliis cava tempora Bacchi

Affixæ gratum præbent mihi lampadis usum.

Vertice nam qua se partes coma fundit in omnes,

Et tenuis ægro capitis patet area summi,

Descendit velut exiguae testudinis orbis:

Cornibus hunc operit religatum emblemata gemellis

Insigne, inque vices reteggit specus inde remotum,

Agricolæ munus quo Palladis instilatur:

Quem simul accepit calva ærea parva liquorem

Mittit in os, animi cui nuncia lingua palato

Exerta, & sulco cælata ellychnia anhelat:

Usque laboranti similis persona videtur;

Æstuat, efflat, hians, ardentes faucibus ignes,

Atque exusta genas atro furit horrida vultu,

Afflatus quodam Semeles velut ignibus alvo.

Grata mihi, & nostris aptissima dona Camœnis

Lampius hæc dedit, insignis patriaque, domoque,

Lampius ingenti mecum conjunctus amore.

Scilicet ut, veterum seu me monumenta virorum

Nosse juvat, Latium, vel quos tulit Attica tellus,

Ludere seu mihi quid libet inter, carmine, curas,

Quis scatet undique vita calentibus insperatis,

Lumina sufficeret tam cari munus amici,

Et quasi jucundi socius foret ille laboris.

Ignipotentis opus fuit hoc; Deus hoc sibi primum.

Ipse sibi & sponsæ formavit Mulciber, exit

Vertice quæ sacro nam quamvis bellua nobis

Perfimilis nutrit similem turpissima alumnum.

Tardigradumque, moleste, ac turpiter incedentem;
 Attamen ictus amore procaciter appetit usque
 Conjugium duro formosæ Palladis ore,
 Quamvis læta oculos, quamvis niter aurea crines.
 Nec pater abnuuit hoc, carum sed nata pudorem
 Casta negat sibi posse auferri viribus ullis.
 Ergo infelicis Deus in solamen amoris
 Finxit, ubi foret inventum utriusque Deorum,
 Et ceu nocturnus vigil esset conjuge mistus:
 Lumineque appposito faber ægida perficit illi,
 Spicula præfigens adamantina vel polit hastæ,
 Aut crebris tegmen capitis cavat ictibus aurei,
 Frigida cum tremulis nox ignibus atra relucet,
 Candidus & fuscæ frater cessisse sorori
 Non dolet, Oceani delapsus in ima barathri:
 Mittit & hanc ipsam gemmisque auroque decoram,
 Ingentem, expressam signis, quo Diva tenebras
 Pellat, opus si quod cœlesti lucubrat aulâ;
 Aurea seu torquet subtegmina, pectine densat
 Seu taleas, urgensque argutis plausibus æquat,
 Ornat acu pictrix seu pallam, nam licet usque
 Casta Dea est, cupit usque tamen formosa videri.
 Nec minus hinc illinc omnes Deæ commovet in se
 Spectantes cupide Divos, oculisque inhiantes:
 Quam soror Idæis victrix convallibus olim,
 Quamvis illa Cupidine sit comitata volucris,
 Efferus occultos qui spargit arundinis ignes,
 Semper & huc illuc blandos dea spirat amores.
 Interdum studiosa coloribus atria cœli
 Distinguit, vastos armans in prælia fratres,
 Enceladumque Typhoëumque, æriumque Mimanta.
 Et movet hinc acies horrendas, inde Deorum,
 Bellonamque, Gradivumque, Amphitryoniademque,
 Ipsumque ardenti jaculantem fulmina dextra
 Impavidumque altitonantem, animisq; in bella ruentem,
 Quem prope Gorgoneis astans furit anguibus ipsa,
 Nec superas tanto discrimine deferit arces.
 Unde Deus sese gaudet spectare, memorque

Difficilis quondam pugnae, pictosque triumphos
 Perlegit, & caræ libat pater oscula natæ.
 Quin etiam Phœbi, Musarumque æmula Pallas
 Noctē silente modos, & carmina digna Deorum
 Auribus invigilat: docet hæc, quos diligit ipsa,
 Omnia solerti fingit quæ pectore Diva.
 Atque aliâ gratum despecti ad limen amantis,
 Cum facibus primum mortalis sedulus atram
 Dispellit noctis nebulam, cæcasque tenebras.
 Idque est, qui cœlo nunc Palladis Hesperus ardet,
 Hesperus æternum decus altisonantis Olympi.
 Non minus hic quamvis Divûm regina, Venusque,
 Et galeâ insignis Tritonia certat, in udâ
 Quam Phrygio quondam sub iudice lis fuit Idæ.

Arundo, sive de usu arundinis.

Fluminis undisonas ripas prætexit Arundo,
 Atque erecta comis pariter consurgit acutis,
 Quis gelidâ festos æstu refrigerat umbrâ.
 Plurimus hic usus, teneras seu jungere vites:
 Seu liber agrestes calathos, & vilia testa
 Construere, & pluvias arcere, & idonea soles:
 Seu magis incautos pisces captare dolosis
 Artibus, hamus aquis illudens pendet aduncus,
 Armata eam ferro, raptimque per aëra torquet
 Gnosius altivolas figens sub nube volucres:
 Vel fera montivagis erroribus acta, vel hostis
 Saucius injecto cadit eminus ilia telo,
 Cum brevibus compulsa Noto volat ocus alis.
 Quin etiam dentata levis manus æquora eadem
 Attheis, Latiisque notat studiosa figuris;
 Pingit & horrendas acies, laudesque Deorum,
 Legibus emendat mores, juvat, increpat, ardet,
 Extinguitque faces collectas pectore, & iras,
 Sensibus & secreta sagacibus omnia rerum
 Eruit, immensum pelagus metitur, & auras.
 Dulcius hæc resonat, longeque remotius, atque

Immortale magis, quam quæ pastoris in ore
 Mille foraminibus garrit pulsata canentis;
 Unde vagæ pecudes persultant gramina lætæ,
 Semiferumque genus Satyri, Faunusque bicornis,
 Arguta primus modulatus arundine Musam.
 Dicitur & qua sol admotos inficit Indos,
 Singula fluminibus nare internodia, remis
 Quæ subigit notis vergens vagus incola ripis;
 Namque virent illic Libycis majora columnis.
 Quid referam gratos succos? rimosa fatiscit,
 Succinaque hinc illinc dependent dulcia circum.
 Concreti erumpunt lacrimantes cortice rores.
 Hinc coquitur, glacieque riget nova pyramis, ipsâ
 Vel nive candidior, vel nectare dulcior ipso.

Æneas, paratis navibus, alloquitur patriam.

Jam nova cœruleas deducta est classis in undas,
 Cæsa sub Idæis pinea verticibus.
 Impelluntque leves suspensa rudentibus auræ
 Linthea dilapsis undique sideribus.
 Linquendum est jam dulce solum, fuit inclita quondam
 Troja ubi, sive armis inclita, sive opibus.
 O patria, o manibus tumultata hostilibus, omnis
 Collapsa in cineres uno eodemque rogo.
 Tanta fuit numquam e florentibus urbibus ulla,
 Tam subito & casu diruta præcipiti.
 Si qua salus superest post fata novissima, salve,
 Atque vale; extremum hoc, quod datur, adspicere est.
 Non licuit sævis aut te hostibus eripere, aut me
 Te prius optato concidere interitu?
 Flavus ubi toties atratus cæde refluxit
 Xantus, ubi & Simois decolor auxit aquas.
 Quave manus Danaûm pavitans per littora in altum
 Profugit, ratibus delituitque cavis,
 Aut latebrosa gravis tenebras cum enixa per atras
 Exitium peperit bellua Dardaniæ.

Cum

Cum, cives rapite arma, urbs tota fremebat in auras
 Vocibus; hostis adest, ferte, agite, arma viri.
 Ilion æternis deplorandumque lamentis,
 Quis tua tot potis est, quis mala tanta queri?
 Sævitiâ hostilis ferri subiisse, per ædes
 Civili undantes sanguine, perque vias.
 Ignibus heu devota furentibus omnia, si quid
 Restitit, Argolicæ sensit aratra manûs.
 Tunc potui superesse armisque dolisque Pelasgum
 Nomine sublatus matris Acidaliæ.
 Cum vetus armipotentibus arx Priameja Graiis
 Capta, malum, auratis ardua culminibus
 Corruit, & flammis superantibus omnia diris
 Exultabat atrox cæde Neoptolemus.
 Quem furere, & geminis inimistum vidi ego Atridis
 Terribilem abjectis stare cadaveribus,
 Herceumque Jovem Regis fœdare senili
 Sanguine: quam indigna est hostia cæsa Jovi!
 Funera post nati crudelia raptus ibidem,
 Illicet æternum tuque puerque vale.
 Et soboles germana, perit quæ, excelsa viretis
 Silva velut telis faucia nubigenis.
 Perdidit unius furor omnes, semper aquosâ
 Maluisses Idâ pascere lanigeras,
 Agresti contentus amore; fuisset Oreas
 Sive tibi cordi, candida sive Dryas:
 Innuptis quam sic alienam abducere nuptiis,
 Damnofo insignis factus adulterio.
 Tempore quo virgo doctissima Priamidarum,
 Sparsa comam, & niveas fletibus uda genas,
 Affatur mare prospectans e turribus altis
 Infortunatos Laomedontiadas:
 En iterum Graiis cadit Ilion, Ilion, armis:
 Pergama collucent ignibus Inachiis,
 O tantum prohibete nefas, miserescite venti,
 Vos saltem venti pellite, ferte ratem,
 Reddite desertis, fugit unde, penatibus, actam
 Turbinè, vel rapidis mergite vorticibus.

Quid soror insanam retines? ad busta jacebis
Tu quoque amatoris vindicis ulta prius,
Sed melius, mihi quam quod Fata inimica reservant:
Impie dira dabis jam mihi supplicia.
Verte Dea ingentes fluctus, e nubibus atris
Nata patris casta coniice tela manu.
Ultima sed superant immania: maxima Phœbi
Nulla forent utinam, vel rata dona forent.
Sed tantæ reus es seu cædis, sive Deorum
In mala devotus numine, tuque vale,
Eminus Herculei trajectus acumine teli,
Sparfus & inconstans pulvere cæsariem:
Et, patriæ ante omnes quondam tutela, peremptus
Magnus Achilleâ cuspide Priamides,
Felix Priamides, cui sic occumbere, mortem
Et licuit campis oppetere in patriis.
Excidio superare tibi non contigit urbis.
O Neptune perit, Phœbe opus atque tuum.
Nec stupefacta repentinis uiulatibus auris
Horruit, & rebus tot doluere oculi.
Infandis rebus, quas nox congefserat una,
Una omne extinxit nox decus Iliacum.
Ah facinus! celso dejectus culmine quis non
Resperfit lacrimis hostibus ora puer?
Sacrilegas miser ille manus tremefactus, & iras
Sensit Ulyssæas regius Astyanax.
Imperiis quoque paret herilibus Hectoris uxor,
Tradita victoris serva ministerio.
Hoc quoque præmoriens vitasti munere Divûm:
Mors data, non vitæ lux tibi dempta fuit.
Sed neque regalesque nurus, matrumque catervas
Contigit addictas cernere servitio.
Perque salum rapere insuetum, insultantibus essent
Tam procul Argivis matribus ut famulæ:
Trojugenûm regina parens longæva triumphis
Passa nefas o quantum acta Agamenoniis.
Et soror Æacidæ lethalis cura sepulti,
Altera quæque tuum movit, Apollo, animum.

Terria, quam flammis nequicquam atque hosterecepi,
 Rapta iterum est conjux regia cœlitibus:
 Qui mihi fatalis sociam invidere laboris,
 Jucundam longe qui comitemque viæ.
 Illa per umbrosas, docuere oracula. silvas
 Sacra facit Matri maxima turrigeræ.
 Quanta tamen cumque est, mihi certe nulla relicta est.
 Præsideret alma aliis, sed perit illa suis.
 Care puer, jubeam cur ora madentia fletu
 Tergere, & curas pellere, Jule. animo?
 En ego, solator tot luctibus indefessus
 Frangor, & huic uni mens mihi pressa malo est.
 Vive tamen nostri non immemor, o ubicunque
 Es nemorum, fluvios seu colis undisonos;
 Atque vale: feror exul aquæ super æquora vasta,
 Fata jubent quo me tendere Cœlicolûm.
 Et pater ipse comes grandævus non timet ire,
 Servatus patriæ bis pater exitio.
 Nec communis amor natus, tua dulcis imago,
 Parvus idem profugus denegat exilium.
 Cum sociis, mecum simul omnia ferre paratis,
 Aspera quæ terræ, quæque ferunt maria.
 Jamque rates evaserunt, quos igne Penates
 Eripui: velis flamina carbasseis,
 Servate o semper felicia, vosque Latinis
 Tempa manent meritos maxima littoribus.

Araneola.

Hæret araneolæ laxis dum cassibus errans
 Musca levis, conata fugam, sese magis ultro
 Implicat, & quatiens alas stridore coruscat.
 Effugium dumque scrutatur, labitur: ecce
 Illico araneola opperiens, si præda feriret
 Reticulum, tenui quod flamine neverat ipsa
 Sub salice, & trepidam sævo rapit improba morsu.
 Illa iterum fremitu resonans, pedibusque repugnans,
 Concutitur; sed nulla datur fuga: forcipe namque

Preflit atrox, urgetque tenax, perque omnia versat.
 Ac tandem magno luctamine victa, pusillam
 Expirans animam moritur miserabilis ales.
 Callida sed quam sit cæcas componere fraudes,
 Omnibus inque locis innectere tenuia fila,
 Est operæ precium cognoscere: rixa puellæ
 Mæoniæ vulgata diu est. Quis Palladis irâ,
 Seu livore magis mutatam nescit, amaret.
 Infelix dum se Cœlestibus æquiparare?
 Sive in amore soror fratris deprensa Phalangis,
 Casta Dææ furtim templa incestavit Arachne:
 Appula nunc etiam puer unde per oppida passim
 Multipedem repit faciem contractus in atram,
 Jamque vetus retinent metuenda Phalangia nomen,
 Quis tamen ipsa novum dedit urbs quoque; prisca Tarenti.
 Principio, ignaros rerum ne occulta morentur,
 Quidquid id est, per quod delabitur, aut spuit ore,
 Aut denso exterius ceu glomere fila revolvit.
 Quod simul ac lucem suspexit, Araneus ipsum
 Emitterit, victumque sibi molitur, & usque
 Nescit fila levi dejectus corpora saltu.
 Itque reditque citus, sursum modo repit, & altum
 Jam tenet, hinc rursus suspensus decidit, & jam
 Mille viis æquo discrimine texuit orbem.
 Tum malus insidias sub opacis frondibus abdit.
 Ne si forte oculis volucrum leve cerneret agmen,
 Exitium, aufugeret tremefactum corda pavore.
 Sic positis tandem laqueis, procul occuluit se,
 Prospectatque, plagis si quis novus incidit, auceps.
 Ecce feri culices, muscæque, atque id genus omne
 Alituum, volat imprudens, & retibus ultro
 Infertur, laxatque sinus, atque omnia miscet.
 E specula intentus raptim se se jacet altâ
 Explorator, & implicitas has mordicus, atque has
 Diripit, ac circum lictor ligat, atque ita acervat
 Omnia venatu assiduo, victumque reponit.
 Sed ne forte leves volucres, infirmaque tantum
 Hunc captare putes: tristem subtegmina Asilum

Densa tenent, sævitque furens detentus, at illum
 Ingluvie accurrens venator conficit atra.
 Quid referam fucos, & quidquid virus amaro
 Gestat acu? quoties captum fremit, ac velut ipsos
 Damnatos factæ suspendit aranea cædis;
 Spectaturque diu passim, spolia ampla, cadaver;
 Voce minans quamvis immane superbiat armis,
 Quodque venenatis fert telis, vulnus inurat.
 Quin tantis etiam stimulis furit ictus edendi,
 Involet apricos ut in ipsos sæpe lacertos.
 Frenet & incassum torquentes terga; nec ullis
 Saltibus excussus cæcis premat undique vinclis:
 Nec mora fit raptet quin subterraneus illos;
 Cacus ut averfos retrahebat in antra juvencos.

Cicindela.

Tantula nocte volans volucris micat aëre tantum,
 Ardenti similis scintillæ, quam puer olim
 Æquales inter metuebam tangere, ne me
 Ureret, infirma est ætas quum nescia rerum.
 Quæ quoniam noctu lucet, cognomen adepta est,
 Aut incensa nitet quoniam; velut ignea lampas,
 Cauda sit una licet, nomen non est tamen unum.
 Hæc modo summa petens commotis emicat alis.
 Rursus & adductis fulvum decus aurea condit,
 Ardentique procul fugiens levis igne coruscat.
 Et quocunque volat, secum sua lumina gestat,
 Lumina, quæ tenebras arcent, quæ flamina temnunt.
 Nunc, velut obsequiosa videntibus, advolat, atque
 Fit magis atque propinqua magis, scintillat & ante
 Ora, minuta velut candentis frustula ferti,
 Verbere quæ assiduo fornacibus excutiuntur.
 Ex quo rapta Jovi Stygio Proserpina, namque
 Una fuit comitum, veterem mutata figuram;
 Quærit adhuc dominæ vestigia, & omnia lustrat.
 Omniparens natura, hominum, rerumque creatrix;
 Difficilis, facilis, similis tibi, dissimilisque,

Nulligena, indefessa, ferax, te pulchrior ipsa,
 Solaque quæ tecum certas, te & victa revincis:
 Omnia me nimis afficiunt, quo lumina cunque
 Verto libens: nihil est non mirum dædala quod tu
 Effingis, rebusque animam simul omnibus afflas:
 Unde rigent, quæcunque videntur, pabula, frondes,
 Et genus aligerum, pecudesque & squamea turba.

GREGORII TIFERNATIS.



Vaticinium cladis Italiae.

Barbara gens Italos venit everfura penates,
 Et magnum a gelido panditur axe malum,
 Venit & illa dies, sævo cum cerva leoni,
 Cum securâ lupo conferet agna latus.
 Impia cessabunt tandem & civilia bella;
 In foribus cum jam fortior hostis erit.
 Non petiit tantus nostras exercitus oras,
 Intulit Ausoniæ cum ferus arma Getes:
 Nec cum Romanum properaret perdere nomen
 Annibal, aut celsâ Gallus ab Alpe ruens.
 Vix avium tantas emittit bruma catervas,
 Cum mutata novo frigore torpet hiems.
 Vix frondes tot silva gerit, vix littus arenas
 Jonii tot habet Carpathiique maris.
 Jam video totos impleri milite campos,
 Et pelagus structis classibus omne regi.
 Jam trepidare nova video formidine terras,
 Atque quati tures, & tremere omne solum.
 Heu quantas strages, & quantas cerno ruinas!
 Jam tollunt pulvis, telaque missa diem.

Jam-

Jamque sagittarum densâ pugnatur in umbrâ;
Lethiferi tantus missilis imber adest.
Captivos pueros, captivas cerno puellas,
Et captivorum ferrea vincla pedum:
Ignibus incendi sacras hostilibus ædes,
Deque sinu matrum pignora parva trahi.
Sanguine torrentes decurrunt, sanguine valles;
Usque adeo rabies Martis & ira furit.
Scilicet Ausonios nunquam diffusa per agros
Huic par tempestas diluviumve fuit.
Felices illi, quibus has ne cernere clades,
Neve pati possent, contigit ante mori.
O patria, o tellus olim invictissima; tu nunc,
Heu facinus, cunctis obvia præda jaces.
Væ tibi quæ septem claudis munimine colles,
Et genus a Trojâ principiumque trahis:
Væ tibi desidiâ nimium, luxuque fluenti,
Væ tibi ter miseræ, væ tibi, Roma, quater.
Hesperiae gentes, civilia ponite bella.
Et tantum a nobis hoc prohibere nefas.
Et vos o Veneti gentis tutela Latinæ,
In quibus Europæ tota reposta salus;
Consulte in medium, & vestras effundite vires;
Non aberit cœptis talibus ipse Deus.
Quid facis in tanto, pastor Romane, periclo,
Sollicitum totos quem decet esse dies?
Nonne vides quot regna ferox invaserit hostis,
Nonne vides nostræ quam minuantur opes?
Ut vigil incolumes populos tuearis, & urbes,
Cervici imposita est sarcina magna tuæ.
Summe Deus, qui celsa colis fastigia cœli,
Quo sine nec vires, arma nec ulla valent;
Adspice nos, hostemque precor confunde furem,
Qui cladem Latio perniciemque parat.

Vita fragilitas.

Ecce sumus pulvis, fumus ecce miserrima tellus;
Et nostri fugiunt ut levis aura dies.

Languemus, medio ut fœnum quod cœditur æstu;
 Ut rosa Pæstano languet adempta jugo,
 Obruimur morbis, aut succedente senectâ,
 Et mala tantillos undique multa premunt.
 Solvimur ut nebulæ, surgens ut in aëra fumus.
 Et veluti solvi Sole pruina solet.
 Carpimur, ut stipulæ rapido carpuntur ab igni;
 Nee nisi vivendo somnus & umbra sumus.
 Unde igitur fastus venit, unde superbia nobis,
 Quos fatum, præter tot mala, triste rapit?

Epitaphium Pallantis Strozia, Eq. Florent.

Quando alium flebis, & quando movebere lector,
 Hoc lacrimas casu si cohibere potes?
 Namque vir & meritis & laude insignis equestri,
 Maxima qui Tuscæ gloria gentis erat,
 Curriculo vitæ dulci defunctus & aurâ,
 Hic positum Pallas Strozia corpus habet.
 Illum cana Fides, Pietas ornaverat illum,
 Atque amor in patriam, largaque dando manus.
 Nec fuit in summâ fortunâ mitior ullus,
 Fortior & nullus dura ferendo fuit,
 Flete decus vestrum Grajæ Pallanta Camœnæ:
 Unde fleas & tu, Patria, semper habes.
 Tuque vale Pallas; tangit tua fama nepotes;
 Et, quem mirentur quemque sequantur eris.

Nenia matris in Quintillam.

Hic, Quintilla, jaces miserandæ cura parentis;
 Ornabas vultu quæ tua sæcla tuo.
 Formosæ Veneris quondam formosus ocellus;
 Dulce patri studium, dulce levamen eras:
 Sed mihi mors miseram miseræ crudelis ademit,
 Mors lacrimis flecti nescia supplicibus.
 Scilicet ut tali gauderent germine terræ
 Non Dii sunt alii, non Dea passa Venus.

Ergo

Ergo mea in longos abierunt gaudia luctus;
 Versa est in lacrimas mœstitiâque domus.
 Omnis honor nobis, omnis subrepta voluptas.
 Et quis, jo, vivit me miserabilior?
 Dulces blanditiæ, dulces mihi, nata, labores
 Quæ fueras olim, nunc mihi deliquium es:
 Quæ sic strata jaces, ut flos quem perculit olim
 Cum solidam vomer scinderet uncus humum.
 Nunc mihi se mundo Sol subduxisse videtur,
 Horridaque in medio nox mihi facta die.
 Jungere sperabam juveni te, nata, marito,
 Et stirpem de te cernere læta novam:
 Et tu debueras, sinerent modo tristia fata,
 Cum post nata fores, post modo, nata, mori.
 Aut igitur comitem rerum me fume tuarum,
 Aut ne me in tantis, oro, relinque malis.
 Funditur in lacrimas caput, in suspiria pectus,
 Et miserum, adflictam cernere, cordolium est.
 At vos o matres nostras augere querelas;
 Fletibus & fletus adcumulate graves.
 Flete decus nostrum, & donis ornate, puellæ;
 Officioque precor matris adeste pio.
 Et vos ô duræ lacrimas stillate columnæ,
 Vosque ô desertæ marmora flete domûs.

Ad Paulum.

Si res, Paule, tibi non sunt in amore secundæ;
 Accipe præceptum consiliumque meum.
 Aut istas quæ te consumunt exue curas;
 Fortiter & duro subtrahe colla iugo:
 Aut in personam paulatim transfer amorem,
 Quæ sit grata tibi, quæque benigna magis.

Epitaph. Pauli Barbi Patricii Veneti.

Si decreta sibi quisquam post funera vivit,
 Si merito quisquam tendit in astra suo;

Pau-

Paulus ob ingenium notus mirabile Barbus.

Qui tuus, ô Venetum patria, civis erat,

Liber, & a fragili jam tandem carne solutus

Vivit, & in cœlum, venerat unde, redit.

ROBERTI TITII

BURGENSIS.



Ad Hieronymum Guicciardinum Angeli F.

Lycabas, & Lacon.

HÆc tibi communi dum me pia cura dolore
 Conficit, atque adeo propius mea commoda tangit,
 Guicciardine, dico mœstus propè fluminis undam,
 Quæ fecat Alphææ placido fata pingua cursu.
 Et quamquam magno stupefactus nuper ab ictu,
 Nondum dispersos potui satis undique sensus
 Colligere, atque animi revocare in pectora vires.
 Pauca tamen libuit, facili distante Thalia
 Flebilibus canere apta modis, ut tester amorem
 Ingentem, atque dolor noster patefiat acerbus.
 Tu mihi te facilem dederis, namque ante solebas
 Corde aliquam nostri curam gestare sub imo,
 Interdum & promptas laudare ad carmina Musas.
 Navita sic igitur Lycabas miratur Iberus,
 Tyrrenusque Lacon, variis cum ex partibus orbis
 Communi peterent cursu vada fervida fluctu
 Trinacriæ, atque eadem veherentur per mare puppe.
Lyc. Quæ tandem facies alieno sydere Cœli
 Nocte dieque, Lacon, nobis se ostentat? ut alte
 Disruptæ nubes tonitrus dent æthere; Divum

Rex


Rex velut emissio repetat si fulmine pœnas
Audacis cœpti, cum sæva incendia terris
Intulit insolitas qui olim male rexit habenas?
Sidereasve genus Titanum scandere sedes
Ausum, præcipiti tendat detrudere casu?
Quid toties nimbi commisti grandine sævi
Portendunt, cœlo subtractaque lumina Solis?
Et passim æquoræ resonant ululatibus undæ?
Lac. Quid mirum, o Lycaba, nescit si fœdera mundus,
Nec certas servare vices, totoque feruntur
Monstra fallo? cum perpetuo languentia somno
Clauserit [heu Parcæ crudeles] lumina Cosmus,
Cosmus progenies Divûm, cui sceptrâ dederunt
Numina & imperio populos sub pace regendos
Æterna, amissum quem luget Thuscia tellus.
Quis neget ingentes fluvios jam posse retrorsum
Ferri, & nunc ubi monstra mari visuntur aperto
Persultare feras, modo quæ frondentibus umbris
Pennini latitant, & scrupea lustra frequentant?
Siderave insolito flammantia pergere motu?
Arque ubi nunc Boreas gelido se promit ab axe,
Incita ab adverso dominari cardine flabra?
Et dare discidium terris elementa superne?
Si natura Deûm immortalis morte fatiscit,
Nec potis est hominum communem evadere sortem?
Illum etenim, o Lycaba divino, semine cœtum
Juppiter omnipotens claro demisit Olympo,
Cum passim mortale genus: fœdeque jaceret
Oppressum gravibus curis, quas bella rulerunt
Sanguinolenta patrum quondam, civiliaque arma;
Tunc etenim altitonans summa miseratus ab arce
Horrendas cædes, sævasque hinc inde rapinas,
Et fas, atque nefas nimium jam turpiter omne
Misceri, & populos crudis servire tyrannis,
Quos aut nobilitas effert antiqua suorum,
Ingentesque animos addit, fastusque superbos,
Aut illata bonis violentia concirat, aut qui
Argento, atque auro solium invasere supremum,
Fin-

Finxit in ætherea corpus regione beatum;
 Insevitque animum cunctis virtutibus auctum;
 Huic dedit ingenio rerum pervadere causas
 Et cæcos motus populorum, animosque rebelles;
 Huic Altræa comes graditur, fingitque volentem,
 Et rectas librare docet virgo aurea lances,
 Ut non plus hac parte premat, quam sublevet illa.
Lyc. An igitur Deus ille, Lacon, pia lumina noctem
 Clausit in æternam, fatis obnoxius atris?
 Nunc horrenda memor sacri præfagia vatis,
 Caste qui quondam nostras operatus ad aras,
 Numine correptus Phœbi responsa canebat;
 Mente agito, pavenque simul, namque ille ferebat,
 Juppiter ut rerum summam posuisset in uno,
 Cui regere imperio dederit florentia rura,
 Quæ placidis rigat Arnus aquis, longeque sonantis
 Alluit unda freri Tyrrhenis cognita nautis;
 Hunc fore, qui quondam Libycos armaret in hostes
 Innumeras acies, & propugnacula bello
 Alta Liburnorum, ut tuto freta longa secare
 Puppe cita, medioque mari colludere posset
 Provecta exili lembo, pictisque phaselis,
 Et pisces captare vagos sacra turba piorum;
 Hunc fore, consilio reges qui jungeret arcto
 Fœdere, & instructam non multo remige classem
 Suaderet medios Scythicos immittere in hostes,
 Innumerasque rates, florentesque ære catervas,
 Insignem ut peterent multa cum laude coronam:
 Tantum relligio valet. & fiducia recti.
 Huic tamen esse anceps bellum cum morte gerendum,
 Ex quo si parta liceat discedere palma
 (Namq; hoc obscurum, nec fas cognoscere quemquã;) *Tunc*
 Tunc ille æternum vitam producet in ævum,
 Et referet pulchro Saturnia secula mundo:
 Quod si fatales pervincant prælia Parcæ,
 Omnia præcipiti retro sublapsa ruina
 In pejus cedent; rapidis Victoria pennis
 Tempa externa petet, fusoque ex hoste triumpho,
Tunc

Tunc Scythicus maris obfessor rapere undique prædas
 Festinabit atrox, & vincula neſtere captis;
 Hinc ædes, hinc facta Deum delubra nefandi
 Corripient ignes, arcesque, urbesque beatas.
 Quin etiam Superi regnantes æthere puro
 Signa dabunt, quatiensque novo cælum omne fragore.
 Hæc nos nunc agitant portenta, hæc monſtra feruntur
 Inſolita, hæc quondam vates ex ore profudit
 Veridico; ad tantos nos caſus fata reſervant.

Lac. Quamquam me, Lycaba, ſigna hæc horrenda dolore
 Concutiunt, dubiamque tenent formidine mentem,
 Non tamen uſque adeo miſeros exoſus ad unum eſt
 Chriſticolas pater ille hominum, pater ille Deorum,
 Nec ventis portanda dedit pia vota protervis,
 Ut ſubito ingentes animos, & funditus omnes
 Spes Italum periſſe rear; nam Coſmus ab alta
 Proſpectans regione Poli cuncta ordine miro
 Digerit, atque ſolo monſtrat veſtigia nato
 Trita ſuo; quibus inſiſtens Dux Magnus acerbas
 Abſterget curas conceptas morte parentis,
 Tranquillæque reget populos ſub ſœdere pacis.
 Hæc ſecum vario nautæ ſermone ſerebant,
 Cum tandem optatæ Siculæ advertuntur arenæ
 Intrantes portus, & mœnia celfa Panormi.





CLAUDI TOLOMEI

SE N E N S I S.



De Diocletiano.

Imperium princeps orbis dum prætulit hortis
 Atque oleri, fuit hic omni olere ipse minor:
Postquam olera imperio, postquam hortos prætulit orbi,
 Imperio vere major, & orbe fuit.

Lydia ad Lygdum.

Lydia purpureos per prata virentia flores
 Dum legit, & roseos dum legit illa simul;
Luteolosque illis pariter commiscet, & una
 Candidulos texit candidiore manu.
Hos tibi Lygde inquit flores mi floscule necto,
 Hisque animum annecto candide Lygde meum.
Tu flores, animumque cape, atque hos dicere formæ,
 Virtutis potes hunc dicere festa tuæ.



JOANNIS TONSI

MEDIOLANENSIS.



Epistola ad Amicam.

QUæ mihi discedens mea lux mandata dedisti
 Dulcis amor cupidis auribus ingeminat.
 Vocibus illa quidem paucis comprehensa videntur
 Parvula: sed magni ponderis instar habent.
 Sis memor absentis nostri: nec plura locuta es:
 Quod mihi nunc querulo semper in ore sonat.
 Me miserum! fallax cum nostro in corde Cupido
 Impressit vultus, effigiemque tuam,
 Mollius id cera factum est cum sole calefcit,
 Aut tepidi afflatu vere novo Zephyri:
 Rursus postquam eadem fixa altius hæsit imago,
 Nec locus esse aliis quivit imaginibus:
 Durius id creta factum est, ubi Sirius ardet
 Quam gravis in mediis æstus aduflit agris.
 Immemor ergo meæ potero magis esse salutis:
 Quam non esse tui nocte, dieque memor.
 Atque utinam, o tantum memor: omnia nec Deus arma
 Aliger in nostrum stringeret exitium.
 In me totus enim, torquens ferrumque, facemque
 Irruit, & nudum sauciat ille latus.
 Quem non æquo animo casum paulo ante ferebam,
 Sed poteram tacitus dissimulare tamen,
 Hoc ego fortis eram; quod te quandoque licebat
 Cernere mi, blandis alloquiisque frui.
 Nam quoties curis ægro sævoque dolore
 Ardenti forte es obvia facta mihi;

Te simul ac vidi, valui, penitusque recessit
 Tristior ex animo cura dolorque meo.
 Quid fieret, cum deinde prope exaudire licebat
 Dulcia jucundis verba repleta jocis?
 Nunc te rura tenent, uno hoc felicia, tecum
 Rura quod alma Venus, mitis Amorque colunt.
 Sed mala sunt eadem, ac inamœna, ac barbara rura,
 Abdita quæ latebris gaudia nostra tenent.
 Ah pereat, si quem tantus tenet ardor habendi,
 Rus miserum caræ præferat ut patriæ:
 Ah male sit primo, qui se, & sua pignora natos,
 Uxoremque avidis miscuit agricolis.
 Luciferi primo cum fidere rure colonus
 Perducit tardos sub juga curva boves.
 Aspera vox aures ferit, & stridentia plaustra
 Abrumpunt somnos tum tibi languidulos.
 Non ruri fulgentem armis, auroque catervam
 Cernis, quæ celeres calce fatiget equos:
 Et nunc ferventis simulacra simillima pugnae
 Edat, tecum agili nunc pede pulset humum.
 Agricolam flexo sed terram scindere aratro
 Adspicis, & durâ vertere sæpe manu.
 Vel qui vile pecus numeret postquam occiderit sol,
 Vel lac distentis exprimat uberibus:
 Quod si læta canas: audebunt rumpere voces
 Verbaque mugitu rumpere culta boves.
 Et, si venandi studio succincta vageris,
 Offendent teneros aspera faxes pedes.
 Sidereos uret vultus sol invidus, atro
 Aureola horrescet pulvere cæsaries.
 Diffundetque furens ventus rosea illa labella,
 Et teneras lædet, candidulasque manus.
 Sin placido gelidi fontis te murmure captam
 Sternere gramineo margine contigerit,
 Et nemore in denso, pratise in mollibus arcte
 Jucundus teneat languida membra sopor,
 Non ne latens poterit tibi protinus anguis in herba
 Vulnifico tenerum scindere dente latus?

Quod

Quod tantum meminisse, mihi radicibus imis
Cor vellit gelido, sollicitoque metu.
Quid si capripedes Satyri. Faunique bicornes
Ah miseram rapiant, dum malecauta jaces?
Dii prohibere malum: mihi namque hæc cura priore
Tristior accideret, conficeretque magis.
An paterer mihi fata diu producere vitam,
Et possem ad certam non properare necem?
Si tuâ commiscere fores, mea vita, coacta
Lacteola hirsutis pectora pectoribus.
Sed neutrum eveniet: neque tam sibi secula nostra
Aversos penitus sunt habitura Deos.
Nec mea nunc doleo quod sit præfaga mali mens:
Tristia vel quod me somnia terrificent.
Sed (quod morte mihi est ipsa infelicius) a te
Abfore tam longo tempore discrucior.
Et rursus mala rura odi: rura execror, omnes
Quæ modo delicias eripuerunt mihi,
Lætitiâque omnem ex animo, cælumque, diemque,
Et solem ex oculis eripuerunt meis.
Quid mihi tunc animi credis, mentisque fuisse,
Cum primum oclusæ non patuere fores?
Tum victa est acri patientia nostra dolore,
Quam prius adversi frangere nil poterat.
Mœstaque cœperunt tabescere lumina fletu,
Pumice quæ fuerant aridiora prius.
Abducti sensusque meos, animumque recedens:
Et me a me ducis imperiosa procul.
Quod si in tam sævo superest mihi vita dolore,
Una tui dulcis spes facit hoc reditûs.
Cogitat interea de te mens anxia semper,
Cum gravibus curis excita pervigilat.
Et si oculos flendo fessos. longoque labore
Ingratæ noctis clausurit hora brevis,
Semper ades, nunc blanda fatis, nunc aspera, teque
Jâm capram teneo, jam volucremque sequor.
Uror, non secus ac flagrans Trinacria rupes:
Succensoque ingens ardet ab igne rogos.

Vel quantum moriens arsit Tyrinthius heros,
 Ater ubi infecit fortia membra cruor:
 Nec rogo (quod fieri nequit) ut moderatius urat:
 Sed te etiam ut nostri mutuus urat amor.
 Quid cupio ah demens? te circumsepta nivali
 Securam faciunt aspera corda gelu.
 Te numquam lacrimæ tristes, non pallor amantum
 Fletere, sollicitæ non potuere preces.
 O quoties, tua nos raperent cum pectora, nostris
 Insidiosa nimis pectora luminibus,
 Compressis labris mirantes diximus: hæc sunt
 Sithonia longe candidiora nive:
 Perniciem in nostram illa eadem mox sensimus esse
 Pectora, Sithonia frigidiora nive.
 Nec tantum præceps audacia creverat in me,
 Armanda ut glacie pectora casta forent.
 Nam quamvis misere cuperem dare brachia collo,
 Et memores labris figere dente notas,
 Conscia tu tamen es nil me tentasse: nec ausum
 Ulla animi ardentis prodere signa mei.
 Sed petere hæc abs te mihi non fas esse putabam
 Tam Veneri aversa, deliciisque suis.
 Ardebam prudens igitur, tacitusque superbæ
 Mentis formidans lædere propositum.
 Et si quando mihi fuerat data copia fandi,
 Hærebat nimio lingua retenta metu.
 Consilii mentisque inopem deduxerat huc me
 Tandem flagranti mixtus amore timor:
 Non ut iusta mei peterentur præmia amoris,
 Sed tibi despectus ne meus esset amor.
 Tangerer utque mei te saltem parvula cura
 Difficilem, postquam mutua non poterat.
 Hoc ego pœnarum duxissem dulce levamen,
 Quas dederam immerito, quasque daturus eram.
 Et tamen hic miseras nondum pervenit ad aures
 Optatus roseo missus ab ore sonus.
 Immo me fateor non posse carere timore,
 Ne tibi jam gelido pectore deciderim.

Nam

Nam tua mi semper parce fuit æqua voluntas,
 Et nimis Idaliæ mens inimica Deæ:
 Queis dederit vires absentia longa necesse est,
 Deleritque tuo me miserum ex animo,
 Hæc mihi nunc mœstas est unica cura medullas,
 Et cruciat vitam, vix reliquamque facit.
 Nec quæ grata mihi dixisti verba recedens,
 Et blandus toties ingeminavit Amor,
 Illa meo possunt medicinam ferre dolori,
 Ægra vel amenti solvere corda metu.
 Nam tibi (ni fallax sensus me decipit) illa
 Non dictavit Amor verba, sed officium,

Genethliacon filii Vesp. Gonzagæ.

Qualis nitenti cespite flosculus,
 Quando reducit vere novo diem
 Fulgens nitentem Aurora, pictum
 Purpureo os aperit colore:
 Qui solis ut lux se extulit altius,
 Compressa primo mox folia explicat,
 Lateque per campos apricos
 Spirat Achæmenios odores.
 Vel quale virgultum arduæ ab æsculi
 Radice quando nascitur infima,
 Tantum exerens telluris almæ
 E gremio tenerum cacumen.
 Justo sed illud tempore maximam,
 Spissamque ramis surgit in arborem,
 Quam frustra aquosus certat Eurus
 Flectere, præcipites & Austri.
 Vespasiano filius ortus est,
 Qui vix adultus, nomen in ultimum
 Orbem efferat, famamque rebus
 Excitet egregiis perennem.
 Quem non inanes alliciant gravem
 Spes, nec cupido pessima turpiter

Impellat, aut fortuna vultu
 Terreat impavidum minaci.
 Tali beatum jam ter, & amplius
 O prole patrem: sed magis, ac magis
 Prolem beatam jure tanto
 Dicimus unanimes parente.
 Quam sunt avorum facta potentium,
 Summique honores, atque recentia
 Exempla virtutis paternæ
 Parve puer tibi profutura!
 Si bellicosus spicula, signaque,
 Hastasque, & enses, & clypeos amas
 Tractare, Mavortis secunda
 Numina sanguinei securus,
 Quid magis opres, quam fieri tu.
 Splendore laudum consimilis patri
 Claro triumphis, & revictis
 Hostibus, exuviis onusto?
 Non te excitabit cernere fortium
 Qua densa fervent agmina militum
 Vadentem eum, stragemque dantem
 Fulmineo gladio cruentam?
 Aut sustinentem fortiter agminum
 Vim, densa in ipsum mole ruentium,
 Murösve scandentem, & superbis
 Urbibus excidium ferentem?
 Sin pace par a, te populi juvet
 Juste regendi forte scientiã
 Formare pectus, publicas res
 Aspice compositæ ordinantem.
 Quis civitates amplificet status,
 Et quis decoras moribus optimis,
 Probisque reddat disciplinis.
 Atque sacris beæ institutis.
 Disces ab illo: qui revocat bonas
 Artes, catenis, atque licentiam
 Compefcit, & delicta justus
 Imperiis prohibet severis.

Quod si Camœnæ te rapiant lyra
Plectroque captum, Virgilî, & Orphei
Prudentius Linive canrus

Non imitabere, quam paternos.

Custode eodem patreque posteri
Lauro videbunt te triplici caput

Circumdatum splendere, cœlo

Sidus uti radiat sereno.

Dum, quæ decentes te modo Gratia;

Nymphæque alendum fuscipiunt, die

Circum excubent nocte, & sinistra

Officiat tibi ne quid Ate.

Sic membra crescent parvula, tempore

Crescetque eodem vis animi, simul

Ut grande crescat tandem utrique

Præsidium Hesperia, decusque.

*Ad Vespasianum Gonzagam, in obitu Anna
uxoris.*

Dum Belga vires horret Ibericas,

Illata nondum signaque finibus

Formidat, & nomen Philippi

Jam positis veneratur armis:

Quæ cura mentem nobilior tuam

Exercet? an tu quo superes modo

Vim barbaram, evitesque fraudes,

Consilio meditaris alto?

Tu vero avitis quæ imperiis tenes

Longeque lateque oppida, mœnibus

Intentus es munire, firmam

Ut statuas populis quietem?

Quodcunque tractas, non nisi maximum

Dignumque virtute esse potest tuâ,

Quam luce pura clariorem

Exitus efficiet secundus.

At me immerentem destituit levis

Fortuna, postquam principio satis

Affarat, & cœlum fugatis

Reddiderat nebulis serenum.

Majori ut essem ludibrio, mea

Cum portu in ipso fluctibus obruta

Et littori collisa, sævo

Naufragio periit carina.

Nam non avaram quæ dederat manum

Præceps in auras sustulit omnia,

Et terga vertit, se citato

Proripiens inimica gressu

Infesta multis illa quidem, sacris

Infestior sed vatibus: optimum

Nam Julianum inclusit atro

Carcere delicias sororum,

Phœbique amores: hunc decuit gravi

Cura solum fundere nœnias,

Et conjugis deflere mœsto

Fata tuæ miseranda cantu.

Ah prima, & ah vix exorentia

Felicitatis gaudia maxima

Tecum fruentem falce pressit

Protinus invida mors rapaci.

Non illa dulcis mollia filii

Adultæ vidit membra, nec audiit

Jam lacte depulsum, tenello

Ore leves iterare nugas.

Non crebriores edere contigit

Partus, beatum qui facerent patrem.

Fortique dextra sublevarent

Italiam misere jacentem.

Annam ergo nuper mors tibi surpuit,

Et surpuit cara oscula conjugis,

Pectusque sincerum, & pudicum

Ingenium lepidosque mores?

Quæis illi donis non minus inclita,

Quam dives auro, stirpeque regia

Insignis ornabat relictæ

Eridanum Sicori timentem.

Nunc

Nunc ornat alti lumine vivido
 Convexa cœli : sidereo & choro
 Inserta Diſtæa Corona
 Purius, Andromedaque fulget.
 O. mitte molles fundere pectore
 Firmo querelas, hocque age fortior
 Partis triumphis ut superbos
 Strenuus accumules triumphos.
 Jam nil tua non perficies manu,
 Virtute Mavors insuperabili
 Quem roborat, fortemque Pallas
 Consiliis regit alma fidis.
 At nos ne amice quod dedit auferat
 Ingrata & expers consilii Dea
 Conabimur; quæ pertinaci
 Quod dederat rapuit furore.

*Ad Julianum Gosellinum, de Vesp. Gonzaga
 agrotante.*

Tandem querelis pone modum tuis,
 Spemque occidentem fortiter erigens
 Absterge fletum Juliane,
 Atque animum releva jacentem:
 Plerumque postquam sæviit Æolus
 Volvens procellis æquora turbidis,
 Soles renascuntur sereni
 Tristia nubila differentes.
 Morbo tenetur si nimium gravi
 Vespasianus, non tamen occidet:
 Sed firmiorem tres benigno
 Numine restituent sorores.
 Hunc Dii tuentur: quem neque naufragum
 Extinxit æquor, cum nigrioribus
 Sæviret undis, nec tremendo
 Plumbea grando ruens fragore:
 Quæ cum labantes firmat hic ordines,
 Sistitque versam fœde aciem retro,

Late patentem edebat, acta

Pulvere sulfurco ruinam.

Vix una summum glans juvenem tamen

Perstrinxit, æternum ut pareret decus

Insignis in vultu cicatrix,

Impavidi nota certa cordis.

Tum Phœbus, & Mars unanimes, suum

Texere alumnum, nec secus omnibus

Posthac periculis incruentum

Eripient Jove comprobante:

Ut post triumphatum horribilem Getam,

Parthumque, Pœnumque, & profugum Scythæ

Discordis jam jam probrosis

Fulciat Hesperiam ruentem:

Et rursus oras orbis in ultimas

Nomen Latinum, signaque proferat.

Cui laurea tandem virenti

Juppiter imposita laborum

Finem spondit, tum undique classico

Cessante prorsus: lætaque sæcula

Præstabit: in lucem bonasque

E tenebris revocabit artes.

Musis amico principe, & ingeni

Virtute claro premia frontibus

Doctis negatæ olim, celebri

Restituent ederæ corona.

Majore plectro te decet interim

Sacrare summis nomen honoribus

Herois invicti, decusque

Perpetua celebrare laude.

At nos scientes prospera, seraque

Manere eundem fata, procul metu

Omni repulso hymnum saluti

Æoliis fidibus canemus.



JO: MATTHÆI TOSCANI MEDIOLANENSIS.



*Ad Reginam Christianissimi Regis
Matrem.*

QUæ Gallæ Regina ratis moderaris habenas,
Tuta procellosum per mare vela regens:
Nata ducum, genitrix Regum: sed sanguinis amplum
Illustrans animi nobilitate decus.
Corpore femineo dum pectus firma virile,
Ingenii sexum vi superante, geris.
Longa quidem placidam traxisse per otia pacem
Gallorum populos præstiteratque duces,
Per commune nefas patrios quam sanguine campos
Fœdasset quatiens civica tela furor
Sed tua non poterat, dubiis nisi provida rebus
Mens cerni, innumeris illabefacta malis.
Sic ars docta later tranquilla per æquora nauta:
Tempestat animos, consiliumque probat.
Postquam igitur sano viduos jam pectore Gallos
Traxit in atra feri prælia Martis amor:
Enituit tua tunc virtus, dum sedula regnum
Conservas natis per fera bella tuis
Nam tu corda ducum quoties lymphata furore
Mulisti placide pectora sæva domans?

Mutua junxisti quoties per fœdera gentes,
Prœlia composita pace silere jubens?

Quod si sæpe tuis renuit mens ægra juvari
Consiliis, Medicam dum male temnit opem:

Dum repetita ruunt vesani in funera cives:
Majus id humana numen agebat ope.

Scilicet extremam veniæ superantia metam
Crimina dum mulctat vindicis ira Dei.

Quæ nunc ut precibus tandem placata piorum est,
Vel demum nostris exsatiata malis:

Quæ miseris speranda salus foret unica rebus
Pax est consiliis illa reperta tuis.

Sic ubi diu sæva violentia perculit Austri
Naufragio miseras per freta vasta rates,

Neptunus facili tandem sua regna tridente
Sternit: & innocuas navita verrit aquas.

Atque utinam, gentes obliquo devia calle
Corda vetus flectant ad pietati iter.

Aurea tum læti reduces ad sæcula Galli
Vera colent positis otia diffidiis.

Tum pius Henricus pa riis a finibus, hostis
Vertet in externi justius arma solum,

Impia prima dabis meritas Germania pœnas:
Fax siquidem nostri tu quoque prima mali.

Nec contenta tuis quod pridem nata sub antris
Sparseris in Gallos dira venena rudes,

Arva subinde fero dum Gallica milite comples,
Auxisti damnis damna priora novis.

Scilicet hoc melius, quam si cervice repellas
Iniicit en jamjam quod tibi Turca jugum.

Qui tibi Pannoniæ magna jam parte potitus
Imminet, atque tuum spe capit imperium.

Sed magis ultorem manet hæc victoria Gallum:
Germani, & Turcæ conteret, ille caput.

Ocyus hanc tam fausta ferat quæ gaudia lucem
Phœbus ab Eo proferat orbe precor:

Qua iusto Henricum per mille trophæa triumpho
Teutonico, tinctus sanguine currus agat.

Undique Parrhiæ vectus spectabilis urbi
 Tendat in amplexus mox, Catharina, tuos.
 Tum fortasse gravi mihi fas assurgere plectro,
 Magnaque Mæonia bella tonare tuba.
 Interea mea nunc patrios pia cura Poëtas
 Tristia Parcarum jura subire vetat.
 Nam tibi, grande decus Latii Regina, dicatos
 Sperat ab æterna posteritate legi.
 Tu, mea musa tibi plenos dum texit honores,
 Hæc tibi devotæ pignora mentis habe.

Ad Prosperum Vicecomitem.

Clara ducum soboles, quorum ditione sub ampla
 Fluxerat, ingenti qua pariet amne, Padus.
 Quos velut innumeræ comitatæ in bella catervæ
 Struxerunt valida mille trophæa manu:
 Sic te Palladiæ cingunt quæ hinc inde cohortes
 Æternum media dant tibi pace decus.
 Hos, quorum pars magna tuo mihi munere, Vates,
 Est data, tota quibus Musa lepore niter,
 Perlege: perlektis Flaccum dice quæ Tibullum
 Nostraque dant reducem sæcula Virgilium;
 Cum toties Latium vastarit barbarus hostis,
 Ille solo exitium, non tulit ingeniis.

De Carga Carminibus.

Quid culta prodest carminis concinnitas,
 Quid casta linguæ Romulæ observatio,
 Oratio quid mille picta flosculis,
 Si fœda amorum turpium lascivia,
 Si dii profani, fabulæque inutiles,
 Fœde pudicis obstrepentes auribus
 Nugæ sonora versuum spectabilem
 Luto nitorem turpius si collinant?
 Hoc Carga fugit, puritatem carminum
 Nil esse ducens, pura ni mens sit comes,

Docensque vates pro caduca gloria
Mundi, petenne cœli ut affectent decus.

De Jo: Francisco Bonhomio Episcopo Vercellenſi

Extinctum dum mente pia, docto ore, Bonhomus
Flet Christum. sacro pectore digna canens,
Hoc merito assequitur, redivivi ut numine Christi
Perfusus dempto gaudia fine metat.

De Hieronymo Amaltheo Poëta, & Medico.

Ut mentes hominum solaris dulcibus ægras
Verbis, sic herbis languida membra juvas.
Una manus citharæ nervos, nervosque virorum
Sedula concordi temperat harmonia.
Quattuor ut chordæ sunt, ut discrimina vocum
Quattuor, in quibus ars musica tota viget,
Bisque duo hæc nervi, numeri, candorque, leposque
Vivere plus una carmina luce jubent.
Corpora sic totidem ex humoribus, atque elementis
Constant, Pæoniæ est in quibus artis opus.
Quæ cum felici tractes Hieronyme cura,
E gemina geminus vi tibi surgit honos,
Sed dispar: peritura etenim qui corpora fervas,
Carmina perpetuo non peritura facis.

De Jo: Bapt. Amaltheo.

Vivus hic antiquos Latio instauravit honores,
Mortuus antiquos abstulit, atque novos.

De F. Mario Molsa.

Tam lepido Tuscas coluisti carmine musas,
Itala quo studio tota juvenuta calet,
Tam docte citharam pulsasti Molsa Latinam,
Quam vetera aptarunt sæcula, nostra colunt:

Ut decus Aufoniæ merito dicare Camœnæ
 Illustrasse novum, restituisse vetus.

De Balthass. Castilioneo.

Ut patriam, sic ingenium, Musamque dederunt
 Fata tibi, sed non otia Vergilii.
 Quod nisi castra fores regum sectatus, & aulam,
 Dum simul hos dextra, consilioque juvas,
 Carmina tunc magni poteras æquare Maronis,
 Ut nunc ingenii pondere, sic numero.

De Joanne Cotta.

Qui Musas, Veneremque, Gratiasque
 Vis cœtu socias videre in uno,
 Hunc unum aureolum legas libellum,
 Quo Musæ neque sunt politiores,
 Ipsa nec Venus est magis venusta,
 Nec gratæ Charites magis; quod ulli
 Si fortasse secus videtur, ille
 Iratas sibi noverit misello
 Camœnas, Veneremque, Gratiasque.

Ad Petrum Bembum.

Historicus, vates, rhetor, celebrat, canit, implet
 Gesta, ignes, aures, ore, lyra, eloquio.

Ad Andream Naugerium.

Hic Naugerius ille, Martialis
 Lascivi petulantiam perosus,
 Et musas sine fine prurientes,
 Læso cuncta quibus licent pudore,
 Non jam virginibus, sed impudicis,
 At castas voluit suas Camœnas
 Hic Naugerius esse, sicque amores

Cantare, ut tenerum colant pudorem.

Hunc ergo pueri, puellulæque

Crebri volvite, quippe Martiale

Nec doctum minus, & magis pudicum.

De M. Antonii Casanova.

Dum priscos celebri memoras cum laude Quirites

Laude probas dignum te Casanova pari.

De Antonio Tebaldeo.

Sunt arguta quidem, sed pauca Epigrammata: nescis

Condiri modico fercula multa fale?

De Antonio Mario, ad Lectorem.

Hæc pueri, sed non puerili condita vena,

Perlege digna viro carmina, digna sene:

Virgilioque parem Marii spe concipe Musam,

Non alio Culicem iuserat ore Maro.

De Lazaro Bonamico.

Quod nostrum in Latium priscae revocantur Athenæ,

Quod viget eloquium, carmen, & historia,

Aurea quod studiis redierunt sæcula, totum

Hoc Patavi, debet Lazare terra tibi.

De Jo: Casa Archiepiscopo Beneventano.

Cetera turba Deum cœli tenet aurea templa:

Collibitum est Musis hanc habitare casam.

Ad Honoratum Fascitellum.

Citria mala tuæ, & quot flores Parthenopes, tot

Munditiæ versus sunt Fascitelle tui.

Ad Prosperum Vicecomitem.

Infubrum dum scepra manu, aspirante tenebant
 Fortuna proceres, anguigerique duces,
 Inviſta virtute ducum res bellica crevit:
 Nullaque gens Martis clarior arte fuit.
 Nunc eadem fortuna rota volvente vetuſtum
 (Proh ſcelus) in præceps abſtulit imperium.
 Hoc genereſe ducum Proſper de ſanguine, Muſas
 Exerces, ſummæ nobilitatis opus.
 Hoc, quamvis Fortuna rotam vertatque, ruatque
 Impia, non poterit ſurripuiſſe decus.

DESCRIPTIO SENILIS ÆTATIS.

*Idem argumentum tractarunt quatuor alii Poëtæ,
 Frangipanius, Fumanus, Parlifaneus,
 & incertas Auctores.*

Mortis propinquæ nuntia
 Pulsat ſeneſta jam fores,
 Canaque verticem nive
 Conſpergit: & frontis cutem
 Criſpat, profundos imprimens
 Sulcos: & aridas genas
 Pallore veſtit buxco:
 Uſumque minuens aurium
 Vocis meatus obſtruit:
 Jugique luminum elicit
 A fonte lippitudinem:
 Unamque palpebram alteri
 Jungit tenaci glutine:
 Mucchoque nares rancidas
 Damnat perenni, & pulypo
 Affligit uſque: dentium
 Ex ore vallum decutit
 Balbo: ſalivam profluam

Derivat in barbam cavo
Graveolentis animæ de specu.
Jam consueto munere
Effeta nostri corporis
Pars nulla fungitur satis.
Cæcætiunt enim vitro
Nunc destituta lumina.
Vox rauca: nec gustus dapes
Selectiores appetit.
Omnesque concutit tremor
Artus: gravedo longius,
Nec tussis abscedit comes
Molesta: anhelitus frequens
Ab intimo haustus pectore
Jamjam recessurum monet
Ægre retentum spiritum.
Quid ergo? an idcirco, trahit
Originem qui cælitus,
Divinus ille, ille, igneus
Vigor recessit, intimis
Quem mi medullis inserit
Cœlestis aura spiritus?
Non illa non vis pectoris
Languente languet corpore.
At semimortua erigit
Hæc membra mens hæc vivida.
En optimusque, & maximus
Rector rotundæ machinæ
Dextram labanti porrigit,
Et occidentes corporis
In mente vires suscitât:
Suique amoris fervidos
In corde aculeos inserit.
Clamore muto pectori
Meo insusurrans ad suum
Numen vocat, trahit, rapit,
Adsum pater o, adsum tue
Sacro æstuans cupidinæ,

Mortalium rerum omnium, &
 Ipsius immemor mei,
 Solius at memor tui.

Tu dux, pater, rex, & Deus
 Pronum, volentem, concito
 Cursu advolantem fuscipe.

Jam corpus hoc sibi grave,
 Primæque matri debitum,
 Quam cernuum in dies magis
 Curvo intuetur vertice,
 Suis refer primordiis.

At hunc vigentem spiritum
 Divinitatis ad tuæ

Typum creatum, & dextera
 Fictum tuæ, necessitas

Quem nulla mortis opprimet,
 Lustra benigno lumine.

Huic exeunti, terrea
 Huic exuenti vincula,

Alas volucres applica,
 Ut præpetis aquilæ modo

Suprema tranans nubila,
 Humo relicta sedibus

Tuis, pater, se immisceat,
 Tui fruatur perpete

Ut numinis præsentia.

*Epinicion Christiani orbis Tarcarum classe ad
 Naupactum profligata.*

Quisquis adest, imbuta sacro cui pectora Christo,
 Cordaque non ficta religione calent,

Quamque tener lymphis tinctus lustralibus infans
 Induit, intrepidus pro pietate mori,

Nunc effusa pio testetur gaudia plausu,

Nunc læta ter jo voce triumphæ canat,

Nulla dies Christum veneranti lætior orbi

Solis ab Eo sustulit amne rotas:

Nunc demum intrepido vitales ducimus auras
 Pectore: nunc demum libera turba sumus.
 Cantet jo pœan merito lætissimus orbis:
 Hesperia periit classis Eoa manu.
 Hactenus invicti celebratus nomine Turca,
 Posse malo discis vincier ipse tuo.
 Prævalidoque caput mutilatus perfide cornu
 Sentis viâtrices in tua damna manus.
 Ergo miser tanto frontem spoliatus honore
 Attolles truncum qua ratione caput?
 Nos igitur spoliis populus cumulatus opimis
 Pergamus summo solvere vota patri.
 Ante tamen castas purgent jejunia mentes:
 Labeque sint omni pectora nostra procul,
 Quin agedum Divum sacris advolvimur aris,
 Votivisque micant thura Sabæa focus?
 Cœlicolum imprimis grates persolvere regi
 Cura sit, & tali fundere voce preces.
 Omnipotens genitor, summi cui sidera Olympi,
 Humanumque genus, regiaque ima subest:
 Cui chorus æthereus servit, mentesque beatæ:
 Qui populos placida justus ab arte regis.
 Tu gentis delicta tuæ miseratus, iniquo
 Nostra jugo prohibes subdita colla premi.
 Tu tumidam Scythici rabiemve, minasque tyranni
 Comprimis, atque avidam sanguinis usque sitim.
 Egerat extremi vires qui Orientis & Indos,
 Gentis in exitium corda parata tuæ:
 Cum conjuratæ nostras rescindere classes
 Cæcula texerunt æquora mille rates.
 Immensum ferus ille animis invaserat orbem,
 Cui fuerat tellus nulla futura satis.
 Cujus inexhausti fuerant pars ultima voti
 Cypria crudeli regna subasta jugo.
 Jam Vaticani dementes corde ruinas,
 Romanoque rogam struxerat imperio
 Ebrius, & dulci fortuna quidlibet audax
 Sperare, & lætis casibus usque ferox.

Urbe triumphata captivum ducere Tibrim,
In sua purpureos addere vincla patres:
Cuique pater geminas rerum permittis habenas
Pontificem folio deposuisse parans.
At tu sancte parens sortem miseratus acerbam,
Atque adversa tuo fata propinqua gregi,
Prospiciensque tuis tantam impendere ruinam,
Nullus ut humana sistere posset ope:
Vesantum invicta minuis virtute furorem,
Assertorque tui strenuus orbis ades.
Nam te auctore pii coeunt in foedera reges:
Pectoraque unanimi jungis amica fide:
Communem ut poscant sociatis viribus hostem,
Qui viguit nostra seditione diu.
Illinc emicuit nostræ spes prima salutis,
Sola hæc vincendi certa reperta via est.
Non humana modo conspirant agmina, pennis
Vecta sed ætherea labitur arce cohors.
Hæc cruce signatis animos, viresque maniplis
Addidit: incussit sed tibi luna metum.
Luna Parætonii signis quæ impressa Tyranni
Non duraturi roboris omen eras.
Namque Deo, ducibusque Dei, ventisque secundis
Gens pia lunigerum subruit agmen aquis.
Plebs igitur devota tibi, Rex, debita solvit
Munera, quæ meriti est pars quotacunque tui.
Tu cape quos pietas aris tibi sacrat honores,
Et studiosa tui suscipe corda libens.
Nos nomen, laudesque tuas celebrabimus, & cum
Advehit Eoo Phœbus ab orbe diem:
Et medii postquam spatium est emensus Olympi,
Cum pars acta, manet pars obscunda viæ.
Nominis alma tui veniens præconia vesper
Audiet, & medio lucida signa polo.
Tu modo sancte parens felicibus annue cœptis,
Orsaque divino lumine nostrâ rege.
Nunc age læta Dei sacris operata juvenus
Sumamus genio lætitiæque dies.

Nunc juvet Assyrio medicari rore capillos,
 Ferreque odoratæ florea ferta comæ.
 Lata corymbifera frontem redimita corona
 Tota cohors docili ter pede pulset humum.
 Optima nunc tellus, nunc formosissimus annus,
 Pressa fluunt pleno pinguis musta lacu.
 Dicite jo pean, & jo ter dicite pean:
 Occidit Ægæis barbara classis aquis.
 Solenni lux ista sacro celebranda quotannis
 Nomen ab æterna posteritate ferat.
 Cesset opus: tauri repetant præsepia fessi:
 Nec valido cultor pondere lædat humum.
 Bellator positus veniat mausuetior armis,
 Funeræ postquam conticuere tubæ.
 Turba ministerio cesset laxata remisso:
 Et sileant rauco jurgia longa foro.
 Ignibus innumeris densas arcete tenebras,
 Ut niteat multa lampade clara dies.
 Signaque lætitiæ populis arsura beatiss
 Expedit innumeras tollere ad astra pyras.
 Jam tormenta gravi resonent displosa fragore:
 Turribus ex altis æra repulsa sonent.
 Vos pueri, innuptæque chæros agitate puellæ:
 Impediant nitidas florea ferta comas.
 Plausibus & late vacuus circumsonet aër:
 Concordi feriat sidera voce sonus.
 Dicite jo pean, & jo ter dicite pean:
 Occiduum subiit classis Eoa jugum.
 Candida Relligio præclaris aucta triumphis
 Erigit invicta parta trophæa manu.
 Namque ea barbaricas violenta cuspide pupp
 Perculit, & Scythicas ardua fregit opes.
 Undique conspicuis volitat Victoria pennis,
 Exultansque suo nomine cuncta replet.
 Fama per immensum laudes disseminat orbem,
 Nostrorumque canit fortia facta ducum.
 Sed cui non tacitum pertentant gaudia pectus,
 A fuit ut tanti nuntia fama boni?

Excutit ex humeris glaciem pater Apenninus,
 Hirsutumque novo vestit honore caput.
 Formosæ Dryadesque, cavis & Oreades antris
 Ancipites ducunt molliter arte choros.
 Explicat Eridanus placidas mansuetior undas,
 Cui premit humentes mollis arundo comas.
 Turbaque natarum virides ornata capillos
 Lascivuum jactant per vada lenta genu.
 Lætitia gessit Rhodanus: lætusque Garumna
 Hesperium tumidas in mare volvit aquas.
 Ipse magis solito fulva splendescit arena,
 Conspicuoque fluit dives honore Tagus.
 Quin etiam Aëtiaci stupuerunt littora ponti,
 Undisona & tanti conscia saxa boni.
 Ipse pater pugnam sensit Neptunus ab antro,
 Ærea dum motas machina terret aquas:
 Et migrasse suas tonitru miratus in oras
 Uvida cæruleis extulit ora vadis.
 Corpora ut aspexit vastas fluitare per undas,
 Milleque disjectas per sua regna rates,
 Sparsa natant summis dum fluctibus armamenta,
 Dum Scythicus pelagus purpurat omne cruor:
 Aëtiaci [dixit] cedant Auguste triumphi,
 Cumque suo mollis femina pulsa proco.
 Hellepontiacam cedat qui navibus oram
 Junxerat, exiguae præda futura manus.
 Prisca suas taceat laudes plebs Romula, quamvis
 Bis Pœno Siculas sanguine tinxit aquas.
 Omnia facta patrum sileat verbosa vetustas:
 En premitur titulis gloria prisca novis.
 Te quoque magne pater pudeat ne cedere nato
 Carole, cui domino cessit uterque polus,
 Gestave non pigeat nati majora fateri,
 In regnis quorquot gesseris ipse meis;
 Pars licet illa tibi fuerit non ultima honorum,
 Venit ab immenso quæ tibi parta mari.
 Tuque age majorum juvenis memoranda tuorum
 Vincere sic titulis nomina perge tuis.

Maſte nova virtute, ducum generoſa propago,
 Præſidium Auſtriacæ dulce, decuſque domus.
 Surgit ab Heſperio celebris tua fama cubili,
 Et ſuperat rubri littora curva maris.
 Te victor colit Heſperius: tibi decolor Indus
 Præparat imperiis colla demanda novis.
 Vindice te famulas ſperat captiva catenas
 Hellas & infandum depoſuiſſe jugum.
 Sic fatus, valido mox æquora vaſta tridente
 Impulit: & raucis tempora merſit aquis.
 Tum ſimul Auſtriacum Nerei turba Joannem
 Ingeminat, Triton perſonat Auſtriacum.
 Auſtriacum ſinuoſa ſono collifa reſultant
 Littora, & Auſtriacum ſaxa repulſa fremunt.

Hymnus in Chriſti Natalem diem.

Annua naſcentis redeunt ſolennia Chriſti,
 Dum ſacra virgineo pondera ventre fluunt.
 Ceſſet opus: ſacriſque vacent exempta labori
 Corpora: nam feſta luce vacare decet.
 Jam pecudes, feſſique petant ſtabula alta juvenci;
 Nec valido cultor dente fatiget humum.
 Miſceſcat poſitis miles manſuetior armis:
 Nec raucæ moveant aſpera bella tubæ.
 Sacra coronatis celebentur myſtica templis:
 Uranturque piis thæra Sabæa focis.
 Hæc eſt alma dies naſcentis conſcia Chriſti
 Sanguine reſfuri crimina noſtra ſuo.
 Singula dum refero, linguis animiſque favete,
 Cur pius ætherea veſerit arce Deus.
 Quâ Titan rutilo conſcendit in æthera curru
 Ridet inexhauſto veris honore locus.
 Plurimus hic vitreis trepidat pellucidus undis,
 Blandaſque neſtareus murmura rivus habet.
 Hic querulis vacuas mulcet concentibus auras
 Inter odoratum turba canora nemus.

Per liquidum placidis volitat levis aëra pennis,
Et florum æternas excitat aura comas:
Educat illa rosas, immortalesque amarantos:
Et vario nitidum pingit honore solum.
Lactea perperuis labuntur flumina rivis,
Flavaque de viridi cortice mella fluunt.
Sponte sua tellus maturis canet aristis:
Atque arbos nullo poma jubente gerit.
Nec tales olim felicia Gargara messes,
Nec fata Trinacrii culta tulere soli.
Hæc inter primi vernantia rura parentes
Ducebant lætos tempus in omne dies.
Nec tristes suberant morbi, nec lenta senectus
Cogebat tremulo membra movere gradu.
Ipse quoque, ætheream mundi qui temperat arcem,
Immunes dederat vivere posse necis.
Labificus tanto serpens invidit honori:
Et tacita struxit callidus arte dolos.
Illius impulsu vetitum male credula pomum
Obtulit ignaro femina prima viro.
Tum Pater imponens pœnas pro crimine, jura
Vindicat imperii facta minora sui:
Tunc fortunatis fontes exegit ab oris,
Et dedit irato talia dicta sono:
Quæ tibi, nostra nisi violasses iusta, perennis
Adfuerat placido vita tenore fluens,
Nunc brevis, & multo venit ærumnosa labore,
Ægraque per lethi mille trahenda metus.
Qualque benigna prius tibi terra ferebat inemptas
Nunc dapibus pretium non leve sudor erit.
At, quæ prima meas temerasti perfida leges,
Hæc te commissi pœna luenda manet:
Ne prius ex utero conceptus prodeat infans,
Quam decies curvum luna retexat iter:
Mox paritura graves gemitu testere dolores:
Ut jucunda minus sit tibi vita nece!
Dixerat hæc Genitor iusta correptus ab ira:
Et iussit triplices scribere dicta Deas.

Hinc

Hinc labor, hinc lacrimæ subeunt, hinc curva senectus,
Ægraque consumens corpora dira lues.
Semotique prius fati vis effera terris
Incubuit, lentum corripuitque gradum.
Tantum letiferæ poterant contagia culpæ,
Ut lueret pæctum crimina posteritas.
Primaque postremos tangebatur culpa nepotes.
Proh quam læsa semel numina magna nocent!
At Deus hanc hominum sortem miseratus acerbam,
Nosque ratus dura conditione premi,
Collectasque videns vectari in Tartara prædas,
Quos prius artificii finxerat ipse manu,
Consortem statuit natum demittere Olympo,
Certa salus terris quo veniente foret.
Mox simulans agili corpus juvenile figura
Ales ab ætheria labitur arce poli.
Atque ubi virginæi successit limine tecti,
Nuntiat æterni maxima iussa patris.
Hanc subit a summis demissus spiritus astris:
Concipit & salva virginitate Deum.
Incorrupta pio complentur viscera fœtu:
Fœcundi verbum seminis instar habet.
Clara per obstantes sic se phœbæa fenestras
Fundunt illæso lumina sæpe vitro.
Contractam virgo sic crimine virginis iram
Expiat, humanum restituitque genus.
Cynthia jamque novem curru compleverat orbes,
Ac prope nocturnos dena movebat equos:
Jamque dies aderat partus celeberrima sacri:
Castaque divinum membra gravabat onus.
Quem mare, quem tellus, quem non capit arduus æther,
Auctorem virgo protulit ipsa suum.
Nec solitos sensit partu resoluta dolores:
Sed facile æthereum, sponteque fluxit onus.
Purpura non artus texit, non serica vestis,
Sed nudam nudo corpore pressit humum:
Hæc gremio excepit gaudens cœlestia membra,
Atque novo fovit gramine molle laus.

Ipsa etiam clari præsepia conscia partus
 Credibile est tantis læta fuisse bonis.
 Quin & asellus iners, & pandi vector aratri
 Ante Deum curvo procubuerunt genu.
 Læta hæc primâ dies fulsit mortalibus ægris:
 Certior hac mundo cœpit adesse salus.
 Hac igitur meritos templis cumulemus honores:
 Nascentemque juvet concelebrare Deum.
 Christe dicato tuo natali sacra frequenta,
 Atque pias facili concipe mente preces.
 Dexter ades: populi que tui pius annue votis,
 Cordaque cœlesti lumine nostra reple.

*Ad Pa. Toscanum Claravallensem Antistitem, in
 sequentem Hymnum Præfatio.*

Dum nocturna vago volvuntur sidera cursu,
 Noxque polum fuscis vincta pererrat equis,
 Ceteraque invisas oblita animalia curas
 Languida jucuñdo membra sopore rigant,
 Facundi digitis quondam tractata Catulli
 Ipse sacros doceo plestra subire modos.
 Alma salutiferæ modulatus gaudia noctis,
 Cui nitido par est lumine nulla dies.
 Hoc tibi vix calida subductum incude Camæna
 Nostra dicat, magni muneris instar, opus.
 Forsitan & possim non parva dedisse videri:
 Suntne aliæ, vates quas tibi donet, opes?

Hymnus II. in Christi Servatoris Natalem diem.

Huc, huc pergite virgines
 Pudicæ, pueri integri, &
 Florentem variis comam
 Impedite corollis.
 Hunc natalitium diem
 Voce psallite tinnula:
 Et puerperium sacro

Virginis celebrate:

Hæc nam sola puellulis

E mortalibus, integro

Flore virgineo, sacri

Mater numinis audit.

Clarum cernitis ut micat

Lumen? advenit. advenit

Celso spiritus æthere

Penna præpete lapsus.

Quo me sancte rapis tui

Plenum mente nova? juvat

Intus ire per abdita

Puri mystica partus.

O nox splendidior die,

Sole luna beatior

Circumfusa micantibus

Stellis ora renidens!

Primæ vos tenebræ Deum

Ut orbis mala nubila

Fulgore excuteret suo,

Sensistis venientem,

Ut olim, Boreas ubi

Arvis horrifer ingruit

Concretas quatiens comas

Atris faucibus effans

Nives, squalida partibus

Tellus orba gemit: jubar

Sol præmit nitidum, caput

Septus nubibus atris:

Omnis tristior it dies;

Torpent flumina: turbidus

Flet aër: brevis evolat

Lux fulgore maligno.

Sic &, primus ubi parens

Uxoris male credulæ

Cessit consiliis, statim

Fervens ira Tonantis,

Acrisque in miserum furore

Mortale incubuit genus :

Ex lux aurea substitit

Paternæ bonitatis :

Tum prædam Cacodæmones

Furvas convehere in domos :

Nulli parcere ferreo

Mors bacchata flagello .

Sic mœror, lacrimæ, dolor,

Malorumque cohors diu

Vitæ gaudia gentibus

Invidere beatæ .

Nunc contra veluti levis

Auræ temperie solum

Perflat, cum Zephyrus putres

Glebas ore resolvens,

Lætis undique partubus

Aucta vernat humus : coma

Sol cinctum rutila caput

Pullis nubibus effert :

Omnis lætior it dies :

Rident flumina : limpidus

Ær enitet : aureo

Lux splendore coruscat .

Sedes haud aliter sacri

Postquam deferuit poli, &

Puros virginea Deus

Artus sumpsit ab alvo :

Vetustique hominis nefas

Expunxit novus hic homo :

Et labem putris integra

Carnis carne piavit :

Mox immensa benignitas

Supremi enituit Patris :

Effusis amor inclitus

Mox prorupit habenis .

Tunc mors mortua concidit :

Pravum destituit vigor

Hostem : servitii jugum

Liber exiit orbis.

Tum Pax, lætaque Faustitas,

Culpari & metuens Fides,

Certatim populis cohors

Venit grata bonorum.

Hæc mortalibus attulit

Christus gaudia, deferens

Ventris claustra. Quis huic Deo

Compararier ausit?

Vili stramine pauperis

Præsep̃i jacet, alta qui

Nutu sidera temperat,

Gades frænât, & Indos.

Divorum sacer alitum

Nascenti Domino chorus

Plaudit: incita vocibus

Tellus ista resultat.

Accurrunt hilari pede

Custodes ovium: Deum

Infantem stipulæ rudis

Proni voce salutant.

Exemplo monitos juvet

Noctem dicere, clarior

Qua nulla Oceano dies

Lumen extulit alnum.

Puellæ, ac pueri integri,

Ite concinite in modum:

Ad voces populi tui

Ades Christe secundus.

Ut lubentius audiens

Se citarier ad suum

Solenne, huc aditum ferat

Placatusque, favensque.

Rursum carmine supplici

Puellæ, ac pueri integri

Alternate; secundus huc

Christe lumina flecte.

Flecte lumina: supplicum

Votis annue: qui tuum
 Natalem celebrant tui
 Affla numinis aura.
 Quem mundus mage cælitum
 Colat? cui sua nuncupet
 Vota? cuive Arabum strue
 Aras stipet odorum?
 Fautas o utinam tuis
 Præstes dux bone ferias:
 Addictasque tibi bona
 Sospites ope gentes:
 Ut, quæ nunc timidæ tui
 Numinis fragilem colunt
 Vitam, perpetis has tuæ
 Vitæ munere dones.

De tormentis Domini Jesu.

Crux Domini pendens libravit in aëre corpus:
 Concisa indignis est facies alapis:
 Tres clavi fixere pedes, fixere lacertos:
 Imbuit os sacrum spongia felle madens:
 Texta corona caput spinis penetravit acutis:
 Vibicibus textit levia membra flagrum:
 Sunt Christi tormenta, salus, & vita piorum:
 Crux, alpæ, clavi, spongia. flagra, rubi.

*Ad Henricum III. Gallorum Regem, dum ejus à
Sarmatia adventus expecteretur.*

Per bella dextræ mutua civicæ
 Ruentis o spes unica patriæ,
 Virtute defunctis create
 Regibus ac geniture reges,
 Henrice: mœstæ jam nimium diu
 Abes parenti, & concilio patrum,
 Illisque quotquot nulla cives
 In proprios inimicat ira.

Tuo cupitam dux populo bone
 Lucem reporta, veris amabilem
 Horam reducens: nunc aquosa
 Savit hiems premimurque nube.
 Audax, Iberi trans maris æquora
 Visendus orbis, quem studio, novus,
 Allexit, auri, vel talentis
 Cura inhians, nimis & cupido
 Avara gaze, navita Atlantico
 Deprensus alto, cum rabies Noti
 Luctatur in fratres, & imo
 Astra furens pelago laceffit,
 Gemella vultu lumina pallido
 Poscens, ut amplas ominibus preces
 Admiscet, æternos supinis
 Dum manibus superos adorat:
 Sic te requirit Gallia, Sarmaris
 Quem terra dulci distinet a domo
 Expecta prudentis sagacem
 Sensum animi, validumque robur:
 Simulque claris orta parentibus,
 Et culta doctis artibus indoles
 Quid posset: exemplisque facta
 Ut veterum stimulent avorum.
 Supremus at non arbiter annuit,
 Diu per arva ut perpetua nive
 Damnata regnes, jura reddens
 Danubium prope flumen ortis:
 Supplex alunum sed repetit suum
 Soluta crines Gallia lugubres:
 Tu supplicis votis iniquas
 Rumpe moras reditu secundo.
 Ad regna pridem debita, Rex, tibi
 Ades: furentes & populi impetus
 Contunde, velanumque Martem,
 Qui miseras furiavit urbes.
 Informe leges edomuit nefas:
 Dum pœna vindex, & placidæ silent

Dum

Dum pacis artes: una mentes

Atra ciet furiis Erinnyes.

Hinc alma terras funera Galliae

Exosa liquit cum socia Fide

Astræ: pollutis nefanda,

Relligio, Pietasque, cæde

Concessit agris, protinus, heu nefas,

Audax Enyo, tum Superum ferox

Contemptus, & Cupido avara

Sanguinis in scelus omne dexteras

Obarmat. Ecquid dura nefarium

Refugit ætas? quid rabidus furor

Reliquit intectum? unde dexteras

Continuit sitiens metalli

Fulvi cupido? quas fera non manus

Evertit aras? quis solidas videns

Arcesque labentes, & urbes

Temperet a lacrimis? Sed omnem

In te reponit Gallia spem suæ

Salutis: æstu corda tumentia,

Fluctusque compones, & orbem

Constitues vacuum duellis.

Custode rerum te validis furor

Audax habenis ora dabit: scelus,

Et tristis armorum tumultus,

Terga dabunt inimica paci.

Ad Paulum Toscanum.

Veris nuntius aurei

Lætas planities versicoloribus

Jam distinguit honoribus

Jucundo Zephyrus flamine temperans

Auras: jam genitalia

Fœcundat vegetis semina partibus:

Ut nec fertilibus comæ

Desint arboribus, garrula nec cohors

Tom. IX.

V

Hinc

Hinc absit volucrum, modos
Fingentum tenui gutture tinnulos.
Rami floribus & novis,
Culmis luxurians & teneris seges,
Quantumvis avidi, bona
Spe lætans animos agricolæ foveat.
Intractabilis asperi
Nuper planities æquoris, horridis
Conjurata Aquilonibus
Dum sæviret hiems, nunc cupido lucri,
Ad commercia, navitæ
Tutum pandit iter: canitie caput
Montes exonerant, novo
Pingentes varium gramine verticem.
Sic certum variat statim
Annum temporibus provida mens Dei.
Instruxit quoque talibus
Prudens ille hominum pectora moribus,
Ut grata vice tetrica
Alternent placido serâ cum joco.
Indefessa laboribus
Nulli perpetuis vis manet: igneus
Titan cornipedes licet
Ardentes stimulet non patiens moræ:
Quamvis flumina Nereo
Æterno latices vortice misceant.
Haud mortalibus hic vigor
Humanisve tenor mentibus additus.
Clararum satur artium,
Æternoque animus nectare marcidus
Cœlestis sapientiæ,
Cum defessus hebet mentis acumine,
Mox testudinis auræ
Torpentem Apollides munere recreant.
Dulces Pieridum modi,
Quamquam difficili bile Diespiter
Succensus tumet, igneus,
Queis nimboſa furens nubila dividit,

Dextræ

Dextræ decutiunt faces,
 Turbatisque redit luminibus nitor:
 Et sidunt furia, quibus
 Terras, atque fretum turbat, & æthera,
 Et Ditis penetralia.
 Non siquid Calabram tacti Heliconidum
 Oestro lusimus ad fidem,
 Vultu despicias turgidus aspero,
 O Toscanæ decus meum,
 Solus digna meæ materies lyra.
 Nam se tota vovet tibi,
 Qualiscunque quidem, debilis ingens
 Nostri vena: nec auguri
 Ulla est Latoidæ pagina gratior,
 Pauli quæ titulum gerit.
 Quod dulcem quatio pollice barbiton,
 Nec me Terpsichore choris
 Postremum Lyricis annumerat, tui
 Totum muneris est, favens
 Musis qui apta meis sufficis otia.

Ad Cæciliam Mediceam.

Ille & beati cardine sub novo
 Plagas repostas ætheris Indicas
 Visurus, inde vel lapillos,
 Vel solidi petiturus auri
 Fulvos acervos, cum Borea Notum
 Depræliantes, ac pelagi trucem
 Iramque, fluctusque, impetumque,
 Et tumidæ rabiem procellæ
 Tentabit audax & temerarius.
 In lintre remex fluminea, tibi
 Qui stemma, virtutem, & relictos
 Innumeris ab avis honores,
 Insigne formæ qui in viridi decus
 Ævo renidens, ingenium suis

Et majus annis sperat apte
Dispositis resonare nervis.
Sed quis sororum nunc Heliconidum
Afflata sacro pectora numine
Permessio tinctus liquore,
Absque nota sceleris nefandi,
Nervos, & artem non tibi dedicet?
Novoque virgo tacta cupidine
Ut copiosis e viretis
Pollice præcipuos honores
Gestamen æquævo juveni metit,
Laudum tuarum de cumulo legens
Insigniores, flore frontem
Impediat tibi non caduco?
Narrans ut alto spiritus æthere
Beatus almi ex artificis manu
Delapsus in campos amœnæ
Venerit Insubiæ feraces,
Lambri ad fluentia argentea lucidi:
Qui præter omnes angulus Italos
Arrisit: heroinæ & artus
Duxerit ex utero, secundis
Quæ sola cunctas Ausonias nurus
Æquaret alti doribus ingentem,
Formæque Nascentem benigno
Lumine Mercurius, Venusque
Spectavit, & te diva potens Cypri
Excepit ulnis, lumina lucidum
Fulgentia, ardentesque malas
Terque quaterque suaviata.
Hinc ille fulgor purpureis genis,
Hinc ille claris luminibus decor,
Hic sideris purum micantis,
Ille rosæ potior nitore.
Mox ora solvit [tunc Amor annuit,
Charisque nodum solvere nescia]
Mortalium nulli, sed uni
Sis specie mihi tu secunda.

Impune nullus tam nitidos queat
 Spectare ocellos : excubet in genis
 Istis Cupido : Gratiaque
 Sint comites tibi, sit Venustas.
 Nullusque cultus dedecet, liges
 Simplexve flavam munditiis comam
 Nodo, per oras sparsum odoris
 Seu recrees humerum capillis,
 Prodire seu te compositis juvet,
 Mirentur omnes : seu dare brachia .
 Sit cura ludentem jocosa
 Virginibus nitidis chorea :
 Aut voce amanda reddere si modos,
 Quos aurea testudine dividas,
 Audita cunctis & stuporem
 Incutias, placidamque curam.
 His desinentem Cyprigenam nepos
 Atlantis excepit citharæ sciens,
 Carusque facunda silentes
 Flectere voce Erebi colonos .
 Suada præsens nectere aheneo
 Jugo, efficaci nectaris ebrias
 Liquore mentes, in decoris
 Usque tuis sedeat labellis.
 Jam nunc sonoram barbiton, & tibi
 Jungenda nervis carmina, jam modos
 Dabo canoros, Lambri aquosum
 Queis valeas inhibere cursum,
 Ad quos decentes ancipites choros
 Udo frequentent Naiades pede :
 Quos hauriant Panes acutis
 Auribus, hircipedesque Fauni.
 Sed quo meus me Cæciliæ rapis
 Devotus ardor? parce, procaciter
 Oracla recludens Deorum,
 Magna levi tenuare plectro .

Ad Viventium Rubionem medicum, pro Soteriis.

Hic vivos mihi limpido
 Kores fonte puer strenuus, hic merum
 Parca depropera manu,
 Et munda Cereris liba: juvat reum
 Voti calicolum bono
 immensoque sacrum solvere debitum
 Regi: funde capacibus
 Vernantem calathis cum viola rosam.
 Suspendisse virentia
 sacro terra tholo nunc decet, ac pias
 Inde mellis odoribus
 Aras extruere. O qui vaga fulgidi
 Orbis lumina temperas,
 En votiva tibi cantica fospites
 Ad curvæ strepitum fidis,
 Promissi memores reddimus antea
 Suscepti, arida cum febris
 Artus indomitis carperet ignibus,
 Ac turpis macies caput
 Defixum tremulo conficeret thero.
 Quam pæne Elysium nemus
 Umbrarumque domos Mercurialium,
 Et te vidimus, incliti
 Vates Dardanidæ, quem medium frequens
 Gentis vulgus habet piæ,
 Extantemque humeris suspicit arduis.
 Sedes at tibi proximas
 Glebæ rarus honos occupat Appulæ:
 Quo non plenius aureo
 Pulsavit Latiam pectine barbiton.
 Ullus: cuique decus fides
 Cedunt Æoliæ, plectraque Lesbia.
 Felices animæ, quibus
 Æther purpureo lumine largior

Splendet; fors etiam chori

Vestri parva forem pars: mea ni Deus

Jamiam flamina luridæ

Discindentem acie cuspidis Atropon

Dextra corripuens moras

Ævi protraheret: scilicet invidæ

Ne vis præriperet necis

Quod nuper Solymis carmen ad Italos

Deduxi numeros, pio

Sic vari facilis consuluit, catum

Te miscere potentibus

Demittens, Rubio, pocula pharmacis.

Quo non ditior artium

Alter, queis Stagiræ civis in abditos

Naturæ penetrat sinus.

Quicquid docta sacris præcipuum premit

Scriptis Græcia, sedulus

Conservas memori corde reconditum.

Sed non carminibus minus

Gaudes: sola tibi carmina possumus

Donare: hoc precium salus

Præstanti capiet munere reddita.

Chartis non ego te meis

Intactum patiar: nec meritis tuis

Obstabit taciturnitas.

Nobis siquid inest artis, & ingens,

Si quid Melpomene juvat,

Vivet longa tuo gratia muneri.

Ad Vespasianum Marinum.

Velox Armenium tigris in asperum

Non sic orba suis pignoribus ruit,

Fervens quam pietas præcipiti gradu, &

Iræ mistus agit dolor.

Nec Mauri peditis dextera tam cito

Trans finem calamos expedit impetu,

Quam nobis profugo vita suam brevis

Ad metam pede labitur.

Implacabilium stamina sed licet

Parcarum renuant, cui Charites favent

Vates trans positum ducere limitem

Vitam perpetuo valet.

Quod nec divitiæ, quas Arabum legit

Fortunata soli gens gravidi sinu,

Gemmarumve potest vorticibus rubri

Ponti quicquid inæstuat.

Ignotis nec avis quæ regionibus,

Qua currus proprius sol rutilos agit,

Auri pondera gens vèstat Iberica

Duris nata laboribus.

Non vulgi indocilis sollicitus favor

Certans immeritis tollere honoribus

Indignos, rabido dente notans, velut

Præscribunt furia, bonos.

Non præstare potest gloria bellicæ

Virtutis: validi vivat Achillei

Quamvis fama loquax vertice sidera

Sublimi feriens adhuc.

Quamvis nec taceant sæcula filium

Audacem Veneris, non tamen hoc manus

Fecerunt avidæ sanguinis: at dedit

Felix Pegasidum favor:

Dura Pegasiles cuspide vindicant

Fati præcipitis, munere destinant

Cantus quem celebris cunque supersitem:

Seu claros memoret duces,

Seu laudanda gerens commoda venerit.

Musis materies: o ter, & amplius

Felix cui resonam tendere contigit

Vatis barbiton incliti.

Ergo grata tuis insere Pallados

Interdum studiis oria virginum

Illis, Vespasiane, æqua negotiis

Quæ te sollicitum tenent.

Quem

Quem nunc intima prorsus penetralia,
Naturæque sinus implicitos juvat
Rimari, penitusque insatiabilem

Nullus jam labor occupat .

Atqui sæva Deûm fulmina dextera
Haud semper genitor discutit ignea,
Sed quam Latoides pectine temperat

Mulcetur citharæ modis .

Mavors quinetiam pulvere Thracio
Informes acies deferit, ac feras
Hastarum segetes, atque animum modis

Oblectat lyricis trucem .

Perstant assiduus nulla laboribus,
Non ipsis superis, pectora: sed viget
In tempus studium, quod spatiis breves

Alternis variant vices .

Sic olim soboles regia Pelei,
Postquam dextra ferox sanguine Troico
Uberrim incaluit, pollice mox fides

Pertentans agili, refert

Heroum celebri carmine fortium
Exhausta ancipiti bella periculo:
Ipsam quæ docuit Thessalici ferus

Vates incola Pelii .

*Ad Reginam Christianiss. Regis Matrem, Gallie
pacatricem .*

Regina, facti non juvenis modo,
Avita justis imperiis tenet

Qui regna maternis regenda

Non sine consiliis: habenas

Seu colligat, seu laxet: ab ultima

Sed quotquot ora Massalici freti

Ad littoris fines Britanni

Urbibus innumeris superbum

Solum frequentant undique gentium,

Benigna mater: exitiis

Quas

Quas invicem armis favientes
 Federe non semel impetratæ
 Pacis ligasti: quæ indomitis jugum
 Cervicibus mire excutientium
 Frenans furorem insanientes
 Imperiis populos coërces.
 Quæ dona solvet, marmora quæ tibi
 Pacata ponet Gallia? quos tuis
 Amica Musis consecrabit
 Turba pares meritis honores?
 Quæ gens, quis ordo, quæ plaga Galliæ,
 Quis sexus, ætas quæ tibi se neget
 Debere, quod spirant duelli
 Anxia corda metu soluta?
 Delubra, pridem quæ posuit piæ
 Cœli colonis relligio patrum,
 Exhaustit at nuper nepotum
 Acris opum sitis, & Deorum
 Contemptus, eheu, dum stolidus furor
 In dedicatas sævit imagines,
 Germanicæ ne quid relinquat
 Perfidie scelerisve inausum.
 Quod nunc ruinam non trepident, preces
 Quod consuetas æthereo patri
 Fas est litari, quod Sabæos
 Ara frequens adoler vapores,
 Regina totum muneris est tui.
 Tu nunc vetustis pectora ritibus
 Antistitum sacrata passim
 Ense fodi prohibes profano:
 Vitæque census sufficis annuos,
 Quos ante dirus præripuit latro,
 Mysteriis dum sacrosanctis
 Nec segetes neque vinâ linquit:
 Plusquam efferatæ frena licentiæ.
 Qua sævit hostis barbarus, iniicis.
 Sibique prædæ destinantem
 Gallica templa ferum relegas

Cœli perosum numina Teutonem,
 Miscere flammis omnia cui foret
 Lusus, nefanda quem cruentum
 Per scelus omne rapit libido.
 Tibi maritus debet, adulteri
 Erepta quando militis e manu
 Colit cubile nupta castum
 Jam sobolem paritura certam.
 Secura virgo consiliis tuis
 Intacta servat gaudia nunc suo
 Sponso : Deoque consecratum
 Sacra puella colit pudorem.
 Quæ Martis inter bellica classica
 Dudum filebant, cum potior foret
 Injuria æquo, nunc coërcent
 Jura nefas ope restituta
 Tua, & sagaci mentis acumine,
 Quod corpore est in femineo tibi
 Virile, condignam probatque
 Progeniem Medicum te avorum.
 Nam subditis quod tu populis paris
 Secura totis viribus otia,
 Exosa quod duella, pacis
 Artibus imperitas, avitum
 Hoc ceteris præ laudibus obtines :
 Hoc ipse Cosmus maximus, hoc sagax
 Laurentius florentis urbis
 Nomineque, imperioque habenas
 Rexit, quibus non inferior tua
 Virtute : major sed titulis, pie
 Cognata decertare ferro
 Signa veras, monitis amicis
 Mulcens tumentes viribus, ebria
 Placansque Martis corda cupidine :
 Ut mollis imber præliantes
 Æolios juvenes refringit.
 Nam quid malorum, te sine, Gallia
 Non pertulisset, cum segetes equus

(Ceu prata tonderet) novellas,
 Spem miseri meteret coloni,
 Famemque nostris urbibus annuam
 Indiceret? cum lanigerum pecus,
 Matresque plus lupis timendus
 Cum vitulis laniaret hostis?
 Sed quis malorum mille nocentium
 Narret figuras? quis lacrimas, graves
 Et Galliæ mœstæ ejulatus
 Carminibus numeret trecentis?
 Nunc ipsa grata quæ in melius vice
 Regina mutas, auspiciis tuis
 Pro luctibus risum, serena
 Gaudia pro gemitu reportans,
 Agrosque reddens frugibus uberes,
 Et sacra templis, jusque suum foro,
 Et conjuges viris, colono
 Spemque bonam pecudesque abas
 Gymnasiorum, quæ situs indecens
 Jamiam occuparat, restituis decus:
 Et nuper artes quæ jacebant
 Nunc docilis repetit juventa.
 Tu namque doctas insolito feri
 Martis tumultu Sequanicis plagis
 In Thespium montem fugatas
 Cum Clario revocas sorores.
 Non, fronde quamvis Mercurialibus
 Viris dicatâ nomina duceret,
 Parenſque dici litterarum
 Promeritus fuerit tuorum
 Laurens avorum grande decus, sacra
 Lauro revinctis frontibus adfuit
 Præſentius numen, piorum
 Te columen, Catharina, vatum
 Vates foventem præmia nec manent
 Caduca: sed dum merget Iberico
 Sol gurgite axem, dumque Eoo
 Cardine iter releget diurnum,

Quacumque currus ille agitat, decus

Musis amici nominis, & tuos

Per ora diffundent honores

Dispositis fidibus Camœnæ:

Dicentque clara te Medicum domo,

Quæ ab usque Athenis ducat originem,

Novæ editam luci in virenti

Margine lene fluentis Arni,

Urbem secantis gentis amabilem

Etruscæ ocellum, quæ gremio tuam

Puertiam fovit, Minerva

Dum studio Charitesque alumnam

Formant pudico, & dant sapientiæ

Cœlestis oris par decus, & graves

Mores, vel invitus necesse

Quos habeat celebrare **Livor.**

Formæ quibus tot, pectoris & bonis

Puer medullis regius intimis

Exarsit, & mœrenti ab Arno

Vexit ovals patrias in oras.

Pulchræ parentem quem sobolis fera

Heu falce præceps abstulit Atropos,

Quot Galliæ funesta bella,

Quot miseras paritura clades!

At ille nulli flebilior licet

Abrupta sensit stamina quam tibi,

Tuque ægra langueres acerbo

Parte tui viduata fato:

Tamen malorum fluctibus integræ

Non ille mentis succubuit vigor,

Constantis aut infracta cessit

Vis animi, Medicum propago

Qua sævientis pertulit imperus

Et fortis omnes instabilis vices.

Sed ipsa pectus imminenti

Obiicis impavidum procellæ,

Quæ fluctuantis dum freta Galliæ

Multos per annos miscuit, omnibus

Ipsa artibus, natis tueris
 Sceptra tuis soliumque avitum:
 Detrudere illos quo temeraria
 Vi moliantur aulibus æmulæ
 Gentes Giganteis, parato
 Ipsa animo nisi restitisses.
 Non, Musa, non hæc nœnia gaudis,
 Obducta tractans, ulcera, convenit.
 Nunc conticesce, vel jocofo
 Lætitiâ modulare versu.

*Ad Gilbertum Genebrardum Theologum, & linguæ
 sanctæ Regium professorem.*

Gens prisca vaturn, Cynthius annuit
 Quibus Diones jugera libero
 Gressu pererrare, haud caducos
 Dum capiti legerent honores,
 Seu forte digno pectine fortium
 Pectus virorum non timidum mori
 Cantabat, aut partos honores
 Ancipitis mala per duelli:
 Seu parva jungens carmina tibix
 Pugnata dixit prælia noctibus,
 Formæ decentis dum caducum
 Laude decus celebrat perenni:
 Quidquid canebat. Gratia dummodo
 Cultis faveret carminibus, Deum
 Æquare sortem se, beatis
 Carius hoc Arabumque gazis
 Habebat unum: pauperiem malam.
 Ac dura vitæ incommoda negligens,
 Si fonte nunc artus salubri,
 Nunc gelido recrearet antro.
 Hac ipse vana captus imagine
 Ementientis nec solidi boni
 Per Thespias olim salebras,
 Ardua vel juga per Palati

Musas sequebar, dum tenet Appulæ
 Stupor camænæ, nec juvenem satis
 Firmum & sequacem grata haberet
 Compede me Venus impeditum.

Donec Calypsus illecebris diu
 Capto, marinæque hospitio Dæ
 Sic desidenti, ut mente prorsus
 Immemori patria excidisset

(Non illa duris rupibus aspera
 Domus, fagacis qualis Ulyssæi,
 Felicitate sed perenni

Patria Christicolis fruenda)

Cyllenius ceu missus ab æthere
 Turpem veternum sensibus excutis,
 Viroque dignas Christiano
 Mente jubet agitare curas.

Nam non caducæ cum sapientiæ
 Captum viderem te studiis, tuæ
 Menti, pium quocumque possit
 Artibus ingenium beari,

Abesse nullam; protinus intimis
 Exarsit ingens visceribus pudor:

Horasque desievi profanis

Tot studiis male collocatas.

Quid culta produnt carmina, pectoris
 Morbum furentis præter? & impia

Quid dæmonum (haud enim Deorum)

Nomina tot, nisi sentientem

De trino & uno non bene numine?

Quid fabulæ, & præconia principum

Conficta, nonne mentiendi

Vatibus esse negant pudorem?

Ast o beatum cœlitus insitam

Quisquis superne partem animæ erigens

Deum intuctur, eque sacris

Noscitat hunc, Genebrarde, chartis.

Quasunque Moses ore prius Dei

Promptis notavit legibus, & lyre

Davidicæ, atque oraculorum,
 Enthea quæ cecinere corda
 Vatum piorum, pervigil eruit
 Senſa e tenebris mystica: nec satis
 Aut Græca ducens aut Latina
 Quod terat assiduo labore,
 Ipſa Hebreorum sacra volumina
 Versare quærit, fontibus hauriens,
 Haud e lacunis: quo recenti
 Ipse opifex homini dedisset
 Sermone linguam solvere nil prius
 Voce eloquentam: particulam luti
 Cum spiritûs sui supremus
 Ipse parens animavit aurâ.
 His omne, deinceps addere quod Deus
 Decrevit ævum, me studiis juvet
 Dicare, virtuti tuæ dum
 Me similem, Genebrarde, fingo.

Ad Gul. Lovatium Theologum.

Summi parentis præcipuum decus
 Mortale cœlo concilians genus,
 Quos me remotos in recessus
 Religio rapis insolentem?
 Jam nostra justo plus tulit impotens
 Virtutis ætas nescia lucidæ,
 Damnosa florentis juventæ
 Cum titulos Venus occuparet.
 Ergo veternum sensibus expedit
 Contaminatis excutere improbum
 Vigor per auras expeditæ ut
 Mentis eat petiturus arces
 Cœli beatas, æstuat, æstuat
 Sacra edoceri spiritus orgia:
 Jamiamque cœlestis vagari
 Mens trepidat Sophiæ per hortos:

Illic

Illic perennes educat aureo
 Pons imbre, dulci in gramine, flosculos,
 Quos nec malignum adurit astrum,
 Vis madidi neque diffat Austri:
 Gratus tepenti sed Zephyrus fover
 Auras nitentes flamine temperans:
 Nam veris æternum virentis
 Conspicuo locus ille honore
 Viget beatus: quo domitrix fero
 Mucrone carpens omnia, luridis
 Mors quæque prosternens sagittis,
 Frustra aditum petulans retentat.
 O quis recessus dux mihi ad abditos
 Monstret benigno munere semitam:
 Mortalibusque non frequenti
 Limina trita solo recludat!
 Jam te, potentis cui facilis Dei
 Patere jussit cuncta benignitas,
 Virtusque, Lovati, parata
 Ingenii studio vigentis,
 Cunctis statutum est artibus insequi
 Nullis parato parcere viribus,
 Si tempus exsomni labore
 Forte queam reparare lapsum.
 Quod fessa si vestigia verrice
 Firmare sacro, si dabitur sitim
 Sedare cœlesti liquore,
 Atque avidas recreare fauces,
 Jam tum popelli despiciam rudis
 Qui corda inanes sollicitant metus:
 Nec fata ducentes sorores
 Stamina ut accelerant timebo.

Ad Gerardum Vaxim.

Duplicis Vaxi fidicen Thalix,
 Ore seu Grajam ad citharam rotundo
 Tom. IX. X

Per-

Personans, priscis canis invidendum

Carmen Achivis,

Seu laboratis epigramma chartis

Inferens sparsum Latiali aceto,

Dulce ridenti similis timendum

Stringis acumen,

Seu per audacis numeros Thaliæ

Verba devolvens operosa nervis

Pangis, & manes Calabri poëtæ

Deripis Orco.

Non vides quanto moveas periculo

Plestra? cum Mavors ferus, & flagello

Ferreo Bellona ruat per agros,

Quasset & urbes

Galliæ, lævis maleque ominosis

Conditas urbes avibus: scelestus

Cum suis letum struat, heu nefas heu,

Civibus hostis.

Omnis en favo furiata bello

Et senex ætas ruit, & juvenus:

Civicæ immanis populos procellæ

Abripit æstus.

Quisquis & ferrum jugulo caduci

Patris infando reperfecit ictu

Ille sublimis ferit Astra diro

Lætus honore.

Quippe fraterno maduisse dulce est

Sanguine: at punctum tulit omne, castum

Qui sacerdotis violavit atra

Cuspide guttur.

Jamque crateras, tripodasque ludus

Est penetrati rapuisse templo:

Virginis sacræ violasse laus est

Summa pudorem.

Siccine infames reparare terras

Missa gens retrum ad scelus eluendum

Cœlitus, pulchræ cooperta velo

Relligionis,

Corrigis nostri vitiosa sæcli?
 Sicque labentem pietatis omnem
 Erigis cultum? viane hæc Olympi
 Ducit in oras?

Qui regis mundum Pater, & corusco
 Impios vindex jacularis igne,
 Mitte jam telum trifidum: nefandam
 Prorue turbam.

Cernis en, quantis tua gens procellis
 Mergimur jamjam, nisi tu secundus
 Arceas gentis miseræ imminentem
 Vertice cladem.

Ad Jo: Poterium, Terraßsum.

Divûm parenti Dardanius puer
 Cœleste nectar marmorea manu
 Miscere præfectus, caducæ
 Damna parum metuens senectæ,
 Frænat citatos fluminibus vagis
 Pigro meatus frigore vinciens:
 Et cogit humores fluentes
 Durius Oebaliis metallis.

Jungit sonoris ille Aquilonibus
 Fœdus furenti flamine personans
 Terras procellosumque pontum,
 Sæva parans ratibus pericla.

Immittit in fœtas penetrabile
 Sidus malignum planities gelu,
 Et collium gratos honores,
 Atque comas nemorum perurit.

Mortalibus quin exitiabile
 Desævit astrum corporibus; gelu
 Nunc membra tentat: nunc oberrans
 Horror habet glacialis ossa.

Veternus omnes occupat: & silet
 Ardor remissus nunc operum: fat est

Si luculentus nunc nivosi
 Vim Boreæ prohibet caminus.
 Vaxis tamen nos imperiosior
 Jubet resumpta seposita chely
 Aptare virtutes Poteri
 Ad citharæ numeros jocosa.
 Sed plestra voci consona dum suæ
 Movere nervis dispositis paro,
 En usque discordes repugnant
 Apta fides sociare verba.
 Contraxit ipsas scilicet asperi
 Vis sava chordas frigoris, & gelu
 Pervasit in dextram: micantque
 Segnius articuli rigentes.
 Non invocatus Pieridum favor
 Præsto est roganti: nec Clarius deus
 Respondet: hunc Musasque amœna
 Rura tenent tepidique colles.
 Ergo, Poteri, carmine nobili
 Dicemus olim stemma tuæ domus
 Illustre, gentilesque missos
 Innumeris ab avis honores,
 Nec non vetustum splendidius tuo
 Fulgore ut ornes ipse novo genus:
 Virtus ut annos, indolesque
 Spem cupidi superet parentis.
 Ast illa prorsus materies gravi
 Sonanda plestro, quam faciles tibi
 Primo Camœnæ sint ab ævo
 Artibus egregiis polito.

*Ad Gerard. Vaxim, suadens Davidicos Psalmos illi
 carmine exprimendos.*

Commune Phœbi pignus, & aureas
 Nectunt decenti quæ violâ comas,
 Testudo Musarum, beati
 Sæpe manu tremefacta Vaxis:

Sepo-

Sepone, quæ nunc pectora vellicant,

Quæ delicatis ignibus ustulant

Nymphæ Camænas, feriata

Idaliis numeris quiesce.

Iusta datum plus parte Cupidini est:

Flammas Gerardi posteritas leget:

Viventque commissi calores

Vaxiados fidibus puellæ.

Nam plestra tantum doctaque cultaque

Semper moveri est turpe humili sono:

Ingens, laboriosa chartis

Materies venit inferenda.

David decoram fatidicus tibi

Prætendit amplo carmine lauream,

Artemque, nervosque, impetumque,

Haud minor Aonio poëta,

Virtute major, quæ duplici duo

Vatis meretur nomine nomina,

Et fata recludens futura,

Pieridumque agitatus æstro.

Huc ergo, veræ dextera quo vocat

Te laudis aura, huc perge volens, Deo

Juvante: teque Christiani

Finge parem titulo poëtæ.

Ad Laurentium Toscanum patruelem meum.

Ne, Laurens, cupidum plus nimio tibi

Pectus sollicitent divitiæ, tuis

Auri attentus acervos

Dum natis properas pater.

Quamvis non Arabum gens opulentior

Te baccis cumulet divitis Indiæ:

Et differta laboret

Gazis arca tuis minor:

Non quales deceat postgenitis opes

Dimittens, vacuâ cum steterit colo

Olim Parca, premetque

Lethi dira necessitas.

At mentes potius sunt studiis rudes

Formandæ ingenuis, dogmataque auribus

Instillanda tenellis

Cœlestis sapientiæ.

Nam torno facile rasile cum recens

Vas prodit, nimium scilicet interest

Nardo hunc divite tingas,

Tetri facibus an gari.

Hunc censum teneræ sedulus, hunc para

Thesaurum soboli, quem nequeat mala

Regum auferre libido,

Nec fortis raptant vices.

Ad Pe. Benedictum.

Indictus ergo carminibus queas

Abire nostris? nec sibi pagina

Præscribet ulla dulce Petri

Nomen adhuc, meritosque honores?

Non cura solers hoc meruit, rude

Qua pectus annis in teneris meum

Sermone formasti, artibusque

Egregiis utriusque linguæ.

Nec plus aquosæ semifero Dæ

Proles magistro debuit: Orphei

Linus nec accuratiore

Ingenium studio refinxit.

Quamquam potentes edocuit modos

Fluctus recurvare in caput: & cavis

Audita truncis, & ferarum

Carmina quæ traherent cohortem;

Finxit recentum queis hominum feros

Ritus, canoræ fila movens lyræ,

Vates beatus: quippe votis

Rite suis dociles modorum

Sortitus aures. Haud ita virginum
 Mentis amicas hæc studiis ferunt
 Fœcunda prolis sæcla dirum
 Omne nefas animo moventis.
 Nunc indecoras, vis Genii sui
 Quoscumque ad undam Pieridum rapit,
 Tractamus artes: nunc honores
 Thesalicæ periere frondi.
 At siquod inter perpetuas mali
 Ævi tenebras lumen amabile
 Solertis ingenî refulget,
 (Quale tuum Benedicte, clavis
 Reconditarum dotibus artium
 Insigne) præsens numen habebitur
 Mihi illud, accedetque nostris
 Materies operosa chartis.

Ad P. G. Vaxim.

Strophe 1.

Vaxi, qui montis bifidi aërio
 Confides cacumine, per varios
 Vetus labores, dum celebri invigilas
 Gloriæ: longo meritis studio
 Nunc colligis fructus abunde,
 Percipiesque magis,
 Ubi ruperit severa
 Stamina Parca manu,
 Metamque laudati tibi
 Sistet ævi, At ipse more
 Debilis atque palustris avis
 Stagna perstrepentis, &
 Circa lacus pervoli-
 tantis, & raucum gementis.

Antistrophe 1.

Te volatu subsequor haud facili
 Alitem Phœbi procul auricomi,
 Te, cujus udo gutture nectarea
 Fingitur vox, quæ potis est hominum
 Mulcere mentes ac Deorum.

Barbitos Aonii
 Tibi vatis attributa est,
 Pollice quem stupuit
 Dirce retentantem modis
 Grandibus nervos sonantes.
 Ille ruit veluti fluvius,
 Arva qui vicina
 Undis tegit vertice
 Montis excelso volutus.

Epod. 1.

Gleba sed quem protulit Appuliæ
 Vatem Latini carminis,
 Hic. gelidus veluti
 Argenteis qui vorticibus trepidat
 Per nemus fons, irrigatque
 Gramine, floribus atque auricomis
 Depicta prata. sic fluit.
 Te carminis Ausonii
 Nunc participemque simul video
 Grajæ Camænæ: sæculi
 O dulce præsentis decus, &
 Clara laus urbis, patriique soli:
 Prima Musis cura duplex.

Strophe 2.

Ergo qui colles, colis, & gelidum
 Nemus Cyrrhæ, Venerisque t

Horto cacumen non procul a viridi,
 Fert ubi responsa sui genito-
 ris fulminatoris, draconis
 Terrigenæ domitor,
 Pede non firmo satis dum,
 Me arduum iter Lyrici
 Labore Dircaeï gravi
 Subleva sensim sequentem,
 Cruraque nescia verticis, in
 Quo facer sedet latex,
 Certo gradu dirige:
 Ac jugo me siste summo.

Antistrophe 2.

Atque da fatis procul a miseri
 Subtrahi vulgi: celeri celebrem
 Quem Fama supremas Jovis usque domos
 Evehit pennâ, beat atque polo,
 Non ille ceu torpens adulter,
 Solus in eximiis,
 Aliis Trojam vocatis,
 Qui domibus jacuit,
 Deses manebit ac iners:
 Laudis at flagrans amore,
 Curriculo celer ut sonipes
 Fertur amplo gloriæ
 Succensus ardore, quo
 Pone ceteros relinquat;

Epod. 1.

Ille sic laudum stimulis agitur,
 Audax pericla perpeti
 Ardua: namque feri
 Certaminis mox eluit egregium
 Palma sudorem, eque falso
 Redit, adorea mox nectareum.

Talis paternas impiger
 Sedes pede qui tetigit:
 Cujus vi Acheronta labos, Stygii
 Perrupit & atra Jovis
 In regna, mercatusque domos.
 Cœlitum: quem posteritas celebrat,
 Sed nec ullus assequetur.

Strophe 3.

Nescit at vulgi malefana rudis
 Mens, in atris ancipites tenebris.
 Nam virginis quid significant choreæ
 Noctilucæ, quæ ambiguum per iter
 Nunc cæca fertur, nunc renidens:
 Quæque agili pariter
 Pede pulsan, hanc sequuta
 Lumina noctivaga,
 Convexa cœli: nuntiet
 Quid Canis fidus malignum.
 Haud aliter quoque contigit his,
 Qui se acuto culmine
 Consistere existimant,
 Quem novem colunt sorores.

Antistrophe 3.

Qui putant & Cyprigenæ virides
 Se recessus jam penetrasse Deæ.
 Ast ipsa portas non aperit temere
 Diva: sed si quis bene promeruit,
 Fert ille sudatos honores.
 Qui validum Æacidem, &
 Cecinit Trojæ duellum
 Nobile, talis erat.
 Atqui sororum Hyantidum
 Sacra frigenti, ac remisso
 Qui studio celebrant, vetuli

Ut molossi belva
 Rictus inertes fugit,
 Sic eos vano labore

Epod. 3.

Se aucupantes gloria destituit.
 Quis nempe nequicquam cupit
 Nomina protrahere
 Suprema post fata, atque rogi cinerem,
 Juppiter nisi superne
 Adsit amicus, & adsit studium,
 Cui durus it comes labor?
 Hasta, gladioque ferox
 Nympha Oceanitide progenitus,
 Semel quievit ut virum
 A cædibus, tunc Æmoniam
 Barbiton curas quatit attenuans
 Ipse vates, ipse miles.

*Prosopopæja Adriani Turnebi ad Academiam
 Parisiensem.*

Quid juvat infestis liventia tundere palmis
 Pectora? quid sparsas dilaniare comas?
 Tristia quid tremulas rumpunt suspiria voces,
 Imbre rigante genas, imbre rigante sinus?
 Quo cultus abiere tui? cur squalida mœres?
 Fundis & in sævos irrita verba Deos?
 O mihi quæ dulci fueras, Academia, vitâ
 Carior, atque animi sedula cura mei.
 Excute sollicita conceptos mente dolores:
 Et nimium longis fletibus adde modum.
 Non semper mœstas ducit Philomela querelas,
 Nec soror æterno carmine luget Ityn.
 Memnona Thaumantis, nec cærule mater Achillem,
 Orpheæ nec semper Calliopea gemit.

Sic

Sic ubi densa diu texerunt nubila solem,
 Ille iterum puro lucidus orbe redit.
 Jam nihil est tibi me cur lamentois ademptum,
 Cui steterat vacua Parca severa colo.
 Fata manent omnes, & inevitabilis hora,
 Non expectato quæ venit atra pede.
 Nam quæ dispensant mortalia fila sorores
 Non exorato pollice pensa trahunt:
 Quippe semel quæ concordii cecinere tenore
 Hæc stabilis rerum terminus usque probat.
 Non si natus erat Phæbo Rhodopejus Orpheus
 Reppulit auricomi fata parentis ope:
 Prona licet patrio cohiberet flumina cantu,
 Mulceret rigidis aspera corda feris:
 Ausus & ire viam viventibus inconcessam
 Lurida Threiciis moverit antra modis.
 Sed quamvis tetigi vix limina prima fenestræ,
 Cum misere meum tristia fata caput:
 Attamen intrepida morientia lumina mente
 Fariferæ telum sustinuere Deæ.
 Scilicet egelidos animus cum linqueret artus,
 Solamen menti dulce Camœna fuit:
 Ingeniique mei partus, quibus esse superstes
 Ipse mihi, & fama vincere fata queo:
 Præterea dulces, cum cara conjuge, nati,
 Actaque inoffenso vita serena gradu.
 Non ego Calvinus volvens monimenta nefandi
 Dispersi in populos dira venena rudes.
 Nec dulci patriæ, nec templis impius hostis
 Armavi rigidas in sua fata manus.
 Sunt etiam nostræ non parva levamina menti,
 Quod mea non Stygias umbra subivit aquas.
 Lurida non errant nostri per littora manes:
 Nec sudata ferox exigit æra Charon.
 Nec me Cerbereus triplici latratus hiatu
 Tartarei regis territat ante fores.
 Innumerosæ trahens sinuosa volumine terga
 Hydra minax cæcos arceat adire lares.

Non

Non ego Sisyphii summo de vertice montis
Irritus in præceps saxa voluta peto.
Nec Phlegethonte ferventes gurgite lymphas
In cava fallaci vasa labore fero.
Non mihi Lethæas fugientia poma per undas,
In mediove fugax quæritur amne liquor.
Porrective novem campi per jugera lati
Intima inexpletus viscera vultur edit.
Nec patior diri sævos Ixionis orbes,
Versatus rapidæ vinctus ab axe rotæ.
Aspera Tisiphone brevibus torquata colubris
Non quatit in nostrum torta flagella caput.
Nec fera Titanum metuo discrimina, nec me
Conclusum æterno carcere Corys habet.
Virtutem non ille locus, mentesve beatas.
Nec capiunt manes impia regna pios.
Ipsa mori immeritis virtus pia regna recludens
Nobile semoto tramite tentat iter:
Vulgares procul hæc cœtus fugientibus alis,
Lucidaque affectans sidera temnit humum.
Huc rediit, fragiles ubi liber spiritus artus
Exiit: hic solida prosperitate fruor.
Hinc video septum septenis orbibus orbem,
Astraque conspicuis lucida vecta rotis.
Intucorque vago lustrantem signa meatu,
Sidera qui mundum per duodena regit.
Et circumfusas densa caligine terras,
Et quanta exiguum nocte prematur opus.
Denique cuncta latent vestros quæ numina visus,
Illa patent oculis conspicienda meis.
Ergo agite indignos de me compefcite luctus:
Ut mala constanti vestra leventur ope.
Scilicet humanos mens est infusa per artus,
Ut fortis valido pectore tela ferat.
Cordaque difficiles animis superantia casus
Inclita perpetuæ laudis honore vigent.
Parva licet, longo crescit jactura dolore,
Et male perpestum fortius urget onus.

Denique flere aliquid nullo reparabile luctu,
Est animi nimium desipientis opus.

Ad Hieronymum Fracastorium.

Qui Fracastorium titulo fortasse negabit,
Quem vati tribuit pagina nostra, parem,
Aut non Pieriam gustaverit, ille Marone
Quæ dempto nulli vena secunda fluit:
Aut si gustarit, nec mecum sentiat, ille
Jam penitus gustu, judicioque caret.

Ad Angelum Politianum.

Barbariem hic Italis princeps exegit ab oris,
Cum vox in Latio nulla Latina foret.
Idem pannosas, & olentes rura Camœnas
Jussit in antiquis pergere munditiis.
Italiæ & Musis debent, Ciceroque, Maroque:
Huic Musæ, & Phœbus debet, & Italia.

De Jacobo Sadoleta Episcopo Carpentoracenſi.

Molsa velut teneri, sancti ut Cortesius oris,
Tertius es Mutinæ tu Sadolete nitor.
Tertius haud tamen ipse gradu, nec tempore: quando
Vos studiis ætas una eademque dedit:
Illorumque licet neutrum Mutina ipsa tulisset,
Ampla satis patriæ caussa nitoris eras.

De Aonio Paleario.

Aonio Aonides Grajos promsere lepôres,
Et quascumque vetus protulit Hellas opes.
Aonio Latine tinxerunt melle Camœnæ
Verba ligata modis, verba soluta modis:
Quæ nec longa dies, nec (quæ scelerata cremasti
Aonii corpus) perdere flamma potest.

De Julio Camillo.

Te, Latæ, Tuscæque Lyræ laus prima Camille,
 Monstrofi ingentisque repertor clare Theatri,
 Illa cui cedunt septem miracula mundi,
 Garrula quæ tumido jactat sermone vetustas,
 Bisquinam nondum explentem trieterida, acerbum
 Abstulit heu fatum: & vetuit mortalibus ægris
 Indoctæ mentis densas arcere tenebras.

De Hippolyto Capilupo.

Non satis heroo est superas quodd Mantua versu,
 Ni Calabræ parias æmula plectra lyræ?

De Jacobo Bonfadio.

Haud minus intumuit nuper Benacus alumni
 Bonfadii, ac Musis culte Catulle tuis.
 Bis tamen infelix: rapuit nam Roma Catullum;
 Bonfadium letho das scelerate Ligur.
 Genua Bonfadium quamvis, & Roma Catullum
 Abstulerint; doctos non rapuere modos.

De Paulo Manutio, ad Lectores.

Creditis hunc solum studiis clarescere Tullî?
 Virgilio Paulum cernitis ecce parem.

De Petro Myrteo.

Matris Acidaliæ deducens nomina myrto,
 Petrus Acidalio tincta lepore canit.

De Gabriele Faërno.

Calliope legeret numeros cùm forte Faërni,
 Emersitne mari Comicus Afer? ait.

De Latio Capilupo.

Quæ tibi non tellus cedat tam divite vatum
 Proventu, innumeris Mantua sola ferax?
 Utque alios fileam, quorum tibi fonte perenni
 Vena fluit, Mincî fertiliorque vadis:
 Quis neget hoc mirum, reliquis ex urbibus unum
 Nullam, Vergilios te genuisse duos?

Ad Jo: Poterum.

Quæ tibi munditiis simplex Elegia, Potere,
 Venit inornatas irreligata comas,
 Deferuit nuper scopulosi flumina Loti
 Nuntia Toscano missa jubente tibi.
 Si confecit iter fortassis lenta: movere
 Non potuit claudos ocyus illa pedes.
 Neglecti fuerit quæ cultus causa rogabis:
 Posset ut infidas tutior ire vias.
 Qualiscumque quidem, nec fallunt omina vatem,
 Adfuit hæc animo grata, Potere, tuo.
 Hoc sperare tue me candor mentis, & illa
 Ingenua facies simplicitate jubet.
 Atque animos nodo qui nostros perpete vinxit
 Par Genius, studio dedita Musa pari:
 Et dulci alloquio longos fallentia soles
 Tempora, ducta simul quæ meminisse juvat.
 His ego, quam dextra cornice, aut oscine corvo,
 Certius, & liquidis auguror auspiciis,
 Ante rotas pelago mergendas solis Eoo,
 Quam nostra exciderit pectore Musa tuo.
 Illa jocos oblita, animi argumenta sereni,
 Ingemit, heu, nostrum flebile discidium.
 Quin funesta tuo digressu, & Vaxis alumni
 Amissum queritur terra Cadurca decus.
 Cernimus arboreæ turpatos frondis honores
 Graminaque in mæsto decubuisse solo:

Tur-

Turbatis Lotum tristem decurrere lymphis,
Pampineas colles deposuisse comas.
Nempe simul comites vobiscum abscedere Musas,
Et Charites profugo vidit abire gradu.
Atque sibi reliquum nugas nil præter inanes,
Atque graves voces, barbariemque meram.
O potius sociis per sæva pericula ituris
Additus, & vestri pars quotacumque forem,
Quam sic ingratus pariter Phœboque, mihi que
Incolerem mœstum mœstior ipse solum.
Forsitán unanimis comes haud indignus amicis
Mœnia visissem juncta, Garumna, tibi.
Te nunc Tectosagum colerem lux rara senatus
Terasi, generis digna corona tui.
O pater haud virtute tibi sortite secundum,
Spem patriæ natum, spemque decusque domus,
Sed quid vota juvat jactare tot irrita Cauris?
Difficili spatío dissita terra vetat:
Et prohibet bacchata gravi Bellona flagello,
Quæ quatit, heu, Gallæ ditia rura plagæ.
Infelix quæ civili collisa duello
Mœsta gemit telis vulnera facta suis.
Scilicet hoc patriæ fortes in funera dextræ,
Quæ foditis ferro viscera vestra truci,
Infanæ cupiistis, ut illa invicta, diuque
Formido populis Gallia finitimis,
Extera quam numquam fregerunt bella, ruinam
Ipsa sibi acciret viribus usa suis.
Nec tamen armorum furor, & vis effera Martis
Officiunt studiis, culte Potere, tuis.
Pallados assiduus vigilas in munera noctes,
Doctaque Pegaseo pectora fonte rigas.
Hinc tibi Celtarum claras diffusa per urbes
Insomnis merces fama laboris erit.
Nec diversa manent Lotæum præmia cycnum,
Qui pars est animæ dimidiata tuæ:
Quique Garumnæas vocali pectine ripas
Personat, & liquidas versu inhibente vias.

Subdere plura libet : sed languida dextra, volentem,
Destituit, summum deproperatque, Vale.

*Ad Cadurcum ; de M. Chauveto Præsido
Tolosano.*

Terra corymbifero multum dilecta Lyæo,
Urbs & Aquitani pulcher ocelle soli :
Quam Lotus hinc illinc sinuoso flumine lambit :
Cincta racemiferis ad latus omne jugis :
Vasconico vicina, Petracorio, atque Ruteno,
Contigua Arverno, Lemovicumque solo :
Cedere Palladiæ tantum dignata Tolosæ,
Sic tamen, exiguo vincat ut illa gradu :
Quam foris alma Ceres, Bacchusque opulentat, Apollo
Intus, & Aonio juncta Minerva choro.
Felix sorte tua : instructus nisi fraudibus hostis
Mœnibus insultet nocte dieque tuis.
Artibus ast artes, vim viribus ipsa repellis
Flore potens juvenum, consilioque senum.
Sic tu sæpe duces manibus post terga retortis,
Et figenda sacris postibus arma refers.
At non perpetui armorum, bellicque tumultus
Impediunt artes, terra Cadurca, tuas.
Jam neque templa sacro cultu, sanctisve tribunal
Legibus, aut docta pulpita voce carent.
Nam tibi se reddit nuper tua cura Roaldus,
Et desiderium, nunc tibi clarus honor.
Romanæ lux historiæ, jurisque Roaldus,
Deliciæ Charitum, Picridumque decus.
Nec tibi Gregorius studiosæ norma juventæ,
Utque ævo Vaxis, sic gravis arte, deest :
Tres doctrina illis numero nec dispare, quorum
Justinianus prodiit arte liber.
Cetera quid referam, numerofo plurima versu
Quæ tibi Chauveti plectra sonora canunt ?
Chauveti, augustæ quem curia celsa Tolosæ
Suspicit, & quo se præside jactet habet.

Cujus, ut hospitii breve munus prodiga penset,
Te nunc aeterno carmine Musa beat.
Musa cothurnati numeros quæ sæpe Maronis
Exprimit, & Calabram provocat arte lyram:
Condiat ut grato Chavveti seria ludo,
Jucundis curas decipiatque modis.
Pro quibus æterno devinxit amore Cadurcum,
Chavveti ut semper nomen, & omen amet.
Quam non contentus modo simplice laudis honore
Ornare, antiquis urbibus æquiparat.
Grande quidem meritum, quod nulla obliteret ætas,
Laudari ornari laude lyraque viri:
Majus eo tamen est meritum, bene multa precatur
Civibus, ad summum vox quod amica Deum:
Nam sacræ leges si sunt, qui præsidet illis
Ille sacerdotis non levis instar habet.
Cujus nulla cadant pia vota caduca Cadurco:
Urbs sit ut in longos salva futura dies.
Talia sunt veteres soliti non irrita patres
Ad sibi præsentem fundere vota Deum.
Sic natis Abraham, natis benedixit Jacob:
Prospæra quæ proli vota fuere suæ.
Nec dubitanda fides, quin Præsidis omnia tanti
Ad superos pondus sint habitura suum.
Gaudeat ut quondam votis non usa caducis,
Chavveti, a gravibus tuta Ducona malis.
Sic vetus Alcides Telamonis in arce receptus
Reddidit hospitii præmia magna sui.
Nam fuit antiquis qui mos, servavit & illum,
Ut bona verba suis diceret hospitibus.
Cumque puer natus Telamonius hospite tanto
Tunc præsentem foret, non sine mente Deum:
Sit proavis similis virtute, & viribus infans:
Dixit: & a læva fulva volavit avis.
Alitis auspicium placuit: puer alitis Ajax
Nomine testatur vota probata suo.
Sed tamen eventus tandem magis illa probavit,
Non ullum plagis corpore dante locum.

Herculis indistrictus erat fortissimus Ajax
 Votis, & factis in sua vota ratis.
Indistricta pii votis precibusque Cadurcum
 Chavveti (si non omine fallor) erit.

Elegia.

Colle sub aprico, qua se viridissima curvo
 Æquora summittit vallis in ampla jugo,
Silva vetus fagis, & densa consita quercu
 Summovet intonsi torrida tela Dei.
In medio specus exeso cava pumice pendet,
 Et molli tellus musco adoperta viret.
Impediunt frutices aditus: ederæque vagantur
 Flexipedes intus liberiore gradu.
Fons latices scabra manantes undique topho
 Excipit: arguto murmurat unda sono:
Huc illucque vagis serpens anfractibus unda
 Gramineam tenui gurgite rorat humum.
Frondibus hinc densum nemus, illinc musica flabra
 Indicunt rapidis æstibus exilium.
Hac ego dum spatior nemorali solus in umbra,
 Et tacito mecum pectore multa loquor:
Blanda fatigato curis; æstuque, soporem
 Persuadet leni murmure lympha crepans.
Ergo ubi decubui muscoso fessus in antro,
 Occupat irriguus languida membra sopor.
Mira canam, sed vera canam, quæ somnia menti
 Obversata animum detinuere meum.
Tunc mihi composito cultissima femina vultu
 Venit, Apollinea fronde revincta caput.
Vestis erat pictis variata coloribus, albam
 Quot Zephyrus verno tempore pingit humum.
Mille modis positos partim distincta capillos,
 Partim neglectas irreligata comas.
Alba reluctantes cohibebat vitra papillas,
 Radebat longo syrmate palla solum.

Cui

Cui non gressus erat, non cultus, non color unus:

Grataque se variis intulit ipsa modis.

Quoque magis mirere, illi non parva decoris

Gratia contemptus ipse decoris erat,

Sive gravi passu vestigia lenta trahebat,

Majestas lentos est comitata gradus.

Seu celeri jaculo vel turbinis ocyor alis

Emicat, intacta est mollis arena pede.

Quin etiam claudo, memini, vestigia gressu

Moverat a vitio gravior ipsa suo.

Mox ubi mirantis variæ spectacula formæ

Ornatu sensit lumina capta novo,

His stupidi sensus ea vocibus interruptit:

Nectareus roseo fluxit ab ore sonus.

Qui tibi molle (inquit) dubia formidine pectus

Pertentant, vanos excute mente metus.

Non hic, quem timeas, cultus, non forma, nec ætas:

Lætitiæ, pacisque omnia plena vides.

Sum Dea, quæ dulcis nuper tibi læta juventæ

Tempora florenti detinui studio:

Quæ multis vano tentata labore Poësis

Quos libuit claro laudis honore bee.

His ego te excepi venientem in luminis oras

Ulnis, hoc fovi membra tenella sinu.

Balbaque Pegaseo diffudi nectare labra:

Distinxique rudes in sua verba sonos.

Mox etiam chordis indoctæ dissona vocis

Correxì, & segnes institui digitos:

Ut præsigne feras, seu forti pectine nervos.

Seu tenui malis increpuisse, decus.

Pro quibus officiis quos nunc ingratus honores,

Quæ mihi pro claro nomine dona refers?

Scilicet ingenium studiis avertere nostris,

Et potes Aonios deseruisse choros.

Vix ea desierat, cum frondes omne caducas

Insonuit strepitu decutiente nemus:

Mox procul humana species augustior almæ

Virginis ambrosium fudit ab ore jubar:

Ac vera incessu patuit Dea, purius auro,
 Et cultu gemmis splendidior micans.
 Utque soror radiis fraternis cœrula cedit,
 Sic prior illa novæ est victa nitore Dæ.
 Ergo (ait) incautos æternis callida nectes
 Illecebris, dulces docta Poësi dolos?
 Et juvenum mentes lætabis perfida, vanum
 Pro solidæ ostentans laudis honore decus?
 Non erat hoc nimium, quod ver tibi prodigus ævi
 Imputat, & primæ tempora militiæ,
 Istius nisi servitio imperiosa maligno,
 Perpetuoque jugo subdita colla premas?
 Nec ramen evinces: nam duris colla catenis
 Solvimus: excusso nunc petet astra jugo.
 Ut Sophiæ deinceps vigeat cœlestis amator,
 Et cedat studio Musa profana pio.
 Dixerat: illa Dæ dictis pudefacta severa
 Evolat in rapidi turbinis acta modum.
 Sacra mihi æthereo Sapientia perculit æstro
 Pectus & æterno torruit igne jecur.
 Quæ simul ex oculis liquidas sublata per auras,
 Discussusque meo corpore somnus abit.

Ad Paulum Toscanum.

Cum persæpe animo meo volutem
 Quo te, Paule meum decus, meorum
 O auctor, columenque commodorum,
 Donem munere: quid potissimum, ne
 Ingrati videar notam subire,
 Obtulisse queam: nihil pote unquam
 Mi succurrere, quod tibi dicetur,
 Observantiæ ut id perenne nostræ
 Effet mnemosynon: tibi' beato
 Donem divitias? at ipse me ultro
 Beastique opibus tuis beasque.
 Mittam carmina? mittere hæc poëtam

Fas est: sæpius hæc & ipse misi:
 Sed nonne hæc tua sunt, tuo parata
 Aere jam tibi sumptibusque largis,
 Quibus me, teneris ab usque, claris
 Curasti studiis probe expoliri?
 Restat solum animus: tibi at dicatus
 Hic pridem fuerat, tuusque totus.
 Quis ergo superest, nisi ut putemur
 Ingrati? at nihil hoc mage indecorum:
 Hanc ergo ut maculam caveamus, ipsa
 Quamquam nunc tua sunt, fuere & olim,
 Opes, musam, animum tibi dicamus.

Ad Lectorem.

Carmina si tantum laudas facunda Catulli,
 Vel perfusa pari si qua lepore madent:
 Et si fastidis vatem, quem protulit alta
 Bilbilis Hesperio proxima terra freto:
 Pone precor chartas, levis est jactura, jocosas:
 Non mea subducti est Musa supercilii.
 At si Borbonios, si volvis amice Marullos,
 Non adeo sunt hæc deteriora: lege.

Ad Jo: Auratum.

Quod tu, sive Epico tonas cothurno,
 Sive aptas Elegis leves amores,
 Seu sales Epigrammatum jocosos
 Promis, seu numerosiora plectro
 Jungis verba, tibi secundat orsa
 Cyrrhæus, nec Hyantiæ sorores
 Ulli dexterius favent poëtæ,
 Hoc cum Mæonide tibi, & Marone,
 Et cum Callimacho, & simul Tibullo,
 Cum civi Calabroque, Lesbioque
 Commune est, aliisque cum trecentis.
 Sed quod Gallia quotquot eruditos

Fecundo ediderit sinu poëtas
 Acceptos referat tibi, tua omnes
 Hos industria finxerit, labosque,
 Aurate, hoc proprium est, tuumque totum,
 Qui poëmata, qui facis poëtas.

Ad M. Antonium Muretum.

Certamen, Murete, novum: te Gallia civem
 Afferit hinc, illinc terra Latina suum.
 Quem nunc implentem Romana Palatia voce
 Eloquii priscum restituente decus
 Attonitus stupuit post ter sibi sæcula quina
 Tibris, inauditos dum bibit aure sonos.
 Te mea Roma suis cum nuper civibus ultro
 Annumerat, gaudens talia verba dedit:
 Terra mihi tales Lemovix dum mittat alumnos,
 Nil moror Arpinum, municipesque suos.

Ad Laurentium Toscanum allegoria.

Arbor beata, diis amica, furculis
 Duobus aucta floridis tenellulis,
 Non flaccidis, non languidis, sed vividis,
 Sed masculis, sed quos amica siderum
 Benignitas, cœlique temperies ubi
 Grata educarit, & virenti accreverit
 Vigore adultos, hinc & inde brachia
 Frondosa pendent usque siccitudinis
 Expertia: & Tuscam columnam, innititur
 Nestræ verustum cui domus fastigium,
 Silvæ instar hinc & hinc inumbrabunt suis
 Ramis: at illis insidebit fulminis
 Ales ministra, & armiger summi Jovis
 (Res monstruosa, & omnium præter fidem
 Sed vera) claves unguibus quæ argenteas,
 Gestat recurvis, claustra regię quibus
 Referat Deorum, & auream cœli domum,

Fortunet istam duplicem propaginem
 Cœlestis aura numinis: nec torridum
 Adurat astrum, pestilenti aut spiritu
 Venenet Auster, quin amico lumine
 Phœbusque lustret, mollis imberque educet:
 Lætis onusti ut fructibus lætæ tibi
 Dulcis senectæ condiant festos dies.

Ad Violantem Peregam, Laurentii T. uxorem.

Est Laurus arbos omnium pulcherrima,
 Indecidivæ quæ decus servat comæ.
 Hoc deest sed illi [ut est nihil mortalium
 Uique absolutum] floribus non pullulat.
 Juncta ergo Lauro ipsa es viola florum decus:
 Tuoque munere ipsa Laurus florida est.
 At queis carebas ipsa contra fructibus,
 Illos benigna Laurus impertit tibi.
 O sancti amoris inclitum miraculum!
 An hoc pore esse quid magis mirabile?
 Fructifera viola est, estque Laurus florida.

Ad Petrum Benedictum.

Ausonii exemplum eloquii Benedicte fuisti,
 Sed linguae doctor tu mihi Cecropiæ.
 At demum Hebræam nunc te monitore capeffo:
 Exemplum, monitor, doctor & ipse mihi es.

*Ad Octavianum Citadinum, Canonicum D.
 Petri Roma.*

Si Citadine tibi quantum debere fatemur,
 Tantum a me tibi, persolvier ipse velis,
 Quamvis fortunaſque tibi, ingeniumque, animamque
 Largiar, ipse nihil persoluisse putem.

Ad

Ad Franciscum Citadinum Castrensem Episcopum.

Tunc etiam Præsul, dudum qui nostra Thalia
 Hæsit at an doctus an vocitere pius:
 Tene putas nostris intexum vivere chartis
 Posse? quis huic Musæ plus tribuisse queat?
 Quæ Lethes si funereas perrumperes leges
 Possit, & a longa posteritate legi;
 Non tunc ingenio vivent tua nomina nostro,
 Sed genio vivent Carmina nostra tuo.

Ad Casarem Tuscanum.

Cæsar nec studiis mihi, nec ævo
 Dispar, sanguine junctæ, junctæ longo
 Usu, junctæ animoque, corculoque,
 Et quidem teneris id usque ab annis:
 Sub uno quibus & magistro uterque
 Vitam duximus, & domo sub una,
 Cum nos mensulaque una, lectulusque
 Unus exciperet. Sed id deesse,
 Id demum poterat satis videri
 Dispar: quando sacra mihi dicari
 Vitæ contigerat, tibi profanam
 Sectari: ergo foret tibi una causa
 Ne discriminis & mihi, ecce nostrum
 Exemplum sequeris: Deo dicaris.
 Ergo quid simile est magis, gemellum,
 Conjunctumve magis, magis quid unum?
 Cui fuit Pyladi cuive Orestis
 Quam nobis melius beatiusve?

Ad Antonium De-la-rue, Quæstorem Regium.

Antoni, sua quem virtus, & principe dignæ
 Mentis ad illustrem vis tulit alta gradum:

Tu

Tu facis, ampla tuis meritis dum præmia confert,
Lumina Fortunæ ne quis abesse putet.
Hanc tamen haud verear posthac ego dicere cæcam,
Dona nisi accumulans uberiora datis,
Inque dies veluti crescit tua vivida virtus
Inque dies, tibi opes augeat, atque decus.

*Ad Jacobum Corbinellum, cum Dantis librum de
lingua vernacula edidisset.*

Ut vili atque rudi sub arundine prima saporum
Gloria, prima dapum, sacchara tecta latent:
Non modo quicquid apes per Hymettia rura laborant,
Sed valeant epulas quæ superare Deum:
Sic vili, atque rudi sermonis cortice Dantes
Doctis sensa viris quam placitura tegit!
Corbinelle tibi hæc debetur gratia: tu das
Mellaque quod gustu vincat, & ambrosiam.

*Ad Baltassarem Tolsam Mathematicum
nulli secundum.*

Non nos fortunæ bonis, formave decora,
Vanave quo nimium pectora honore calent,
Non cursuve pedum, validæ vel robore dextræ,
Distamus sola sed ratione feris.
Hoc ipse ingenii solertis acumine Tolsa
Præstas: hæ tibi opes, hæ tibi forma, hic honos.
Hæc igitur. qua cuncta viris animantia cedunt,
Est tibi fas reliquos vincere laude viros.

*Ad Martialem Campanum, qui a sicariis in subjectum
stagnum dejectus manibus, pedibusque quadrupes
constrictus, Dei miraculo sospes evasit.*

In scelus ultoris quantæ sint numinis iræ,
Innocuæ quantus sit pietatis amor,

Innumera antiquæ superans miracula famæ

Edita res nuper prodigiosa docet.

Dum Campanæ tibi cœlo terraque negata

(Quis credat?) sub aquis mira reperta salus.

Nec tamen hoc visum summo satis esse parenti

Pæne quod amissa dat tibi luce frui:

Sed magis ipse probet quo se pietatis amantem,

Præmia dat votis uberiora tuis.

Facti clara sui longum monumenta per ævum

Dum juber Auratæ plectra sonare lyræ.

Sic te, corpus aquas, oblivia mergere famam

Dum vetat, a gemina vindicat ille nece.

Ad Petrum Antonium Jacominum.

Hic ubi testæ secans bifido discrimine pontum

Latus in Arctum Sequana volvit aquas,

Ut neque Tyrrheni suspirem Tibridis amnem,

Nec desiderio macerer Arne tui,

Tu Jacomine facis: Romanos ipse lepores

Sufficis, & quicquid Tuscia culta sapit.

Ad Antonium Datum.

Calla exercetur tua cum facundia lingua,

Parrisia in media crederis esse fatus.

Sed patrio quoties promissis sermone lepores,

Te Florentino de genitore probas.

Si Gallogræcos prisca dixere Quirites,

Quis Tuscogallum te vetet esse mihi?

De Jo: Poterio.

Quis novus hic radiat formæ præstantis ephebus,

Levia cui fulgent rempora? numquid Amor?

Altera tela faces atque altera tela pharetram

Ferret: an est Phœbus? non gerit iste chelyn.

Anno

Anne coloratis remeavit victor ab Indis

Bacchus? Bassaridum non agit iste choros.

Doctus eques, doctusve pedes prorumpere in hostem

Aut geminus Castor, Castoris aut geminus?

Non hic fertur equo, non caestu innectitur armos.

Idæus terris an puer ipse redit?

Hæret inexploto semper comes ille Tonanti.

Num nam Hermes? talos non habet hic volucres:

An Pallas sese juvenili obnubit amictu?

Non hastam, horrificam Gorgonave iste gerit.

Quem tandem ipse vocem? procerum de stirpe Poterum,

Octo qui dotes unus habet superum.

De Virgine Mantuana.

Postquam virgo suas raptori cedere vires.

Et periisse omnem perdita sensit opem;

Incorrupta tuo tu Mincî flumine membra,

Tu sine labe animum suscipe summe Parens:

Dixit: & audaci sese fortissima saltu

In Mincî rapidas præcipitavit aquas,

Quantumvis te Roma suam, Lucretia, jactet,

Sitque tuum celebri nomen in ore frequens:

Pulchrum est ereptum ferro pensare pudorem:

Pulchrius est salva virginitate mori.

De Cæcilia Medicæa virgine.

Hanc faciem, hos oculos, hæc labra, hæc lactea colla

Quis tam conspicuo pingit honore? Venus.

Quisve comas tenues flaventi interliniit auro, &

Dat fidibus vocem jungere? Deligena.

Quis grave, quicquid agat, quoquo vestigia movit

Dat decus, hanc furtim quod sequitur? Charites.

Quis face succendit flagrantia sidera, quisve

Arcum illic, illic spicula condit? Amor.

Et, quæ tam tenerum complet sapientia pectus,

Quis dedit hanc? summi filia tota patris.

Quis

Quis mellita fluunt roseis quæ verba labellis
Eloquio tingit divite? Mercurius.

Quis tibi non cedat, propriis quam dotibus audent,
Hermes, Pallas, Amor, Gratia, Apollo, Venus?

Aliud.

Sive ego Cæcilie perlustro lumine crines,
Implicitum nectunt aurea vincla animum:
Sive genas Pario fulgentes marmore, & ostro
Purius, accendit flammea vis animum.
Seu risu ventos, tempestatesque serenat,
Dulcis alit miserum spes, refovetque animum.
Seu cœleste vagos radiantes vibrat ocellos,
Mille modis fodiunt ignea tela animum.
Seu liquidas auras cantu demulcet, & aures,
Perfundit suavi nectare vox animum.
Seu roseis citharam digitis pertentat eburnam,
Concentus captum ducit in astra animum.
Implicat, urit, alit, pungit, demulcet, inescat,
Crine, genis, risu, lumine, voce, manu.

Ad Aloysium Crocejus Medicum.

Temporibus fuerat quæ contemptissima priscis
Crux sceleratorum pœna nefanda virum,
Hac postquam eversum Divum parer optimus orbem
Sustulit, humanum, restituitque genus,
Æternum nostræ servat monumenta salutis,
Majorique nihil mundus honore colit.
Est Cruce parta salus animis: qui corpora servas,
Jure salutifera de Cruce nomen habes.

*Ad Guilielmum Lovatium, Theologum, cum ad eum,
Psalmum, Miserere, a nobis versum
mitteremus.*

En, Guillelme, melos Jessai nobile vatis,
Expressit Latiis quod mea Musa modis.

Inventis (dices) glandem quis donat aristis,
 Fert latices, Bromius cum generosus adest?
 Ipse Caledonium nobis præstare poëtam,
 Et fateor Phœbo dexteriore frui:
 Qui tamen interpres non curat fidus haberi,
 Dum nimis eloquio consulit, & numeris.
 Nos sic exigua dicamur serpere vena,
 Me penes ut constet relligiosa fides.

*Ad Carolum Urbinum pictorum nostri sæculi
 facile principem.*

Carole, cui pictas ars est animare figuras,
 Sponte cui rerum cedit amica parens:
 Ipse tibi Michaël artis miracula cessit,
 Quo vagus imprimis Arnus honore tumet.
 Ipse venustatem dedit ingens fama Metauri,
 Ætatis Raphaël altera palma suæ.
 Hæc tibi, quæ prisca laudes offuscat Apellis,
 Rara licet, non est gloria prima tamen:
 Sed major, quod livor abest, quod pectore fastus,
 Quod Phœbo, & Musis pectora sacra colis:
 Denique pictorum quos sæcula cuncta tulerunt,
 Virtutes quod habes, Carole, non vitia.

Ad Gerardum Vaxim.

Non perjuræ Gallici furoris,
 Insectæque manus pio cruore,
 Nec me Sarmaticæ plagæ tumultus,
 Nec classes Venetæque, Turcicæque,
 Nec res præteritæ magis futuris
 Habent sollicitum, Gerarde Vaxi,
 Sed præsentibus utor: & serena
 Et mente exigere ambio quæta
 Quotquot lanificæ mihi sorores
 Vitæ constituunt nitere soles.
 Hæc ætas mihi sola computetur,

Horas sive bonas teram libellis,
 Sive inter lepidos jocer sodales,
 Quorum tu potior, mihiq̃ue primus;
 Seu potus recinam chely jocosa,
 Diligo otia negligentiamque,
 Ac ipsam quoque, Vaxi, negligerter.

Ad Psittacam.

Omnia nota tibi diversum gesta per orbem,
 Historiæque omnes: omnia nota tibi.
 Quicquid Grammaticæ cathedræ, Dialectica quicquid
 Turba, sophique docent, omnia nota tibi.
 Quot cælo radiant ignes, quæ sidera mundum
 Mortalesque regant, omnia nota tibi.
 Discursusque vagi lunæ, vis maxima solis
 Ut superet terras, omnia nota tibi.
 Præcipue quicquid perplexa volumina legum,
 Consultive premunt, omnia nota tibi.
 Quod tua permolitur Scopelæo, Psittace, conjux,
 Scis etiam, cum sint omnia nota tibi.

In Imaginem Vaxis male pictam.

Tenantem cera Vaxæos ducere vultus
 Pictorem vidit Phæbus, & indoluit.
 Immortale decus mortalis reddere posset
 Ne manus, offusis sic vetuit tenebris.

Idem.

Tam bene quæ potuit multorum effingere vultus
 Tam male cur Vaxis reddidit ora manus?
 Artificis facile est opus excusare sinistrum,
 Ars etenim Vaxin reddere nulla potest.



De statua Rhetoris .

Perfpicuos latices gelidi quæ fontis imago
 Servat , in hac Phlyari Rethoris ora vides :
 Quamvis marmorea est , quamvis perfunditur undis ,
 Non tamen est ipfo Rhetore frigidior .

Ad Vaxim .

Cur tam sæpe teris gressu longinqua frequenti ,
 O Vaxis , Scopeli limina caussidici ?
 Nam lis nulla tibi : quæ si foret , haud tamen ullum
 Exigat externi prædium eloquii .
 Nec tibi conditio tam vilis , tamve beata
 Est Scopelo , idcirco rex sit ut ille tuus .
 Vos nec amicitie tam stricto vincula nodo
 Ulla premunt , tanti ut sit tibi servitium .
 Linea sed neque vos tam proxima sanguinis arctat ,
 Quæ tam sollicitum postulet officium .
 Sed Scopeli est conjux scitâ lautissima formâ :
 Hæc movet : o Vaxi , es officiosus homo .

Mense Januario .

Phryx puer agglomerat canas ex axe pruinas
 Marmorea cogens frigora pigra manu :
 Ignibus algorem , curas dissolve Lyæo ,
 Colloquio noctes , otia falle libris .

Dictam Catonis in Helvonem .

Fecundum tabulis pater supremis ,
 Et magnum tibi prædium reliquit ,
 Undis quod mare cæruleis flagellat .
 Hoc tu mense nec integro vorasti .
 O ingens barathrum gulæ , quod agrum
 Absorbes , mare vix quod alluebat !

De Venere, ac Cupidine.

Læsa sui est Cypris medicata cuspide nati,
 Oscula dum fallax insidiosa daret.
 Ergo Deæ postquam pupugit præcordia virus,
 Sensit & a flammis incaluisse novis:
 Illicet iratæ gremium temerarius ille
 Deseruit, celerem corripuitque fugam.
 At Venus exiliens, pœnas dabis improbe (dixit)
 Infesto profugi mox pede terga premit.
 Anxius ille locum nunc hunc, nunc eligit illum;
 Tutæque nulla satis visa latebra diu.
 Flammeolis demum Glyceres successit ocellis:
 Et poterat nullo tutior esse loco.
 Hic latet: hinc, solitam dediscat ne puer artem,
 Spicula non dubia mittit acuta manu.

De Scopelo & Psittaco.

Par patria ambobus, par ætas, par studiorum
 Est ratio, titulo gaudet uterque pari.
 Par fastus, par ambitio, res denique cunctæ,
 Excepta uxorum conditione, pares.
 Nam Scopelus duxit gracilem, sed duxit obesam,
 Psittacus, hic tumidam possidet, is timidam,
 Comptius hac nihil est, nihil est incomptius illa:
 Hæc hebenum facies, ast ebur illa refert.
 Uxorem subigi scit Psittacus ipse, finitque,
 Nil Scopelo est timidum, zelotypumve magis.
 Sic timet hic omnes, is nullos, stultus uterque:
 Quid mage consimile est? quid mage dissimile?

Ad Callistratum.

Quod mihi longinquo clauduntur lemmata tractu,
 Et superat leges ferme Epigramma suas,
 Hoc

Hoc unum exagitas vitium, reprehenditur unum,
Hoc solum crimen, sed capitale, vocas.
Quam bene cum Musis agitur, Callistrata, nostris,
Si macula hæc versus inficit una meos!
Hoc tu si ex animo loqueris, si vera fateris,
Non est qui laudet carmina nostra magis.

Ad Nympham Vaxis.

Nympha, cui dulces venienti in luminis oras
Affulsit læto sidere blanda Venus:
Quo vagus in primis jactat se Lotus honore,
Et tumet Ogygio grata Ducōna Deo.
Fortunata bonis, raræ cum munere formæ
Dant tibi certatim quæ Charis atque Venus.
Fortunata magis, docti quod pectora Vaxis
Arbitrio versas imperiosa tuo;
Et merito, fueris tanti cum digna poetæ
Et jecur, & doctas sollicitare manus.
Tantum ne tumidi veniant in pectora fastus,
Sævaque laudatæ tædia dicter Amor.
Difficiles odiosa fugant fastidia vates:
Ut teneas, cupido gaudia nulla nega.

De Nævia.

Hæc sperata manent: stipendia, sæve Cupido,
Quemlibet, in castris qui meret æra tuis?
Quis fit, ut ingenium mutarit Nævia mite,
Ingenii postquam est munere clara mei?
Scilicet illa meo sumpsit de carmine fastus,
Ac docuit noster sese ut amaret amor.
Cumque foret quondam semet quoque judice vilis,
Ingenio facta est nunc pretiosa meo:
Utque mihi placita est, tunc est sibi cepta placere:
Nota parum fuerat num prius ipsa sibi?
Quod volui prodesse nocet: spes unde salutis
Venerat, exitio prima reperta via est.

Nec placuisse nocet, quantum laudasse : juvaret
 Vel laudasse minus, vel placuisse minus.
 Plestor ob officium : tractarer lenius, esset
 Si minus in nobis officiosus amor.
 Attamen, Idalii quæ regna potentia temnis
 Numinis, o nullum passa puella jugum,
 Spicula ne demum læsæ experiare Camœnæ,
 Esse nimis vari parce proterva tuo.
 Nil ubi proficiam precibus, nec laudibus ullis,
 Confugere alterius cogar ad artis opem.

In Viratianum.

Cur, malum, titulum tibi poëtæ
 Usurpare lubet, Virutiane?
 Non tu carmina, sed cacationum
 Effutis segetem febriculosam,
 Quam ternæ tibi, non novem sorores
 Dictarunt, Erebi, haud Jovis propago.
 Nil est cum numeris tibi, ac nitore,
 Omnis te refugit cohors leporum,
 Chorus te Charitum fugit, venustas
 Averfatur, & elegantiarum.
 Candor perpetuo fluens tenore:
 Unum sed tamen hoc habes poëtæ,
 Nullus inficias quod ire possit:
 Est vatum furor: hinc poëta certe es,
 Sed cunctis furiosior poëtis.

Ad Lectorem.

Quantum carminibus nostris abscedit honoris!
 Argutis salibus gloria quanta perit!
 Quod mea quos falso perstringit acumine Musa
 Involuit fictis sedula nominibus.
 Quos si germano describat nomine, si fas
 Sit nec personis parcere, nec vitiis,

Mul-

Multa insulsa vocas, & multa incondita, porro
 Quæ fale, quæ culto sparfa lepore putes.
 Nomina prome igitur positis ambagibus (inquis)
 Confesso veniam, lector amice, dabis:
 Non tanti est placuisse tibi, ut mox vera loquuto
 Hæ laudes gravibus stent inimicitiiis.

Ad Ponticum Poëtam.

Condicis cœnam: promitto, Pontice: quæris
 Fercula quæ nostræ sint mage grata gulæ?
 Me non salmo capit, mihi non carissima cordi est
 Lampetra, librarum nec mihi carpa trium.
 Sed neque Bajanis moror haud liventia testis
 Ostrea Burdegalæ littore missa tibi.
 Nec mihi ponatur perdix servatus ab ungue
 Accipitris, canis aut raptus ab ore lepus.
 Scire cupis nostrum quæ condimenta palatum
 Irritent? unum est, Pontice: nil recites.

*Ad Deum Opt. max. cum recens sacris initiatus
 essem, precatio.*

Summe opifex, elementa sacre molimine dextræ,
 Quique poli certo signa tenore regis:
 Effrænemque vago nostram qui errore juventam
 Corrigis, & recto tramite dexter agis:
 Quamquam cæca tuo flexi vestigia ductu,
 Subduxi erroris memet ut ipse iugo:
 Ne tamen, o correpta Pater ne fræna remitte:
 Strenuus infirmum sed latus usque tege.
 Namque ferox in nos hostis crudele retentat
 Servitium: assueta nescit & arte dolos.
 Utque lupo clusis septos ab ovilibus agnos
 Obsidet, arma furens undique sæva movet.
 Ergo aut perpetuo mea sis tutela, vel hostis
 Hinc averte truces tempus in omne minas.

Dialogismus cum Cupidine.

Dic age, sæve puer, qui lumine captus utroque
Spicula tam certa mittis acuta manu?

C V Stulte, quid appellas cæcum, formosa Nealce
Purpureis si me vultribus usque gerit?

Ipsaque fidereos oculos mihi commodat ultro,
Ictibus ut certis pectora vestra petam?

De Cupidine.

Cur solet imparibus numeris gaudere Cupido?
Anne quod ut cæcus, sit quoque claudus Amor?

Ad Næviam.

Ni te plus amo quam meos ocellos.
Aut carum mage si quid est ocellis,
Iratos videam tuos ocellos
Nobis, Næviam, nec quies misello
Sit mi, sed penitis flagrem medullis.
Auri me jaculis ferus Cupido,
At te culpide plumbea laceffat.

De Cupidine.

Sæpe tener blanda dixit mihi voce Cupido,
Fac ut ams, ego dux certus amantis ero.
At mihi cor fuerat telis penetrabile nullis,
Et mens certa vagi spernere iussa Dei.
Ille reluctantem sperans ulciscier, arcu
Contento minitans me in fera bella vocat,
Cui tamen haud prodest plenam vacuassee pharetram:
Asperius ferro nam mihi pectus erat.
Hinc puer exarsit mistus ira, atque pudore,
Cumque sua abiiciens irrita tela face,

Pro-

Protinus in celerem vertit sese ipse sagittam,
 Et mea transacto pectore corda subit:
 Nunc nulla miser arte queo mea castra tueri,
 Hostis enim capta victor in arce sedet.

Ad Naviam.

Quæ tibi conspicuis collegi sedulus hortis
 Florea ferta novi pignora veris habes:
 His te ne pigeat tenues compsisse capillos,
 Ut nitidum vario spiret odore caput.
 Hic conferta vides ridenti lilia acantho,
 Caltha nitet rubeis lutea mista rosis.
 Viderit has aliquis circum tua tempora, dicet
 Ardorem teneris furripuisse genis.
 Nec tamen, ah, nimium formæ ne crede fugaci,
 Hæc te dona monent quam breve forma bonum.

Tumulus Hefychi Epicurei.

Supplicibus fuerat votis quod sæpe precatus,
 Hefychus hac, placida morte, quiescit humo.
 Cui cordi secura quies, dulcesque recessus,
 Lætaque tranquillo vita tenote fluens,
 Et cui perpetuo nullis mens anxia curis,
 Unica sed curis cura vacare fuit.

Ad Gallum.

Deperit efflictum quod te tua Candida, noli
 Hac propter nimium, Galle, placere tibi.
 Parce aliquando datis superaddere munera donis,
 Igneus in gelidas ardor abibit aquas.
 Diligit ex vero, non propter munera dantem,
 Sed propter dantem munera quisquis amat.

De Merone multibibō.

Dum Mero ferventi decumberet hemitritæo,
 Æstibus & flagrans ureret ora sitis,
 Sic verbis ægrum medicus solatur amicis:
 Prima erit ardentem tollere cura sitim,
 Qua simul extincta morbi vis sæva faceffet.
 Rettulit is fracto talia verba sono:
 Tu modo de venis populantes exige flammæ:
 Ut sitis hinc abeat, sit meus iste labor.

Ad Nympham Vaxis.

Beryllos, Adamantas, Jaspidas, ac Hyacinthos,
 Indorum baccas, sardonychas, smaragdos,
 Quolibet hæc inventa sinu, quocumque profundo
 Eruta Vaxis habet, Nympha beata, tuus.
 Scire cupis latebris tantas quibus occulat ille
 Divitias? harum pars quoque magna tua est.
 Quas tibi dat nullo perituras tempore gemmas,
 Non gerit has Vaxis dextera, Musa gerit.

De Lucretia C.

Quàm bene Romanæ veteris Lucretia nomen
 Sortita est, quam sic dotibus una refert!
 Hoc uno differt: illi post ultima fata
 Venit serus honos, hanc sua vita probat.

De Vaxis memoria.

Scripta oculo vix nostra semel properante notavit,
 Condita cum memori pectore Vaxis habet.
 Multus inoffensa recitat quæ voce, nec ullis
 Credita jam possent tutius esse libris:
 Quin hæc Marte suo poterat scripsisse videri,
 Ni quateret cultam doctius ille chelyn.

In Decianum.

Semper honorificos humeris indutus amictus
Infers ingenti te, Deciane, gradu.
Usque, adeo, ut quisquis primum te viderit, ille
Quantumvis pretii te putet esse virum.
Atque hoc si taceas : sed quando silentia rumpis,
Ingenium prodit rustica lingua rude.
His igitur cultus vel moribus indue dignos,
Cultibus his mores vel, Deciane, pares.

Tumulus coqui.

Hic dum forte cani fugienti fervidus instat,
Altius impresso se necat ipse veru.
Illud credibile est aliquam rexisse sororum
Eumenidum, & miseri pectus adisse coqui,
Tartarei imperio Regis, cum forte deesset
Qui coqueret Stygio fercula nigra Jovi.

Ad Horatium Candidum Laudensem.

Ecquis, Candide, non stupefcit, ecquis
Culti carminis Atticos lepores,
Ac sales sapidos, jocosque molles,
Et raros nitidissimi colores
Sermonis, tibi quæ potens Camœna
Largita est sinibus benigna plenis,
Cum sis vel titulo satis disertus?
Flacco persimilem docet te Horati
Nomen perspicuæque puritatis
Quod sint carmina Candidus vocaris:
At nomen patriæ feracis omen
Quis Laudis neget esse sempiternæ?

Ad Cinnam.

Mollia quod tenui currunt mihi carmina filo,
 Et meus in gyro stat brevior labor,
 At tua constrictis assurgit Musa cothurnis,
 Grandia vel paribus detonat arma modis,
 Cedimus: atque tibi sane sit gloria major,
 Dum tua mirentur, sed mea, Ciinna, legant.

De Virgilio.

Virgilium cœlo Phœbus demisit, ut esset
 Mæoniam posset qui superare tubam,
 Se vinci ut sensit, tunc æmulus ipse canorum
 Ante diem Stygio merisit in amne caput.

Ad Celerem.

Quæ clamosa tibi fessas circumtonat aures,
 Læderis uxoris garrulitate tuæ.
 Atque aliqua quæris linguam cohibere loquacem,
 Mutaque si fieri qua ratione queat:
 Huic medicina malo non est præsentior ulla,
 Auris quam fuerit si tibi furda, Celer.

Tumulus Thaddæi Zucheri pictoris.

Natura artifices Zucheri mirata figuras,
 Oraque distinctos reddere visa sonos,
 Præproperata jubens abrumpere licia Parcas,
 Mortales vetuit se superare manus.

Alius.

Effigies animata, decus, monogramma, colores,
 Omniparæ factis æmula signa deæ,
 Et quicquid vivis confert pictura figuris
 Hoc tumulo, Zucheri qui tegit ossa, latent.

Alius

Alius.

Hic situs est pictor Zucherus, quem livida fata
 Post hiemes septem, fœnaque lustra necant.
 Heu nimium ingenii brevis ætas, rara senectus:
 Sic Atropos, quæ sunt optima, prima rapit.

Alius.

Hoc sub marmore pictor ille notus,
 Tota qui periit dolente Roma,
 Velox ingenio, manuque felix
 Decumbit Zucherus, perempta qui dum
 Vitæ corpora reddit inquietus,
 Multis quam dederat reliquit ipse.

De Artemide puella Mediolanensi.

Artemis æthereas vixdum prolata sub auras
 Purpureo ridens hauserat ore diem,
 Numina cum partum studuerunt cuncta recentem
 Certatim propriis accumulare bonis.
 Principio triplices se promifero sorores
 Ducturas facili stamina longa manu.
 Divitias, generisque decus mox regia Juno
 Pollicita est, faustas conjugiiq; faces.
 Risit, & infantem teneris amplexa lacertis
 Dixit, eris forma par mihi sola, Venus.
 Gratia divinos oculis afflavit honores,
 Tinctaque nectareo verba lepore dedit.
 Contulit ingenii cœlestis munera Pallas:
 In partem ascivit turba novena chori.
 Cuncta sibi prærepta videns tunc Delia dixit,
 Cum dare non possim cetera, nomen habe.

Imitatum ex Sulp. Apollinari.

Gesta ducis Phrygii flammis devoverat auctor,
 Extremam prohibent dum fera fata manum.

Sed

Sed Tuccæ, Varique vetat pia cura: patrono
 Cæsare Romanæ vivitis historiæ.
 Quam timuit sævæ sibi per discrimina flammæ
 Illos antiquo plus superesse rogo!

Ad Ponticum.

Si sapiam, nostros ne te vivente libellos
 Emittam in populum, Pontice, sæpe mones:
 Ne notet innumeris tua nos censura lituris,
 Indicio & pateant plurima menda tuo.
 Accipio, cupioque tibi parere monenti:
 Sed jam tempus erat, Pontice, nostra legi.

Tumulus Laurentii Toscani Episc. Lodeven.

Si virtus, pietasque mori, ac prudentia possent,
 Debuerant, Laurens, te moriente mori.

In Calvum Focus.

Quodd non æra reus pariter tibi solvit, & aëtor,
 Nec tibi fallaci proditur arte cliens.
 Mandative gregis non glubis vellera pastor
 Nomine, sed factis, interiusque lupus:
 Nec dira cumulans sceleratam cæde rapinam
 Fucatæ nomen relligionis habes:
 Nec vano generis prisici tumefactus honore
 Mortales temnis cœlicolumque choros:
 Denique quod decorat nostris rarissima sæclis
 Te probitas, recti simplicitasque comes:
 Non tamen usque cares mendo: nam Calve poëta es:
 Hæc labes mores inficit una tuos.
 Quam potes hoc purges vitium, quantumlibet unum:
 Nescio quid tamen est grande poëta mali.



Ad Plusium.

Jure fodalitii nobis, & sanguine junctum
 Mutua te centum, Plusie, sæpe rogo.
 Tu consanguineum, veterem tu spernis amicum,
 Atque preces rigida concipis aure meas.
 Insuper & quereris nimium nos esse molestos,
 Obvius occurram quo tibi cumque loco.
 Hoc ago, ut exhibeas illud quandoque mole
 Quod nec cognato, Plusie, nec socio.

Ad Gerardum Vaxim.

Mirabare modo, diserte Vaxi,
 Qua Calvus ratione se poëtam
 Dicat, carmine nobilis nec uno:
 Solvet Technion hoc, Gerarde, qui cum
 Causas non agat, est tamen patronus.

Ad Cupidinem.

Quæ tibi, Amor, fulvum produxit vena metallum,
 Quo dominæ exornas lactea colla meæ?
 Quæ manus accrevit operosis aurea fusis
 Stamina, dividuas texuit unde comas?
 Quæ tibi Acidalios aluere rosaria flores,
 Sedulus ingenuas inficis unde genas?
 Quæ tibi non tactas gesserunt arva pruinas,
 Ora quibus dubio mista colore nitent?
 Qui tibi felices misere corallia fluctus,
 Quæ niveas gemmas lucida concha dedit,
 Verba quibus, moveant ipsis quæ incendia Divis,
 Nunc cohibet, blando nunc movet apta sono?
 Unde petis lætos spatiosæ frontis honores,
 Quæ facies cœli cum sine nube micat?
 Quod sidus nitidis afflavit lumen ocellis,
 Ut mihi cor flammis ureret, atque gelu?

Ad

Ad Auram.

Suavis aura, quæ aureos cincinnulos
 Solare nunc ad lumen explicans, Deo
 Demin nitorem, nuncque ventilans vagis
 Hinc inde gyris mille nodis implicas,
 Mihiq; mille vinculis cor alligas,
 Medulla nulla jam ossibus meis inest,
 Fibrisque sanguis nullus est vitalibus.
 Quem non acuto sæva percurras gelu.
 Cerno ut coruscas flatibus tuis comas
 Cervice læva vel micare dextera:
 Si vero ocellos conspicio licentius,
 Qua lance vitam librat, & meam necem,
 Qualis Medusæ Maurus aspectu senex,
 Tum vera prorsus reddor obtutu filex.

Ad Ponticum.


Pontice subfannas nostros, ridesque libellos,
 Nil etiam nobis stultius esse putas,
 Qui non desistam perituris tradere chartis
 Carmina Tellenis aridiora jocis.
 At tibi quantumvis sapiens, magnusque videris,
 Martia Mæonio qui pede bella tonas:
 Cujus olent feros vigilata poemata lychnos,
 Ac ægre longo tempore crescit opus.
 Sed tibi quam nullis caput est medicabile succis,
 Quam nihil in toto pectore cordis habes!
 Nam mea fac nullo victura Epigrammata sæclo,
 Quæ tamen assiduus lector ubique terit,
 Parva foret nostris, levis & jactura libellis,
 Proveniunt nulla qui mihi sæpe mora.
 Scripta sed innumeros tua defudata per annos
 Vel tineas pascunt, vel pia thura tegent.

Ad Musas.

Istos pollice non laborioso
 Tritos, sed tamen haud ineleganti,
 (Si verum ingenui ferunt sodales)
 En vobis calamos dico, Camœnæ,
 Appendoque sacra poëta lauro,
 Accensis veneratus ante vestrum
 Numen Castaliæ focis sorores.
 Nunc nostris faciles adeste votis.
 Si vos a teneris sequutus annis
 Sum vestris operatus usque sacris,
 Si haud indebita, nec meis honores
 Majores meritis precor rependi,
 Summos post cineres, rogumque mutum
 Nomen mi maneat perenne chartis.

Ad Cinnam.

Obvius est quoties aliquis tibi Cinna potentum,
 Cui struat aggestas uncta culina dapes,
 Optatam ut captes per mille pericula cœnam,
 Assiduus lateri jungeris usque comes
 Ingeris inque aures fallax mendacia mille,
 Ut videre aliquid sic recitasse novi.
 Scisque quot Ægeum complevit navibus æquor,
 Ut reparet lapsas hostis Eous opes.
 Et quantas contra vires ferat Italia virtus.
 Et socium jungens robur Ibera manus.
 Scis Gallus populos qua fregerit arte rebelles,
 Dum statuit firma sceptrâ gerenda manu.
 Cuncta licet noris diversum gesta per orbem,
 Cœnandum noris dum tibi, Cinna, domum



Tumulus Monsalei ducis Galli.

Pro patria, Rège, & summi pro lege parentis
Occidit intrepido pectore Monsaleus.
Unica caussa necis reliquorum pulchra sepulchris
Scribatur: triplici gaudeat hic titulo.

De Felice Ursina Columna.

Humanis quicquid rebus natura creatrix
Præclarum dederat, quicquid & eximium,
Id vero Romam reliquis ex urbibus unam
Selegit, cujus conderet omne sinu.
Quicquid magna parens Romanæ contulit urbi,
Hoc tribuit, Felix, Roma beata tibi.

Ad Næviam.

Serta comas inserta tuas ut, Næviam, comant,
Hic, age, frondis honos sit tibi frontis onus.
Floribus implexis ut munera justa rependas,
Floridus amplexus fac mihi colla liget.
Cingens flore comam, tingens mihi rore labellam,
Vera metes veris sic bona dona tui.

Scurra jocus.

Turbida convulsum tempestas sævit in æquor:
Urgetur vario fessa carina Noto.
Sulphureus flammis concepit pulvis ab igne
Æthereo: duplex instat utrinque malum.
Hic fera flamma necem, ast illinc maris ira minatur:
Non potuit solitos scurra tenere jocos.
Elixus quicumque mori vult, migret in undas:
Hic maneat quisquis tostus abire cupis.

De eadem.

Mobilis auratos diffuderat aura capillos,
 Innumeris gaudens implicuisse modis;
 Et vaga scintillis ardebant lumina crebris,
 Nunc nimis, heu, misero lumina parca mihi:
 Is color in vultu, qui spem promitteret ægro;
 Aut erat, aut certe visus inesse mihi est:
 Nil mortale sonans accentus vocis: at ipse
 Incessus veram prodidit esse deam:
 Quid mirum, fuerant cui mollia semper amoris
 Pectora, si subitis ignibus esca fui?

In Apostatas, quos vocant.

Miris exposita est patrum piorum
 Nunc gens ludibriis: in hanc faceti
 Vibrant scommata falsa, quos poëtas
 Calvini schola nutrit, & Luteri.
 Nec tantum stomachum movet mihi (acrem
 Quamvis id stomachum movet) beatæ,
 Sanctæ, sacrificæ, piæ, eruditæ
 Gentis opprobrium, nefanda quantum hæc
 Impudentia, quod quibus cucullus
 Olim tegmen erat, cuculliones
 Irrident Monachos, aguntque diris;
 Quæ si vota tamen cadent secunda,
 Illud præterea precamur, uno
 Censeri numero cuculliones
 Non quot sunt modo, sed quot & fuerunt.

De Catone Uticensi.

Dum Cato fortunæ rectas succumbere partes,
 Jamdudumque urbis vincere fata videt,
 Vita procul discede, potes dum libera: vixi,
 Dum vixi, patriæ; nunc mihi (ait) morior.

*Tumulus adolescentis armorum, & literarum laude
insignis: fratris est Protopopæja.*

O nostræ spes fluxa domus, florentibus annis
Præcipiti Clothus frater adempte colo.
Quo decus abscessit formæ, sperataque duplex
Gloria belligeri Martis, & arte togæ?
O utinam velut hæc mœroris pignora nostri,
Sic scalpi possent in tumulo lacrimæ.
Testetur tamen hoc sæclis breve carmen, adempto
Te mihi dimidium vix superesse mei.

Ad Lunam, votum pro Jola.

Dum Gallæ nocturna petit formosus Jolas
Limina, cor cæco tostus ab igne puer:
Huic tutum, mediæ per opaca silentia noctis,
Alma tuus splendor Luna ministret iter.
Sic Aurora, tuis quoties amplexibus hæret
Endymion, lentis tarda vehatur equis.

Amatorum inconstantia.

Sidera sunt oculi, speculum frons, purpura malæ,
Electrum crines, densæbur, ora favi,
Cinnama labra, nives cervices, mala papillæ,
Cum placita est cupido culta puella viro:
Hæc ubi displicuit, flaccescunt ubera, cervix
Lurida fit, labris spurca mephitis olet,
Fel sunt ora, hebenum dens, stantes angue capilli,
Plumbum mala, cinis frons, oculi tenebræ.

Ad rura, ubi erat Navia:

Flores beatæ dulce telluris decus,
Quibus puella molle reclinat latus,
Puella cordis lene tormentum mei:

Vallis canoros illius captans sonos,
 Servas tenelli quæ pedis vestigia:
 Arbusta, quorum dum coquit Titan fata,
 Excludit ictus spissa fervidos coma:
 Ligustra mista suaveolenti amaraco:
 Comata silva, sol vagus quam verberans
 Penetrare telis irritus tentat suis:
 Suavis ora: rivule undis vitreis
 Vultum nitentem, & astra tingens lucida,
 Claraque eorum luce purius micans:
 Ut ipse vestris æmulus tangor bonis!
 Jam nulla vobis saxa, nulla erunt juga,
 Ardere quæ non ignibus discant meis.

Ad Næviam.

Aspectu liquefacta tuo mea lumina manant,
 Quale repercussæ sole tepente nives.
 Ut scopus a telis per inane fugacibus, ictus
 Excipiunt oculis pectora nostra tuis.
 Afflatu mea vita tuo vanescit in auras,
 Ut Boreæ nebulas dissipat aura leves.
 Sol, jaculum, ventus, perstringit, transigit, aufert,
 Igne, acie, flabro, lumina, corque, animam.

De Philomuso.

Possidet insignem facie Philomusus amicam,
 Cui nitido nullus corpore nævus inest.
 Verum nulla juvat tam pulchrum gratia corpus,
 Nec Venus: exanimem, marmoreamque putes.
 Vis dicam quam te sanum Philomuse putemus?
 Stultior hic flammis Pygmalionis amor.

De Cupidine marmoreo ad fontem posito.

Adjectum fonti puerum qui retur Amorem,
 Temperet ut calidas frigida lympha faces,
 Fallitur: ille calor non his extinguitur undis:
 Neptunum in mediis ustulat ille vadis:

Afflitus at fonti latices hinc haurit, amantum
Luminibus lacrimas sufficiant ut aquæ.

Ad Naviam.

Te jurante mihi furtivæ munera noctis,
Credideram verbis pondus inesse tuis:
Et lætæ capiens vix mentis gaudia, solem
Orabam celeri conderet axe diem.
Adfuit ut demum nox fulvo optatior auro,
Nocte tuum petimus, speque jubente larem.
Inveni rigido suffultos obice postes:
Combibit & lacrimas janua furda meas.
Hæc est pacta fides? quid te fallacius una
Esse potest? recipis Nævia, nec recipis.

In Tymbogerontem.

Non facit ad proprias consulti formula lites:
Si numeres, vendit jura, latusque locat.
Ægrotis medicus oculos & corpora purgat,
Ast adhibet morbo pharmaca nulla suo.
Abstinet expositæ mercator mercis ab usu
Proventu cupiens uberiore frui.
Sic quoque Tymbogeron formosa conjuge numquam
Utitur, ast aliis ipse subinde locat.

De lacrimis Næviæ.

Nuper cum tenera mea puella
Cum quiddam improbius procax maneret,
Acri percita corculum dolore
Torvis intuita est diu me ocellis,
Tristes mox lacrimæ genas rigarunt.
Ejusque os roseum fuit repente,
Qualis vere novo est imago cœli,
Mollis cum cadit imber, atque eodem
Momento radiis fugat serenis

Phœbus nubila, tunc velut querelæ
 Dulces Cecropiæ volucris auras
 Demulcent viridi arbore insidentis,
 Sic tum lacrimulis tener Cupido
 Immersus tepidis madebat alas,
 Claro lumine sicque gestiebat:
 Accensam & face luminum sagittam
 Tingens rore, rosas per, & ligustra
 Qui cursu placidus levi fluebat,
 Mox telo mihi corda temperato
 Figebat tenues bibens medullas.

Ad Amantes.

Nullus amans posthac vereare Cupidinis arma,
 Ne fodiant pectus ignea tela tuum.
 In nos exhaustit totam ferus ille pharetram.
 In vulnus superest nulla sagitta novum.
 Jamque illi volucres, alio ne transeat, alas
 Pectoris exussit fervida flamma mei.

*De Archiepiscopo Narbonensi Simone
 Vigoræ.*

Quicumque es veterum pietate imbutus avorum,
 Pectora cui vera religione calent:
 Cui non armarint sceleratam dogmata dextram,
 Dogmata quæ serpens evomit ore vetus:
 Fer pia tura focis, & summo vota parenti,
 Gaudia quo mentis testificare piæ.
 Ecce Vigoræo meriti cumulantur honores,
 Cingit honoratas infula sacra comas.
 Digna refert tandem facundæ præmia linguæ,
 Qua stetit in tanta seditione fides.
 Desidia fueras pastorum lapsa priorum,
 Gallia: nunc hujus sedulitate viges.

Ad Cupidinem.

Esse quid hoc dicam, quod eodem tempore pectus
 Constringis glacie, atque ignibus uris, Amor?
 Ac simul accensa nobis spe concita fervent,
 Atque eadem gelido corda pavore micant?
 Anne parum id fuerat, tot si contraria amantum
 Pectoribus vigeant tempore quæque suo,
 Ni facias, ubi dulcedo est, spes, atque voluptas
 Hic sit amarities, sit metus, atque dolor?
 Respondit puer Arcitenens: via nulla salutis,
 Hæc si disjunctim sentiat ulius amans.
 Usque adeo mea sunt lethalia munera, si non
 Alterutrum sese temperet alterutro.
 Singula quæ fuerant mortem allatura, vicissim
 Si pugnent, vestræ causa salutis erunt.

Ad Naviam.

O, cui non minor est crudeli in pectore fastus,
 Quam sit in exacto corpore forma decens:
 Quæ mihi das æstu glaciem, das frigore flammam,
 Speque metum dubia, spemque timore foves.
 Cum tibi, quæ fulvo radiat fulgentior auro,
 Reddiderit canam pigra senecta comam,
 Fluxerit in rugas ubi frontis splendor aniles,
 Cui nunc Assyrium cedere possit ebur,
 Et quæ nunc geminos imitantur lumina soles
 Prefferit infirmi cana favilla situ.
 Teque aliam prorsus speculo mirabere mœrens,
 Effundes mœro talia verba sono:
 Quæ miseram stimulat non tempestiva voluntas,
 Cur prius hanc anni non habuere rudes?
 Aut hanc non repetit mentem juvenilior ætas?
 Mens mihi tunc aberat, nunc mihi vultus abest.

Ad Tabellam, in qua Nevia erat efficta.

Artis Apellææ felix quæ munere reddis
 Effigiem vitæ, picta tabella, meæ.
 Quæ veluti veros offers in imagine vultus,
 Sic dominæ mores, ingeniumque refers.
 Uris enim quoties in te mea lumina verti,
 Asperior cum sis, frigidiorque nive.
 Sicque pios in me fallax defigis ocellos,
 Ut videre malis indoluiffe meis.
 Hinc ego supplicibus te verbis stultus adoro,
 Ipsa meas surda concipis aure preces.
 Hoc uno differs, tua quod licet ora tueri,
 Quæ rigida ex oculis subtrahit illa meis.

*De Barbatilla catella, cujus tumulum lepidissimo
 Phaleucio honestavit Jo: Auratus.*

Barbatilla bonæ dulcissima Magdalenæ
 Cura, sub exigua mole catella jacet.
 Cui vivæ illecebras, & fercula grata, jocosque,
 At dedit extinctæ cum tumulo lacrimas.
 Neu solus Procyon summis honor additus astris
 Nominis æterni laude superbus eat:
 Ad cælum lepidò catulam vult Aurea versu
 Musa vocet, superet quo sua fama rogos.
 Ut veluti cunctas vincebat viva catellas,
 Mortua sic reliquas vincat honore feras.

De Crassi effigie.

Cauissidicum indocti depinxit dextera Crassum
 Artificis, quo non crassior alter erat.
 Nec licet effigiem reddat pictura, tabellæ
 Multa tamen pictæ consona Crassus habet.
 Denique picturæ est facies non æmula Crassi,
 Picturæ similis Crassus at ipse suæ est.

Ad Germanum.

Hunc tibi Toscanus donat Germane libellum,
 Quem sibi fatidicus David habere dedit:
 Hebreo ut possis Musas de fonte cadentes
 Noscere, sinceræ relligionis opus.
 Canticaque ut faleris omnique carentia fuco
 Sint non fucatæ pignus amicitie.

In Planum.

Dum multo perfusa mero convivia fervent,
 De jure est sermo semper ineptus ais:
 Sed, Plane, tu quicquid facias, quicquidve loquaris,
 Uvidus, & siccus semper ineptus eris.

De Pseudiatro.

Pseudiater letho lethalior hic jacet: ante
 Impia mors, tollens hunc modo, facta pia est.

De Cadurco ad Pe. Gerardum Vaxim,

Quam bene consuluit terræ natura Cadurcæ,
 Quæ sic innumeris dotibus una viget!
 Inprimis quicumque cupit vitare calores,
 Non alio poterit tutior esse loco.
 Mœnia namque urbis circumdata montibus altis
 Flammigeri spernunt undique tela Dei.
 Sed non illa minus tectis arcentur ab altis,
 Flaque per angustas aura benigna vias
 Omnia sed vincunt generosi munera Bacchi,
 Quæ nive cella frequens frigidiora tenet,
 Cu sedenim, pleno cui favit Copia cornu,
 Defectu gelidæ terra laborat aquæ?
 Illud magna parens providit, dona Lyæi
 Tam bona fontanis ne jugulentur aquis.

*Ad Henricum Valesium tunc Polonia Regem
designatum.*

Dat Fortuna tibi regnum, nec computat annos,
Parta sed invicta clara trophæa manu.

Ad eundem.

Prima tibi vixdum sunt limina tacta juventæ,
Æquat inextinctos gloria dives avos:
Parva loquor: quodcumque viris, quos fortibus armis
Græcia præstantes protulit. & Latium,
Contulit assiduos virrus spectata per annos,
Hoc tribuit totum prima juventa tibi.
Nec satis est: Fortuna comes virtutis honores
Accumulat, nec se vincat ut illa finit.
Quæ tibi nunc animi pignus tulit, Henrice, regnum,
Atque dolet meritis hoc minus esse tuis.
Mox annis matura tuis ubi venerit ætas,
Destinat Eoos, Hesperiosque tibi.

De Fronte, oculis, & labris Cæcilia Medices.

Frons tua non frons est, speculum sed, cujus amantum
Audaces oculos lumine cæcat Amor.
Atque oculi non sunt oculi, sed sidera quorum
Pectora flammatis ignibus urit amor.
Labraque non labra, at sunt dulcia cinnama, succis
Quorum nectareis basia condit Amor.
Sic speculum, astra, & cinnama. lumina, corda, palatum
Absumunt radiis, igne, liquore suo.

Ex Italico Bembi.

Aërias querulis mulcet concentibus auras,
Nascentemque diem multa salutar avis.
Suspirat blando fugientem murmure Chlorin
Arboreas Zephyrus concutiente comas.

Alma,

Alma Venus placido perfundit lumine terras,
 Et genitale fretum, fidereamque domum.
 Canitiem pectens antiqui conjugis Eos
 Suscitatur e molli languida membra toro.
 Excitor ut solem, cum sole oriente, salutem,
 Vistâ magis radius lumina cujus habet:
 Illum namque, polo cui cedunt sidera toto,
 Mox hujus video cedere luminibus.

Votum Paci.

Hos tibi Palladia decerptos arbore ramos,
 Quos viridis grato pondere bacca premit,
 Atque has flaventes, Cerealia munera, aristas
 Dedicat effusas Gallia scissa comas.
 Tu face discordes coëant in fœdera gentes,
 Quas nunc insanus traxit in arma furor.
 Te cupiunt, Pax alma, genus mortale, Deique,
 Mars etiam tanto sanguine fessus amat.

Ex Etrusco Franc. Mar. Molse.

Collibus amissos jam ver reparabat honores,
 Ornabaturque novo gramine molle solum:
 Atque coronato spirabat vertice odores,
 Quos tener a terra divite mittit Arabs:
 Cum nascente die violas in ferta Lycoris,
 Purpureisque legens lilia juncta rosis,
 Hæc, ait, ardoris fuerint tibi præmia fidi,
 Hisque tuas jamiam cingimus ecce comas,
 Hæc ubi nectareis effudit dicta labellis,
 Impediit nostrum flore decente caput.
 Quæque manus crines, eadem mihi corda revinxit,
 Nulla precor solvat quæ mihi vincla dies.
 Illa igitur dilecta meis plus semper ocellis,
 Hærebit tepido pectore sola mihi.

Idem alio interprete .

Ver tepidum apricos vestibat gramine colles ,
 Lætaque pingebat prata colore novo :
 Spirabatque comis bene olentibus undique odores ,
 Quos dat Arabs suavi terra benigna sinu ,
 Cum redeunte die carpens mihi sedula acanthos ,
 Purpureasque rosas ungue , Lycoris ait .
 Hos mea dextra legit flores tibi præmia amoris ,
 Jamque iisdem crines impedit ecce tuos .
 Hæc ubi vita mea est roseo dulce ore loquuta ,
 Tempora mî circum florida sæta dedit .
 Sicque meos placido sensus devinxit amore ,
 Ut cupiam nullam me soluisse diem .
 Quod superest igitur vitæ , mihi sola sedebit
 Mente immota , oculis carior usque meis .

Idem .

Colles supinos undique , & æquora
 Ver floridum ornabat novis coloribus :
 Comasque cinctum suave olenti amaraco
 Spirabat optimos odores vertice .
 Cum adhuc recenti rore sparsos flosculos
 Suo Lycoris ungue carpens sedula ,
 Mihi inquit : Hos tui amoris præmia
 Lego , & tuos jamjam ipsa crines implico .
 Ubi hæc loquuta dulce , circum tempora
 Dedit corollas : sicque grato vinculo
 Mentem revinxit , ut mihi nil gratius .
 Quare meo numquam ipsa de corde effluet ,
 Et solam amabo , & sola curæ erit mihi ,
 Solamque suspirabo amore perditus .

Ad Neviam .

Aspectu quoties in me defixa benigno
 Ora tenes oculis insidiosa meis ,

Ac.

Accedo ut narrem qualis mihi flamma medullas
 Absumat tenues, quotque quibusque modis.
 Protinus, heu, misero turbatos vertis ocellos,
 Spes timor unde mihi, vitæque, morsque venit.
 Hinc percussa micant trepido mihi corda pavore,
 Muta silet gelido lingua retenta metu.
 Qui calet, huic animo defunt sua verba: fateri
 Qui potuit flammæ, uritur igne levi.

In Atimum Parodia ex Catullo.

Atimus ille, quem videtis, hospitum
 Ait fuisse proxenos sacerrimus:
 Neque ullius latronis improbas manus
 Nequisse præterire, sive per diem
 Opus sit harpagare, sive noctibus.
 Et hoc negat tui accolas Avenio
 Negare pontis, & fluentia Rhodani,
 Lotumque flumen, horridos Lemovicas,
 Trucem utriusque Gallici & sinum freti:
 Ubi iste post disertus, antea fuit
 Scholæ magister: atque candidas super
 Nates calente sibilum edidit flagro.
 Vadose Sequana, & frequens Lutetia,
 Tibi hæc fuisse, & esse cognitissima
 Refert Atimus: ultima ex origine
 Tua inquit ampla permeasse pulpita,
 Tuisque pectus imbuisse dogmatis:
 Et inde mentis impotentia scholæ
 Dedisse jura, læva sive dextera
 Rogaret æra, sive utramque nummulis
 Crumena dives incidisset in manum.
 Neque ulla vota Plagiariis Deis
 Sibi esse facta, venit ut Lutetia
 Novissima hunc ad usque turbidum Lotum.
 Sed hæc prius fuere: nunc libidine
 Calet furente: seque dedicat tibi,
 Amica fœtida, atque amica fœtidi.

De Hermogene pessimo poeta.

Quæritis, Hermogenes qua sit ratione poëta,
 Cui de virginibus non favet ulla novem?
 Cui sterile ingenium, cui turbida vena, leporum
 Quem fugit & Charitum laudis amica cohors:
 Cui nec candor adest, refugit quem pura venustas,
 Destituunt numeri, destituuntque pedes,
 Et quicquid sæclis commendat culta futuris
 Carmina Parcarum non subitura colos.
 Quis tamen hic, vacua nullus cui nummus in arca,
 Quin dici possit jure poëta, neget?

*Genethliacon Pauli Toscani infantis, ad Laurentium
 Toscanum ejus patrem.*

Laure, decus lauri, Toscanæ laurea gentis,
 Aurea Laurentum stemmate progenies:
 Cujus inextinctæ longo virtutis ab ævo
 Gloria ab invidiæ fulmine tuta viret.
 Te genitali alvo generosum semen Janthis
 Concipiens, patris nomine casta beat.
 Nunc tibi, Paule puer, ducentes pensa sorores
 Stamina Phryxæo vellere longa neant.
 Ut facie matrem, referas sic mente parentem:
 Quin faciem, & mores fingat uterque parens.
 Vir colat ingenium, formam optet femina: natum
 Sic decet e lauro, sic decet e viola.

In Planum.

Nomen honoratum prætendis tectus ab omni
 Infamis macula criminis, atque doli.
 Corpore te jactas, ignave, καλῶντε μέγαντε:
 At tibi sub vasto mus elephante latet.
 Tene putas summis digitis Cicerona tenere,
 Qui mera rura crepas, barbaricæque meram?

Consulti titulum jactas: prudentia juris,
 Stulte, nec in somnis est tibi visa semel.
 Non sapiens, nec homo es, nec doctus: sed simulacrum
 Falsum hominis, docti, vel sapientis habes.

Genethliacon Lucioli Toscani.

Lucis Luciulus recens in alma
 Venit lumina, lucidumque solis
 Jubar purpureo aspicit renidens
 Ore, quo patriæ decusque frontis,
 Et matris facies nitet venusta.
 Nunc partum aureolum, bonæ Camonæ,
 Vos vestro ambrosio sinu fovete:
 Et Parnasside roscidum labellum
 Irrorate lacu: tenella membra
 Grato spargite Gratix liquore,
 Et vestris caput impedit fertis,
 Putris quæ caries, situsque priscus
 Frustra moribus irritis laceflunt.
 Paulus cernitis ut tener sereno
 Spectat lumine, noscitaturque fratrem?
 Blanditurque suisque majus annis
 Effert ingenium? Editi beato
 Nati fidere, patruī voluptas
 Magni, curaque dulcis, inclitæque
 Spes haud fluxa domus, benigna vobis
 Fila lanificæ neant sorores,
 Annos ut simul, arduamque avorum
 Virtutem superetis, atque honores.

In discessum Jo: Poteri, & Gerardi Vaxis.

Musæ, quæ comites meo Potero
 Itis, & comites meo Gerardo,
 Solitudinis, ac mei doloris
 Ecquid vos piget, ægritudinisque?
 Dum sodalitio, ah miser, miserque,

Tam

Tam dulci viduatus acri in horas
 Cura differor, & gravi dolore
 Æger discrucior fere perosus
 Vitam. Sed tamen, o bonæ Camœnæ
 Faustis gressibus ite, & auspicaris,
 Et patrocínio pio, ac fideli
 Per tam difficile, atque senticosum
 Iter candidulos meos sodales
 Tutos sistite: sævientiumque
 Arcete insidias procul latronum,
 Duris ingenuum latus tuentes
 A mucronibus: ac meis favete
 Votis, quæ tacito anxius labello
 Suspendi, capiti utriusque caro
 Formidans: male: divitis Tolose
 Cum muros peterent acuta belli
 Per discrimina, civicosque motus:
 At vos interea bonum Poterum,
 Et tractare fides cæcum Gerardum
 Toscani memores magis magisque
 Indies facite: improbo dolori
 Ut solatiolum piis tabellis
 Præstent: ac lepida adlocutione
 Abstergant lacrimas meis ocellis.

*De Henrico Valesio Gallorum Regis tunc fratre, & Jo:
 Austriaco fratre Regis Hispaniarum.*

Sunt gemini juvenes nostri laus unica sæcli,
 Qui pariter claro Martis honore vigent.
 Hic decus eximium Gallis, decus alter Iberis,
 Austriacæ columen, Valesiæque domus.
 Regibus ambo sati, fratres sunt Regibus ambo,
 Aptior hic terris vincere, at ille mari.
 Henricus populos domuit virtute rebelles,
 Dum stabilis fratri regia sceptris suo.
 Sed Janum extremi vires Orientis, & Indos
 Adria mergentem vidit, & obstupuit.

Quæ-

384 J O: M A T T H Æ I
Qualia facta dabunt, aderit cum fortior ætas,
Cœperunt quando talibus auspiciis?

De Viventio Rubione Medico, ac Poëta.

Quod facis æternis mansura poëmata sæclis,
Quodque affecta tua membra levantur ope.
Hoc commune tibi est ipsi, Viventie, Phœbo,
Cujus sic gemina pollet in arte decus.
Auratam tractare chelyn, tractare potentes
Herbas, hoc Phœbi munere utrumque tuum est.
Utque salutiferis vitam producere succis,
Sic vitam doctis scis dare carminibus.

De Oratore Argivo.

Venerat orator Lacedæmona missus ab Argis,
Cui fuerat fuco candida tincta coma.
Dumque hic ad patres ingenti personat ore,
Intonat & medio fortia verba foro:
Hujus ut advertit capitis mendacia cani
Archidamus patrii gloria rara soli,
An (inquit) cives, ipso qui est vertice mendax,
Illius verum promere lingua potest?

In Planum.

Quod virofa Planus liventi scommata lingua
Vibrat, & in cunctos sæva venena vomit,
Omneque sacrilego nomen temerarius ore
Vellicat, & famæ publicus hostis adest,
Ne scelus esse putes: nam qui male ab omnibus audit,
Cur bene de quoquam cogitet ille loqui?

De Catone Uticensi.

Cum sua strinxisset subitum viscera ferrum,
Utere, ait, forti vulnere dextra, Cato:

Quid

Quid me ultra vixisse juvet, si vita Catoni
 Libera præcisa est, serva decora parum?

In Virianum Pseudopoetam.

Carmina cum recites Musis, nec Apolline digna,
 Digna sed æquoreo, Lemnicolave Deo,
 Quæ tibi Tartareæ distant, Viriane, sorores,
 Ex quo Lethæo proluis ora lacu:
 Excusare putas, quod nata ex tempore jures,
 Visque latere brevi crimina testâ mora.
 Ut sit vera, tamen causa est, quam neætis, inanis,
 Constaret gratis cum tacuisse tibi.

De Poetis.

Quisquis desidiam, jocumve ducit,
 Inertisque opus otii Poësin.
 Fallit hunc ratio: nec ille vivos
 Ungues rodere scit, suam retexens
 Telam, Penelopes modo, inchoatam,
 Nec damnare semel probata, rursus
 Prosum vertere cœnties lituras.
 Hæc ducas nihili, præut domanda
 Quæ sunt monstra, novum simul prodivit
 Rasum pumicibus cavis poëma:
 Qua tunc, qua miser æstuatione
 Vates afficitur notam severæ
 Censuræ subiens! hiulca damnat
 Hic, ast ille locos minus patentés,
 Quos non percipit, improbat malignus.
 Hunc non asperitas juvat, sed alter
 Carpit quæ placido fluunt tenore:
 Illi verba minus placent, nec istum
 Delectant numeri: ergo judicantur
 Quot dicax variis cohors palatis
 Dissentit, totidem miscellus auctor

Maſtatur crucibus: quibus licebit
 Addas pauperiem, comes quæ adhæret
 Numquam diffociabilis Camœnis,
 Laſcivi & petulantiam popelli
 Jocis excipientium dicata
 Muſis peſtora: quæ moleſta quanquam
 Sunt incommoda, nil tamen poëtæ
 Ipſo nomine pejus eſt poëtæ.

De Celere Alchumiſta.

Verſutus fatuo Celer Fabullo
 Dum ſuadet ſcleratus Alchumiſta
 Parvo, perfacilique poſſe ſumptu
 Plumbeas patinas, probum, ac probatum
 Argentum fieri, aureis trecentis
 Emunxit ſtolidum: & fugam capeſſens
 Plumbeas patinas quidem reliquit,
 Aſt ipſum mage plumbeum Fabullum.

Ad Beatum.

Cum ſummis opibus cari pia vota parentis
 Nil aliud poſcant, doctæ Beate, tui,
 Quam te, Teſtoſagum ut reddentem jura ſenatu
 Mirentur proceres, purpureique patres,
 Nocturnis pallere libris, pallere diurnis,
 Et ſtudium chartis invigilare tuum,
 Quid mirum chartis ſi te luſiſſe jocofis,
 Tædia cum peperit ſeria charta, juvet?

Vale dicimus ſtudiis poeticis.

Procul Camœnæ, abite putidæ procul:
 Valete ſumma Phocidos cacumina:
 Valete opaca fontium cubilia:
 Valeto cultus hortulus Dioneus:
 Jambe præpes, & levis Phaleucie,
 Joci lepore tinſti, & Attico ſale,


Pedesque Musa flexilis per undecim,
 Canens potentis aureum Cupidinis
 Brevi, sonove longiore flammeum,
 Hyantiosque temperatus ad modos,
 Gravisque garrulæ valc sonus lyræ:
 Valete culta cuncta Delii metra.
 Quibus sed arte conterenda musica
 Amica dantur affluenter otia,
 Ad hos abite, vos eis relinquimus:
 Et ad beata vela pandimus freta:
 Dei videre sacra pectus orgia,
 Patrumque nosse docta dicta postular,
 Patrum, reclusa corda sunt quibus fide,
 Sacrique luce sunt rigata flaminis.
 At o profana cura mollis otii
 Procul Camœnæ abite putidæ procul.





GASPARIS TRISSINI

VICENTINI.



Ad Aloysium Trissinum.

Aloysium pingo: Phœnicem hospes lege
 Ingeniorum, amicum Musis, & Palladi.
 Unum; Ephebus omnes complexus artes prope.
 Pæonia pariter clarus, & Meonia:
 Invidit terris parca sed tantum decus,
 Nam jubet hunc quinto lustro canere inter Deos.





M. ANTONII TRITONII.




De Victoriâ contra Turcas.

Dilectæ miseranda Cypri dum funera cernit
 Alma Venus, roseum os lacrimis suffusa decoris,
 Ingemit, & liquidum singultibus æthera complet.
 Sed pater omnipotens celsi Regnator Olympi
 Parce malis Erycina, inquit, formosa, querelis:
 Me quoque quos fœru profudit terra nefando,
 Ter sunt conati æterna depellere sede,
 Arida ter diræ detrusi in viscera matris.
 Pulchrum, nata, tuum vastet gens barbara Regnum,
 Et mea Græzæ cunabula terreat idam,
 Illyricos penetret scopulos, abducat opimam
 Bellatrix prædam, & magnum tremefecerit æquor.
 Vidistin' nostri sublimi nube ministram
 Fulminis in saturas infelicesque volucres
 Descendentem Aquilam? talis de litore Ibero
 Austriacus juvenis, tuus, ingens Carole, sanguis,
 Virtutem ob summam Cœlo decus addite nostro,
 Fertur in adversam classem majora paternis
 Viribus atque animis meditans, huic aurea rident
 Sidera, dat cursus Zephyri levis aura secundos,
 Et placidi hiberno subsidunt tempore fluctus.
 Monstra cadent inimica mihi: pars brachia vinclis
 Assuescet, piceo pars cæsa vorabitur igne,
 Sanguine permixtas proprio pars hauriet undas:

Cyclades è pelago attollent capita admirantes.
 At puerum latis victoria conteget alis,
 Felicem puerum, Duce quo mihi Gnoſſia tellus
 Tuta ſatis: tu Diva Paphon, atque alta Cythera,
 Juno Samon, Phœbus Pindi juga Pallas, Athenas
 Læta coler: poſito flaveſcent ſecula ferro.
 Sic ait, & nūtu Stellanrem concutit Orbem.

SEBASTIANI TROMBETÆ

CYTHERNENSIS.



Ad Scyrum Durantinum.

MUnera, felle carens, tibi dono, carentia felle:
 Accipies igitur munera felle carens.

Hippolyta Balione. Tumulus.

Ingenio Pallas, formâ Venus aurea, Juno
 Imperio; æternæ me coluere Deæ.
 Motus ob id, niveo Ganymedi dempſit honores,
 Me rapiens rerum ſummus ad aſtra pater:
 Cui libata damus roſeis carcheſia labris;
 Propter id æthereo jubila dante choro.
 Famineum lætare genus, lætare virile:
 Nam tibi fulmineum conciliabo Jovem.

Petri Ricobaldi tumulus.

Religionis honos ſincerus, & inclyta Virtus
 Marmore ſub Pario ſtat, Ricobaldus ubi.
 Fortunate lapis: tumulo præſtantior omni:
 Claudis, Volterræ quicquid honoris erat.



JULII ASCANII TUCCII

CREMENSIS.



Duellum Scacchorum.

Tecum militibus gestio buxeis.
 Jam conferre manum, Prætor amabilis,
 Quamquam Regibus Indicis
 Contendas melius, seu
 Tu ducas pedites, sive equites trahas:
 Sint omnes nivei, sintque licet nigri,
 Prostrernam tabulis tamen
 Instruâs acies, vel
 Confundam cuneos, agminaque omnia.
 Quis tandem validis curribus obviam
 Accedet sine sanguine,
 Quin saltem capiatur?
 Rex lætus veniet prælia in ardua,
 Et tuto intrepidam tramite conjugem
 Ducet non metuens minas,
 Ipsos forte nec ictus.
 Sic freti domini milite non pigro
 Armorum subeunt magna pericula:
 Imbellesque cadunt viri,
 Et dant fortibus arma.
 Si Regina suis septa cohortibus
 In densas acies ipsa superbiens
 Hostes per medios viam
 Prorumpens faciet, tum

Bb 4

Quid

Quid dices? minimum signifer albicans

Conversis pedibus subsidium feret:

Cernes namque meos duces

Punctim tela movere:

Non tantam in Phrygio *Æacides* ferus

Patravit rutilans arma micantia

Cladem, quando neci dedit

Disticto *Hectora* ferro,

Quantam per niveas gens mea copias

Ingenti strepitu conficiet nigra,

Dum matrona potens suo

Irrumpet peditatu.

Ergo, quando mihi congregier voles

Jam cautus pedites expadies tuos.

Impelles celeres Equos,

Turritas quoque moles,

Bis fusci pedites quattuor impetu

Binis signiferis, atque Elephantibus

Binis, indomitis Equis,

Nec non cum duce fusco,

Invadent alacres castra tua, & viros,

Telluremque regent militibus tuis:

Et Regina decus feret

Nobis sæpe triumphans.

Tum, Cernite, tuus Rex stupidus fugâ

Conversâ veniam forte meo Duci

Deflexis genibus petet,

Se victum quoque dicet.

Quid? rides ne? putas hæc fore somnia?

Plus centum procures, crede mihi, graves

Nobis exuvias suas

Victi deseruere.

Hispanus veniat miles, & *Æthiops*

Ipsi terribiles vel cuneos ferent

Immitis *Darii*, ab *Jove*

Artem qui didicerunt.

Vis promptum manibus forte *Vicarium*?

Aut tecum validum ducere judicem?

Quid

Quid tum? nostra manus premet

Certe albentia castra.

Nam fossi pedites vulneribus fugam

Quærent, si poterunt: Jussus eques meus

Hos mucrone petet, vel hos

Hastâ: denique cedit.

Haud credas, oculis ni videas tuis,

Cunctis quam valeat gens mea præliis,

Dum palmam referunt domum,

Nec non multa trophæa.

Nam campi in medio sæpe capit ducem

Album noster Eques: ponit & exitum

Magnis litibus hostium

Tendens ad nova bella.

Thraße ne videar, qui sibi gloriam

Adscribit nimiam, jam veniant cito

Ad certamen atrox tui:

Nam res verba sequetur:

JO: ANTONII TURCI.



De Hieronyma Columna.

Fulgida nunc terris, & tam speciosa moratus

Quæ facies, præstans sideribus nitidis!

Ipse procul dubio divino semine natam

Credam: mortalis mos, neque forma patet:

Corpore formoso incedit, vultuque venusto,

Junonis dici possit ut illa soror.

Quum contemplatur Cœlos causasque latentes;

Ejus virtutes miror, & ingenium.

Amplius haud poteris primas Tritonia partes:

Jure sibi primum vindicat ista locum.

LECTORI.

CArmina nonnullorum Poëtarum in octava, & nona hujus Operis parte, nescio quo fato, prætermissa, hic addenda mandavimus. Lectorem admonendum esse putavimus de hac re, ne inversione servati hucusque ordinis permotus, nostrum opus, minus apud illum commendationis haberet.



DIOMEDIS SALÆ

BRIXIANI.




De Torquato cui Spinula Epitaph. inscriptit.

TOrquati jacet hic corpus, nomenque sepultum,
 Horum unum extinxit Spinula, mors aliud.
 Tune igitur credis laqueos fore vincula Amoris
 Ornite, quos citharæ nectit Hyella tuæ?
 Falleris, illa tibi prædicunt improbe lethum,
 Tale tuum nexo gutture funus erit.


Ad Hippolytum Corsinum.

Ver quot habet flores, pisces mare, sidera cœlum,
 Tot simul atque aliis dotibus ipse nites.
 Sed quia non dextro meditatur Apolline carmen
 Spinula, virtutes non capit ille tuas,
 Ut tamen ingenui des munera Mæcenatis,
 Ille tibi tumulum condidit ante diem.
 Ille tibi tumulum vivo? procul omen abesto,
 Nunc Corsine tibi Spinula ait, morere.





MAJORANI SALENTINI.



De Bessarione Nicæno Cardinali.

Vivens adhuc feci hoc sepulchrum Corpori
Bessario, ad Deum remittens spiritum.
Me docta genuit Græcia, at honores dedit
Urbs Roma, quæ mihi perpetuo est patria.

EUSEBII SARRINI

FLORENTINI.



Constantinus Lustratus.

BAlnea Porfennæ, studio quæsitæ salutis,
Aut ea, quæ cohibet Bajarum littus amœnum,
Non ego depromo, lustralem prosequor undam,
Qua Constantinus, quem Flavia dives avorum
Progenies duxit, mentem renovavit, & artus.
Musa virum nosti belloque, togæque potentem,
Imperio dignum, cujus pietate trophæo
Se Crucis inclinant Aquilæ, fascesque Quirini.
Postquam Romanus victor conterruit orbem,
Laurigerosque tulit, populo spectante, triumphos,
Et

Et regum gazas, & opes convexit in Urbem,
Quas habet Ægyptus, quas regna Asiatica mittunt,
Christiadum sobolem spernentem Numina gentis
(Ingens namque Deum auspiciis felicibus auctum
Credidit imperium) necibus disperdere tentat.
Hinc furor exacuit gladios, aciesque furentes
Evocat à Stygiis, sociosque Acherontis obarmat,
Quos ciet in miseros, qualis stimulatur acutis
Missilibus ferus ad Circi spectacula taurus.
Haud mors una satis. Nova per tormenta necare
Nititur impietas: lascentes nomine solo,
Quo crucis invictæ inreperidè vexilla sequuntur,
Æstimat esse reos. Anni videre trecenti
Jugiter innocuo rorantem sanguine terram.
Quando sibi pacem diro spondere sub hoste
Quivissent? Quando ærumnis imponere finem,
Ni Constantinus, quem primum habuere Britannum,
Compositis rebus vindex aliquando fuisset?

Prole tua felix Helene, lectissima conjux
Belligeri Chlōri, cui natum fœra dedisti,
Qui regeret Latii molem, Divis que subactis,
Christicolis daret æterno cum fœdere pacem.
Hic teneris infans, te matre, exugit ab annis
Candidulos mores. Vitiis non laxat habenas,
Blanda voluptatum Siren convellere castum
Pectus nequicquam tentat: Munitus abundè
Egregiis monitis prudens inclinatur ephebus
In Christi legem, nomen quandoque daturus.
Græcis excolitur studiis, pariterque Latinis;
Eloquio præstat; non verba, sed aurea tela
Dulcior Hyblæo jaculatur nectare lingua.
Par studiis virtute pari gerit ardua bella:
Militem sequitur pubes orientis in oris.
Missus in indomitas gentes, populosque rebelles
Perdomuit ferro. Melius te nemo, Galeri,
Novit, quem juvenis virtus, generosaque dextra
Flexit ad invidiam. Tentasti hunc perdere fraude,
Qui tua bella tegit, veluti sol aureus astra

Luce sua fugat. Illius tu Sarmata durum
 Per tua transfixum sensisti viscera ferrum;
 Atque tuum regem. juvenis virtute fugatis
 Barbaricis turmis, vidisti more ferarum
 Ire catenatum ad victoris Cæsaris ora.

Hic addo geminos reges, qui florida regna
 Gallorum necibus passim, crebrisque rapinis
 Vexabant. illos contra processit, & ambos
 Vicit, eosque feris in circi objecit arena.
 Compeillare libet te Maximiane superbe,
 Dum vis Herculeus dici, Alcideque videri
 Te leporem præstas. Hujus superatus ab armis
 Massiliam trepidans fugis, obsidioneque pressus
 Desperans trabe te laqueo suspendis ab alta.
 Nequicquam innumeros pedites. equitesque paravit
 Adversus Ducis invicti Maxentius arma,
 Hic mage luxuria, diraque tyrannide notus,
 Qualis sanguineus lupo insidiatur ovili,
 Divitias, & opes hiat, humanumque cruorem.
 Clade Senatores, atque ex omni ordine cives
 Sternit, ut ipsorum spoliis diretur, & auro;
 Acris insontes cruciat, Christumque perosus
 Ejus oves mactat. Quid Constantine moraris?
 Aspicias Ausoniam quo sit sub cardine rerum?
 Indignis oppressa modis gemit inclita Roma.
 Scissa veste, comis laceris, lacrimosaque vultu
 Poscit opem supplex, Gallis, occurre, relictis,
 In te Dardanii spem concepere Penates.
 Ne renue, armatas acies promittit Olympus,
 Pugnabunt Superi, pugnabit lucidus æther.
 Aspice purpureum cælum, Crucem in aëra cernes
 Ex radiis lucis pictam, tituloque notatam
 Hoc: Vince, Hoc uno signo certamen inibis.

Nec mora: Dux acies navus componit, & alpes
 Transilit incanas nivibus, glacieque rigentes,
 Et celer Hesperiam venit, adversasque phalanges
 Gressibus obstantes frangit, penetratque Latina
 Littora, qua Tibris limosis volvitur undis.

Tu mihi testis eris pugnae Tiberinae cruentae,
 Tu, Constantino gladium vibrante, tyrannum,
 Adversasque acies, rupto molimine pontis,
 Cæsas vidisti rubro sub gurgite mergi.
 Ultoremque tuum sublimem inferre triumphum.
 Numinis auxilio plaussit victoria regi:
 Gratus at ille Deo seductæ Dæmonis arte
 Abrogat errores gentis, totumque per orbem
 Jus amplexandi legem, documentaque Christi
 Omnibus impertit posita formidine pœnæ.
 Tum bona Cristicolis avidis ablata rapinis
 Restitui iussa, ac ipsis loca publica reddi.
 Unde Crucem Cæsar, sævum qua vicerat hostem,
 In Labarum vertit, gemmisque, auroque micante
 Eximie ornatam longa defigit in hasta,
 Cujus velamen crispans de vertice pendet.
 Hoc frerus signo pugnas feliciter explet,
 Et jubet hoc unum, haud Aquilas præcedere castra.
 Ut quoque tergeminos ea crux perferret honores,
 Ipse sibi statuum media Dux victor in Urbe
 Erigit hoc signum dextra sublime tenentem,
 Et gerit in galea sculptum, dum pugnat in hostem.

Rumpitur invidia Serpens virosus Averni,
 Atque dolos versat, divinus ut obruat Heros,
 Quem ciet incautum ad crudelia funera. Natum
 In primis Crispum nulli probitate secundum
 Et lacrimis Helenæ dignum. Licinumque nepotem
 Occidi jubet: Hic Fausta insidiante necatur.
 Utrosque Augustus reputarat fascibus aptos
 Imperii; Cæsar fuerat jam lectus uterque.
 Perdit & uxorem Faustam in ferventibus undis;
 Hac nece digna fuit, quam cæca libido perussit.
 Privignum Crispum, cujus languebat amore
 Detulit ad regem falso velut altera Phædra,
 Ac si tentasset lectum violare paternum.
 Hæc male fœdarunt horrenda piacula nomen
 Principis egregii jam multa ætate gravati;
 Non secus, ac lolium infelix, & inutilis herba

Sponte probas inter fegetes, ac inter aristas
 Frugiferas oritur, vitiorum prava repente,
 Inter virtutum decora, ac victricia signa,
 Semina rupere. Hæ maculæ, ut nec menstrua luna
 Plena suis caret, obscurant illustria facta.
 Tot cædes infandæ qua ratione pientur
 Rex a Flaminibus quærit; Num fluminis unda,
 Igneve, seu lauri suffitu, aut sulphure tetro
 Purgentur scelera. At frustra lustratio gentis,
 Præter quam statuit Christus Jordanis in amne.

Interea iratus stellata vibrat ab arce
 Sæva flagella Deus, si fors Dux ille rediret
 Ad mentem. Scabies ex atro bilis oborta
 Humore invadit corpus; cutis undique crusta
 Deformi induitur, carnem prurigo laceffit.
 Hanc speciem morbi lepram dixere Latini.
 Quid faciet Cæsar? Regni tutela putatur
 Majestas oris, sceptrum, ac diademate digna,
 Ac magis in regem populi conjungit amorem.
 Ex aula prodire rubet, premiturque dolore,
 Dum videt in speculo vultum, nolletque videri.
 Curæ exire jubent, species turpata latere,
 Quærantur medici, si quam conferre salutem
 Augusto valeant, ac primam inducere formam.
 Docti in haruspicio suaserunt triste lavacrum.
 (Horresco referens) puerorum ex sanguine. Jamque
 Exiguæ fortis pueri in regione, locisque
 Finitimis Latii quærantur. Matribus aurum,
 Donaque lictores Augusti nomine spondent.
 At matres palmis deturpant ora, solutis
 Crinibus, atque sinum lacrimis manantibus implent,
 Cæsaris ante fores veniunt, ululatus auras
 Æthereas feriunt. Argenti, auriqve metallo
 Non trahimur, clamant, Soboles concessa Deorum
 Munere divitiæ nostræ sunt. Sensus inhorret
 Imbeiles pretio jugulandos prodere natos.
 Quæ fera, quæ tygris, quænam violenta leona
 Non catulos alit, & vitam tueatur ab hoste?

Nosque neci dabimus caram sine crimine prolem?
Quid lactasse juvat, rigidos ut inebriet enses
Innocuus sanguis? Pœnæ renouentur ut alvi?
Felices steriles, matres utcunque beatæ,
Mors quibus in cunis natos sine vulnere ademit.
Si pereant, quis erit tremula adveniente senectâ
Præsidium nostrum, quis nos relevabit egentes?
Aut alimenta dabit? Cum mors pulsaverit ædem,
Quis nobis oculos claudet? quis munus obibit
Funeris, & cineres lacrimarum condet in urna?
Si pueri, ac matris naturam sanguis eandem
Obtinet, ex nostro faciat sibi sanguine Cæsar
Balnea: Dum pueri vivant, nos usque libenter
Offerimus nostram Augusto pro Cæsare vitam.

Hic gemitus matrum illius pervenit ad aures,
Quem necis infantum miseret, miseretque parent.
Queis dedit & nummos, lacrimas solatus obortas
Sic igitur Princeps motus pietate refellit
Consilium dirum, ac mœrens hæc jactat in aula:
Fretus haruspiciis sternam tot cædibus agnos?
Multorum vitam primo sub limine vitæ
Aufertti patiar, scabie mundetur ut unus?
Satque manus (fateor) carorum sanguine lavi.
Tingere me rursus puerorum velle cruore?
Si faciam, potero certam sperare salutem?
Undantes matrum lacrimæ, tum stridor ad astra,
Et cruor infantum clamabunt Numinis iram.
Una salus mihi vel facili medicamine detur,
Aut vadam Manes lepra consumptus ad imos.

Has inter querulas voces nox appetit atra,
Quæ mulcet curas, mulcentque silentia somnos:
Ecce senes bini medio sub tempore noctis
Cana fronte, sua quoque majestate verendi
Apparent Regi in somnis splendore micantes,
Quem placido aspiciunt vultu, ac talia fantur.
Quis tam barbaricam tibi Constantine medelam
Consultuit? Quis eam dirus persuasit haruspex?
Quæ te lepra senem cruciat, carnemque lacerat

Indicium morbi præfert sub corde latentis:
 Utraque non medica dextra, non sanguine puro
 Tollitur infantum, eluitur Baptismate Christi,
 Accipe consilium: Sylvester in urbe Sacerdos
 Christicolis præest, qui montis Soraëtis in antro
 Nunc latet, ut sævos hostes, gentisque furorem
 Effugiat, donec fœcunda Ecclesia prolis
 Concipiat pacem Excetræ cervice recisa.
 Hunc exquire virum, & quicquid tibi iusserit, exple
 Hæc ubi dixerunt, caput occuluere coruscant
 In nubem, ac gratum thalamus spiravit odorem,
 Qualem dives Arabs austris perflantibus haurit,
 His alacer monitis larebras exquirere Cæsar,
 Vestigare specum montis, lustrare recessus,
 Si fors inveniat, quem non temeraria noctis
 Somnia, sed nitidi produnt Oracula cœli.
 Invenit ergo. virum accersit, nocturnaque visa
 Pandit. At ipse duas quibus est reverentia vultus
 Exerit effigies pictas, profertque videndas
 Augusto: Hos geminos, inquit, sub lucis amictu
 Spectasti in somnis Patres, fideique Magistros.
 Hic prior est Petrus tantum subvectus, ut inter
 Mortales positus, collactis Clavibus, arcem
 Pandat ad arbitrium cœli, occludatque; sed alter
 Est Paulus Gentis Doctor, qui raptus ad astra
 Arcana audivit non committenda profanis;
 Incolumis fies, horum si jussa sequaris.

Protinus Augustus commissa piacula sacro
 Christiadam statuit ritu purgare, sed ante
 Lustralem fontem septem prius ille diebus
 Sylvestro admonitus fletûs se proluit imbre,
 Structosque Ægypti currus, inimicaque castra
 In Mare præcipitat Rubrum, culpæque peractæ
 Pœnitet. At precibus cœlos Ecclesia pulsat,
 Ut maculas gemina lepræ luat unda salubris.
 Excitat ergo penes Laterana palatia Romæ,
 Exornatque locum in sphæræ, formamque sepulchri
 Desuper extenti, septisque benè undique clausi,

Petque gradus molles sensim itur ad ima locorum,
In medioque solo ex pario stat marmore crater
Ingens plenus aqua redolenti ex chrismate mixta.

Ultima lux aderat, cum sacro fonte lavandus
Augustus venit. Famulorum ad munia cœtus
Promptus adest. Alii sustentant Cæsaris artus:
Vestimenta trahunt alii; pars altera servant;
Linthea pars manibus gestat candore nivali,
Sacraque mirantur reliqui mysteria Genti
Ignota. In Triadis divinæ nomine Mystes
Augusti corpus vitalem mergit in undam;
Verbaque dum profert, splendor (mirabile visu)
Affulget; Qualis scena exornata figuris,
Cortina amota, inter lumina mille renidet.
Dux operante Deo mundatur: Bimus ut infans
Exit aquis, lepræ squamis in vase relictis.
Non clamyde induitur picta, sed vestibus albis
Prodit: & ipsa suo conspecto Principe Roma
Læticia insolita gestit, Soteria vovit;
Crescit in Urbe fides, Cœli Capitolia plaudunt.
Solibus hic septem albenti comparer amictu,
Ac pro Christigenis leges, decretaque condit.
Qua paret imperium edictis idola refellit,
Unigenamque Dei promulgat ubique colendum,
Quique laceffissent ejus venerabile nomen
Ad pœnam poscit: Sacrisque, Deoque vacantes
Immunis sancit, cumulatque favoribus amplis.

Jamque octava dies cœli rutilabat ab axe,
Cum positis albis, Petri procedit ad urnam;
Illeque non clamyde ornatus, nitidaque corona
Designat spatium templi, arreptoque bidente
Primus humum fodit; egestæ sustollit onustos
Bis senos humeris cophinos telluris, & æquat
Discipulos numero, ac tali dignatur honore.
Multaque Cœlicolis diversas ille per urbes,
Perque loca imperii extruxit pulcherrima templa
Ingenti sumptu, ac donis regalibus auxit.
Sed quibus officiis, & qua pietate colenda

Sit Romana Fides, ac Sponsa obnupta Tonanti
Principibus reliquis præluxit Flavius Heros.

*Lacrime Beate Maria Virginis quærentis
puerum Jesum.*

Alma Dei Mater regum generosa propago
Davidicæ prolis, niveoque pudore decora,
Dicere fert animus fletus, lacrimasque rigantes
Ora, sinusque tuos, amisso pignore Nati.
Te duce, si nostram non dedignaris avenam,
Prosequar, atque tibi pangam lacrimabile carmen.

Ingenui pueri Nutritor, & inclita Virgo
Deferere admoniti in somnis te Nazara felix,
(Felix illius lare, qui sine limite regnat)
Arripiunt iter occultè, noctuque recedunt,
Maturantque fugam, decernunt regna Canopi
Tangere, siqua fides adsit, pietasque sub axe
Barbarico detur. Per calles, perque viarum
Arcta meant, quos una regit clementia Patris.
Sedulus at Custos humeris quasi maximus Atlas
Advehit infantem gratum sine pondere pondus,
Alternaque vice hunc Mater sustollit in ulnas,
Ac illi interdum delibanda ubera præbet.
Niliacæ tandem contingunt Iſidis oras
Ignori Herodi meditantî invadere, sævus
Ut lupus, imbelles agnos: Dum cara Tonantis
Exoritur soboles regalis culminis hæres,
Ille sui regni metuens amittere jura
Horribili infantes sugentes ubera matrum
(Ofuror immanis) molitur perdere clade.
Nobilis interea septem puer egerat annos
Exul in Ægypto: Defuncto jamque tyranno,
Unaque addicto æternis cruciatibus Orci,
Regna Palestinæ, carosque videre Penates
Contendit. propriamque redux vectatur ad Urbem.

Nunc decet egregiam nobis infantis adempti,
Quam pia suspirat mater, describere formam.

Præ-

Præstabat nitidis oculis, vultuque sereno,
Atque genis roseis, quales non Cous Apelles,
Nec minii color expinxit, decor ipse pudoris
Purpureo tanquam velo contextit utramque;
Ac divinus amor reliquos afflavit honores
In faciem pueri; nam labra rubentia vincunt,
Quæ dives mittit pretiosa corallia Persis,
Aut mare fert Rubrum. Dentes levore micantes
Credideris totidem positas ex ordine gemmas,
Aut ebur exectum, nigris quod fertur ab Indis.
Regia majestas puerili effulget in ore,
Flavaque cæsaries longis obducta capillis
Flectitur ad molles humeros non illita fūco.
Rarus & ambrosius sermo, tum gratia fandi
Attrahit, ut magnes ferrum, torpentia corda.
Talis erat Jesus bis senos vêtus ad annos,
Cernere quem cupiunt omnes, cupiuntque parentes,
Amissum quærunt; deducunt fletibus horas.

Ad Solymæ templum toto venerabile mundo
Lex verus urgebat populum remeare quotannis,
Nec sine muneribus Domino apparere licebat.
Quid puer hic faceret? Legem qui solvere nescit
Proripit ad templi se cum genitoribus ædem:
Ille moras tamen illustri molitur in urbe,
Nec remeat, nimis incertum qua sorte remansit.
Dum præstolaris, Virgo, tibi vesper Olympo
Evehit humentem noctem; Nox illa doloris
Materiam dedit, hæc niveo dum pectore versas,
O mihi nox tristis nigro signanda lapillo,
Angorisque mei consors, sed nescia somni
Longior es reliquis, donec lux surgat ab ortu,
Ac puerum quæram; sub nocte exquirere fletûs
Præsidio licet. In teneras cor vulnere tactum
Solvatur lacrimas, qualis nix Sole liquefcit.
O ego nunc vivam nostræ sine præside vitæ?
Casta velut turtur præcepto conjuge murmur,
Ac gemitus edam. Hic vultus ad sidera tollens,
Rex, ait, Omnipotens matris miserere dolentis:

Te precor augusta Cœli de sede revela
 Quid male demerui, quæ tantæ obnoxia curæ
 Culpa latet; ciet hæc querulum jactura dolorem:
 Haud hæc namque tuo veniunt sine numine Rector;
 Sed condenda prius lex, atque Ecclesia gentis,
 Sanguine fundanda, illius divina potestas
 Insinuanda prius verbo, firmandaque signis,
 Et lapsus hominum Nati sunt morte luendi,
 Quæ nisi reddideris non est qui talia præstet.
 Postea sollicito corde hæc pia Virgo volutat.

Quare te nostris fili subducis ocellis?
 Sidereoque tuo aspectu, facieque decora
 Nos orbas? Pergrata tui præsentia vultus
 Dum mihi subtrahitur, pectus ferientia verba.
 Ac melicam vocem, patulas quæ mulceat aures,
 Non audire datur. Forsan tu noctis opacæ
 Per tenebras erras nullo comitante, domoque
 Hospitioque cares, nec quisquam alimenta ministrat.
 Quis vel frugalem cœnam instruet, aut tibi lectum
 Sternet, ubi teneros somni vapor occupet artus?
 Quis tibi calceolos trahet, aut spoliabit amictu?
 Aut lotis membris te unguento, oleoque fovebit?
 Et vos Aligeri cives, pulcherrima pubes
 Æterni Patris, obsequium præbete nivali
 Infanti, vobis sit cordi illius egestas.
 Aut modo se vestris fortasse obtutibus offert,
 Seu Patrem alloquitur, fideique negotia tractat,
 Aut genus Abramidum tenebroso carcere trusum
 Invisit puer, ac dictis solatur amicis.

Hæc meditabatur, validisque doloribus icta,
 Ite meæ lacrimæ, dixit, gremiumque rigate,
 Ac fulcate genas: vestrum sitientia nectar
 Labra bibant, tali pluvia cor fertile fiet.
 Ite sed objectas vobis discindite moles:
 Quid vero obstitit? Silices, chalybesque rigentes
 Vestro mollescunt latice: Ite per ardua tutæ.
 Non oculi solum fletus torrente rigentur,
 Quin & purpureos oculorum fontibus imbres

Commiscere libet, madeant & sanguine venæ.
 Vos igitur lacrimæ saltu percurrите campum,
 Dulcis amor jubet, amissum invenietis amantem.

Jamque aurora diem croceis subvecta quadrigis
 Vexerat, atque poli convexa fugaverat astra,
 Cum digressa domo Virgo mœstissima carum
 Unigenam ex imo ducens suspiria corde
 Inter cognatos exquirat, & inter amicos,
 Pressaque curarum mole: In regione viarum
 Electum vidistis, ait, de milibus unum,
 Cujus in ore decor candentia lilia vincit,
 Virgineasque genas infecit purpura regum?
 Hæc lamenta dabat: Ternis at solibus actis,
 Saucia corde petit Solymam, puerumque sedentem
 Inter doctorum cathedras, primosque magistros
 Invenit in templo referantem dogmata legis.

Est locus exedris sacra consecutus in æde,
 Lex ubi cornigero Moyse super ardua Sinæ
 Tradita devotæ legitur per Sabbata plebi.
 Huc graditur puer, atque loci subsellia scandit,
 Doctrinæque suæ præbet sitientibus haustum;
 Cur haustum dicam? Hic mentis inebriat agrum
 Undanti fluvio; qualis dum terra fatiscit
 Æstibus, arentes campos rigat imbribus æther,
 Aut limosus agros Ægypti Nilus inundat.
 Præcorum vatum audires referare figuras,
 Seu conferre loca, aut sensus aperire latentes,
 Deinde senum spiras, & acuta sophismata verbi
 Divini gladio refecare, ac prorsus inani
 Doctrina instructos sapientes sternere legis;
 Non secus ac ingens ferro munitus adunco
 Turratas aries urbes, ac mœnia quassat.
 Infantis responsa viros in lege peritos
 Suspensos retinet. Illi mirantur, & ajunt:
 Tantane condecorat pueri sapientia pectus?
 Hanc unde exuxit? Quæ namque lycea subivit?
 Hic decus est populi nostri, ac spes altera Judæ:
 Aut novus est vates, aut cœli venit ab axe.

Pars stupet infantis speciem, moresque seniles;
 Commendant alii matrem, quæ germine prolis
 Jesseæ gaudet: felicia viscera dicunt,
 Quæ tulerint natum, quo non sapientior alter,
 Terque beata vocant, quæ filius ubera suxit.

Tunc gemini sponsi venêre labore viarum
 Fessi, quique prius fiebant angoribus icti,
 Invento puero, lacrimis sua gaudia jungunt,
 Corda serenantur: quales sub tempore veris
 Omnigenis rident vestiti floribus agri.

At vneranda parens natum complexa, quid inquit?
 Fecisti nobis fili? Te namque dolentes
 Vir Custos, & ego mater quæsimus ambo:
 Quæ te sublati pepererit cruciatibus alvi,
 Heu sine te, fili, pœnis majoribus arctor.

Filius at contra, Cur nostra absentia, dixit,
 Cor tibi confregit mater? Tu nempe dedisti
 Nobis mortales artus, animamque Tonantis
 Munere, cognosco, sed Adæ pro crimine dandam.
 At natura Dei puerilibus abdita membris
 Est opus, ut mundo fiat manifesta labanti;
 Meque salus hominum quandoque recedere cogit
 Absque tuo imperio, sed amor discedere nescit.
 Dum me quærebas, hæc sola negotia Patris
 Versabam: Cohibe Genitrix vim mollis amoris,
 Parce modo lacrimis, quas nostra in morte reserves,
 Cum me suffixum ligno pendere videbis.

Dixerat. Hic mater lacrimas abstergit obortas,
 Sol velut imbriferas dissolvit in æthere nubes,
 Ac radiis victor nebulas pervadit opacas,
 Cœlumque, edomitis tenebris, pontumque serenat.
 Postea dia Parens infantis corripit almi
 Dextram, Josephus lævam, Solymaque relicta
 Tres ibant. sed erat medius pulcherrimus infans.
 Naræumque larem repetunt, ubi Subditus Illis,
 Nempe suæ matri, nutritorique fideli
 Micis erat puer: audebuntne tumescere putres
 Vermiculi? Imperii faeces, sellamque curulem,

Aut cupient fastum, vel inane extendere nomen,
 Dum rerum se demittit mortalibus Auctor?
 Quid reputas bis nonos illum egisse per annos
 Ignoratum, donec tricesima surgeret ætas,
 Ac manifestaret sese Jordanis ad undam?
 Vis dicam? Didicit jussis parère parentum.
 Proh stupor (hic rerum seriem brevitare coarcto)
 Ille subest homini, cui subjacet orbita mundi,
 Obsequiturque Polus, Tellus, ac tristis Avernus.

Apis Virginea.

Si tibi Virginitas proles speciosa Tonantis,
 Ac pudor est cordi, carmina nostra lege.
 Illecebras Cypriæ matris calcare fugaces,
 Aligerique docent frangere tela Dei.
 Proferat in terris alter, vel in æquore vasto
 Imperii fines, congerat alter opes:
 Vincere finitimos hostes, pugnare viritum
 Qui intrepidè didicit, suspiciendus erit.
 Gloria magna duci præda, valloque potiri,
 Aut aciem belli fundere, sive mori.
 Pulchrior est homini domita de carne triumphus:
 Miror, quem Veneris non tetigere faces.
 Deque rebellanti rara est victoria sensu,
 Pugnaque cum diro jugiter hoste manet.
 Cui decus Angelicæ vitæ assimilare licebit?
 Mater apes specimen Virginitatis haber.
 Vivit enim cœlebs, foetus sine nixibus edit,
 Respuat amplexus, connubiumque fugit.
 Nemo coire simul vidit, nec habere maritos,
 Et tamen hæc prolem suscipit absque thoro.
 Hinc aucta sobole antiquas examina gentis
 Destituunt sedes, repperiuntque novas.
 Innuba progenies numerosior intrat in aulam,
 Et graditur, mitis quo terit Agnus iter.
 Quæ componit apes croceis ex floribus Hyblæ
 Roscida mella puto facta pudoris ope.

Otia rumpit apis solerti intenta labori,
 Virgo domi numquam desidioſa manet.
 Murmure pergrato ſtimulare videtur ad arma,
 Arma mover cœlebs in Phlegetonta cohors.
 Pulchrum decernit pro rege effundere vitam,
 Ambit pro Sponſi nomine virgo mori.
 Colligit illa thymum, diſcutrit odora per arva,
 Hæc inter flores deliciſſa cubat.
 Illa ſitu gaudet mundo, ac redolentibus herbis,
 Divini hæc Verbi pulchra vireta petit.
 Illa bibit liquidos fontes, rivoſque nitentes,
 Expetit hæc fontis proſilientis aquas.
 Mellitis apis in cellis ſecura videtur,
 Eſt virgo a blandis ſub Lare tuta procis.
 Arcet apis fucos, Lenones virgo repellit,
 Non Leo virginibus, Leno protervus obeſt.
 Hæc geminos foetus tacito bis nutrit in anno,
 Viribus exiguis proliſ amore calet.
 Non eſt virginitas ſterilis, ſed foeta gemellis,
 De cœlo ſobolem quærit habere ſuam.
 Lætaque centeno fructu Capitolia cœli
 Implet; Connubilis uda repletur humus.
 Servandum Numa virginibus Veſtalibus ignem,
 Quod nihil ex noſtro naſcitur igne, dedit.
 Dat volucres aër; piſces aqua, reptile tellus;
 Flamma vorax ignis nil generare valet:
 Sed cum virginitas humana prole careret,
 Veſtæ (erat hæc ignis) jure dicata fuit.
 Chriſticolæ malunt ignem ſervare puellæ,
 Quem non ara calens, ſed pia corda foveant.
 Quæ Verbo nuptæ vinclo cœleſtis amoris;
 Lætantur prolem ſe peperiffe Deo.
 Inclita Virginitas, te muta elementa verentur,
 Obſequiturque tibi quidquid in orbe jacet.
 Perfregit Catharina rotas, Chriſtina ligato
 Ad collum ſaxo, turâ natavit aquis.
 Lucia conſiſtit, qualis remoratur in unda
 Ad remoræ morſum longa carina freti.

Hærentemque solo pedibus convellere vires
Non hominum possunt, nec juga multa boum.
Flammas eructet fornax Babylonis ad astra,
Ingenuis pueris ignis obesse nequit.
Nullo fornacis meritò læduntur ab æstu,
Qui ignorant æstus o Cytherea tuos.
Quid rogos Agneri nocuit? castisque puellis?
Ut ros flamma fuit, carbo pyropus erat.
Te coràm, Thecla, immanes jacuere leones,
Non artus ausi scindere dente tuos.
Ingeniique sui oblitæ, positoque furore,
Lingebant vestes, virgineosque pedes.
Luxuriæ cœno Stygias properatis ad umbras,
Quando virginitas est veneranda feris?
Quem mare,quem tellus,quem cœlum,ac pronus Avernus
Non capit, in gremio contulit illa suo.
In fragili sexu tulit omni robur in ævo,
Cui potior vita gemma pudoris erat.
Non Collatini intumeat Lucretia conjux
Laude pudicitiae, nomen adepta nece.
Quisquis es hanc unam siquo dignaris honore
Falleris, & causam cur reprobetur, agam.
Haud potis efficitur testis, qui humana perosus,
Principis injussu de statione meat.
Se nimium puduit lectum fœdasse jugalem,
Vivere post stuprum noluit illa diu.
Sanguis adulterium transfixo pectore ferro
Arguit, & clamat criminis esse ream.
Nescia si fuerat sceleris, si mente pudica,
Cur insons proprio damna cruore piat?
Corpore vim passam, juvene insidiante procaci,
Interna assensum mente dedisse negem?
Femina sed vanæ stimulata cupidine laudis,
Id scelus inflicto vulnere sponte luit.
Hæc valeat mulier: Christi mirere puellas,
Quæ gemini Sponso flore pudoris olent.
Elegere mori ferro grassante tyranni,
Ne roseo caderet castus ab ore decor.

Ex his quam referam? Euphrasie libet addere factum;
 Accipe qua techna vicerit agna lupum.
 Integritas erat egregia cum munere formæ,
 Sed mundus lites inter utramque fovet.
 Quæ renuit florem ingenui temerare pudoris,
 Ad turpem rapitur prostituenda locum.
 Ingreditur miles, tentatque illudere castam,
 Luxuriamque procax exsatiare suam.
 Ut solet, accipitre inspecto, trepidare columba;
 Sic ea congressum mœsta puella timet.
 Non precibus juvenis, lacrimis non flectitur ullis,
 Sed magis incendit sæva libido rogam.
 Quid faceret virgo? effugiet? sed turpe lupanar
 Non finit: An fiet præda rapacis avis?
 Tu Pater ancillæ robur, mentemque dedisti,
 Qua validos hostes vicit inermis ovis.
 Consilium versat, quo præstet utroque decore,
 Virgoque virgineos possit adire choros.
 Perbenè versatam magica se fingit in arte,
 Miraque carminibus posse cedere suis.
 Vertitur ad juvenem, atque in eo discrimine clamat,
 Siste, tibi arcanum, (sed mihi parce) dabo,
 Pharinacea sunt nobis irati ad vulnera Martis,
 Hostis hebet gladius, si tua membra linis.
 Hæc tibi donabo, nullus te læserit ensis,
 Hæc mea sit merces, ne maculetur honos.
 Impiger in bellis hostiliâ tela retundes,
 I celer, atque manus confere, victor eris.
 Tu mihi persanctè jures (secretaque pandam)
 Te servare meum velle nivale decus.
 Quæ docuit Circe quondam, Medeaque verbis,
 Ac variis herbis ingeniosa, bibi.
 Ut memet credas mendacia fingere nolle,
 Quæ dixi in membris experire meis.
 Sistit ad hæc miles, lentatque Cupidinis arcum,
 Membraque non audet tangere sacra Deo.
 Gloria militiæ, ut torris restinguitur unda,
 Pressit Avernales militis una faces.

Jam posito velo mulier denudat eburnum
 Pectus, & ecce micant interiora sinus.
 Igne liquat ceram, tenerum linit undique collum,
 Et qua sit cervix ense petenda notat.
 Exere nunc gladium, cervicem percute, dixit,
 Pharmaca quid possint nostra videre licet.
 (O Amor indormis? Defendere nulla puellam
 Cura tibi superest? teque vidente, cadet?)
 Hic stupet, & miles formoso pectore viso,
 Hæret ad hanc speciem, pænè ferire timet.
 Hinc cupit, hinc metuit, qualis jactata per æquor
 Iratum puppis, fluctuat ille miser.
 Prævalet unus amor belli, in præcordia vires,
 Quas forte infregit fœda libido, vocat.
 Tunc capulum stringit gladiator, vibrat & ictum,
 Atque repente truci demetit ense caput.
 Talibus illa dolis lascivum elusit amantem,
 Ac retulit Sponso lilia juncta rosis.
 Spiritus illimis duplici cum fœnore cœlum
 Sanguinis, ac nivæ virginitatis adit.
 Nunc hominis facinus, quo scorti obscœna libido
 Pulsâ procul fuerit, Musa referre cupit.
 Concipe vernantem naturæ fœtibus hortum,
 Ac variis herbis, arboribusque satum.
 Mitia quæque sua pendent ex arbore poma,
 Adde quod omnigenis floribus hortus olet.
 Flamina tum recreant Zephyri, placidoque susurro
 Fronde percussa sibilat aura levis.
 Argutæ volucres demulcent aëra cantu,
 Et querulis casum flet Philomela notis.
 Perspicuo de fonte latex argenteus illic
 Manat, & in rivos flectitur unda loquax.
 Quæ teretes vexat dulci stridore lapillos,
 Deinde pererrantes herbula potat aquas.
 Arboreæ frondes faciem telluris opacant,
 Nec vires ulla Sirius ardor habet.
 Hic cœli desunt insecta volantia dono,
 Hic natura dedit prodiga quidquid aves

Hæc loca credideris Daphnen, seu Theffala Tempe,
Seu magis Elysios, Hesperidumque lares.
In medio scenæ viridantis amoribus aptus
Cum molli pluma lectus eburnus erat;
Quem rosa, quem violæ stipant, & candida circum
Lilia, quemve Tyri stragula picta tegunt.
Quis tot delicias fieri cruciamina credat
Sæva, quibus Christi perderet hostis oves?
Corpora non acie ferri jugulare tyrannus,
Illecebris animas excruciare cupit.
Niliaci juvenis facinus restabit in ævum,
Cui vix lanugo pinxit utrasque genas.
Hunc super instructum nudatò corpore lectum
Molliter adstringunt serica lora virum,
Dum jacet, ac metuit florem maculare pudoris,
Hæc secum jactat non superandus eques:
O super ignitam cratem nunc ipse cubarem,
Artus, non animam, læderet illa meos.
Durius hoc stratum tæuro candente Perilli
Est mihi, dum pluma torquet iniqua manus.
Purpura non equidem, aut bombyx, me dira catena,
Quam faber inferni cussit in igne, ligat.
Me miserum, impactos laqueos abrumpere quibo?
Heu tot deliciæ pocula mortis habent.
Dixerat: Interea verbis armata dolosis
Adrepi meretrix compta, datura necem;
Quis super hunc lectum, juvenis pulcherrime, dixit,
Te modo composuit? Tene ligavit amor?
Quid ni? Vulcani insidiis coniectus in aureis
Retibus est Mavors; Vinxit amica Venus.
Ut mens esse velis, strinxit te penniger infans;
Gradivo fies sævior ergo patre?
Grata loci species teneros invitat amantes,
Invitat Genius, prolicit iste thorus.
Talia dum fatur, juvenem complectitur ulnis,
Membraque contrectat, sollicitatque nefas.
Ille nequit manibus, nec calce repellere monstrum;
Quonam consilio turpe cavebit opus?

Tollere vult oculos, ut opem deposcat ab alto,
 At species scorti non aperire sinit.
 Non secus ac visu latitans basiliscus arena,
 Femina luminibus, Dæmonis hydra, necat.
 Sint oculi clausi, patulas stillabit in aures
 Blanda notas Siren, aure venena bibes.
 Jam sibi sternit iter jaculatum in viscera celum,
 Et repit fervens ima per ossa calor.
 Rex æternæ poli quid agis? nisi dextra labanti
 Occurrat, Stygii victima regis erit.
 Ad nova, quæ numquam vidit spectacula Roma,
 Vos pugil egregius, Numina magna, vocat.
 Plurima dum versat divino percitus igne;
 Navus ut Alcides monstra nefanda petit.
 Expuit in faciem meretricis dente recisam
 Purpuream linguam: lingua medela fuit.
 Discite mortales frenare libidinis ignem,
 Discite qua scortum vicerit arte pudor.
 Dum rapido cursu Titan lustrabit Olympum,
 Invisi Herois fama superstes erit.

*Elegia in obitu gaminorum Fratrum Alexandri, &
 Petri Strozziarum.*

Provocor ad lacrimas, Strozze duo lumina gentis
 Mors gelida extinxit; Pone Camœna fides.
 Prome leves Elegos, lætabile subtrahe carmen,
 Aptaque funeribus tristia verba refer.
 Heu geminos fratres nulli probitate secundos
 Non fato meritos sustulit una dies.
 Unus amore duos regeret cum spiritus artus,
 Una jure die scandit uterque polum.
 Dum rabidus Canis insolitis ardoribus urget,
 Terribilis Lachesis fila repente secat.
 Cessit Alexander custos virtutis, & æqui,
 Actibus, & claro nomine adæquat Avos.
 Quas animi dotes? Quas illo in pectore custos
 Naturæ Genius non cumulavit opes?

Et genus, & proavos alii mirentur; in armis
 Enumerent promptos, quique fuere toga.
 Plus ego suspicio mentis sine labe nitorem,
 Ingenuis animis nulla litura subest.
 Qui fuerat prudens opulenta in pace rogatus.
 Nec piger in sævo Marte fuisset eques.
 Alter erat Petrus Musarum gratus alumnus,
 Candidus eloquio, clarus utraque lyra.
 Si castas Veneres aveas, verbique leporem,
 Explebit Petri limpida vena sitim.
 Assiduam studiis non fringere otia mentem,
 In qua constituit docta Minerva larem.
 Ingenium præcox legis spes una fuisses,
 Heu nisi pulsasset mors inopina fores.
 In facie decor, ac virtus animosa futuri
 Janua (sic equidem rebar) honoris erat.
 Majestas, & amor roseo fulgebat in ore,
 Indolis hæc magnæ signa fuere tuæ.
 Gratus uterque fuit morum gravitate, sed uno
 Tempore perfusis arbor uterque genis.
 Ut geminos veris flores, ridentis ut horti
 Lilia, turbo velut, fors inimica rapit.
 Felices animæ, quibus in candore juventæ
 Fas est Elysio posse virente frui.
 Jam benè complector. cur nobilitatis avitæ
 Cornigeris Lunis stemmata vestra micant.
 Vos juvat instabilem rerum trivisse figuram,
 Astra quibus niveum dant meliora locum.
 Cœlituum Divum qui Sole fruuntur in æde,
 Sub pedibus Lunas deseruere suas.
 Vestra mihi interea liceat divortia flere,
 Bina ego percussus luce carere queror.
 Non mihi naufragium narranti barbitos adsit,
 Funus ego instauro: Sic Libitina jubet.
 Si mea vota piis valeant pro Manibus, æro
 Consortes Agni sæpe nivalis erunt.

*In Italiam Sacram, cujus singuli Episcopi recensentur a
Ferdinando Ughello Abbate Cisterciensi.*

Novimus Hesperiam veneratam Numina Divum,
Thuraque sacrificis imposuisse focis,
Prisca diu coluit trabeati jura Quirini.
Quodque tulit pietas, Relligioque Numæ.
Scilicet acquiri belli virtute putavit
Imperii fasces, ac pietate regi.
Unde Quirinales, Salios, ritusque sacrorum
Ordinat: hac durum perdomat arte genus.
His delusa modis steterat Saturnia tellus,
Dum fieret Stygium ferre coacta jugum.
Sidereos haustus divinæ lucis, abactis
Errorum tenebris, corde renata bibit.
Nulla superstitio nostro licet esset in ævo,
Non tamen hæc fuerat nomen adepta sacrum.
Extulerant alii cives, Patresque togatos,
Et quos militiæ vexit ad astra labor.
Alter doctrina eximios, linguaque disertos
Laudat; Romanas censet & alter opes.
Pontificum seriem, quos Itala terra per Urbes
Constituit, nulli prodere cura fuit.
Unus Ughellus erat, qui tot molimina ferret,
Atque typis fato sub meliore daret.
Hujus ope Ausonios vittato crine micantes
Ordine quisque suo dinumerabit Avos.
Et genus, & virtus horum, hac sapientia nutrit
Indolis egregiæ sæpe legenda venit.
Quo servetur habes ardore, quibusque paretur
Moribus, ac studiis, Pontificalis apex;
Sive quid officii non errabunda ministris
Debet Apostolicis reddere, discet ovis.
Fortunæ lusus quandoque recenset in illis,
Et pede quam celeri fastus, honosque cadat.
Hic recreare vales, confert dum sacra profanis,
Historia mentem, Lector, utraque tuam.

Perdus, & pernox tabulas, monumenta, libellos
 Trivit, ut hoc ingens perficeretur opus.
 Jugiter historiis hæsit, sudavit, & alsit,
 Ac revocavit eos, qui latuere, Patres.
 Maeste animo Fernande, gradum tibi ponis in astra;
 Gloria post ausis una superstes erit.

De Oraculo Apollinis; nosce te ipsum.

Si calcas rosei limen Apollinis,
 Hospes siste pedem; præ foribus lege
 Scriptum haud de trivio, quo sapientior
 Fias. Non pelagi monstra natantia,
 Non pictas volucres, nec pecudum greges,
 Herbarumque genus, nec rutilantium
 Virtutes lapidum littera continet:
 Signare hæc radio lucida sidera,
 Metiri bolide & tot freta nautica,
 Aut quare unda pari tempore ferveat,
 Ac in se refluat, non docet advenam.
 Cur nubes Aquilo verrit, & humidus
 Auster fert pluvias, cur sata nix fovet,
 Ac tantum frutices, atque virentia
 Lædit bruma rigens; quamve tonitrua,
 Et fulmen trifidum ducit originem,
 Non disces. Animum Pythius instruit;
 Te (si rite sapis) Noscere præmonet.
 Sic Cræsum docuit: Tuque beatior
 Illo non opibus, non oculis eris:
 Ast uno monito cœlitus edito.
 Hæc regem Siculum vox Agathoclea:
 Effecit memorem stirpis humillimæ:
 Cum lautis epulis ille recumberet
 Cælatas pateras inter, & aureas
 Lances vasa luti sæpius addidit,
 Ne forte excideret se figulo fatum.
 Te rex alloquitur, ponere te modum

Fortunæ insinuat rebus, & asperis
 Frænare illecebras, lætaque tristibus.
 Interdum quatitur cymba furentibus
 Cauris, at procul est ille periculis,
 Cui census, & opum sit mediocritas.
 Pennis Icariis arduus æthera
 Scandas, major erit casus in æquora.
 Hoc discite, ex humili nemo loco ruit.
 Si vis scire Deum, sis tibi conscius,
 Si te discutias, si bene ponderes
 Quid nostrum valeat fictile. sternere
 Te numquam poterunt flabra superbix.

Luxurie damna, mulierumque exitia recensentur.

Rectius proni numerare quibus
 Littoris Ponti steriles arenas,
 Quam voluptatis, Venerisque fluxæ
 Damna referre.
 Audet infrænis mulier ruinas,
 Regiam vino Macedo calefcens
 Tradidit nutu meretricis igni
 Perfidus urbem.
 Bella bis quinos Helene per annos
 Dardanos inter, Danaosque vidit;
 Hujus ob raptam speciem superbum
 Ilion arsit.
 Quo fuit seclo Venus absque pugna?
 Feminæ causa vetus ante Trojæ
 Dirutæ bustum fremuere sava
 Prælia Martis:
 Illa sed longo reticentur ævo:
 Quid nisi clades muliebris affert
 Sexus? ob Chrysen miseranda pestis
 Pressit Achivos.
 Ceteras formæ fileam nivalis
 Oris illustres? Jole, Theano,

Phædra, Briseis necis, ac malorum
Esca fuerunt.

Hunc amor finem tenet in medullis:
Phyllis immensi impatiens amoris
Terminat fatum laqueo, migratque
Vulnere Dido.

Quis tua Antoni superavit arma?
Cæsar Augustus? Minimè: virile
Pectus infregit Cleopatra Nili
Callida Circe.

Non aqua immisso violenter imbre
Obruit terram, genus ac videntum;
Quidquid hic fudit malè funeravit
Blanda voluptas.

Quanta pro Dina mala sunt oborta?
Quanta Levitis geminavit uxor?
Multa funestæ dedit hæc virorum
Millia cædi.

Impetit solum pharetratus infans
Floridam pubem jaculis? Susanna
Visa sub lymphis riguis seniles
Repsit in artus.

Haud amor fræno regitur puellæ:
Ebrius quondam Solymæ tyrannus
Polluit mensas, novus ut Thyestes
Sanguine Justî.

Tactus hæc Amnon scabie sororem
Arsit infelix, Cinaramque Myrrha,
Ac Nero matrem: Patrat hæc Cupido
Cæcus, & ex lex.

Carnis huc venit petulantis ardor;
Spinthriis Xerxes (scelus o piandum)
Dona pro turpi posito pudore
Præbuit actu.

Nomen, ac census adimit libido,
Frangit & vires, rationis usum
Sola prævertit, rigidique valvas
Pandit Averni.

Illa virtutes magè quam Vesevus
 Arva devastat, superatque potus
 Una Circeos; homines in atra
 Monstra reducit.

De mortis figura allegoria.

Lethi quæris imaginem?

Horrebis speciem. Mors sine lumine,
 Carne, & sanguine fingitur.

Moles tabificis nititur ossibus,
 Quæ velat cutis arida,
 Noctisque, ac Erebi lurida filia

A priscis Dea credita,
 Vitæ, atque interitus imperium tenet.

Regali diademate
 Fulget, quæ populos, regnaque subdidit
 Pœnorum, atque Quiritium

Pugnas, ac Danaos stravit, & Ilium.
 Utrisque illa oculis caret,
 Quæ nullos hominum respicit ordines.

Nec clarum genus eximit,
 Una falce secat celsa papavera,
 Ac detruncat oluscula:

Reges purpureos æquat egentibus.
 Idem ingressus, & exitus
 Crœsum, Irumque manet. Non patulas habet

Aures; Surda petentibus,
 Nec largis lacrimis, nec prece flectitur.

Fors ipsa est sine sanguine,
 Quod consanguineis parcere nesciat?

Fors horret sine carnibus,
 Quod fomenta terat sæva libidinum?

Cur os, linguaque deficit,
 Effarique nequit? Num quia mors venit

A tergo tacito pede
 Nullum voce monens? Ille mori timet,

Quem vitæ male conscia
 Culpæ discruciant: Ducit amabilem,
 Quem virtutis adorea,
 Ac jactus decorat pulvis Olympicus.
 Mors rerum ultima linea
 Justis est facilis trames ad æthera.

In eos, qui ferro deserviunt, atque in bella ruunt.

In nostra primus damna quis asperum
 Ferrum profundis ex latebris soli
 Effodit? aut conflare sævos
 Quis docuit gladios in igne?
 Arbusta, terram, saxaque dividat,
 Lentasque vites amputet; in malos
 Torpescat usus: Mucro cesset
 Innocuam jugulare gentem.
 Diro metallo qui ruit ad necem
 Vere putandus ferreus. Heu viam
 Cruoris haustu gloriamur
 Nos breviorẽ aperire fato.
 Ad arma quæ vos Eumenides vocant?
 Ut largus amnes sanguis inebriet?
 Ut arva rubro immergat imbre?
 Ac populis viduentur urbes?
 Humana turpe in viscera tristibus
 Sævire bellis. Ille rigens chalybs
 In Africæ monstra, in leones
 Fulguret. Armeniasque tigres.
 Non ense, pugnis prisca lacescere
 Pubes solebat: Non dubii furor
 Mavortis ardebat, nec orbem
 Cladibus imbuerat cruentis.
 Plus Indus auri, quam chalybis fodit,
 Nec sæviendi causa revellitur,
 In aureis consuevit ipse
 Compeditibus retinere fontes.

Res Punicas, seu bella Quiritium,
 Trojæque pugnas qui velit explicet,
 Ducesque Grajos, quæve gessit
 Prælia Rex Macêdo, revolvat.
 Enarret alter Sarmatas, ac Getas,
 Trucesque gentes: Laudibus efferam,
 Qui ferri egentes haud remident
 Casside, vel gladio bipenni.
 Pennas, & alas quis dare ponderi
 Scabro coëgit, fecit & alitem?
 Ut ocius seducat artus,
 Mors fera missilibus cietur.
 O si recurrant aurea secula,
 Accedat & pax, Martia prælia
 Dissolvat, ac sedes Erinny
 Ad Stygias remeare coget.

Hymnus ad Angelum Custodem.

O qui perpetuas inter Olympi
 Sedes cum nivea pube refulges,
 Commisso famulo, Dive, salutis
 Da post curriculum tangere metam.
 Obrutu placido cerne clientem:
 Technas, insidias, armaque fava,
 Quæ dux tartareus Marte cruento
 Miscet, tu vigili dislice cura.
 Quisnam dinumeret quæ mihi Dæmoni
 Versutus laqueos tendit inermi,
 Ut me præcipitem ducat ad Orcum,
 Ni tu militiæ munus obires?
 Furtim, dum vigilo, me petit hostis,
 Si noctu reparem membra sopore,
 Me phantasmatibus concutit atris;
 Si cælum cupiam, nixibus obstat.
 Heros si lateri promptior adsis,
 Nil est quod timeam, nilque paveam,

Tu cordi trepido robur adauges,
 Arcus, & pharetras conteris nostis.
 Vox a lethifero me tua somno
 Internis monitis sæpius excit:
 Dum nos alloqueris cordis in aure,
 Non ictu feriunt aëra verba.
 Tu pulsas thalamum pectoris intus,
 Ut cordis foribus sponte reclusis
 Cœnatum veniat Sponsus, & una
 Mecum permaneat nobilis Hospes.
 Cum vitæ sciderint stamina Parcæ,
 Christi frugifera morte redemptam
 Ad cœlos animam, regnaque perier,
 Ut tecum rutila luce fruatur.
 Te Custos animæ, te bone miles,
 Te pro me vigilem laudis honore,
 Votis, & calamo prosequar usque
 Dum convexa polus sidera pascet.

De augustissimo Eucharistie Sacramento.

Pro dapibus magni pretii Regina Canopi
 Romano gemmam dat Cleopatra Duci.
 Isthæc ridet Amor, quid majus præbet in escam,
 Semet Amor donat; fit cibus ipse Deus.
 Quas epulas comedunt nivei super æthera cives,
 Quando cibum vitæ vir peregrinus edit?

*Et factus est sudor ejus sicut gutta sanguinis decurrentis
 in terram.*

Aspice, sanguineus Christi de corpore sudor
 Manat, & exundans currit ad usque solum.
 De nece vindictam tellus clamabat Abelis,
 Jamque sui Domini tacta cruore silet.
 O utinam sterilem cordis nunc irriget hortum,
 Ne ferat horrentes amplius ille rubos.

Tunc

Tunc apprehendit Pilatus Jesum, & flagellavit.

Cladibus Ægyptum pro te, variisque flagellis
 Attrivi, ut sospes, perfide Verpe, fores.
 Ecce vicem reddis, manibus post terga revinctis,
 Artus verberibus scindis, arasque meos.
 Sic ego luxuriæ Stygias extinguere duxi
 Sanguine, dilapso per mea membra, faces.

*Et milites plectentes coronam de spinis imposuerunt super
 caput ejus.*

Terra patens rerum sentes produxit acutos,
 Criminis in pœnam cum maledicta fuit.
 In te Nate Deo cecidisse hæc pœna videtur,
 Cum terebrant frontem spineaserta tuam.
 Purpureis rivis compuncto vertice rorant
 Vepres, dum servos regius ornat apex.

*Et bajulans sibi crucem exivit in eum, qui dicitur
 Calvaria locus.*

In manibus regum gemmantia sceptrata tenentur,
 Cerne, supra dorsum sceptrata Redemptor habet.
 Ille crucis sceptro succumbit pondere pressus,
 Heu nostræ culpæ fasce gravatus erat.
 In te perveniens regni, Calvaria sedem
 Finxit, ibique suum morte peregit opus.

*Dederunt in escam meam fel, & in siti mea potaverunt
 me aceto.*

Te Judæa procax cœlesti pane tot annis
 Pavi; de petra bisque fluentia dedi.
 Fel mihi nunc præbes, ac potas guttur aceto,
 Sunt mea, dum crucior, labra perusta siti.
 Arboris heu vetitæ suspensus in arbore tristi
 Esca fellis ego furta piare volo.

Me.

Memento mei dum veneris in regnum tuum.

Quando crucis sceptro penetrabis lucida regna;
 Christe, memento mei, dum cruce furta luo.
 Nil nisi terrenum rapui, terrenaque sordent,
 Si rapiam cœlum, fur memorandus ero.

Tenebræ factæ sunt in universam terram, & obscuratus est Sol.

Ne scelus aspiceret Titan immane Thyestis.
 Flammigeros retro protinus egit equos;
 Fabula non mendax irarum signa dedisse
 Lumina, crudeli dum nece Vita perit.
 Contendunt tenebræ soli revelare pudorem
 Christi, cum nudus pendet in auge crucis.

Ut consummaretur, scriptura, dixit Sitis.

In cruce, Christe, sitis, dum nos terrena sitimus,
 O lacrimis valeam te recreare meis.
 Has bibe, sit fletu nullus tibi gratior haustus,
 Hunc bibe, torrentem sanguinis ipse bibam.

Et inclinato capite emisit spiritum.

Mors fera, si sternis cedros, si cædis aristas.
 In cruce cur hominem segnis adire times?
 Te vocat ad pugnam inclinato vertice Christus,
 Perge, tibi cladem morte daturus erit.

Et terra mota est; Et petra scissæ sunt.

Dum moritur Christus, petrae scinduntur, ac uni
 Mortales homines, cos ut acuta, rigent.
 Concutitur tellus, elementa dolore labascunt,
 Sed tua nec minimo lumina rōre madent.

Aspe-

Aspera si fias cautes, cum cautibus ipsis

Duritiam ponat cor, moriente Deo.

Unus militum lancea latus ejus aperuit, & continuo

exivit sanguis, & aqua.

Jure latus Domini perfodit militis hasta,

Si latus arca fuit, lancea clavis erat:

Sanguis, & unda fluit transfixo pectore Christi,

Diluit hæc maculas, ornat & ille genas.

Tulerunt Dominum meum, & nescio ubi posuerunt

eum.

Quid mulier ploras? Dilectum nemo Magistrum

Sustulit: Hunc Stygii restituere lacus.

Ergo feres magnum tu sola cadaver in ulnis?

Aggredere, ipse dabit vim generosus Amor,

Quis revolvat nobis lapidem ab ostio monumenti?

Quis lapidis molem removebit ab ore sepulchri!

Tres ajunt Dominae, dum monumenta petunt.

Non lapis, excubiæ vestris conatibus obstant,

Fulmineo miles vendicat ense locum.

Omnis erit labor incolumis transire per arma,

Pergite, militiæ robora frangit Amor.

De providentiâ Dei in Eliam Prophetam.

Ingluvie nigrae volucres stimulantur, at ipsæ

Eliæ norunt exatiare famem,

Cui gemini corvi de mensâ regis Achabi

Carnes, ac panem quaque tulere die.

Dum fame torquentur populi, Mens Provida vatem

Egregiis dapibus sufficienter alit.



*De S. Paulo primo Eremita, cui palma cibum,
vestemque præbebat.*

Divitias habeat Plutus, petat alter honores,
Solivagi Pauli non superabit opes.
Hauriat in genimis alius pretiosa falerna,
Iste manu è gelidis fontibus hausit aquam.
Pro mensæ illecebris sylvas, mare, & aëra vexas,
Atque petis Seres pro rutilante toga.
Thebaidis civi, mundi fulgore subactò,
Pro victu, ac tunica palma sat una fuit.

*De SS. Paulo primo Eremita, & Antonio amicè
litigantibus in fractione panis, quem
corvus attulerat.*

Cum duo solivagi vitrei sub margine fontis
Consistunt, panem corvus in ore gerit.
Hospitis adventu annonam Largitor adauget,
Panis enim frustum nigra ferebat avis.
Sancta que lis oritur quis frangere debeat escam,
Fallere qua senior posset uterque famem.
Paulus ut in lucta prior, utque Antonius hospes,
Officio mensæ præficiendus erat.
Accipiunt ambo panem, qui frangitur ultro,
Infractis animis frangitur una Ceres.

De S. Thoma Aquinate Doctore Angelico.

Angelicum Thomæ numquam debile nomen
Doctrina illimis, virginitasque dedit.
Illa rigat mentem, hæc fragili de carne triumphat,
Utrâque in terris Angelus alter erat.
Si populos docuit, Veneris si prælia vicit,
Jure duo velant laurea ferta comas.

*De S. Felicitate Martyre, quæ, ut D. Augustinus ait,
dum pareret dolebat, sed objecta feris gaudebat.*

In partu mulier Felix cruciamina sentit,
Sed trucibus gaudet dilaceranda feris.
Cum parit excruciat natura obnoxia culpæ,
Naturæque Deus, cum laceratur, agit.

*De SS. Josepho Sponso, ac Joanne Evangelista utrisque
testibus virginitatis B. Mariæ.*

Christe tuæ matris juvenili in flore fidelis
Josephus testis virginitatis erat.
Matris at heredem Joannem in morte relinquis,
Ne tua virginea sit sine prole Parens.
Non apti testes fierent, nisi virgo fuisset
Virginis intactæ Matris uterque tuæ.

*De S. Benedicto, qui libidine tentatus nudum se inter
spinas jactavit.*

Per spinas nudos artus Benedicte volutas,
Ut Cyprias reprimas sanguinis imbre faces.
Et laceras carnem, & rorant dumeta cruore,
Mens tamen incolumis sistitur ante Deum.
Pellitur ut clavus clavo, sic vulnere carnis
Sanatur cordis plaga profunda tui.

*De SS. Timotheo, & Maura ejus conjuge cruci affixis,
in qua novem diebus vivi pendentes se
roborabant in fide.*

Tim. In cruce Timotheus pendens cum conjuge Maura
Cruce, ait, o conjux sternit ad astra viam.
Una in carne duo fuimus, nunc spiritus unus
In cruce nos jungit, jungit & una fides.

Maur. Tunc mulier; Reputo, dixit, ferale tyranni,
Quo

Quo crucior lignum, pro geniale thoro.
 Detur utrisque crucem nonis perferre diebus,
 Ad quam fiderei Regis adegit amor.

*De S. Philippo Nerio, cui in morte reperta sunt duo
 ossa thoracis fracta ex vi Divini amoris.*

Dum clausus pulvis nitratus concipit ignem,
 Mox valido nisu qua data porta ruit.
 Talis amor fuerat flammanti in corde Philippi,
 Impete compertum est profuisse foras.
 Franguntur geminae costæ thoracis, ut auram
 Cor, quod ut Ætna sonans æstuat igne, bibat.

*De Templo a Patribus Congregationis Oratorii Divi
 Philippi Nerio Florentia excitando.*

Hæc tua dum soboles Templum molitur ad astra,
 Magnanimis ausis adde Philippe manum.
 Sit tibi pro templo cælum, cœlique sit instar
 In proprio moles ædificanda solo.
 Roma tuos artus habeat, Florentia Templum,
 Ut cor ibi valeat prompta litare tibi.

De S. Maria Magdalena.

Magdala, quæ fuerant quondam fomenta malorum,
 Post habitæ vitæ sunt medicina tuæ.
 Lumina, quæ tremulo risu jaculantur amantes,
 Sunt modo præ lacrimis vena perennis aquæ.
 Ambrosiaque coma juvenum si corda ligasti,
 Devincis Christum, ac tergis utrosque pedes.
 Quo tibi mos fuerat nardo conspergere membra,
 Tu Domini plantas officiosa linis.
 Oscula, Fletus, Odor, Crines, quibus ista dolore
 Obsequium præbes, sunt holocausta Deo.

De S. Laurentio Martyre.

Dum rapidis flammis Laurens depascitur Heros,
 Ignis in invicto pectore major agit.
Utque minus lumen majori lumine torpet,
 Sic hebet ad superos fervida Vesta rogos.
Carbones niveo Martyr succensus amore
 Ut violas reputat, purpureasque rosas.
Ludit ut in scæna in pœnis; ridensque tyrannum,
 Assatum præstat mandere corpus, ait.
Cui datur æternis epulis accumbere Divûm,
 Ille voranda libens torrida membra dedit.

De S. Bernardo Abbate Doctore mellifluo.

Qua Bernarde bibis de vena mellea verba?
 Nominis unde tui fama superstes olet?
Melle fluit sermo potatus ab ubere Divæ
 Virginis, ac Nardi nomen olentis habes.
Vera tui in scriptis expressa videtur imago,
 Hisce, feris, mulces, ac pietate rapis.

*De S. Joanne Baptista, quem Herodes ad petitionem
puelle saltatricis decollavit.*

Quid mercedis aves, choreis dum psalteria ludis?
 Rex quodcumque petas, crede puella, dabit.
Dimidium regni spondet, renuisque cruorem
 Vatis ut infantis, matre jubente, bibas.
En caput in disco: Si Vox non amplius urget,
 Nunc in adulterium sanguinis unda fremit.

De Nativitate Beate Maria Virginis.

Cum spargit flavos aurora per æthera crines,
 Jacobum luctam deseruisse lego.
Voces lucta refert Patrum Auroræ usque petentum
 Virgineæ lucem, purpureumque diem.

Dum prodit Virgo, rutilans Aurora videtur,
Quæ Solem fontem luminis una vehit.

*De impressione sacrorum Stigmatum, quibus S. Franciscus
signatus fuit.*

Dum crucis eximio rapitur Franciscus amore,
Protinus in membris stigmata quinque tulit,
Stigmata lethali haud impressa Cupidinis igne,
Missilibus cœli saucius ille fuit.

Quid plagis Christi in toto pretiosius orbe?
Hisce crucis sponsus condecorandus erat.

De iisdem Stigmatibus S. Francisci.

Rex bone vulneribus quinis mala nostra tulisti,
Quæ prisca modo sunt aucta repente fide.
Expediit ergo crucem rursus perferre trabalem?
Absit, ad omne nefas mors satis una fuit.
Ut renoveretur homo, renovantur signa salutis,
Dum famulum signas stigmatibus Christe tuo.

De S. Mattheo Apostolo, & Evangelista.

Ad Christi vocem loculos Matthæe relinquis,
Regis ut æterni creditor esse queas.
Qui cautè libros rationum condidis & æquas,
In tabulis pones rectius acta Dei.
Quique paras epulum Domino, refoveris ab illo,
Ille suæ mensæ te recubare facit,

De S. Paphnutio Martyre in palma confixo.

Quis tibi victtricem Paphnuti auferre valebit
Palmam, qui palmæ in stipite fixus obis?
Crux tibi palma fuit, Domini crux palma vocatur,
Palmæ, quam scandis, fructus in astra datur.
Crux acies sternit palmaque athleta triumphat,
Tu crucis, & palmæ munera victor habes.

De

*De S. Dionysio Areopagita demirante in morte Christi
inusitatam solis Eclipsin.*

Ad fidei lumen Chaldæi, Solis ab ortu,
Pergunt, ut radians sidus in axe vident.
Tuque sub Eclipsi, Dionysi, quomodo lumen
Imbibis, atque tibi lux sine luce micat?
Sol tibi visibilis rapitur, sed mente refulget
Lux nova de cœlo, dum stupefactus ais,
Aut Opifex rerum patitur, vel Numine læso
Sensibilis mundi machina tota ruit.

In festo omnium Sanctorum.

Isthmia nunc valeant, certamina Olympica cedant,
Vicerunt Sancti regna superba fide,
Hoste vel ex uno superato athleta triumphat,
Sed tria Christiades castra inimica terunt.
Donantur pugiles olea: Qui temperat orbem
Præmia militibus dat potiora suis.
Tela, rotas, flammæ, sicas, dentesque ferarum
Hostibus è victis esse trophæa puto.

In die omnium fidelium Defunctorum.

Sidereis Divis externa luce litatum:
Jure pios Manes lux hodierna colit.
Illi victrici palma lætantur adepta,
Hi quoque stelliferæ jus regionis habent;
Ære sed obstricti languent in carcere trusi.
Ac nostram poscunt, ut redimantur, opem.
Munera qui gratis rutila dispensat ab Aula,
Nos proprio miseris ære juvare ducet.

*De B. Andrea Avellino Neapolitano Clerico
Regulari.*

Deserit Andreas Galilæo in littore cymbam,
Linguit & Andreas Parthenopæus opes.

Ille sitim rerum, cum censu, auroque careret,
Respuit; Hic cœlo dives utrumque fugit.

Ille crucem senior constanter pertulit unam:

Hic tulit in proprio corpore mille cruces.

Crux ab Avellino avelli nequit; Hæret in illa,
Magnetis scopulis hæret ut ipse calybs.

*De eodem, cui noctu ad ægotum eunti Angelus accensa
face viam illustrabat.*

Exit Avellinus noctu ægotantis ad ædem.

Sed timet in tenebris lædere forte pedem.

Angelus ex alto veniens comitatur euntem,

Ac face prælucescens pergit, iterque docet.

Ille facem præfert, Hic sacro exæstuat igne,

Ac intempesta nocte rependet opem.

Quantus habendus erit, cui almi famulantur ephebi?

Verè par niveis civibus ille fuit.

*De eodem B. Andrea, qui pro defensione sacrarum
Virginum tria vulnera accepit.*

Dum sobolem castam accipitris defendit ab ungue

Andreas, triplex vulnus ab hoste refert.

Vulnera trina viro non vulnera, trina sed ora,

Ac totidem testes virginitatis erant.

Fit rosa deciduus sanguis; Sic alba coronant

Lilia victorem confociata rosis.

De S. Andrea Apostolo exultante in cruce.

Non Helenæ amplexus crux est, Andrea; putanda

Cui veluti sponsæ te sociare cupis.

Crux mala damnatos torquet, cruciatque nocentes;

Unde volupates, deliciæque crucis?

Num mader ambrosia conspersa cruore Magistri?

Inclita Discipulum crux cruciari timet.

*De purissima Conceptione B. Mariæ Virginis: Sola ut
Ester à lege Asueri Persarum regis eximitur, qui
omnes Hebræos una die neci damnaverat;
ita Virgo Maria præservatur a lege
Originalis culpæ.*

Perfidis edicto regis stimulante minacis,
Una erat Isacidum stirps jugulanda die:
Dum lege eximitur reliquis formosior Ester,
Audebis Matrem, lege ligare, Dei?
Falleris: in genus obrepat mortale Parentum
Cupa, quid in nivea Virgine juris habet?

*De eadem festivitate. Mariam Virginem in Conceptione
ab Originalis culpæ incendio præservatam, ut unam
Venerem servandam exclamavit Apelles, cum suam
officinam conflagra e audivit.*

Ignè rapi tabulas insignis ut audit Apelles,
Illicet exclamat; Sarta sit una Venus.
Hic bellus dolus expressit quæ grator esset
Linea, quodque foret pulchrius artis opus.
Haud secus eximitur. dum flagrat Originis ignis,
Virgo Parens, culpa ne maculetur Adæ.
Lampade jamque tibi præluxit: carnis abactis
Illecebris, alios concipe mente rogos.

*De S. Thoma Apostolo. Nisi videro in manibus ejus fixuram,
& mittam digitum meum in locum clavorum,
& mittam manum meam in latus
ejus, non credam.*

Cur Thoma exquiris latus attrectare Magistri?
An quia de barathro non remeasse putas?
Cur loca clavorum digitis incredule tangis?
Ut credas? Erras; Tangitur ille fide.

Palpando credis, quod non palpare valebas,
Cumque hominem palpas, inspicias esse Deum.

*S. Victoria Virgo cum nec nubere, nec sacrificare velles,
rogatu sponsi gladio percussa in corde
Martyr occubuit.*

Cor tibi transfoditur jussu, Victoria, sponsi,
Nubere dum renuis, Disque litare negas
Virgo Deo nupta effundis pro dote cruorem,
Illeque pro roseo sanguine regna dedit,
Indit jure tibi invictæ victoria nomen,
Dum pudor ingenuus victor ab hoste cadit.

*De Christi Nativitate. Dum filius Dei parvulus natus
est nobis, Adam metu solvitur.*

Numinis ut læsi vocem gradientis ad auram
Hauserat, abscondit se fugitivus Adam.
Jam puer est Verbum sine voce, quid ergo timendum?
Qui voce arguerat, plorat, opemque rogat.
Quid cunctaris Adam? Prodi, te nescius iræ,
Atque doli vellet regius ille Puer.
Si prodire foras nudus sub luce vereris,
Nudus & in fœno cernitur ipse Deus.

*De SS. Innocentibus, quorum matres martyriam perpeſſæ
sunt in lacrimis ex filiorum morte ex sententia
S. Petri Chrysologi. Serm. 152.*

Quæ pietas Matres urget defendere natos?
Herodis gladium ne prohibete manu.
Si rigidum ferrum teneros bacchatur in Agnos,
Ad cœli tutum regna paratur iter.
Dum gladio occumbunt, in fletum ducite voces,
Ut par cum pueris sit super astra locus.
Perfundant oculi lacrimas, natique cruorem,
Et puer, & mater martyr uterque cadat.

*In marmoreum templum olim Florentia Marti, nunc
D. Joanni Baptista dicatum.*

Priscum miratur templum Florentia sacrum
Gradivo Patri: Numen id urbis erat.
Nec frustra extruxit: tutela namque cruenti
Martis erat claros ense datura viros.
Transtulit auspiciis illam melioribus ædem
Ad præcursoris nomen adepta fidem.
Gens ubi contraxit maculas, lustralibus undis
Tergitur a scelerum sorde, litæque Deo.

Fama, & Honor virtute parantur.

Queritis æternam famam, imperioque potiri!
Credite, virtutis gressibus ire decet.
Et virtus, & Honor Romæ sua Tempa tenebant,
Janua sed templis una duobus erat.
Ad niveas ædes non ire licebat Honoris,
Si per Virtutem non patuisset iter.
Non ergo imperii fasces, non sella Curulis.
Conscia sed Virtus munus honoris habet.

*Quare Pythagoras suis interdixit discipulis
carnis esum.*

Pythagoras, cui sat fruges, ac poma fuere,
Discipulis carnes mandere lege vetat.
Ardua lex, fateor, temere ne lata putetur,
Consilium Samii me referare juvat.
Dum prohibet Sapiens animalia cædere ferro,
Quærit ab humano tollere corde necem.
Qui pecudes mactat, gaudetque cruore ferarum,
Foran & ille homines non jugulare timet.

*Ad Academiam Philoponorum Faventia, quorum Insignia
sunt radix herba Molyos cum inscriptione*

DIFFICILE EFFOSSU.

Parcite Philoponi vestro sub nomine ludo,

Congrua quæsitis edite verba meis.

Quer. Quis juga vos alacres Cyllenia scandere iussit?

Resp. Scandere virtutis fortis adegit Amor.

Quer. Quis nam radicem valeat convellere Moly?

Resp. Extrahet assiduus non sine fruge Labor.

Quer. Fors Amor, atque Labor folio statuuntur in uno?

Resp. In radice Labor, flore quiescit Amor.

Quer. Quid magis est horum cordi? Quid fortius urget?

Resp. Nos Labor instimulat, quò magis ardet Amor.

Quer. Quantum pollet Amor? Quæ sunt effecta Laboris?

Resp. Omnia vincit Amor, fertque trophæa Labor.

*Harpyia rapacissimum monstrum meretricis
Enigma.*

Si cupis ingenium meretricis nosse procacis,

Illud in Harpyiæ cernere quibus ave.

Virgineo vultu blandiri Harpyia videtur.

Blanditur Meretrix, insidiisque necat.

Præpetibus pennis Harpyia per aëra fertur,

Par levibus pennis est Meretricis amor.

Est Harpyia rapax, pedibus prædatur aduncis,


Prædatur Meretrix, divitiasque vorat.

Trux Arpyia dapes obscæno polluit ore,

Polluit & Meretrix nomen iniqua tuum.

Pallet ob ingluviem, semperque Harpyia ligurit,

Semper eget Meretrix, pallet, hiatque fame.



*In Catalogum Sanctorum Umbriae a Federico
Jacobillo editum.*

Umbria nobilium ter felix mater Avorum,
Quæ tibi sit pietas indicat iste liber.
Ecce tuos Divos rerum Moderator honore
Prosequitur coelis, sed Jacobillus humi.
Hic dedit in tabulis horum limatius acta,
Quis neget hoc studium par meruisse decus?

In Historiam Umbrorum Ludovici Jacobilli.

Si genus Umbrorum Pœnini montis ab umbra,
Quem gelidum spectant, nomen habere putes,
Rerum Cimmerias Umbras, veterumque Penatum
Vindicat Historiæ lux Ludovice tuæ.
Umbra es, ac tribuis lucem, ut securior omnis
Ire modo Umbrorum per monumenta queat.

In Historiam Septimianam Nicolai Baccetii Abbatis.

Si decus, aut specimen priscæ virtutis anhelas,
Ac monumenta Patrum, quos imiteris, aves,
Septimiana libens Nicolai clara labore
Gesta sub eloquii fonte coacta legas,
Ac relegas: in te recti geminabitur ardor;
Horum quippe tibi gloria calcar erit.

*Ad Jacobum Branciam Monachum Cisterciensem Annales
Ecclesiasticos carmine modulantem.*

Ars, Natura, Deus tria nota agentia rerum
In Minimis certant ludere quaque via.
Inchoat a minimo Deus, Ars, Naturaque junctim
Ordiri a parvis materiata solent.
Non erat in magnis promptè qui ludere posset,
Hoc ausum Branchæ Calliopea tulit.

Historiam ille sacram ingenti conamine versu
 Contrahit, ac magnum ludit, & audet opus.

*In fontem anei apri evomentis aquam in
 urbis foro.*

Dum nemo explorat Princeps, sylvasque fatigat,

Hunc intra muros Urbis adigit Aprum.

Mox cicur evasit venantis cuspide tactus,

Vulnus pro terro sanguine traxit aquam.

Quid non in populos valeat clementia regum,

Quando Ducis ferrum mitigat usque, feras?

*In geminos fontes ex equoreis monstris emanantes in
 platea Deipara Virginis.*

Quæ reflui maris aspicimus colludere monstra

Virginis in platea, symbola pacis habent.

Hæc geminos fontes amplexa, undantis amoris

Principis in populos credimus esse notas.

Utque vomunt gelidos latices, sic divite vena

Sub miti imperio Flora rigatur ope.

*De Equo aneo Petri Taccha posterioribus pedibus ad
 volandum innixo, quem ad Regem Hispaniarum
 transmisit Magnus Dux Etrurie.*

Dædaleæ stupor est artis libratus in æthra

Hic generosus Equus nixus utroque pede.

Qui sine remigio alarum secut aëra cursu,

Vincitque alipedem Bellerophontis equum.

Excudit navus spirantia Tacca metalla,

Perque leves auras æra volare jubet.

Regem spectat Iber vacuum per inane volantem,

Regis & Etrusci regia dona stupet.

De eodem Equo aeneo Petri Taccha.

Pyrricha jam nostro renovata videntur in ævo,
 Ad numerum populus ludere vidit equos.
 Non semel Etrusci imperii spectacula Rector
 Hæc peramæna suis civibus ille dedit.
 Intrepidum quis Equum vidisset ad æthera niti,
 Ars tua ni Petre ex ære tulisset opus?

*In Natali Magni Etruria Principis Thraces quoque
 ad latitiam invitantur, qui filiorum
 nativitatem lugebant.*

Regius Etrusci imperii dum nascitur hæres,
 Ad nova cum populis gaudia Flora vocat.
 Incipe Thraca tuum veterem dediscere morem,
 Nascentis sobolis desine flere diem.
 Tu quoque lætare: Expectati Principis ortu
 Proxima regna ferunt, atque remota decus.
 Prodiit, ut rerum facies turbata quiescat.
 Pacis Avis compar iste sequester erit.

*Innocentius X. ad Pontificatum evectus Columbia, Olea,
 Liliis Gentilitiis insignibus Christianæ
 paci præludit.*

Prodiit ex Arca quondam, modò ab urbe Quirini
 Ore ferens Oleas alba Columba venit.
 Innocuam volucrem Petri complectitur Arca,
 Cum nitidis Oleis Lilia Roma legit.
 Pro vadibus pacis sunt Iris, Oliva, Columba;
 Bella cruenta silent: Obstrue Janæ fores.

*De eodem Summo Pontifice idem argumentum ex triplici
 Iride Pamphilia familie.*

Cum Deus æriam demittit nubibus Irin,
 Monstrat aquis hominum perdere nolle genus.
 Quid

Quid si Romanum triplici nunc Iride cœlum
Fulgeat? Una salus Urbis, & Orbis erit.

Columba volatu demonstratur futurus Pontifex.

Sapius extra licet volucrum intueatur haruspex,
Pamphilius faustum cœlitus omen habet.
In Cathedram vehitur Petri monstrante columba,
Ejus & hanc niveam stemma figurat avem.

*Cr. Romanorum reges, ac Consules olim duodecim Lictores
cum totidem fascibus præirent.*

Quæ bis seni lictores Regibus hærent.
A totidem fascēs Consul habere solet?
An quia vulturibus sulcantibus aëra pennis
Mortigenus voluit Romulus esse pares?
Nempe tot inspexit Latii dum conderet urbem.
Prove bono innocuas omine duxit aves.

Votum pro pace Regum, Principumque Christianorum.

Magnanini Reges populorum haud spernite vota,
Qui belli pressi fœdera pacis avent.
Prona repetit arva humano madefacta cruore,
Undaque or necibus sanguinolenta fluit.
Sat resonant tuba venere ad classica gentes;
Cedite. Pax rigidas pulsat amica fores.
In Thracem, in Lernæ monstrum dstringite ferrum,
Ut spreæ fidei detur avitus honor.

*Infortunia ætè vitari posse ex morte Æschyli poeta tragici,
cujus capiti aquila splendore calvarie elusa,
insudinem perinde ac lapidi illic.*

Æschylus ut caveat. quem Fata minantur acerba,
De cœlis ætum; testæ lareinque fugit.
Cumque senæ calvus fronte apricatur operta,
Testudo illic fidere lapia caput.

Hanc

Hanc aquila ex alto jecit decepta nitore
 Calvitii, hoc silicem fulva putabat avis.
 Sic periit vates: Igitur solertia nulla
 Nos quocumque trahunt Fata cavere potest.

Ad illa verba Jugurtæ Numidarum Regis, qui dixit,
*Urbem venalem, & maturè perituram, si emptorem
 invenerit: Salust de Bello Jugur.*

Quid flavo non obtineas auro hospes in Urbe,
 Quando tibi venum Roma superba datur?
 Venalem dixit Numiadum rex ille Jugurta;
 Qui plenis oculis venerit emptor erit.
 Crede Jugurta, mihi tua te sententia fallit,
 Quæ dat, non auri flagrat, opumque siti.
 Divite sub Jove avara fuit: sub paupere Christo
 Thesauros offert inclita Roma suos.

*Ad Petrum Niccolinum Archiepiscopum Florentinum
 votiva precatio ad Natalia Domini.*

Nestoreos annos devota tibi inclita Flora,
 Ac me jam senior Petre Camœna rogat.
 Tu riguo præstas lolium ne crescat in agro,
 Ulla nec infelix occupet arbor humum.
 Te vigilante lupus non insidiatur Ovili,
 Nec junctas audet rumpere latro fores.
 Cur non speret ovis Superum formosa vireta,
 Quæ te Pastoris munus obire videt?

*Ad Vincentium Rabattam Archiepiscopum Theatinum
 gratulatio pro adepta dignitate.*

Hactenus Etrusco vidit Tua nescia casus
 Sidera, Vincenti, Flora micasse polo.
 Nunc eadem spectat fulgere Theatis in oris.
 A folio Petri lumen adepta novum.

Una sub axe micans ad Regem traxit Olympi
 Stella procul gentes; Sed modo quinque trahunt.
 Dum tot Sideribus præluces inclite Præsul.
 Quos regis haud credam fallere posse viam.

*Ad eundem de ejus Stellifera cruce, quam pro insignibu
 habet Rabatta familia.*

æticus hic vertex plaustrî fulgore notatur,
 Alter sideream fertur habere crucem.
 Figit in hanc oculos, cum tendit Iberus ad austrum
 Et secat ærato remige vassa freta.
 Cumque tuam Rabatta Crucem fulgentibus astris
 Compositam cernit, naufragus esse nequit.
 Hac duce non gemmas extremis portat ab Indis,
 Sed bona Cœlituum non peritura vehit.

Ad Robertum Strozziûm Episcopum Fesulanum.

Eximias animi dotes Roberte nivalis
 Tergeminæ Lunæ Stemmata clara notant.
 Luna decor noctis, Strozze Tu gloria Gentis
 Illa satis, roris, tuque leporis habes.
 Humorîs mater nocturnæ est forma Dianæ,
 Credita Tu superis imbribus Arva rigas.
 Tres Lunæ hoc uni Lunæ præstare videntur,
 Quodd penitus maculis, deliquioque carent.

*In Imaginem politicam ex sententiis Taciti, Doctoris Andrea
 Baroncini exhibentem Principis quadripartitam
 vitam, scilicet in Pueritiâ, Juventutem,
 Virilitatem, Senectutem.*

Exhibet egregii Xenophon sermone disertio
 Principis effigiem, quam nisi mente vides.
 Adde Baroncini exemplar, quo clarius ævo
 Quadrifido Princeps suspiciendus erit.

Ut graditur sensim per tempora quattuor annus,
 Sic populi toridem tempora Rector habet.
 Dum puer est; Vernat morum candore, juventam
 Æstus, dum gladio dimicat, esse putes.
 At grvido Autumno par est ætate virili,
 Confertur Bruma cum glaciale senex.

Idem argumentum.

Sunt Taciti decies Tacito regnante quot annis
 Descripti Annales; Unde perennat opus.
 Arboreæ frondes urinam vertantur in Æra,
 In parium lapidem Livia charta meet,
 Unus ut Andræ Tacitus cum fœnore possit
 Altius excusus tempus in omne legi.

Quod tormenta bellica militia gloriam obscuraverint.

Pugnandi laudem gladio, non igne tulistis,
 Pulvere nitrato dum caruistis avi.
 Bellica tormenta hæc ætas excivit ab Orco,
 Ut pereat Mavors, militiæque decus.
 Vincere qui didicit ferro, nunc gaudibus hostem
 Ex ære explosis suspiciendus erit.

Contra Bacchanales larvas.

Urbem larvatus cum per Dionysia lustras,
 Therpsitis faciem suspicor esse tibi.
 Si forma præstas, Triadis si stemmate gaudes,
 Os speculum mentis non operire decet.
 Sis larva ignotus populo, molire quid optes,
 Haud celare vales vindicis ora Dei.

Avaritiæ imago describitur.

Qualis anus lippis oculis, labiisque repandis,
 Ac putri naso squallida membra trahit,

Quam

Quam macie turpi rugis fulcantibus ora,
 Eneſtam rabida dixeris eſſe fame:
 Talis avaritiæ argentum ſitientis, & aurum
 Fingitur aſpectus, luridus inter opes.

Hirundo ingrati hominis ſymbolum.

Garrula cum remeat, de teſto abigatur hirundo,

Nec trabe ſub celsa nidificare ſinas.

Blanditiis nullis avis hæc prænuntia veris

Fit cicur, ingratum denotat illa virum.

Hunc procul expellas, hujus commercia vites,

Ne fel componas ex redolente thymo.

*Auro, gemmiſque ornata mulier non eſt pulchrior, ſed
 ditior, qualis fuit Helena pictoris indocti.*

Inſpiciens Helenam gemmis, auroque micantem

Zeuxis ad artificem talia verba dedit:

Pingere ſi pulchram Ledæam ex arte nequiſti,

Hæc tibi cura fuit, dives ut illa foret.

Sic minus ex auro mulier formoſa putatur,

Ditior eſſe valet, pulchrior eſſe nequit.

*In calibem juvenem Laurentium Corſinum ex dono
 Virginitatis florum fertis coronatam
 in ſanere.*

Dum Laurens migrat, manibus date lilia plenis,

Sic nivei proceres, ſic Libitina jubet.

Non potuit trifidum fulmen contingere laurum,

Nec te Laurenti frangere blanda Venus.

Jure tuum Nomen depoſcit Laureæ ferta,

Sed tua Virginitas alba liguſtrâ petit.

*Alexander Macedo Bucephalum ferocissimum equum domat,
ac de ipsius nomine urbem postea condit.*

Qui potis est ferro gentes, orbemque domare,
Bucephalum domat, ac mandere fræna jubet.
Ille superbus equus pondus quodammodo Regis
Sensit cui mundus non satis unus erat.
Orbem vinctus eo vicit: Pro mole sepulchri
Orbem, non Urbem pone viator Equo.

*Alexander Macedo dolore exasperatus ob telum in suram
defixum fatetur, se non esse Deum.*

Immemor humanæ fortis Mavorte superbus
Ambit Alexander filius esse Jovis.
Fit voti compos: Jaculum violenter adactum
In suram elusit numen inane Ducis.
Tunc ait, ut sensit cruciatus corporis ægri,
Me miserum, fallor, sum Deus ore tenus.
Quippe dolore caret soboles augusta Deorum,
Me fore mortalem sura cruenta monet.

*Noctuæ proprietates ad prudentiam, librataque consilia
referuntur.*

Noctua, quam decorat Pallas, quam cusit in ære
Cecrops, virtutis fert documenta tibi.
Nocte volat, noctuque canit, lucemque perosa
Nocte videt: poteris dicere noctis avem.
Hæc quorsum! Metuit nullam Prudentia noctem.
Cuncta procul cernit, lucis acumen habet.
Abdita pervadit, scit Regum arcana tacere,
Consiliumque monet non sine lance dari.

Adversus ebrietatem.

Qua sit Alexander præreptus morte requiris?
Pocula (crede mihi) non medicata bibit.

Tom. IX.

FF

Quem

Quem populi indomiti, aut Mavors superare nequivit,
Ebrietate ferunt occubuisse meri.

Ebrietas viro Ponti est truculentior omni,

Ac tigre Hyrcana sævior illa nocet.

Toxica prosternunt vitam, mentemque falerna,

Quandoque immodicus potus utramque rapit.

Quare Principes adeo habeant venationem in deliciis?

Et nemora, & sylvas Reges, spelæaque vexant,

Delicias ducunt exagitare feras.

Cur hoc? Imperii fines proferre nequibunt,

Cuncta nisi belli munia nosse velint.

Militiæ siquidem speciem venatio præfert,

Enecat hæc damas, enecat illa viros.

Non secus atque ferat insidiis capiuntur & hostes,

Si necis armis vincere, vince dolo.

*Principes supplicibus parcere, fortunaque jactatos tueri
deceat exemplo Xenocratis philosophi, qui defendis
ab accipitre passerem in e, us sinum
devolantem.*

Passer ut accipitris curvos evaderet ungues,

Xenocratis trepidans advolat ille sinum.

Excipit hospitio volucrem, occultatque, fovetque,

Dum nec prædonem cerneret esse procul.

Hanc post dimisit terrore, metuque solutam,

Ne poscentis opem proditor esset avis

Supplicibus discant veniam concedere reges,

Ac male jactatis anchora sacra sient.

*Licinius Imperator dum gallum Lennibus obicit pro fonte
gemmarum insinuat Principem decere
clementiam.*

In gemmis opifex Licinum deceperat astu,

At miser ille feris obiciendus erat.

Immisit Cæsar gallum pro fonte Leoni,
 Quo lepido elusit plena theatra dolo.
 His ille in populo vindex laudabilis iræ
 Præconem jussit vociferare notis,
 Hic imposturam fecit, subeatque vicissim
 Impostor fraudem, fraude ferat veniam.
 Quam decet ingenuos animos clementia. Noxæ
 Nobilis ultor erit quisquis inultus abit.

*Lusus in hominem promissam barbam sæpius
 demulcentem.*

Sæpe manu barbam propexam in pectore mulces,
 Miror, teque gravem suspicor esse virum.
 Rara tuæ nitidæ par est sapientia barbæ,
 Qua crescente pari crescit & illa gradu.
 Si super ascendat peracuta novacula mentum,
 Deficiet virtus deficiente pilo.

Lusus in deformem nasum.


Aspicias hunc nasum? Super hunc Poliphemus in antro
 Sanguineo Marti cudere tela solet.
 Si fors sternutat, tormentum explodere glandem,
 Aut geminum credas intonuisse polum.
 Tellurem nasi cuspis proscindere possit,
 Quid multis? Nasus Rhinocerotis erat.

*De pyris moschatulis, quod ea non sint dicenda
 superba pyra:*

Mole sub exigua grato redolentia moscho
 Cur sumus a vobis dicta superba pyra?
 Si reliquis citius mensas oneramus acernas,
 A celeri fructu vox repetenda fuit.
 Prolicimns gustum, suavi mulcemus odore,
 Ergo magis præstat dicere grata pyra.

In culicem abruptentem somnum.


Parve culex, furtim si vis haurire cruorem,
Cur importuna clangis in aure tuba!
Si bibis è vena, somnos abruptere noli;
Si lubet in tenebris me jugulare, sile,
Quamvis eludas ictus, iterumque recurras,
Uno te colapho fors aliquando petam.





JOSEPHI SCALIGERI

VERONENSIS.



Epicedion Henrici Castanei Ludovici F.

QUicumque immensos moliris mente triumphos
 Abliste infans (vana est fiducia) cœptis.
 Quisquis suas urgemus opis: spe maxima facta
 Præcipimus: Mors atra nigris circumvolat alis,
 Et cursu in medio vota imperfecta moratur.
 En modo, quem sublimis apex, quem clara manebat
 Gloria, qui gestis modo rebus, & indole prima
 Cunctorum studia & spes incendebat, inanes
 Exsequias ferrur juvenis, lacrimasque suorum,
 Et fati invidiam secum trahit, aspice quanto
 Defertur comitum gemitu, quanto agmine pompæ.
 Heu bello properatus honos, & puberis ævi
 Tristes primitiæ nimis infelicis ephebi
 Visa potens virtus, vitam si fata dedissent.
 Nunc quem fera senem debebat laurea cœlo,
 Abstulit ante diem, nec longo tempore fortem
 Passa frui juvenem, quos spe præsumperat annos,
 Ac generis titulos claris extendere factis,
 Si proprium decus hoc voluissent esse severæ,
 Quæ fufis hominum dispensant fata, Sorores,
 Omniparens cœlum, cœloque adscripta potentum
 Federa fatorum, juvenum contingere vitæ.
 Quas Telamoniades matrumque orbator Achilles
 Configerunt metas, cur invidistis, ut annis

Heroum vitas, animis, æquaret, honore;
 Heu miserande puer, tu nunc primo occidis ævo;
 Occidis: & juvenile decus Mars impius hausit:
 Qualia prima novo canentia flore ligustra
 Decutit afflatu, qui decutit omnia, ventus.
 Ah qualem luctum linquis matrique patrique
 Atque tuis? matri imprimis, quæ vota precesque
 Conduplicans sublimem in equo & fulgentibus armis
 Miserat in bellum, nec talem mœsta recepit;
 Sed gelidos artus, sed onus fatale feretri.
 Parte alia nullis novitatum exercita monstris.
 Simplex nobilitas, & nescia fraudis Iberæ.
 Extinctum lugent, versisque insignibus omnes
 Funeream ducunt pompam, & funguntur inani
 Officio, tu non gemitu revocabilis ullo.
 Conciliis Heroum & cœtibus interes illis,
 Quos discreta tuentur ab omni limina vulgo,
 Limina quæ nisi victores insistere fas est,
 Quosque triumphali velavit laurea fronde,
 Aut quibus illustris umbravit civica vultus.
 Hic tibi non æquo passu templa illa petenti
 Obvius occurrens aliquis de gente Deorum
 Te cœtus trahit in medios procerumque ducumque,
 Francorum procerum atque ducum, qui fortibus ausis
 Parta reportarunt toties ex hoste trophæa.
 Olli fidereos vultus, & frontis honestæ
 Mirantes culmen generosum & membra decora
 Expleri nequeunt animum, memoresque juventæ
 Flent atque extinctum fato miserantur acerbo.
 Cum vero palmas numerant, & fortia facta,
 Tunc justæ credunt numeros expleisse senectæ.
 Tunc lætum Pæana canunt; tunc, vocibus æther
 Fervet, & alterno fremit ingens regia plausu.
 Tu contra (horresco memorans) heic jura fidemque
 Calcata, heic patria conversum in viscera ferrum,
 (Proh pudor) Hispanos dominos in tecta receptos,
 Mutatos Gallorum animos, & secla nepotum
 Degenerasse refers, virtutum oblita parentum:

Ac te felicem, cui contigit, ista priusquam
 Longius in miseros serpant contagia Gallos,
 Oppetiisse tamen pulchram per vulnera mortem;
 Denique & hoc melius quam si te lurida tabes
 Devorum morbo caput & sine nomine funus
 Absumpser: melius, quam si te cæspite vili
 Suppositum velaret humus peregrina; nec ullus
 Exsequiis patriæ contingeret haustus arenæ,
 Aut tumulus, tumulo & leti superaddita caussa;
 Et tunus, qui solus honos est lumine cassis.
 Tu loqueris: tacitus suspensis auribus illa
 Conventus bibit Heroum; nec jam tua sentis
 Vulnera; non gemitus, non hæc mortalia curas;
 Et quæ non curas, nobis deslenda relinquis.
 Flebimus, & memori, si quid pia carmina possunt,
 Si quis amor veri est, te commendabimus ævo.
 Dicemus validis defensas viribus arces,
 Quam Gardampa rapax, & quam lavit amne Vigenna.
 Addentur fuscæ palantes agmine turmæ,
 Non sine te, & turpi vertentes terga timore.
 Ac quamvis titulus plenis tibi fructibus ingens
 Armorum merito est; tamen est prior ordine virtus,
 Et doctæ impubes ætas operata Minervæ.
 Siste parens lacrimas, animi matrona virilis.
 Si qua fides vatum auguriis, manet ultimus hostem
 Exitus, haud humili persolvat vindice pœnas.
 Interea hæc lacrimas, solatia vana doloris
 Accipe care puer, dum paulum cura remissa
 Laxet iter voci, ut liceat tua dicere facta
 Accipe care puer lacrimas; Salveque Valeque,

In Eundem.

Cur hoc Henrici sunt condita viscera busto;
 Ast alii cessit corpus inane solo?
 Una domus totam quam non capit orbe ruinam,
 Uno non potuit limite tota capi.

Epicedion Ludovici Castanei Equitis Torqu. Regii.

Tristes exequias, miseras surgentis ephebi
 Spes interceptas in primo flore juventæ,
 Desleram, nondum coit manifesta cicatrix.
 Funestos iterum numeros, & triste doloris
 Poscimus officium, lacrimas impendimus orbo:
 Extincto demus lacrimas: durissima jura
 Fatorum, ludo nondum satiata cruento,
 Estne, quod in claras prælustria culmina sedes
 Non liceat vobis, si nec domus una fat uno
 Fungitur exitio? testis natusque paterque:
 Marte prior natus, morbi pater obrutus æstu,
 Ordine turbato nati comes additus umbris.
 Sic tortus rabido ventorum turbine vortex
 Arboreos primum ramos, & matris opacæ
 Summa petit stringens, mox ipsam a stirpibus imis
 Everrit, totamque advoluit montibus ornum:
 Quæ prius infano rumpam convicia planctu?
 Quid querar? unde meo questus ac verba dolori
 Sufficiam? stupet ecce novo mens obsita luctu,
 Nec, quid promat, habet, dum semet in omnia vertit
 Scilicet effabor? tantis sim luctibus impar.
 Vulnera dissimulem? misero quodcumque tacetur,
 Acrius insidit: luctuque expressa querela
 Infantes promit gemitus, ac murmura trunca.
 Ipsæ quæ nostros solitæ mulcere labores,
 Ad quas perfugium duris in rebus habebam,
 Præduxere situm squalentem ac nubila mente,
 Nec mea responsant facilis ad vota Camænæ.
 Septima jam reficit Lunares orbita cursus,
 Cum diræ mortis trepidas mihi nuncius aures
 Affecit, pigrosque induxit pectore sensus,
 Inspirata meis afflans obliviam curis.
 Sic tua mors. Lodoice, tuique injuria fati
 Musarum dulces fœtus, & carmina nostro
 Obterit ex animo, postquam tua funera mœstus

Auribus his hausi, nil non mutabile sensi.
Atque idem mihi me, qui te mihi casus ademit.
Hoc solum superest, de te vix dicere posse,
Et tantum meminisse tui, tua fata canentem
Flere, minus muto, sed non meliore canenda
Pectoris affectu: si quis tamen hæc quoque si quis
Rumpet fræna dolor; non te flos læste virorum,
Indictum, aut tua facta sinam, tibi pectora plango,
Et tua jam resides animos in funera solvo:
Ecce diu sterilis male conscia lingua silenti
Obsequio tristi vires, vocemque ministrat
In luctus facunda suos; nec se capit intus,
Quem vis dura mali potuit cohibere dolorem.
Ah quibus incussem probris, qua voce lacessam,
Quæ te non verita est tanto fraudare ministro
Gallorum Fortuna, vices quas sæpe ruentes
Fulsit, & in tuto rursus tua dextra locavit;
Dum toties vincis, patriæque impendere vitam
Non dubitas, quæ te nuper duce civica fregit
Arma, vago fines qua Pictonas amne Vigenna,
Quaque alios fines Lemovix Gardampa pererrat?
Heus ubi nunc virtus, invictaque dextera bello?
Heus ubi perfectæ sitiens mens laudis? ubi ingens
Gloria Castanidum? nempe hæc, proh sancta Deorum
Numina, nempe nigri hæc vis abstulit omnia lethi.
O quot funeribus tibi funus constitit unum.
Quot lacrimas orbæ, quantum tibi, Gallia, fati
Mors dedit una! novum neque enim, neque nuper oborta
Nobilium de plebe caput, sed sanguine ab alto
Demissum gemis, atque heroxæ stirpis alumnum
Usque ab avis, & avorum atavis, ab origine prima,
Quod genus externum, quæ gens tam devia nescit
Castanidas proceres, Martis virtute potentes,
Et belli claros studiis, quo tempore finis
Anglus Santonicos dura ditione premebat?
Testis Vultona es, refluaque Carantone lympha,
Cæde Caledonia vitreos infeste liquores.
Hinc sparsum genus est, at eos cœpere propinquis

Piſtonis hinc tellus, hinc tellus Turonis oris,
 Turonis armipotens Celtarum gentis ocellus,
 Ingeniis pollens, & divitis ubere glebæ.
 Heic prima hauſiſti genitalis lumina cæli,
 Qua regnator aquæ preſſo fuit agmine Croſa.
 Et turrita lavat Poſſai mœnia Caſtri.
 Heic tibi felices cecinerunt omnia Parcæ,
 Et melior niveos oneravit purpura fuſos:
 Ut quanto patrias patria hæc ſupereminet almas,
 Tanto tu meritis anteires omnibus omnes.
 Ergo laceſſenti primis vagitibus auras
 Infanti ingenuos inſtillavere liquores
 Caſtigatorem morum, pro lacte tepenti,
 Sanctæ nutrices, virtutum exercitus omnis,
 Cana Fides, Fideique ſoror Conſtancia virgo,
 Temperiesque, & juſtitix Prudentia cuſtos.
 Inde magiſteriis ætas formata Dearum
 Accepit tales excultri peſtoris auſtus,
 Quale tuis ipſæ lac immulſere labellis.
 Ut, quæ vix fas eſt parritum ſiugula habere,
 In te conjunctim fluerent, unoque recepta
 Peſtore virtutum collegia mixta coirent.
 Nam quod vulgus iners, & adhuc rationis egenum
 Nil putat eſſe fero blandis cum Marte Camœnis;
 Tu cum Marte fero commercia blanda ſororum
 Inter ſe placida conſanguinitate jugaſti.
 Muſarum, vir magne, prior bellive laborum
 Laudibus, ambiguum; ſed certe magnus utroque:
 Nec te nobilitas cuſtos erroris aviti
 Traxit in exemplum, legis quæ vertit in uſum
 Nil ſcire, & rudibus tranſmittere cultibus ævum.
 Quid referam nullis indelaſſabile corpus
 Uſibus, & patiens auræ glacialis, & æſtus?
 Quid ſomni immunes oculos? quid membra labore
 Campeſtri durata, nec uni nata palæſtræ?
 Utque illæ dotis vincebant cetera, ita unus
 Vicerat has animus generoſe incoctus honeſto,
 Puraque mens nulli vitiorum pervia labi,

Et recti retinens, & vindex fraudis avaræ.
 Tum pudor, & mores priscis Heroibus æqui,
 Et castæ gravitas non affectata loquelæ:
 Sobria temperies; frons non elata secundis,
 Non dejecta malis, mediique in utroque tenores.
 Interea magnæ legatus poscitur Urbi,
 Septem quæ una sibi gremio complectitur arces.
 Quæritur e medio procerum, quæ maxima tanto
 Aptæ foret cervix oneri, tua cognita virtus
 Non est passa diu mentem nutare legentis
 Principis, aut procerum felicia vota morari.
 Mitteris; & quam certa fides, quam provida cura,
 Aut tua quæ fuerit claros spectata per actus
 Sedulitas, sensit Princeps, videre Quirites.
 Quin etiam obsequium longa in statione teneret.
 (Tantus amor regni est, tanta est reverentia Regis)
 Emeritum nisi jam, lustrum volventibus annis,
 Roma redonatum patrio te redderet orbi.
 Vita bona pacis dulces agitata per usus,
 Militiamque aulæ, potuit tranquilla videri
 Hactenus. Hinc crudi studiis exercita Martis
 Cetera lorice sub pondere canuit ætas.
 Quis memoret curas animi, discrimina vitæ.
 Sub Jove duratas hyberno fidere noctes,
 Atque intempestis equitata cacumina nimbis,
 Fortibus induto rigidum thoraca lacertis,
 Cogenti turmas, implenti munia magni
 Militis atque ducis? Lemovix rectore carebat
 Limes, Aquitanæ scindens confinia terræ.
 Tempore quo Stygio caput extollebat ab antro
 Gallorum furians animos civilibus iris
 Impia Tisiphone: flebat Provincia sola,
 Nuda regente suo, qualis bacchantibus Euris,
 Fluctibus in mediis amisso cymba magistro.
 Cuncta coruscabant trepida formidine mortis,
 Pictone si sonipes flammis miscente cucurrit,
 Vel quoties acies longe comparuit, hostis
 Extra urbem manifestus erat, suspectus in urbe.

Uc-

Utque Therapneos fratres, optabile fidus,
 Auxilio implorant deprensi turbine nautæ:
 Sic te suspirant fessis solatia rebus
 Laturum cives; neque sat, te poscere votis.
 Polceris & precibus, precibus rex annuit: & mox
 Opratus Rector rerum succedis habenis.
 Ipsa quidem viridi juvenales indole vultus
 Murato felix novitas moderamine sumpsit.
 Ac tibi nulla quies, nec blando lumina somno
 Declinare datur, conjux a mente remota
 Exsulat, & dulces, carissima nomina, nati:
 Publica privatos affectus cura repellit.
 Unus amor, nullum patriæ præponere amorem.
 Nec sua communi subducere membra ruinæ.
 Unum hoc propositum est: hic menti terminus hæret.
 Vix admissus eras trepidæ ad moderamina terræ;
 Frugibus infestas populator Picto cohortes
 Parcius immittit campis: neque ut ante solebat,
 Cornipedum crebris assultibus arva fatigat,
 Sparsurus pavidis incendia dira colonis:
 Et vel si qua foras audacia provehit, hosti
 Improvisus adest, vel ab omni parte timendus
 Castanides absens animis suspectus inhæret,
 Increpuitque metum, sola formidine victor.
 Quæ, Gardampa tuas prætexunt oppida ripas,
 Et quæ Crota tuas, dominis servire coacta
 Hostibus, hostili nunc sunt prætentæ furori,
 Nec vota agricolæ, nec spes intercipit anni,
 Vel libata Ceres, vel abactus cultor agelli.
 Illa, vagis cujus populatibus invia nulla,
 Atque omnis fuerat tellus angusta, latronum
 Colluvies furumque novo ductore manipulus,
 Unius vix se defensum mœnibus Urbis
 Continet, illorum nunc præda est obvia, quorum
 Prædo fuit, quod non toties, nec tanta per agros,
 Perque humiles bacchata casas incendia regnant;
 Quod civis propriis fruitur, quod pace colonus,
 Castanidæ totum meritis debetur, & uni.

Quæ nulli cedit, cui cedunt omnia, dextræ,
 Pistorio sua forma, tua virtute renata,
 Et priscus patriæ rediit vigor artubus ægris.
 Te duce mercedem lixæ non pendit arator:
 Non pacem donis redimit, non ære quietem.
 Namque tui referens exempla domestica de te
 Miles habet, sequiturque tuos, ut classica, mores.

O felix si cui stabiles florentis honoris

Afferuit titulos indelibata voluptas.

Sed neque inoffensi datur ævi currere metas,

Continuat sincera tenor neque gaudia nobis.

Namque duo meritis temerarunt omnia laurus,

Quæ transversa tuis intervenere trophæis:

Filius, heu, pubes indigna morte peremptus,

Atque tuum carcer, sed carcer sanguine multo

Pensatum exegit iusta Rhamnusia pœna:

Ut damnis tua laus crescens pretiosior esset.

Sordescit laus de securo parva, triumphus

Vilis erit, cui non proludunt prævia damna.

Dicat congestis augustus stragis acervis,

Quam pigra Ligerim propellat mole Vigenna,

Merfa quot arma virum, quot fortia corpora volvit.

Jam sat finitimis impune illuserat oris,

Turonios prædo faciens equitatibus agros.

Vindictam exsanguis patriæ poscebat imago:

Vindictam lacera poscebat Filius umbra;

Devotum funus, civilis victima belli.

It campis agmen, telis exercitus ardens

Procedit: jam cuncta sibi cedentia votis

Metitur: quas quisque avida spe devorat urbes

His servile jugum intentant, his vincla minantur:

Omnibus exitium. Necnon poscentia pugnam

Agmina Castanides dictis accendit: adesse

Tempus ait, quo felici victoria lauru

Pistorio requiem, decus ipsis augeat: eja.

Poscimus, en Mavors, en Mavors: poscimus inquit.

Signa movet strictisque acuunt mucronibus iras.

Quæ fuit illa dies? quam multa cæde piatum

Et

Et carcer patris est, & nati funus acerbum?
 Hic neque cura subit quæstus, neque parcere victis,
 Nec precium captis imponere, corpora quæ non
 Optat avarities lucro, rapit ultio cædi
 Vindictæ gens tota datur, nam cetera pubes
 Ne pereat, perit, & patulas se mittit in undas.
 Atque aliquis pronò descendens amne viator
 Funera dinumerare velit: sed longa natantum
 Obsistit series: numerus cum flumine crescit,
 Cum numero Pæan. Ligeri dic, magne Vigenna,
 Dic Liger, Oceano, victrici cedere cuncta
 Castanidum dextræ, fluvios servire triumphis.

Non ego cuncta meo complecti carmine possim,
 Non Martis, non pacis opus: quas Marte rebelles
 Disjecit gentes, placida quas pace ligavit:
 Ista Maronei quos afflat spiritus æstri,
 Utilius feris miranda nepotibus edent.
 Nos humiles animæ, queis solvere questibus ora
 Vix datur, inferias magnæ, quas possumus, umbræ
 Libamus, tenues numeros, defectaque verba,
 Singultu medias interrumpente querelas.

Ergone te, cui tot creperi discrimina Martis
 Cesserunt, toties belli fortuna pepercit,
 Lecti invita quies, & segnis inertia morbi
 Abstulit? occiduum quamvis tibi vergeret ævum,
 Et quartum ter quinta urgeret Olympias annum:
 Sobria te juvenem faciebat vita videri:
 Nos patriæ utilitas annos numerare vetabat.
 Quo properas? cur, quæ valide defensa dedisti
 Oppida, quas toties servasti, deseris arces?
 Aspice, luctifico miscentur ut omnia planctu,
 Omnis ut ora suum desideret orba parentem.
 Heu cur te vitiis ævi præsentis iniquum
 Ocior aura tulit? non te preciosa morantur
 Pignora præstantes lecta cum conjuge nati?
 Non inculpati convictus strenua membra,
 Castrorum comites, per tot discrimina sæva,
 Indeserta tuæ fortunæ signa secuti?

Ast ego, quem suprema terit jam calce senectus,
 Quid steriles annos, quid inutile demoror ævum,
 Si genus Heroas nullo superabile bello
 Morbus, & ancipitis rapit inclementia fati?
 O patria, o magni dominatrix Gallia regni;
 Si quis amor veri est si te tua vulnera tangunt,
 Pelle situm genii: nubem eluctare veterani
 Aniqui, mersumque gravi caput exsere somno.
 An nondum clades, nondum tua funera sentis?
 Paulatim floremque ducum, bellicque ministros
 Carperis, hos morbus rapit, hos Mars impius aufert.
 Funde tuo lacrimas supremum munus alumno.
 Stet tumulus, tumulum signet superaddita causa.
 Hunc tumulum, & tumuli titulum sua Gallia rapto
 Castanide, quo mille duces amisit in uno.

*Puteanis Fratribus Claudii filiis, de morte
 eorum patris.*

O lecti juvenes, virtutis nobile germen
 Succrescens patriæ; quid me ad damnata redire
 Sacra Camœnarum. & meliores cogitis annos
 Respicere, ut Phœbi revirescat pristinus ardor,
 Adflatuque novo sopitos suscitet ignes?
 At quodcunque fuit, si quod fuit, omne doloris
 Sordibus absolvit, neque jam splendescere cultu
 Sustinet ingenium, duplici quod funere sensim
 Effcerri sentimus: hebes nam luctibus hinc est,
 Hinc ipsum frangit, quæ frangit cuncta senectus:
 Ut quondam senio rimam faciente dehiscit
 Jam putris paries; proprio mox pondere tractum
 In proclinas prosternunt flamina partes,
 Scilicet exsequias vestro sic ire parenti
 Hac ope nitentes. hac cultos mente jubetis?
 N. m. que ex quo tali vos orbos patre reliquit
 Nigra dies, turpi macula quæ secula notare
 Non verita, est tanto dum privat sidere mundum,
 Ex hoc nulla mihi diffundunt gaudia vultum:

Et

Et quæ sunt solitæ vulgo lenire dolorem
 Vel ratio vel longa dies, harum altera tantæ
 Jacturæ meritum menti obiicit: altera longo
 Carnifici curæ vires acquirit ab ævo.
 Ultima restabant animo solatia victo.
 Quas a me exigitis neque me debere fatebor,
 Dulces Pierides generosæ pabula mentis,
 Suavibus in studiis Heliconia sacra colentis:
 Qua non est animo potior medicina tumentis.
 Cum dolor egeritur lacrimis, explendaque fletu
 Cura novis itis omnes effundit habenas.
 Sed nos Musarum secretum triste petentes,
 Nescio quis pravi dulcedinis efferat error.
 Absentis memores figens in imagine sensus:
 Qui dum præteriti convictus computat ævi,
 Atque sibi blanditus in omni quærit amicum
 Historiæ tumulo, heu quoties objecta figuris
 Ludit amabilibus memores insania sensus?
 Nam quocumque meos circum fert lectio visus,
 Seu quem justitiæ dotes aut gratia morum,
 Aut juris commendat apex, aut gloria linguæ;
 Unicus occurrit nobis Puteanus in illis
 Exemplis decorum: quia quem congesta decebat
 Virtutum series, virtutes vindicat omnes.
 Sic quæ sunt curis aliorum nata levandis
 Otia Musarum, lacrimis sunt pabula nostris,
 Et quæ sunt cunctis medicamen lene laborum
 Literulæ, nobis coëuntia tempore longo
 Vulnera rescindunt; animo quia vana ministrant:
 Qualia fallaces frustrantur gaudia somni
 Instar ventorum, levibusque simillima fumis:
 Ut, quoties mihi lecta refert, neque præstat amicum
 Pagina, detester toties mea numina Musas.
 Inde fit, ut si quæ manabat largior olim
 Castalii laticis, nostro de pectore vena,
 Pauperior fluat, & suppresso fonte resistat.
 Unde igitur versus, & rapto carmen amico
 Sufficiam, cui nec Phœbus respondet ut ante,

Nec

Nec vetus adspirat vegetantes impetus auras,
 Parnassum & sacram solitas impellere Cirrham?
 Quod mihi si nullo squallerent pectora luctu,
 Et par ingenium magnis conatibus esset,
 Supremi officii præstarem jura sodali.
 Sed vigil ad curas, solisque adsueta querelis
 Non venit ad partes toties mihi Musa citata,
 Pro verbis fundens lacrimas, pro carmine questus.
 Ne tamen aut pietas, aut cujus sancta potestas,
 Claudicet officii pars ulla novissima nobis;
 Huc ades adjutrix nostri regina laboris,
 Et mihi, Melpomene, potiores præcipe cantus,
 Fletibus immodicis statuens quis terminus hæret;
 Quos desiderio fines, quæ tempora pono.
 Et cum te in partem lacrimarum sæpe vocatim;
 Pone graves gemitus, lamentaque desine mecum
 Funereos lacerata sinus, immissa fluentes
 Hirta per ora comas, & scisso squallida peplo:
 Come serenatam festo diademate frontem,
 Indue purpureo radiantes lumine cultus:
 Detergi curis, & pulsa nube doloris
 Compositos manes hilari pietate colamus.
 Jam laudum, & rerum melior te postulat ordo:
 Sic ego: sic Diva hoc sermone silentia rupit.

Principio Natura parens, cum vellet in una
 Congerie decorum commercia multa coire;
 Atque hominem exemplum fecilis insigne futuris
 Parturiens, cujus sub pectore conderet illa,
 Hunc humilis vici cœcis vagire latebris,
 Aut ignorata nutrirî noluit urbe,
 Sed regni dominâ, quod regnis omnibus orbis,
 Omnibus Europæ præcellit ut urbibus illa:
 Ut commune decus, sociæque insignia laudis
 Tam locus à nato caperet quam natus ab illo.
 Regnatrîx claræ, generosa Lutetia, terræ,
 Quis memorare tuas sat digno carmine dotes
 Aut laudes æquare queat, quæ debita Musis
 Tot pleno toties fudisti pignora fœtu?

Tu generas, qui jura regunt, qui legibus urbes.
 Et sanctis recti populos moderantur habenis.
 Non alia nasci Puteanus debuit urbe,
 Aut potuit, quam quæ propriis virtutibus illum
 Excoleret. similemque suis formaret alumnis.
 Protinus altrices linquens infantia cunas,
 Imbuitur studiis & primo flore, Minerva
 Eductrice, rudes poliuntur cultibus anni.
 Excipiunt puerum gremiis florentibus Artes.
 Ante omnes teneri moderamen suscipit ævi,
 Quæ docet. ut primo formetur litera ductu,
 Ut commissa suis nectatur syllaba nodis:
 Atque per articulos distinctaque membra legendi,
 Dædala perpetuam texat structura loquelam:
 Utque suis pedibus gradientia carmina surgant.
 Huic soror exacuens studiis solertia corda,
 Et stricto vultum componens pondere vultus,
 Succedit Criticæ, pueri quæ sensibus omne
 Cecropiæ & Latini referat penetrale senectæ,
 Quidquid apud numeros, numeris aut orsa soluta
 Venturis seclis commendavere papyri.
 Non illi prisca certasset norma Cratetis,
 Non cujus spurios versus censura notavit,
 Et læso a mendis obelos impressit Homero.
 Sic furtim ereptos blandis nutricibus annos
 Erudiere Deæ, donec vis mentis adultæ
 Ad magnos census, gravioraque cœpta vocaret.
 Tunc Dea, quam penes est cultæ facundia linguae,
 Quæ dotes oris tribuit, regnumque loquendi,
 Induit Aethiæ puerum Demosthenis arma:
 Eloquii florentis opes, momentaque fandi
 Tradit, & attonitas artem quæ permovet aures.
 Arbitrioque suo moderatur frena coronæ.
 His sacris imbutus ait, pete, limina legum.
 Quæ tibi recludet nostri fiducia ductus.
 Ut rectore carens, & nullo remige tuta
 Ludibrium venti puppis jactatur in undis:
 Sic, quicumque subit Themidis sacraria, mythes

Lucis eget nostræ, cunctisque paratibus orbus,
 Quos munire solent pueris discentibus Artes;
 Exclusus commissa luet, quod mente profana
 Juris inaccessis posuit vestigia luco;
 Et numquam visus adytis immittet opertis.
 Exere vividulos animi solertis ocellos.
 Care puer, te jura vocant arcanaque legum.
 Te sua votivum Themis in penetralia mittit,
 Quæ te purpureis infertum Patribus olim
 Signabit meritis rerumque imponat habenis.
 Disce quis officii limes, quæ regula recti,
 Quis licito finis, vetitum quæ pœna sequatur:
 Qualia bisseis tabulis sanxere Quirites,
 Aut Prætoris honos, aut Cæsaris alta potestas,
 Artibus excita his homines Astræa revisit,
 Prætulerit quamvis telluri sidera, postquam
 Aurea deterius vitiavit secla metallum.
 His quoque barbarico squallescere secula ritu
 Dediscunt, & qui voluit feritate timeri,
 Jura timet. Validum, sævisque potentius armis,
 Urbibus ut regis, sic regibus imperat Æquum.
 Quo magis has, dilecte puer, maturior artes
 Præcipe corde libens, & totis sensibus hauri.
 Tempus erit, quando tua te spectata per illas
 Augusto Patrum virtus adsciscet honori.
 Dixerat. Obsequiis puerum majoribus aptum
 Excipit alma Themis, magnis & destinat actis:
 Sacra docet, legum tabulas, & condita jura
 Monstrat, & instructo jam civica porrigit arma.
 Est locus, austrinum qua pronus vergit in axem
 Signifer, & noctes Chelæ; cum lucibus æquant;
 Heic sibi dum prisca exosa relinqueret urbes.
 Conspicuum posuit signis Astræa tribunal,
 Unde sacro totum moderamine temperat orbem.
 Et stringit scelerum vindex in crimina numen.
 Heic incisa notis media testudine testi
 Atque ære ex solido legum tabularia pendent.
 Atria clara domûs dextra lævaque tuentur

Felices animæ, cœlo sacrata virorum
 Nomina, purpurei toga quos velavit honoris
 Quorum consiliis tutata est Curia regnum,
 Quos non vis odii, non illice gratia fucō,
 Incolumem justis veruit servare tenorem.
 Hos Dea pro meritis in cœli parte locavit.
 Inter quos (celsa Puteanum ut vidit ab æthra)
 Præcipuæ sedis loca dirigit: hunc quoque, dixit
 Ista manet sedes, postquam perfecerit omnes,
 Quos fatis debet non quos natalibus annos.
 Atque utinam posset contingere longius ævum.
 Et tantum vitæ quantum splendoris haberet.
 Diis aliter visum, vitiis qui gentis iniqui
 Humanæ, sanctas animas de corpore solvunt;
 Urque malos mulcent, privant hos luce bonorum.
 Interea dum culmen ei sublime paramus,
 Lucida qua justæ fulgent examina libræ,
 Et vacat huic sedes, quam designavimus illi,
 Hos inter Proceres, sua quos illustribus æthra
 Cœtibus inseruit pietas, cœloque fruuntur:
 Hunc, summos meritum virtutis nomine fasces,
 Inter honoratos admittat Curia Patres.
 Juridici cœtus secretis actibus adsit.
 In medio faciat facundus verba Senatu.
 Nullius occulitur virtus generosa tenebris.
 Conspicuum fundens, Pharos ut Nilotica, lumen.
 Nec Puteanus, opem cum lapsa negotia quærent,
 Ignoratus erit: dubiis nam protinus illum
 Rebus Aquitanæ gentis ad jura reposcent.
 Cum lecti Proceris augusti membra Senatus
 Exciti lacrimis affictorumque querelis,
 Incorrupta dabunt oppresso jura Garumnæ,
 Mollia præstantes securis otia terris.
 Ast hos pacatis repetentes patria rebus
 Mœnia feralis tempestas civica belli
 Excipiet: quantis jactatos illa procellis
 Heroas summos varia in discrimina mittet,
 Quorum pars Puteanus erit? quid cetera porro

Persequar? aut potius cur factis sine quiescam?
 Plura Deam memorare (etenim memorare libebat)
 Et dolor, & taciti veruit mens conscia fati.
 Me quoque quam meritum grande, & reverentia morum
 Atque viri virtus huc perduxere canentem,
 Hei mihi, cum morbum supremaque cogito fata,
 Hei mihi deficiunt vires: nec plura locuta
 Melpomene, lacrimisque genas opplera tumentes
 Hæsit, & effusi contraxit vela doloris.
 Cupressum crines iterum pro virgine lauru,
 Pro lætis humeri velamina tristia sumunt.

Quo me, Diva, gravi perfossam pectora cura
 Deteris, infandamque jubes revocare ruinam,
 Cui par non fueram flendæ? quid fulmine tanto
 Dignum concepiam cui singultantia verba
 Vix medio gemitu vox intercepta ministrat?
 Ignosce, o nostri sidus memorabile secli,
 Si pro carminibus, truncarum murmura vocum,
 Pro cultis elegis, incomtas fundo querelas.
 Non mihi sunt, quæ tu quondam laudare solebas,
 Et quia laudabas, cunctis placitura putavi,
 Carmina: sæpe tuis quibus est audacia verbis
 Addita, dum claræ metuunt se credere luci.
 Omnia tu moriens hæc tecum rapta tulisti.
 Omnia ferali sunt tecum condita busto,
 O lucas, o quos memini, cum fata sinebant,
 Colloquio dulci tecum me condere Soles.
 O tritos sermone dies, & seria mixtis
 Alternata joci! o quas mirabar adorans,
 Oblitumque mei mihi me rapuere loquelæ!
 Heu ubi conditi placida gravitate lepores,
 Atque serenati divina modestia vultus?
 O castigati, Charitum sacraria, mores!
 O pietas! o cana fides! o mixta bonorum
 Temperies! unus habuit, quæ flemus in uno.
 At vos o digni Pylios transcendere fines,
 Et tamen ante diem crudeli funere rapti,
 Innocui Manes, nostri libamina luctus

Accipite has lacrimas; & quos præstare Camæna
Non potuere meæ, pietas compenset, honores.

Paulo Melisso.

Paulle, poëtarum cui doctis frondibus hærens
Cinxit honoratum, laurea ferta caput:
Quid facis, o vates? quibus exigis otia Musis?
Aut quibus in studiis fallitur hora tibi?
An teneras mulcent liquidis accentibus auras,
Musica non uno dividis orsa tono;
Ut te miretur modulantem lymphe Deorum
Rhenus, & exultans altera nympha Nicer
Anne Palæstinas numerofo carmine Musas
Solvere Teutonicis ora diferta modis
Instituis! Felix animi, vitæque beatæ,
Si mentem capiunt illa vel illa tuam.
Felix, qui faciles traducis pectore curas;
Otiaque in tenera sancta quiete colis.
Vivacis cui dona indelibata senectæ
Sponder inoffenso tracta tenore salus.
Quem non ulla malo labe tentavit acuto,
Non ulla adflavit vis inimica mali.
At mihi perpetuum mordacibus anxia curis.
Nec sine sollicito ducitur hora metu:
Quem monstro prognata lues, quæ limite certo
Quattuor alternos itque reditque dies,
Oblidet, & tacita populatur peste medullas.
Hei mihi, quod loquimur verba minora malo!
Nec possunt elegi vivis proponere pestem
Sentibus: altiloquæ res erat ista lyre.
Sic me unit victrix; sic me spoliavit inermem:
Sic de me celsis alta triumphat equis.
Nec mihi sufficiunt veteres in corpore vires;
Nec pes munus obit, nec manus ulla suum.
Sed sum, quod ventis debet ludibria, pondus;
Et quod onus primis flatibus aura levat.

Me-

Me non ulla juvat Cerealis gratia foetus;
 Gnoſſia nec veteris grata ſaliva meri.
 Omnia Cerbereum ſpirant mihi noxia virus:
 Omnia ſunt ori trita venena meo.
 Quid jejuna loquar diluti tædia guſtus?
 Oraque non unquam ſiccâ liquore ſuo?
 Quid matutinæ faſtidia lena ſalivæ?
 Hoſtibus eveniat ah ſapor ille meis! (mun
 Quid ſtomachum exeuſum ſtomachique inamabile mur-
 Et numquam ad gemitus peſtora muta ſuos?
 Cum gravior fundo veniens exæſtuat imo
 Spiritus; & fauces tuſſis anhela quatit.
 Quid nocturna modis inſomnia turbida miris?
 Quasque mihi intentat mortis imago minas?
 I nunc, meque jube Muſarum expromere foetus;
 Et vacuæ a nobis exige mentis opus.
 Me juvat exorare malum hoc: quibus illa pianda
 Auxiliis: quo ſit thure litanda mihi:
 Formidandum ægris atque implacabile numen;
 Una tribus Furiis addita quarta ſoror.
 Poſt ſubducta polo cœleſtia ſemina flammæ,
 Atque Promethææ conſcia furta manus,
 Prima peregrinis Erebi caput extulit oris,
 Inſueta & vultu terruit aſtra ſuo.
 Morborum & traxit ferales prima cohortes;
 Seque ducem juſſit & ſua ſigna ſequi
 Inde hominum miſeris cervicibus imminet hoſtis:
 Calcat & impoſito ſubdita colla pede.
 O dulces animæ, ſi qui ſupereſtis amici,
 Jure ſodalitii peſtora juncta mihi:
 Accipite has lactimas, ſupremi pignora luſtus;
 Triftiaque artatis carmina piſta notis.
 Et tibi nec noſtri ſit funeris ultima cura,
 Devorum Muſis, doctæ Meliſſæ, caput.
 Sic tibi ſint faciles Bœotica Numina Muſæ,
 Impediatque tuas laurus odora comas:
 Atque olim, quandoque mei non inſcia fati,
 Vertet in auriculâs nuncia fama tuas;

Omnibus indicas fac luctum, Paulle, poetis;
 Et nostri, dices, pars fuit iste chori.
 Sic dices, tumuloque dabis tua carmina jungere nostro.
 Carminibusque tuis carmina junge mea:
 Hic situs est, qui nec vixit, nec mortuus olim est.
 Nam mors viva illi: mortua vita fuit,

In Olorem Melissi.

Quisquis picta mei legis argumenta Melissi,
 Ipsa suis etiam disce referre notis.
 Flexanimas voces signat, cantusque poetæ
 Blandus Olor, dulci gutture carmen hians:
 Idem etiam niveis passis argenteus alis
 Innocuos mores & sine labe, notat,
 Uno argumento, pictura insignis in una,
 Culturæ & morum signa, Melisse, geris.

In ejusdem Lilia.

Lilia Francigenæ fuerant insignia gentis,
 Celta cui victus subdita colla dedit.
 Nunc ea sed vixdum veteris cognominis hæres
 Confusus Francis hybrida Gallus habet.
 Et nullo gentis, nullo virtutis honore
 Cognatis maculat stemmata prisca notis.
 Ast tibi vel duplici sunt debita jure, Melisse:
 Quod virtus, & gens illa dedere tibi.

In Imaginem ejus.

Cetera membra mei, spirantiaque ora poetæ
 Artificis petuit pingere docta manus.
 Sed verum, & vivum vatem, totumque Melissum
 Expressam, in nostro pectore sculpsit amor.



In aquas calidas ad Pyrenæos.

Adspice quanta, quibus vitiis, quibus obsita morbis
 Turba, diu lenta decolor ora lue.
 Per rigidas cautes & inhospita tesqua Pyrenes,
 Tesqua vel humano vix adeunda pede:
 Pæonii laticis vastis obsessa ruinis
 Dona petit, tanti posse valere putat:
 Ut pæne ipsius vitæ discrimine vita,
 Utque ipsa constet pæne salute-salus.
 Ergo difficilem quæstum Natura salutis
 Non sine difficili Parca labore dedit.
 Illa salutiferum thesaurum hoc carcere sepsit,
 Carius ut scires esse salute nihil.

De Mirandis Batavia ad Doufam.

Ignorata tuæ referam miracula terræ,
 Doufa, peregrinis non habitura fidem.
 Omnia lanitium, heic lassat textrina Minervæ:
 Lanigeros tamen hinc scimus abesse greges.
 Non capiunt operas fabriles oppida vestra:
 Nulla fabris tamen hæc ligna ministrat humus.
 Horrea triticeæ rumpunt heic frugis acervi:
 Pascuus hic tamen est, non Cerealis ager.
 Heic numerosa meri stipantur dolia cellis:
 Quæ vineta colat nulla putator habet.
 Heic nulla, aut certe seges est rarissima lini:
 Linifici tamen est copia major ubi?
 Heic mediis habitamus aquis, quis credere possit?
 Et tamen heic nullæ, Doufa, bibuntur aquæ.

In Auriacum Danielis Heinsii.

Melpomene sacrum facit Heinsius, ore favete,
 Dum quatit Æschyleo pulpita pista pede.
 Cede Sophoclei carmen regale cothurni;
 Cedite Cecropiis plausa theatra choris.

Principis ille vicem subitam, strictumque dolose
 Non expectato fulmen ab hoste, canit:
 Et fixum in patria, dum figitur in Duce vulnus.
 Hanc tibi nulla dies tollet, Ibere, notam
 Grandiloquisque Heinsii numeris, quæ dedecus una est
 Mors tibi, Nassovio vita perennis erit.

In Inscriptiones antiquas Jani Gruteri.

Cadmeas iactet cur mendax Græcia turris,
 Aut Amphioniam saxa secuta lyram?
 Aspice, quod surgens non parva mole theatrum
 Gruteri struxit Dædala cura mei.
 Usque pererrato terrarum sine petitus.
 Cernitur ex omni plurimus orbe lapis.
 Armorum hic titulis, ille est incisus honorum:
 Consul hic fulget laudibus, ille Ducis.
 Nobilium decorum custos, Grutere, Vetustas
 Explicuit census in tua vota suos.
 Scripta tot elogiis, tot dissita sedibus olim,
 In titulos laudis nunc coëre tuæ.

In Martianum Capellam Hug. Grotii.

Hugo soboles Grotius optimi parentis,
 Qui limina nondum tetigit puberis ævi,
 Sed mente senili teneros prævenit annos,
 Magnum meditans, auspiciis noluit illis
 Præludere, quæ vesticipum postulat ætas:
 Sed maluit a grandibus inchoare cœptis.
 Nam qui penus est omnis & arca disciplinæ,
 Sed quem horridulum injuria squallore vetustas
 Omni studiorum nitido abdicarat usu,
 Illius ab incude profectus, atque amœno
 Splendore micans, purpurea veste decorus,
 Cultusque novo pum ce Marrianus exit.
 Cernisve ut evantem lepido flore juventæ,
 Commendet eum gratia luminis recentis?

Quam

Quam siue habuit, restituit gratus illi:
Seu non habuit, contulit hanc Grotius illi.

In Proscripta.

Proscripsit tua, teque, quod citatus.
Non responderis, optimus Senatus:
Non assis facis, & gravem tremendi
Legem carminis, ac severa iussa
Tantum verba putas: notas honoris,
Famæ stigmata, nominis lituras,
Speras olim abolere posse: frustra:
Cum vulnus coit, manet cicatrix;
Utque infamia vulnus est honoris,
Sic ignominia ejus est cicatrix.

Marguerite Du Val. Rarum, Laude viget.

Gratia plebejum commendat nulla decorem.
Vile puellarum vulgus honore caret.
Quod rarum est, hoc laude viget: quam rara venustas
Est tua, tam rarâ, Margari, laude viges.

Genetliacum Æmilioli Melissi.

Unde me bifori sono
Festa lætitiæ comes
Lotos Asia perstrepat?
Cui Deorum adoler meus
Thura odora Melissus?
Cur adest Genius gerens
Luteolum pede socculum?
Unde cum patera meri
Liba adorea sustinet
Ara cæspite vivo?
Audivere Dei preces:
Et locum pietas habet:
Vota Jupiter audit.

Nempe sunt Superûm sacri
Justa cura Poëtæ.

Nam, Melisse, puerperæ

Filium Æmilium tibi

Venter Æmilæ edidit,

Quam thoro propriam tibi

Sancta Juno dicavit:

Ne tuum sine liberis

Nomen occidæ petens

Noctis atra silentia

Lividæ Stygis oblitum

Obsolesceret undis.

Jam Melisiades tibi

Porrigit teneras manus:

Jam nutricia primulum

Matris ubera parvulus

Sugat ore novello,

Lacteamque papillulam

Rictibus pueriliter

Collabellat hiantibus:

Nunc repellat, ut abnuens

Proximusque neganti.

Inde blæfula garrulus

Verba semiloquo sono

Terriata fritinniens,

Det facera parentibus

Multa millia lusus.

Mox adulta virilibus

Membra roboret artubus,

Qualis in nitidum aëra

Ramulos virides novo

Vere subiicit arbos.

Cresce Phæbicolæ puer,

Vatis aureolum genus.

Cresce mustule pupule,

Æmili, Æmulæ puer

Matris aurea proles.


Ecce lilia cum rosis

Bacchicaſque ederas tibi
 Rupis incola Theſpiæ,
 Sutilesque novo parat
 Flore Muſa corollas.
 Major at tibi debita eſt,
 Teque nobilior manet
 Textra Calliopes manu,
 Quæ ſacram tibi Laurea
 Umbret inclita frontem:
 Cum canes veterum memor
 Faſta fortia Principum,
 Quos Nicrus dominos ſuos:
 Alma quos columen ſuum
 Heidelberga ſalutat.
 Pallor? an novus emicat
 Matris è gremio ſuæ
 Dædalæ fidis arbiter?
 Et Meliſſiaden nova
 Comit inſula vatem?
 Prodeas opifex ſoni
 Orpheos liquidos modos,
 Atque Arionæ lyre
 Plectra flexanimo fidis
 Provocantis honore.
 Nec tibi numeris ſacer
 Certet innumeris olor
 Dirææ fidicen Lyræ.
 Nec tibi Venuſi Appuli
 Comparetur alumnus
 Cede Grajugenum cohors.
 Cede Romulidum manus:
 Quotquot Aonia ſpecu
 Limpido trepidans pede
 Format unda poëtas.
 Neſcio quid amabili
 Matris Æmilæ e ſinu
 Majus exoritur fide:
 Fama quod ſtueat vetus,

Quod.

Quodque postuma laudet.
Vos Deum genus, optimo
 Jure, plaudite Principes.
 Iste fidereus puer
 Vestra carmine masculo
 Panger inclita facta.
Vos poetæ hominum decus,
 Fausta dicite populo:
 Ille prodigus eloqui
 Vestra fluminibus sui
 Oris ora rigabit.
Omnis ocyus huc sua
 Vota contribuat tibi,
 Qui tuum thiasum colit,
 Qui, Melisse, sititor est
 Hippocrenidos undæ.
Ambo contribuant suum
 Carmen: inque vicem sibi
 Serta mutua comparent,
 Filio celebris parens,
 Filiusque parenti.
Tuque, quæ semel edita
 Prole, mater es unius,
 Mater alite cum bona
 Vatis esto nec unius,
 Nec parente minoris.





PALMERII SCARDANTIS.



De Victoria Christi. contra Turcas.

ET laniata feris in densis Delia silvis:
 Nil potuit rabies pernicioſa canum.
 Fruſtra lunato contorſit ſpicula cornu.
 Non potuit cornu, non potuere canes.

In eadem.

Concidit in luco morſu Diana ferarum,
 Arcus quid valuit? ſpicula ſava? canes?





ANTONII SERONIS.

De Benedicto Jovio.

QUOD sis ultima pars, Jovi, Libelli, animal
 Id fratris pietate, & arte factum est,
 Ne vel carior, aptiorve Imago.
 Olim quam rûa jactet ulla sese
 Signasse hunc lepidissimum libellum.

NICOLAI SICCI

BRIXIANI.



*In statnam Æneam Philippi Regis, mira arte per Leonem
 Aretinum conflata.*

UT nati est primùm effigies oblata parenti,
 Æraque conspexit veros imitantia vultus,
 Vivacesque oculos, & signa minacia frontis,
 Oraque divinum in puero spirantia honorem,
 Gentilesque genas veterum decora inclita avorum,
 Substitit admirans Cæsar, paulumque moratus
 In magna fertur procerum dixisse corona.

Non mihi non tantum debes mi nate parenti,
 Quod

Quodd genui & studio vigili crescentibus annis
 Haftenus erudii tenerum, velut anxia mater,
 Quæ properat dulces nidis implumibus escas,
 Arrifici quantum debes dilecte Leoni!
 Spirantem qui te viva sub imagine finxit,
 Atque hic vera tui conflavit signa decoris.
 Quippe ego devotum morti, & fatalibus annis
 Mortalem genui; sed te faber optimus arte
 Surripuit letho, incolumem voluitque futuris
 Post cineres etiam viventem ostendere seclis;
 Felix, qui vivo semper spirabis in ære.

Dixit, & inde abiens mutæ dabat oscula fronti,
 Cum subito pueri fulgens nova flamma capillos
 Lambere, & innocuo circumdare lumine crines,
 Perque comas visa est & concava tempora pasci;
 Dum stupet attonitus Cæsar, vaga murmura cœlo
 Discurrunt, lævumque super cœlum intonat, & vox
 Clarior astantum bibulas pervenit ad aures.

Ne properate viri, sacras restinguere flammæ.
 Hic puer, hic late imperium quacunque videt Sol
 Extendet terram magnam super & freta ponti
 Victor, & æternis fundabit legibus orbem;
 Inde ubi tarda illum premet inclinata senectus,
 Concipiens animo vitæ melioris amorem
 Æterni Jovis, aut Veneris face purior ignis,
 Sydus in immenso radians fulgebit Olympo,
 Qua combusta vetus candet via lactea cœlo.

At Cæsar geminas tollens ad sidera palmas
 Sic ait: o cælis qui nunc in nubibus astant
 Das sancte augurium magni pater ætheris, & Rex,
 Si mihi de nato venturi præscia veri
 Omina das, eadem præsentî numine firma:

Dixit, & igne novo radians effulsit imago:
 Procumbunt proceres, & læti numen adorant.

Epit. Francisci Olive.

Quæ jaceo injusta mortis succisa bipenni,
 Culta per Insubres Palladis arbor eram,

Tom. IX.

H h

Te-

Testis erit, quam vena mei sit dulcis *Olivi*,
 Quæque per ora virum fama superstes erit;
 Tu qui succiso veneraris stipite truncum,
 Dic lacrimans, arbor, sit tibi mollis humus.

*Ad Christophorum Madruccium, Card. ac Principem
 Tridentinum.*

Rideor a doctis, quod scribens tam rude Carmen
 Ostendam id multis, nec me ullus jam pudor urat,
 Sed jugulem incautos male compro carmine amicos,
 Qui temere occursant mihi, cum vitiata Papyrus,
 Carnificem longo complectens ordine versum
 Sub tunica latet, audirorem quæ male perdat:
 Decipimur stulti dulcedine carminis omnes,
 Cuilibet est ingens proprii vis insita amoris,
 Quæ nos præstigiis ludit fallacibus, & quæ
 Errores specie virtutis vestit, & ambit:
 Id facimus vates, quod turpis bestia quondam.

Jusserat edicto Deus accersirier omne
 Quadrupedum genus, & Catulos gestare sub ulnis,
 Millibus è multis regem facturum eum, qui
 Dignior atque aliis forma præstantior esset: (Bos
 Cervus, Equus, Panthera, Canis, Leo, Sus, Caper, &
 Producent foetus proprios, & laudibus ornant:
 Ultima deformem coram Jove Simia natum
 Hirsutum villo, turpi facie, & nate leni
 Fert, & ait, solam pater o justissime nostri
 Accipe spem generis, pulchrum sine labe Catellum,
 Cui debes meritum tituli regalis honorem,
 Insigni villo, nitida facie, & nate pulchra.
 Exoritur magnus turba ridente cachinnus;
 Cum Deus ipse a risu ingenti vix cohibet se:

Quilibet invitus naturæ sic capitur vi,
 Ut sua cum doctis conferre poemata libris
 Audeat, immeritam & petulanter poscere *Laurum*:
 Vos ubi deformes vitiato in corpore mendas
 Cernitis, & turpes male facti carminis artus,

Sic facite, ut vobis si forte eat obuius alter
Gibboſo tantum tergo, ſed cetera pulcher,
Atque alter brevis, oblongus capite, & pede claudus,
Ulceribuſque lacer, turpis, gibboſus utrinque;
Ingenti pietate illum excipietis; at iſtum
Diducto licet inviti ridebitis ore:

Sic noſtro ſi ſit verſu tolerabilis error,
Parte aliqua pulchri faciles miſereſcite Vatiſ.
Sin fuerint diſtorta ſimul, & turpia membra,
Ut collo caput, ut cruri non conveniat pes,
Tollite cum plaſu patefacta fauce cachinnum,
Ridendi hanc veniam petimusque, damuſque libenter:
Nec quandoque tamen pudeat, legiſſe poëtam
Vix ſuperantem urbiſ ſtrepitum, & popularia verba,
Elumbem verſum claudentem, ut ego facio nunc;
Eſſe ſolet plerumque ſub hoc ſermone pedestri
Neſcio quid pulchri per verba latentis, & artiſ;
Non ſemper qui grande ſonat fert præmia vates:

Pinxerat ingenti cura magnoque labore
In tabula quondam Ganymedem piſtor, & illum
Mygdonio Regi dono portarat habendum;
Forte illi hirsutum villoſo pectore Apelles
Squallentemque ſitu, & turgentem gutture pleno
Attulit aſpectu; primo Rex riſit, & inde
Nunc roſeum decus, & pueri florentiſ honorem,
Nunc maciem, & turpeſ artus, robuſtaque membra
Villoſi aſpiciens hominiſ; deformior, inquit,
Iſte tuuſ puerum Ganymedem vincit, Apelle.

Sed nimis hæc longum præluſimus, ut Citharæduſ,
Qui dum diſcordes ſumpta teſtudine nervoſ,
Indoſto fruſtra concordat peſtine nervoſ,
In cruce ſuſpenſaſ circum ſe detinet aureſ.
Jam poſitiſ redeo nugis ad ſeria, quæ me
Inſomneſ cogunt longas producere nocteſ.
Namque urenſ poſtquam ſtimuluſ me impellit honoris
Linquere deriſum populo inſultante Tribunal,
Verſo animo aſſidue: quæ me urbeſ vicina, locuſve
Excipiat reducem, poſitiſ inſignibuſ, & quo

Nostra sinu cedat sensim inclinata senectus.
Ut Navis vexata diu male flantibus Euris
Cæca nocte furens, nescit quo vis ferat. & fors,
Sic ego, quem venti invidiæ luctantis, & æstus
Ambitionis agunt; in præceps indigus artis
A geminis trepidè portum Pollucibus opto;
Vos mihi, vos estis fulgentia sidera, quæ me
Per scopulos oris rapidi, per lurida linguæ
Murmura, & infames dominante libidine ventos,
In tutum vehitis portum virtutis amicæ,
Tuque, Atrebâsque meus, nostri duo lumina mundi;
Dicite vos animæ illustres, quæ certa carinæ
Sit statio, quam jam rodit cariola senectus.
Non vos Insubres inter laudabitis, ut sim,
Æmula ne occurrens gravium mihi turba virorum
Audeat, ut voti compos, illudere victo;
Neve seni ut fecere animalia bruta Leoni
Certatim insultet petulans, & prava juvenus:
Urbe minus Venetûm suadebitis ut teneam me,
Ne nive candidior, pura pice nigrior Idæ
Sit Veneto mea sancta fides suspecta Leoni:
Ampla mihi nec sunt Romana palatia cordi,
Nam nisi mitra biceps ibi cingat tempora, vel me
Purpurei insanum pascant spes magna galeri,
Quid facerem sine servitio, sine honoribus, hospes
Parvo animo? neque enim fas est obrepere tantum
Stultitiæ, ut possim spe solum pastus inani
Illa diu versare levi deliria mente:
Unde mihi hæc tantum superest spes certa salutis,
Ut tandem excussoque jugo, vinculisque solutis,
Aut curru vehar, aut lumbos lassante caballo,
Pomifero donec Benaci in margine sistar,
Conductaque lacus nitidi lympham rate sulcem,
At tua confugiens reduci pede limina, quæ me
Tranquillæ vitæ cupidum, placidæque salutis
Excipiant, & amica meæ dent commoda vitæ:
Sed vereor, ne qui quatientem molliter undam
Non tulit, hunc rapido deprehendat turbine vortex
Spu-

Spumeus infidi vestræ maris ambitionis,
 Qui magis horribili vento, & majoribus austris
 Sæviat, & miserum dominante cupidinis aura
 Per scopulos Regum, per magna Palatia jactet.

Ad Episcopum Atrebatensem.

Ne me forte putes vana ambitione furentem
 Desipere, atque animum deliro volvier æstu,
 Immemorem fortis priscae, veterumque malorum,
 Accipe, cur vanos odi quos nunc gero fasces,
 Et quod conscendi, te concedente, Tribunal;
 Audi quam dubium, atque anceps discrimen agat me.

Hic mihi felices glebæ, & bona jugera campi
 Evenere quidem, tamen hinc se spumeus amnis
 Præcipitans, mollem ripam vorat, & rapit unda,
 Decidui & partem semper furatur agelli.
 Parte alia Torrens montano turbidus imbre
 Aggeribus ruptis campo decurrit aperto
 Victor agens secum fata læta, hominumque labores:
 At dices, quid tu interea teris otia? quid stas?
 Quid tua jura sinis piger indefensa rapi? nec
 Antevenis, firmasque tuum facto aggere magno
 Et terra, & saxis, & denso stipite campum?
 Amnis uterque rapax aprico arcendus ab agro est
 Longa mole tibi, vi multa, atque obice multo.

At non quos dicam fortasse intelligis amnes;
 Hinc numero fidens aufert mea jura Senatus,
 Et res confundit nostras, tollitque, rapitque,
 Et rebus sese alienis ingerit audax;
 Inde nihil princeps durus non arrogat armis;
 Hi duo de summa imperii luctantur, agunt rem,
 Ille potens dextra, compto hic sermone disertus,
 Hic causa melior, arte at præstantior ille:
 Ut longurius in stabulo suspensus, equorum
 Non facile evitat calces; ut sæpe coorta
 Seditioe gravi in populo, iustissimus unus
 Qui paci medium se offert, perit; hic ego sic sum

Speſtator pugnae, expectans quod me jubeat fors
Ferre jugum, cujus victoris jurgia ferre;
Interea torrens nunc hic, nunc turbidus illic,
Decerpit ripas paulatim gurgite edaci,
Et ſenſim pauper fines ita claudor in arctos,
Ut mihi ſint odio faſces, & inane Tribunal,
Juſtitiæque manu fruſtra qui ſtringitur enſis;
Et quamvis nihil hic jam ſim niſi fabula vulgi,
Multus verna mihi tamen eſt paſcendus, & idem
Terve quaterve procax renovandus veſtibus anno,
Aulæis ornanda domus mea, cum riget annus;
Cum calet, extremis quamvis quaſita Britannis
Sordent, nam melius paries ornatur Hibera
Pelle abeunte hieme, atque æſtas cum fervet in agris,
Temperat æſtivos pellis vitulina calores.
Aut auro pulchrè, aut ferro ſignata calenti;
Cœnandum lautè eſt, ne ſi gravis adveniat vir
Inviſum cupidi, & ſordentis nomen inurat.
Nam quamvis multus ſuperet patrimonia ſumptus,
Inque dies creſcat, quod me gravat, æs alienum,
Attamen, (eſt ut opus, utque eſt res credula) vulgo
Credor habere ingens argenti pondus, & auri;
Unde nec hoſpitibus domus eſt claudenda ſuperbis,
Undique quos fallax invitatur opinio, quæ me
Per bibulas populorum aures, per compita ubique
Ut bene felicem mendaci prædicat ore,
Stragulaque exornant thalamos, piſtisque tapetes,
Ne mea pauperies in lucem prodeat, & ne
Hoſpitibus nos accuſet cariola ſupellex.

Nec minor hinc inopem ſtabuli ſubit altera cura,
Ut ſceno paſcantur equi, nec deſit avena,
Et ſtrigile cniteant multa in præſepibus altis;
Accius hæc miſerum pungunt diſpendia, quod non
Solvuntur promiſſa mihi ſtipendia, quæ tu
Munificus mihi larga dari, Cæſarque jubetis:
Undecimus menſis, ni fallor, labitur, ex quo
Germanæ publi, quæ me comitatur, & anteit,
Immitis nec dat queſtor liſtoribus aurum;

Interea miseris ne desit lens, olus, aut sal,
 Æs præsto, moriens mihi quod pater ante reliquit
 Quæsitum magna virtute, & paupere mensa.

Non tantum per plana citus volat atria turbo
 Reste puer quem multiplici, spirisque coërcens
 Innumeris, magno sublatum verbere jactat,
 Quantum ego perpetuo curarum turbine versor,
 Curarum quæ me sollicitant noctesque diesque,
 Ut videam de me quod contigit ante pusillo
 Fortè homini: non est incundior altera dictu
 Fabula, nec brevior; da te mihi, si vacat, audi.

Nanus erat binis quondam non longior ulnis,
 Exigua insignis brevitatem, atque integer annis;
 Quem propter facti novitatem, artusque pusillos
 Optabant hilares cœnæ, & convivium læta.

Hunc mulcere fenes, pueri, innuptæque puellæ
 Et cupere, & læti circum amplexarier omnes;
 Felix, ni cuicunque homini sua displiceat fors;

Hunc atrox propriæ brevitatis cura misellum
 Urebat male, & occursans miseratio fortis
 Invisæ, pro qua ille Deum incusare solebat,
 Assidue obiiiciens tantilli corporis attus;
 Audiit orantem Divûm pater optimus, & rex,
 Et quid, ait, nos obtundens prece sollicita, vis?
 Procerus fieri, & longos assurgere in artus.

An statura placet communi longior? an quæ
 Finibus est homines inter mediocribus? inquit,
 Opta animo quamvis speciem, tibi namque erit a me
 Sive brevi, seu tu mavis procedere longa;
 Consilii dubius formaque incertus in omni
 Hæret punilio; at tandem. Mihi forma gigantis
 Supra hominem cubitos extans, aut quatuor, aut sex
 Longa placet; Deus, esto gigas, ait, & prece ne me
 Posthac sollicita, atque informi voce fatiges.

Nec mora, pinguescunt membris crescentibus artus,
 Corpus & in longum sensim producitur omne,
 Ut Sole inclinante hominum fit longior umbræ,
 Fitque eadem noctu deprenso lumine major,

Sic, quantum cupit exultans extenditur ille;
 Surgit in immensum, toto jam longior est pes;
 Hunc subito circumveniunt incommoda mille,
 Imprimis quærenda illi domus amplior, & tar,
 Esuriens magnis pascenda laboribus alvus,
 Deciduusque amplis arcendus vestibus imber;
 Ille ubi se obsessum damnis videt undique, cælum
 Respiciens, inquit: tua me indulgentia perdit
 Juppiter, ipsa boni fallax me lusit imago,
 Informem invisamque mihi pater exue molem;

Tu Perenote mihi ille es, & pater optimus, & rex,
 Qui obsequio victus dulci quondam, & prece blanda
 Fecisti è parvo me pumilione gigantem,
 Insignem ventre, & damnosum faucibus amplis
 Servorum; qui me, & patriam ligurire queant rem;
 Hanc mihi tu ingluviem famulorum, & inutile pondus
 Præcide, & tenues iterum me transfer in artus,
 Per genium, fratresque tuos perque ossa parentis
 Sancta precor, vitæ tandem me redde priori.

Ista tibi & musto, & satur autumnalibus uvis
 Dictabam ruri, Venusino carmine, dum tu
 In Gallos aditus numerofo milite tentas.

*Ad Christophorum Madraccium Cardinalem,
 ac Principem Tridentinum.*

Obsequio quamvis reverentia debita herili
 Me trahat ad veteris lora relicta jugi,
 Erronemque vagum, desertoremque laborum
 Me tuus acer amor sub sua signa vocet,
 Rus tamen innocuum caris me detinet ulnis.
 Inque suburbano vita beata loco.
 Nam quoties animum civilis cura fatigat,
 Meque mei saturum tædia ruris habent,
 Et mens deliro rursus cupit excita fastu
 Libera regali subdere colla iugo,
 Ipse mihi insignes ultro largiris honores,
 Inque urbe immensas das mihi largus opes.

Et

Et comes ire paro, superes five arduus alpes,
Seu mare turbatum flante Aquilone feces.
Quin etiam obrepens menti ambitiosa cupido
Concipit exemplo maxima facta tuo.
Et quid agant Galli insomnes quero anxius, & quid
Classis, ab Eoo littore vecta paret.
Sed postquam desiderii deferbuit ardor,
Et victa ambitio sub ratione jacet.
Occurrunt animo venienti grata senectæ
Commoda multa meo rure parata mihi.
Libertas hinc cara omni pretiosior auro
Surgit, & immemorem non finit esse sui.
Inde mihi grato blanditur murmure silva,
Et qui muscosis it propè rivus aquis.
Et quoties malesuadus amor consurgit habendi,
Sollicitatque meum pectus inanis honor,
Parva quidem, tamen externæ nihil indiga frugis
Res, suadet cunctas despiciere urbis opes.
Me magis delectant tenui patrimonium sumptu,
Et meus exiguo qui calet igne focus.
Quam quos ingentes ciet urbs malefana tumultus,
Quæque strepunt medio jurgia crebra foro.
Ut fluctu incerto nunc huc nunc volvitur illuc
Inde Noto, hinc gelido flante Aquilone, ratis,
Sic me discordi studia in contraria vento
Hinc Villa, inde tuus pellit herilis amor.
Quale tamen rus sit nostrum prius accipe, quam me
Madruci immemorem nominis esse putes.
Atque utinam urbanos ipse aspernatus honores
Huc venias, rapidis vectus anhelus equis.
A strepitu procul urbano, & discordibus armis
Conspicua in pulchro stat mea Villa loco.
Camporum ad medium claro cognomine Mons est
Inter Cenomani pingua rura soli.
Undique planities longo circumvaga tractu,
Persimilis placidis est maris æquoribus.
Pascua magna Bovum sunt immetata; nec ullus
Terminat agrestis grandia rura lapis.

Hinc

Hinc de parte Euri muscosa Mincius urna
 Quæ mage sunt nobis proxima rura rigat.
 Uberis inde agri glebas, de monte volutus
 Alluit, alpina Mella superbus aqua.
 In medio amborum multus nisi provocet hymber
 It Clysis placido per mea rura pede,
 Hic paribus spatiis denso ordine confita sylva
 Populeas crescens explicat alta comas.
 Ad latus occidui nemoris satis ampla recumbit
 Ære mihi, & multo structa labore, domus.
 Ad centum cubitos altis directa columnis
 Area quadrato clauditur ampla sinu;
 Ædis habet medium gibbosis aspera faxis
 Janua, turgenti grata supercilio.
 Vestibulum æquales hinc atque hinc dividit alas.
 Dextra mihi, hospitibus læva habitanda meis.
 Tablini ad medium radiis rota lignea crebris
 Volvitur, impulsu prætereuntis aquæ;
 Hæc rotat inde aliam, quæ concita grandibus alis
 Cit ventos, cum Sol terga Leonis adit.
 Dum calet, & lectos hæc molliter afflat heriles,
 Et quæ cum multa est mensa parata rosa;
 Rivus aquæ stabulum lambit nugacibus undis,
 Unde lutosa meis crura lavantur equis,
 Non desunt intus thalami laquearibus altis,
 Quos circum volitat somnus, & alma quies.
 Sustinet extremos curvati fornicis arcus
 Aurata in nitido ducta corona loco.
 Pulchra sub aurata circum currente corona
 Artificis docta est fascia picta manu;
 Cernitur hic noster densis exercitus hastis
 Proxima quadrato milite signa sequi;
 Ecce in descensu vallis superingruit acer
 A tergo celeri Thrax metuendus equo.
 Defendit stagni pontem post terga relictæ
 Lecta virum pugna a legione manus.
 Mittitur inde equitum nostris trepidantibus ala,
 Hinc peditum auxilio cum duce lecta cohors.

Ancipiti eventu miscetur pugna, cadentum
Undique purpureo terra cruore rubes.
Nostrorum tandem virtus longe amovet hostes,
Ac tuba victores sub sua signa vocat.
Hispanum interea, Germanorumque phalanges,
Longo non cessant ordine signa sequi.
Impediunt iter ad medium stridentia plaustra,
Æneaque a multo machina vecta bove.
Rustica sternit iter pubes campestribus armis,
Ne scrobibus densis tardius agmen eat.
Non est villa meo formosior altera rure,
Nec quæ sit frugum fertilior solo.
Alta decem cubitos, & sex præcinctio tota est,
Nullus & in tota stat locus æde minor;
Hic mihi semper humus tepidis viret excita ventis,
Pictaque purpureis floribus arva nitent.
Flava Ceres cultis messes fecundat in agris,
Ovantesque pater ducis Jacche choros.
Lascivæque agit per amœna vireta choreas
Aurea cum gemina nuda sorore Charis.
Templa etiam sunt hic formosis plena puellis,
Dum fumant festo mascula thura die.
Hic tibi erunt rosæque genæ, nitidæque papillæ,
Collaque montana candidiora nive.
Sunt etiam fuscæ mixto pallore puellæ,
Quas magis ardenti lampade vexat Amor.
Has inter Leonora suis nos ignibus urit,
Urit, io niveos pande puella sinus.
Tum seu magna juvat validis perculsa lacertis,
Seu posita ad medium parvula recte pila,
Ædibus in nostris tibi erunt loca commoda utrique,
Lætus ubi exercet brachia dura labor.
Cultrix vicini nemoris procul assonat Echo,
Plena viris festo dum strepit aula die.
Præterea ascensu facili mons surgit, & alto
Circumfusa procul vertice rura videt.
Ædes magna Deum saxo constructa vetusto
Occupat ærii verticis alta latus.

Creditur hic magni Pluto tentasse tonantis
 Progeniem, & summo constituisse loco,
 Omnia cum dixit tibi erunt subiecta potenti,
 Ipse meos supplex si cadis ante pedes.
 Cernitur ac de rupe Iutofo Mantua campo,
 Cernitur & magnomersa Cremona Pado.
 Bis sextum ad lapidem Boreæ de parte fereni
 Surgit ab excelso Brixia magna jugo.
 Perpetuis rupes afflata salubribus auris,
 Temperat æstivas Sole calente faces.
 Quæ meus hic Clysis felicibus irrigat undis,
 Multa mihi dives rura colonus arat.
 Tam formosa licet me villa retardet inertem,
 Ruræ tamen medio me tuus urit amor.

Ad Gonzalium Pyretium.

Ira Deum postquam sacro nos attigit igne,
 Et fregit fasces fulminis aura meos,
 De spe sollicita pulsus crescentis honoris,
 Quem labor & multus Regis alebat amor,
 Rura colo, & vitæ delector simplicis usu,
 Nullus ubi instructa stat vaser arte dolus,
 Et licet assiduo non hic strepat aula tumultu,
 Nec mea sit rauco plena cliente domus,
 Me tamen alma quies curarum nescia, inertem
 Rure fovet placido nocte dieque sinu.
 Seu portu amisso fera concitet ira Britannum,
 Et nova conscripto milite bella paret,
 Sive laceffit bello non induat arma,
 Nullus & crepta provocet arce pudor,
 Anxia sollicitum non hæc me cura fatigat,
 Lurida nec pallens inficit ora pudor,
 Nec moveor velut ante, novo si Insubria bello
 Ardeat, hostili diripienda manu.
 Non hæc vana meos rumpunt deliria somnos,
 Externoque metu Musa soluta cubat.

Ad veteres facilem victum sine lite penates

Dat mihi felici rure paternus ager :

Nec mihi si detur nunc optio libera honorum ,

Ferre mea optarim regia sceptrum manu .

Ægrotam tamen hic mentem dolor anxius urit ,

Unus & hic nostro vivit in ore pudor ,

Quod me , cui dominus dederat pater ante secures ,

Garrulaque Insubri dicere jura foro ,

Post multos Rex munificus dimiserit annos ,

Nec dederit meritis præmia digna meis .

Sub patre cum rapidos res posceret ardua cursus ,

Ibam mutatis cursor anhelus equis .

Cum tentanda forent Scythici fera limina Regis ,

Audebam stygii testa subire Dei .

Cumque truci intrepidum fœdus sancire Tiranno ,

Perque vagos Persas illius arma sequi .

Tunc ego Pannoniam defendi fœdere pacto ,

Cum domui hostiles Marte furente minas .

O Quantum nobis pax attulit illa salutis !

Non potuit per me res magis apta geri .

Tempestate illa triplici Germania bello

Arsit , & ancipiti bella fuere loco .

Tunc aquilas primum trepidantes vidimus , & tum

Pallere invicti Cæsaris ora metu ,

Cum foret inque usum quærenda pecunia belli ,

Immodicum fœnus sensit avitus ager .

Quin etiam cum Vercellas Rex Gallus haberet ,

Et jam anceps dubia staret in arce timor ,

Haud timui circumfuso nil territus hoste

Gallica nocturno fallere castra dolo .

Fama mei adventus Gallorum ubi perculit aures ,

Sunt versa in trepidam territa signa fugam .

Est mihi consiliis per multos Insuber annos ,

Adjutusque mea per fera bella manu .

Fama loquax late interea mea facta canebat ,

Et Latium implerat nominis aura mei .

Qui titulos virtute putant meritisque parari ,

Sortis & artificem quemlibet esse suæ ,

Meque tot insignem videre securibus annos,
Consiliisque meis ardua bella geri,
Huc veniunt, & me per mollia prata jacentem
Inveniunt, densis est ubi silva comis:
Meque ferunt ægre torpere per oria inertem,
Et laudum antiquas deferuisse vias.
Rursus & externos hortantur inire labores,
Et defueta novo subdere colla iugo.
Illorum adversor monitis, valideque resisto,
Et nulla in præceps ambitione trahor.
Non cessant tamen his dictis latus urere amaris,
Atque meum fastu sollicitare jecur.
Est animus tibi, cum dubiis Mars errat in armis,
Ingeniumque, gravis cum tibi sumpta toga est.
Scribis & annales Latio sermone disertos,
Et venit ad faciles utraque Musa pedes.
Cum prodit levibus a te Comædia foccis,
Pulpita festivis sunt tua plena jocis.
Et genere, atque opibus flores, nec deficit ætas,
Inque tuo solidum corpore robur alis.
Cur animæ illustres quæ regia munera tractant,
Tam temere a merito te repulere loco?
Sic pecudes solet a stabulis avertere pastor,
Cum quatit ægrotum tussis anhela latus.
Interca dum turba loquax hæc vulnera tractat,
Per mea purpureus labitur ora pudor.
Et quamvis mea mens culpa non palleat ulla,
Nec vitra sint nostra splendidiora fide,
Ille tamen color insuetus qui fulget in ore,
Et quæ lingua novo tacta pudore silet,
Hospitibus manifesta mei dant signa doloris,
Unde meam credunt crimen habere fidem.
Et morti toties pro rege oblatu acerbæ,
Immeritæ labis suspitione notor.
Tu qui Smyrnæi divina poemata vatis
Ducis ad Hispanos ore tonante modos,
Dic toti Gonzale precor qui consulis orbi,
Qua lacer est nobis veste tegendus honor.

Ad Iosippum Vidaschum.

Cur mihi post longum non fertur Epistola mensem?

Nec venit ulla tua charta notata manu?

Ergo domi per longa diu piger otia cessas?

Invitum nec te scribere cogit amor?

Scribe meus quid agat Princeps, Vidasche, Tridenti,

Quid tuus illustris cum legione Comes.

Quæ nova militiâ te mordet cura solutum,

Per longos quid agis sole calente dies.

Numquid adhuc miser ambitionis volveris æstu,

Dum nimis attenta mente paratur honor?

An potius contemnis opes, curasque perosus

Absque aliquo patrium munere limen amas?

Incipe, vix poteris calamus retinere volentem,

De fonte ingenii lactea vena fluet.

O quam multa tuis aderit facundia dictis,

Urbani quantum per tua verba salis?

Interea quæ me gremio fovet hospita tellus

Accipe, pars animæ magna Iosippe meæ.

Qui Ligurem a Tuscis lapidoso dividit amne

Me lentum Etrusco margine Macra tenet.

Cum juga nimborum descenderis Apennini,

Se se aperit pulchro vallis amœna loco.

Undique per colles pecori opportunus alendo

Est ager, & celsi per latus omne jugi.

Per colles, & per sinuosa volumina vallis

Densa olea aprico stat numerosa loco.

Planiciem tardo scindit bove rusticus amplam,

Unde legit cupida plurima farra manu.

Quælibet extremo camporum margine vitem

Hærentem ramis arbor amica fovet.

Castaneæ hic longum virides servantur in annum,

Et quæ virgineo poma colore rubent.

Non ficus, non morus abest, nec amygdala, non nux,

Fragaque montano mollia nata iugo.

Quæ

Quæ circum in tumultis castella frequentibus astant,
Ornant turritis ardua claustra jugis.

Ut sunt Orchestris statuae decora alta superbis;
Quas populi scenæ fronte cadente vident.

Planicie sic quæ in speculis cernuntur ab ima

Oppida, sunt densis grata cacuminibus.

Ast ubi spumofus per saxa loquacibus undis

Macram intrat gelidis Balneus amnis aquis,

Et Fluvii coeunt; quadrato condita saxo

Arx vetus in scopulo flumen utrunque tenet.

Natorum has ædes proavi tenuere meorum,

Et quæ multa frequens oppida vallis habet.

Cuncta placent, desiderio triplici tamen angor,

Quod facit invisos tardius ire dies.

Me vocat ad patrios domus imperfecta penates,

Semper & ante oculos stat locus ille meos.

Tuque etiam occurrens menti, grata otia turbas,

Succedisque animo cura secunda meo.

Ille ramen sceptro princeps insignis utroque;

Quem dominum nobis prima juventa dedit,

(Pace tua) mediis ardentior ossibus hæret,

Immemoremque minus me finit esse sui.

Hic vultu, atque manu revocans me semper herili,

Erronem rursus sub sua lora trahit.

His stimulis atque his, violentius uror, & angor,

Et tam multiplici turbine amoris agor,

Ut jam grata meæ non sint, nec amica senectæ

Plurima quæ dives commoda vallis habet.

Unde domum mensis vicinas ante calendas

Hinc desiderii me vehet ignis edax.

Post triduum veniam, seu vos Benacus habebit,

Sive Tridentino gratior aura jugo.

Teque meosque simul conservos limine primo

Complectar, longus quos mihi junxit amor.

Inde ubi congressus primi cessaverit ardor,

Ante meum ducet me puer unus herum.

Qui cupidus nostri, sacræ post oscula dextræ

Me læto excipiet plenus amore sinu.

Ille

Ille honor eliciet lacrimas, oculique madebunt
Lætitia, tacito rore rigante genas.
Tu teneros Elegis illic dum flebis amores
Ad raucum murmur prætereuntis aquæ,
Aut scribes, numeris connectens verba solutis,
Seria venturis verba legenda viris,
Ipse tibi agrestes modulabor arundine versus,
Et scribam quid agat cum Corydone Mycon.
O utinam curru properans Aurora nitenti,
Hunc niveum nobis portet amica diem.

Ad Mercurium.

Cylleni interpres divûm, velocior Euro,
Qui toties superas isque redisque vias,
Post mille exactos varia regione labores,
Ista juventutis sint tibi dona meæ.
Undique cerati taurina è pelle cothurni,
Sellaque, dispositos quæ bene cingit equos.
Et ferula, & geminum calcar, parvusque galerus,
Et cornu quod ter pendula zona ligat.
Cursor ego his adii spoliis florente juventa
Terrarum quidquid cognitus orbis habet.
Nunc mea cum requiem poscat vicina senectus,
Cumque riget vultus concava ruga meos,
Hæc veteris monumenta mei deserta laboris
Pendebunt templo munus inane tuo.





S P I N E L L I

F L O R E N T I N I.

*De Ambrosio Monacho.*

Attica mella sapis, redoles quoque nectar ubique
 Tu qui divino numine, nomen habes:
 Quod nisi dulce canis, referens Mysteria Divum
 Dulcius hoc certe est nectare, & ambrosia.

G E R A R D I S P I N I I

F L O R E N T I N I.

*Ad Lauram Battiferream.*

Quam tua nos lædat febris, doctissima Laura,
 Laura decus Phœbi, Pieridumque chori,
 Quisnam dicendo satis exprimat? ipse ego certe
 Impedior lacrimis, talia dum cupio.
 Sola etenim poteris Medices ornare canendo;
 Et flere illorum tu quoque sola regum.

Quos

Quos tamen ut celebres, oro pia numina, reddant
 Corporis antiquum, prævalidumque decus;
 Atque eadem, nobis quæ tot cœlestia dona
 Eripuere, utinam tot tibi restituant.

Ad Marium Columnam.

Sublata base præcelsam prostrare Columnam
 Enixe cupiit mors inimica bonis.
 Hanc tamen illustris Cosmus fulcitque, regitque,
 Nec finit adverso robore decidere.

Ad Benedictum Varchium, de Mario Columna.

Qui modo tollebant nostram super astra Columnam
 Tres clari proceres, Ausoniæque Duces,
 Vidimus heu, cunctos orbatos lumine, Varchi;
 Heu miseram! alterna nunc eguisse vice.


PROSPERI SPIRITEI.



De Platina.

Qui res Pontificum sacras, & gesta piorum,
 Quique ducum vitas nobile fecit opus:
 Quique modum docuit, quo laudet honesta voluptas,
 Et quo ne juvenes torqueat acer Amor:
 Pluraque quæ longum est, properans, censere, viator,
 Omnia fidereæ pignora mentis erant.
 Vivit adhuc Platina: & quamquam concefferit Orco.
 Nil tamen in vatem Parca severa potest.





JO: FR. QUINTIANI STOÆ

B R I X I E N S I S.

*Ad Marcum Antonium Mulam, Brixia Præfectum.*

PLuribus auditam traxit præsentia famam :
 Et persæpe fuit fama reperta minor .
 Ingens fama tui præcesserat : ipse repertus
 Major es : imo tuis maximus officiis .
 Nec mea mendacis facit hæc censura poëtas .
 Qui culicem faciunt ferre per astra bovem .
 Quique canunt montes per se volitare per æthram :
 Et talpam è summa sede fugasse Jovem .
 Odi ego marmoreo leporem conferre Leoni ,
 Sed sum Romanis verior historicis .
 Tullius eloquio es : re Scipio : corde Metellus :
 Et Cato consiliis : Pompiliusque fide .
 Tandem audi , in toto quot sunt tibi corpore membra ,
 Tot simul Heroas : Semideosque tenes .

Ansuigus Martinengius extinctus matri sue .

Quid mea fata gemis dulcissima mater ? & altis ,
 Quod perii in bello . fletibus ora rigas ?
 Desine chara parens , miseris sædare querelis
 Perpetuum nomen , perpetuumque decus .
 Audio maternos gemitus : maternaque verba
 Tristia : percussos & sine fine sinus .

Captivus poteram nostræ dare tempora vitæ.

Sed magis egregium sum ratus ense mori.

Liber ego oppetii, non hostis robore victus:

Sed magis egregium sum ratus ense mori.

Liber ego oppetii, non hostis robore victus:

Sed numero hostiles continuante manus.

In me unum fluxere acies: ego fulminis instar,

Fregi hostes qui in me grandinis instar erant.

Annis pænè puer: vir pectore: crudus in armis,

Corporis, atque animæ prodigus usque meæ.

Chara vale genitrix; finemque doloribus adde.

Affistet lateri gloria nostra tuo.

Sic ego, qui cecidi tanto pro Rege triumpho,

Principe pro tanto: vivo ego, non perii.

Ad Marcum Antonium Mulam, Brixia Prefectum.

Fama refert Calabrum tria corda habuisse poëtam,

Quod sciret Osce, quod Latine, & Attice.

Quum potuit Græcæ Geticæ, Geticæque Latinam

Miscere linguam, Naso vir triplex fuit.

Quum tibi sit præsto triplicis facundia linguæ.

Triplex corona triplici ornabis caput

Quum loqueris græce, loqueris velut alter Homerus,

Scribis latine; tu secundus es Maro.

Si cantas numeris vernacula carmina Tuscis:

Vere Petrarcham te facis & illi parem.

Ergo hominem triplicem mea Brixia corpore in uno

Cole & verere, & triplicem laurum para.

In Ejus Amplexu.

Ecce virum amplector triplicem, qui triplice lingua

Emeruit triplici cingere fronde caput.

Epitaphium Hermolai Mauroceni.

Quænam hæ puellæ lacrimantes quattuor?

Justitia, Probitas, Fortitudo, Gratia:


I i 3

Mortem

Mortem Hermolai Mauroceni plangimus:
 Cur ad sepulchrum quattuor fletis Deæ?
 Mortalis ullus flere non potest satis.

De Joanna Aragonia.

Esse Deam fecit sapientia dia Minervam,
 Et Venerem exhibuit candida forma Deam.
 Divinæ meritis sensit Jovis uxor honores,
 Atque Ceres frugum munere culta fuit.
 Moribus indepta est sua rempla Diana pudicis,
 Dote pudicitie credita Vesta Dea est.
 O seclum ingratum, si non tibi dedicet aras.
 Si non præsentis sint tibi templa Deæ.
 Fronte Dea es, virtute Dea es, Dea vera pudore,
 Vis brevius? tecum fers mihi mille Deas.
 Adde quod exponas utriusque volumina linguæ,
 Et repares studio perditæ scripta tuo.
 Ingeniisque faves, Musis decima addita Musa,
 Atque auges Charitum nomina quarta Charis.






BENEDICTI SOSSAGII

PAPIENSIS.




De Pindari Versione Alex. Adimari.

UNde novum manat divini carmen oloris?
 Forsitan e Cælo barbitus ista fuit?
 Agnosco; in Tuscum Dirce deducitur Atnum;
 Ia Tuscos felix Græcia migrat agros.
 Avehit in patriam Grajos Adimarus honores,
 Plestraque Pindaricæ suspicienda lyræ.
 Hoc erit: hoc vere geminās ostendere Thebas,
 Et geminam Dircen, dum geminatur olor.
 Quin idem quando, Thebane, renasceris ales
 Quam fuerat Dirce, nobilis Arnus erit.



Pace tua dicam; Romani gloria plectri,
 Flacce, minus vero carmine vana canis.
 Pindaricos potuit cantando æquare volatus
 Ales ubi flayis volvitur Arnus aquis.
 Nec tamen Icariis temerarius excidit ausus,
 Sed meram optatam Dædalus alter habet.
 Jam Thebana minus poteris turgescere Dirce:
 Alter inaccessi carminis ales adest.
 Sed contra Dirce exclamat: se Tuscia jactet,
 Dum tamen ex me habeat Tuscia quicquid habet.



Pindarus Elysiis Ademari carmen in oris
 Si legat, Etrusce gaudeat ipse loqui:
 Et clamet: numquid me ludit amabilis error?
 En Tuscus videor, qui modo Grajus eram?
 Me certe agnosco Thebanum in carmine Tusco,
 Aut mihi terra parem prodigiosa tulit.
 Qui Dircaus eram, Tusci sum carminis ales,
 Aut Fidicen plectris fallitur ipse suis.
 Sed tamen invidia quamvis ringente, fatebor:
 Quam Thebana, mihi plus lyra Tusca placet.

VESPASIANI STROZÆ

F E R R A R I E N S I S.



De Guarino Veronensi.

HUnc tibi consensu tumulum Ferraria magno
 Pro meritis posuit clare Guarine tuis.
 Tu pater eloquii, geminæ tu gloria linguae,
 Præcipuus Juvenum tu moderator eras.
 Te duce nostra vigens studiis florentibus ætas,
 Pierio priscis certat honore vicis.
 Nec Verona minus tali se jactat alumno,
 Quam celebres veteri nomine tollit avos.
 Primus & extremus te noverat orbis, & ultra
 Humanum virtus se tulit ista gradum.
 At nos hic senio resolutos condimus artus.
 Candida sidereos incolit umbra domos.



NICOLAI STROZÆ

FERRARIENSIS.



Ad Beatissimam in Cælos Virginem Assumptam.

PPrinceps Olympi Dea, beatis Cœlitum
 Potita Regnis; sceptrâ cui Mundi dedit
 Æterna summus Molis immensæ Parens,
 Miranda Superis; inde qua lucem premit,
 „ Aperitque Thetis; qua ferens Titan diem
 „ Binos propinqua tingit Æthiopas face,
 Viris colenda (finis alterius mali
 Gradus his futuri) non prius solis jubar,
 Quam lacrimosum flebili edoctis solo.
 „ Heu statue tandem gravibus ærumnis modum,
 Finemque cladi, sancta Moderatrix Poli;
 Spes una nutantem metu absolvens humum,
 Natale neu repetat Chaos; adeo furens
 Librata terris pondera intorquet nefas.

Quam summa quondam Charitas molem dedit,
 Ubique amoris vinculo firmans sui,
 Quassam hinc Superbo illinc Avaro turbine
 Totam diremit agens Scelus. Nusquam pudor,
 „ Aut cura Juris, sanctitas, pietas, fides,
 Vi flaminis bacchante sæva, per juga,
 Per arva Virtutum sacer procerum chorus
 Quocumque præceps agitur extorris loco.

Hinc plurimus in iras tumet Olympus; vacat
 Trisulca numquam cuspis, aut torpet manus

Ful.

Fulgere tonantes asperans Cœli minas.

Fulmineo adaëta corruit primum Ceres

Ultore telo : flevit horrentes fame

Vindex vel ipse furor cadaverum strues.

Humanus autem contumax Superis tumor.

Magis inolevit; qualis afflctus solo

Aëra læcessit turgidus vento globus,

Adhuc negata messe, squalabant agri,

Macieque tristici ora miscebat color;

Cum jussus Acheron tabido natam situ

Efferre iustificam Luem. Ingemuit quater

Tellus dehiscens : quater anhelos flammeo

Reparavit artus Dite, cum monstrum tulit.

Letho madentes horruit vultus dies;

Horruit utrumque pervium Mundo jubar;

Nec sustinere, diffitis montes jugis.

Dumque ipse saxeus facile cessit rigor,

Non cessit hominum. Quot rigit nimbis, hiems,

Quot madet Orion; quot nives Arctos gerit;

Tot ense vitas Atropos fontes metit:

Ferosque in imbres diruat ceu grando Mors,

Non viria, sed sternit viros. Demum ciet

Vivens tot inter funera vel adhuc scelus,

„ Extra nocentum exilia discordem Deam.

Hoc deerat unum rebus everis malum.

Affuit; & omnes pæne Christiadum plagas

Queis verset ediis, cladibus, bello, dolis,

Testentur Urbes, Diva, quas astris super

Occidua spectans Regna, succensas vides

Tot in supremos igne cognato rogos;

Tot sua querentes arma, traductas solo.

Testentur infanti fluentia sanguine,

Er quas pudore noster aspersit cruor,

Glebæ, stupentiamque pro cadavere

Flumina, retortis gressibus, visu nefas.

Pectus neque Hyrcanum meo, neque fyrtes

Stetit animo vis insita obducens sinum;

Ut saxeo integer, dolori adhuc queat

Per

Per funera miseranda ferri. Adamantinus
 Vel ipse facile cederet fractus rigor.
 Montes ubi liquantur humentes diu
 Sanguine fidelium quidem circumfluo,
 Æque tamen pietate molles. Ubi dolent
 Sæpe e superjecta cadaverum strue
 Plerosque Valles funerum montes dare.

Proh temporum miserrima! Ferinum subit
 Seclum peracto Ferreo. Hinc terris procul
 Humana ratio est. Hinc ope incassum valent
 Consultæ in acta mentis Europa sati.
 Hinc qualis amens jura Mæander sibi
 Numquam nova positurus attollit vada;
 Dum vere torrentes mare retorquet minas,
 Patrios in ortus agmine undarum tumens,
 Phrygios ruinis complet affines suis.

Tales Agenoris dolet alumnos Duces,
 Tanta sibi glomerasse odia, dum cæca rabies
 Exegit, haud Status Ratio, amicos diu
 Versasse populos milite injuncto fide.
 Qui victor, hinc victus modo, oppressus, premens,
 Flexibus eisdem semper in notos ruit.
 Spesque minimi Imperii monet. Spes impia!
 Id sive quæsitum demus; partum nega;
 Si victor efferat spolia; victum puta:
 Quod scelere partum constat, amissum reor;
 Et scelere quæsitum est, ubi Ecclesia ruens,
 Civili adactos vulnere in funus trahi,
 Hinc inde gnatos usque deflebit suos.

Deflebit Urbes Cive; deflebit domos
 Fideli ademptas Parre. Proh celsis Dea
 Locata scamnis! Proh Gubernatrix poli!
 Barbarica nunquid Regna desunt? Num latet
 Ismaria quam patuere? Nimirum labor
 Grandis adituros versat; uhi brevis Pio
 Solymas jugavit Rege Gallorum cohors;
 Domitiosque Liguri laude Nyseos dedit
 Hispana paucis millibus dudum ratis.

Quid

Quid plurimo si remige armasset fretum?
 Quid viribus si misceat vires adhuc
 Augusta Præpes? Aureaque Lilia comans
 Regale Signum consonis tandem tubis
 Exerceât jam bellâ? Quid si armis, equis
 Sarmata propinquos urgeat fortis Scythas?
 Quid si sub eadem temporis spatia legant
 Itali Othomanum, classe contracta, salum?
 Adde his studentem Cœlitum rectis opem.

Quam cito superbo poncret Thraci jubar
 Luna in perennem cornibus noctem latens!
 Quam cito decorum peteret Europæ caput
 Asia, e subactis deferens oris opes!
 Quam cito, Tyranno Rege captivo, daret
 Eoa promens sceptrâ Pangæus fidem!

Huc ergo Christiadum Duces; huc, age Dea,
 Excipe tot armis concitas mentes virûm.
 Hucque reparato classica Fideles sonô,
 Pia gaudeant afflare bella, qua potest
 Pietate salva, navibus, telis, tubis
 Nova meditari imperia regnandi fames:
 Qua non prementes, Barbarûm premet furor;
 Jamque fera monumenta dedit. Hinc Græcas fere
 Subegit Urbes; Italas illinc petens
 Armato obivit Ismaro in classes mare.

Fietque voti compos. Incassum vias
 Unius obstans Adriæ virtus negat:
 Dum quoque Phlegeton Principes discors agit
 Per mutuas Erynnis iras, quo paret,
 Trucique facilem singulos prædam ferat.
 Ast tu supernæ summa vis ulnæ Dei
 Alma patiêre Virgo, Cocytum tuis
 Spoliis tumentem? Perfidæ Canum fami
 Animas referri? Sive fidentes tibi
 Populos in ora supplices, captos trahi
 Per templa Barbarûm? Ætheris versò ordine
 „ Extinguet Ortus, referet Occasus diem:
 „ Pax ante fida nivibus, & flammis erit;

„ Et

„ Et Sylla Siculum junget Aufonio latus;
 „ Priusque multo vicibus altetnis fugax,
 „ Euripus unda stabit Euboica piger;
 Quam triste subeat omen, & ratum sibi
 Tuo Fidelis credat auspicio malum.
 Sequeris dolentes pone solatrix Dea.
 Quos diligis, juvat premi, non opprimi.
 Spectatur igne aurum, sed adversis fides.
 Eo ferentur, quo vel inflexi jacent.
 Afflicta Zephyris Palma sic tollit comam.
 „ Non est ad astra mollis e terris via.

Psalterium supplicantis Ecclesie.

Respice exhaustos opibus fideles,
 Magne totius Moderator orbis:
 Tuque labentis generis Redemptor
 Respice, Nate.

Respice infirmos Hominum labores,
 Aura Solatrix ab utroque manans:
 Deferens Trini speciem Tonantis
 Respice, Numen.

O satis numquam meritis adaſta
 Laudibus, David Soboles, supremo
 Grata Motori, bona quæque nobis
 Posce Maria.

O satis numquam venerata, miris
 Siderum Regi sociata tædis,
 Virginum Virgo, bona quæque nobis
 Posce precando.

O sacro afflatu paritura Verbum,
 Spiritus almi speciosa Conjunx,
 Astra cui fulgent: bona quæque nobis
 Posce precando.

O Parens Patris, Genitoque Nata;
 Nata Divino placitura Amanti
 Stirpe Jessæ; bona quæque nobis
 Posce precando.

Prolis æternæ Genitrix beata,
Ne quidem prima temerata labe;
Tota nam Pulchra es; bona quæque nobis
 Posce precando.

Sola tu affectos veterum tenebris
Præter horrores, hebetata nullis
Noctibus culpæ: bona quæque nobis
 Posce precando.

Non tulit, Ditem coluisse primum
Te Dei sanctam subiturus Aulam
Cœlitus Princeps: bona quæque nobis
 Posce precando.

Prisca dum tristes Phlegethonta torquet
Pestis ad Manes, Medicum pudico
E sinu profers: bona quæque nobis
 Posce precando.

Quæ præest rerum thalamis maritans,
Candidum nupti, stupuit, pudoris
Lilium servans: bona quæque nobis
 Posce precando.

Quæ thoro antistat, properante partu
Ordinem supra, stupuit, sacrato
Ubere inspecto: bona quæque nobis
 Posce precando.

Ecquid an mirum? Chorus Angelorum
Astupet tantis; Cherubique & ardens
Cœlitum cœtus: bona quæque nobis
 Posce precando.

Cœpit Immensum, dedit Increatum
(Proh stupor!) parvæ gremium Puellæ
Semper intactum: bona quæque nobis
 Posce precando.

Non fuit tanti posuisse Mundi
Cardines; quanti thalamum parasse
Numini Sponso: bona quæque nobis
 Posce precando.

Non fuit tanti superos creasse
Spiritus; quanti decorare donis

Numini Sponsam: bona quæque nobis
 Posce precando.

Te per exemptos numero coruscans
 Spiritus fulgor simul actus unam
 Obsequens ambit; bona quæque nobis
 Posce precando.

Luce virtutum, face charitatis
 Lampades multo, jubar, & sacrorum
 Alitum præstas: bona quæque nobis
 Posce precando.

Gratia manans, meritisque nulli
 Perviis linguæ, Proceres olympi
 Anteis omnes: bona quæque nobis
 Posce precando.

Te Ducem clamant Volucres beati,
 Et genu sacræ Triadi reflexo
 Concinnunt laudes: bona quæque nobis
 Posce precando.

Teque Reginam Superûm cohortes,
 Queis laboratæ patuere sedes.
 Efferunt hymnis: bona quæque nobis
 Posce precando.

Ipse lætatur Superûm Creator
 Flosculis divam redimire frontem:
 Assonant plausus: bona quæque nobis
 Posce precando.

Quam bene expensî meminit laboris
 In Redemptorem Puerum relati,
 Prodigens æther! bona quæque nobis
 Posce precando.

Quam redundantî sequitur dolores
 Gaudio, Cœlos ope luculentos
 Hauriens munus! bona quæque nobis
 Posce precando.

Vel queat verbo peragenda quæque:
 Non potest quicquam Deus increatis,
 Virgo, te majus: bona quæque nobis
 Posce precando.

Quod Sato, & Patri est placitum; sed ille
Te super cuncta omnipotentis ulnæ
Vult; Pater nolet? bona quæque nobis
Posce precando.

Posse idem est Patri, genitæque Proli;
At parem Nato decet esse Matrem;
Quæ tuæ vires? bona quæque nobis
Posce precando.

Nulla vis culpæ est, adeo Tonantis
Expetens iras, nocitura fonti,
Si petas, mundo: bona quæque nobis
Posce precando.

Orbe polluto, genus omne numquam
Obrutum, tantâ foret Advocantæ,
Vindici fluctu: bona quæque nobis
Posce precando.

Urbe pollutâ neque diruisset
Nube succensa pluviale sulphur
In Gomorrhæos: bona quæque nobis
Posce precando.

Te micans iris Deus, annuente,
Flammeos uno posuisset imbres
Harami Justo: bona quæque nobis
Posce precando.

Quidquid e magnis, Dea, promereris.
(Parva non nosti) reparat nocentum
Omnium noxam: bona quæque nobis
Posce precando.

Quicquid e summis meritis recenses
(Magna te norunt) simul omne præstat
Grande Sanctorum, bona quæque nobis
Posce precando.

Non finis, quemquam modo te colentem
Fulgure ultore stygiis sub umbris
Tartari affari: bona quæque nobis
Posce precando.

Terror Inferni; Domitrix superbæ
Mentis infensæ Domino faventi

Posteris Evæ: bona quæque nobis

Posce precando.

Ingemit pallens, reboatque ab imis

Sedibus nigri Dominator Orci,

Nomine audito: bona quæque nobis

Posce precando.

Clausa Demersis Acherontis antra

Pandit ad nutus trepide capeffens

Iussa Rex dirus: bona quæque nobis

Posce precando.

O pia, o clemens Dea, virginalis

Æthere in summo specimen leporis!

O potens mitis! bona quæque nobis

Posce precando.

Maximum terræ decus; o colendum

Qua diem claudit, referatque Eco

Delius ponto: bona quæque nobis

Posce precando.

O salutari profluens odore

Mystica excelsis, Rosa, digna septis

Nesciens sentes: bona quæque nobis

Posce precando.

Fons sacer lymphas supero moranti

Stagna Narcisso, referens amantem

Numinis formam: bona quæque nobis

Posce precando.

Hortus æterno perodora vere

Serta virtutum relegens Acanthis.

Liliis, Nardo: bona quæque nobis

Posce precando.

Immo terrestris Paradisus, unde

Spes virens, candor Fidei calensque

Charitas fragrant, bona quæque nobis

Posce precando.

Maximum Cœli jubar, intuendum

Qua ferit Titan, fugiensque ab Arcto

Horret inspecto: bona quæque nobis

Posce precando.

Sidus erranti hoc Mare fluctuosum
 Seculi; aspectu pietatis omnes
 Ducis in portum: bona quæque nobis
 Posce precando.

Major Aurora: croceo præisti
 Axe tu nullâ vice sub peractam
 Temporis Lucem: bona quæque nobis
 Posce precando.

Elegans Phœbe; rear Increatum
 Te quidem Solem, nisi mutuata
 Luce penderes: bona quæque nobis
 Posce precando.

Gratior Phœbo: geniale, gaudet
 Terra, conceptos aperisse fœtus
 Lumen in Numen: bona quæque nobis
 Posce precando.

Compta stellati species Olympi,
 Non pyropeas adamante Moles,
 Sed Deo ostentans: bona quæque nobis
 Posce precando.

Suavior Mundi serie; per axem
 Gratia, Auctorem magis in supernum
 Blanda couentu: bona quæque nobis
 Posce precando.

Fulgor, æterna micat unde sede
 Sanctius numquam Speculum Beantem
 Proferens Vultum: bona quæque nobis
 Posce precando.

Lux Beatorum; rutilante, summi,
 Qua, poli effulget penetrabile Divis;
 Dioptra Cœlestis bona quæque nobis
 Posce precando.

Plura num volvam? Modulans quis umquam,
 Vel per immensum sacer Ales ævum,
 Par tuæ laudi! bona quæque nobis
 Posce precando.

Laude quam nescis, miser; hanc require
 Semper admotâ prece; fundet Hostem

Luce supremâ : bona quæque nobis

Posce precando.

Virginum Virgo ; radius salutis.

Martyrum Martyr ; Zephyrus dolentum,

Sancta , Sanctorum patriâ recense

Sede fideles.

Ad Beatos Cælestis Aula Principes.

Cœlorum procures undique Spiritus.

Afflantes placido Sidera lumine,

Vos quam iustificis casibus excitum.

Orbem luce tuemini !

Passim sacrilegis Regna fidelium

Lustrantes odiis, bella reponite,

Queis Pæana ferox læta per infera

Victrix Impietas canit.

Conditos fatuo quos sale Principes

Hinc illinc patrio margine cernitis.

Europam furiis volvere flebilem,

Menti reddite fospites.

Tandem percipiant ; non nisi mutuis

Cognata excidiis arma laceffere ;

Et demum faciles Christiadam plagas

Prædam tradere Barbaris.

Qui circum pharetra plurimus insonat

Thrax late pelagum navibus occupans,

Alternis minime creditur ocyus

Manans cædibus affore.

Hinc, vel Bistonia classe subegerit

Quidquid Memnonia lampade visitur ;

Nec Cyprum Rhodope, sceptrâ cadentia,

Nec Cyprus Rhodon admonet.

Ægram quæque Rhodon Gnosia viderit

Tellus auxiliis omnibus avia,

Supremis eadem luctibus indolens

Nulli advertitur agmini.

Jam jam Trinacrium, jam premet Italum

Victor Barbarica compede, singulos
Nexurus Dominos, quos sua miserit
Quassos viribus Eumenis.
Novit Sequanicus; novit Ibericus
Hanc, quæ Teutonicis, notaque Sarmatis
Progressura magis; tanta nec ingruit
Cuiquam cura periculi.
Socordes hominum! Maxima quantulis
Rerum congeries mentibus incubat!
Hic nec stultitiæ, qui status obtinet
Reges, constitit impius.
Ultra progreditur. Proh pudor! eloquar,
An verò fileam? Qui scelus abdidit,
Hoc se complicit. Quid? Nimis, heu nimis
Ex se constat iniquitas.
Cœlestes animi; vos quibus obvia
Effulsere solo murice pectora.
Lymphatis Erebo dicite posteris;
Ferrum quis pius exerat.
Non qui cum Batavis convenit hostibus,
Ut fratrem spoliis eximat inclitis:
Non qui Threicium missile consulit
Terrens Adriacos sinus.
Non qui Parthenopen classibus obsidet:
Non Suevis feriens fœdera perfidis,
Dum plane Austriaci livet in Alitis
Stricta cuspide gloriam.
Verum quæ Tethydos carbasus ultimæ
Scrutata est latebras, non magis enitens
Armis Hesperiae, quam sacra dogmate,
Semper luce micantior.
Nec non Galligeni quæ Ducis agmina
Exemere iugo colla Sionidum.
Quæ nunc Caucaëis obsita Barbaris,
Virtus sustinet impetus.
Et quæcunque pio milite Creticis
Prora in subsidium finibus appulit.
Nil hac Crissicolis laude decentius:

Nil hoc nomine dignius.

Huc Sanctæ Fidei debitus urgeat
Acclamatus honos undique Principes.
Fas, Jus, Sacra, Deum dextra recenseat

Christi legibus obsequens.

Vota hæc astrâ super ducite Cœlites,
Qua vos perpetua pace beamini;
Fidisque unanimes prælia Regibus
Thraci infesta precemini.

Cithara supplicantis Ecclesie.

Respice exhaustos opibus fideles,
Magne totius Moderator orbis,
Tuque labentis generis Redemptor
Respice Nate,

Respice infirmos hominum labores
Aura Solatrix ab Utroque manans:
Deferens Trini speciem Tonantis
Respice Numen.

Diva, tu longo populata luffu
Secula, pacato rediviva Cœlo;
Cœlitem nobis bona quæque Patrem
Posce precando.

Tuque Avernalis Domitor catervæ;
Huc ades celsi Paranymphe Sponsi;
Quique solatus redeunte, captam
Luce Senectam.

Vosque Sanctorum Proceres Volantum;
Sive inexhaustum Jubar accolentes;
Sive mandantis celeres Olympi
Jussa ferentes.

Tuque Cœlestis cui fonte Pindi
Ora non tantum maduere Phœbo;
Ceterum sacra datur efferendus
Indice dextræ.

Vosque, sublimem subitura Prolem
Viscera, intacto niveo pudore,

Quæis datum priscis aperire seclis

Augure verbo.

Tuque per syrtes prior æstuosas

Hospitis Vitæ, ratus evehendæ,

Cœlico fretus Zephyro, fidelis

Carbasa Puppis.

Tuque, luctantes ope cujus Alnos

In stygis quondam boreale fulgur

Petrus instruxit potiore sacri

Remige dicti.

Vosque bisseum reliqui Senatam

Qui coronastis, simul, & perennis

Qui salutari monumenta vitæ

Ore petistis.

Vosque, prædictæ seriem salutis

Qui recensenti calamo legentes,

Inde firmastis calamo peractas

Sanguine leges.

Vosque odorati Superum per aulas

Martyrum flores, violentus ira

Turbo quos vitæ e teneris preemptos

Sepibus hausit.

Tuque, divinis tenebras Ravennæ

Qui flagellasti radiis Apollo;

Quique Vitali didicit sub Urna

Perdere Vitam.

Tuque, cui Divûm micuere portus

Saxeas inter medio procellas;

Quique cognato violatus igne

Laurus inarfit.

Tuque, ferali strue qui revinctus

Alligas Vincens rabiem Tyranni

Quique Cœlorum sibi comparavit

Claustra Securi.

Tuque, cui sacrum gladio revulsum

(Proh scelus!) summis Caput est tiaris;

Quique telorum maduit cruento

Obrutus imbre.

Vosque pendenti satius bipenni
Colla ducentes, mage quam profanis
Impios unquam venerata cultus

Flectere Divis.

Vosque non passi, Phlegethonta vulgus
Ferre languentum; duplici medentes
Arte, donastis meliora nendo

Stamina Parcis.

Vosque præclari pietate fratres,
Ast quoque injuncta nece clariores;
Queis per Infubrum tumulos repertis

Astra parentant.

Vosque, vos inquam, Superum phalanges,
Queis triumphales rubuere Lauri,
Dum Tyrannorum rabies, redempto

Orbe, furebat.

Tuque, quo Christi madefacta thermis
Roma, damnato Puerum lavacro;
Quique supremæ fugiendo, nactus

Sedis honores.

Tuque, cui fallax Arii Lyceum
Fuste confusos aperit Sophistas,
Quique potasti Ambrosio salutis

Nectar ab ore.

Tuque, cui admotâ pietate, crebris
Ictibus saxi gemuere cautes,
Quique Mars solâ legione cœpit

Pauperis Æthram.

Tuque, cui terno reparatus Auro
Innocens grates Hymenæus egit;
Quique flammanti sibi pollicetur

Torte pudorem.

Tuque sylvarum, nemorumque cultor
Monstra contemnens furiata Ditis;
Quique succensas vepribus fefellit

Pectore flammæ.

Tuque cui frustra ratus Asmodeos
Dona scrutari speciosa formæ;

Quique bis septem Lacrimis in escam

Lustra peregit.

Tuque per clausas Uteri latebras

Vifus horrentem Radiare terram;

Quique miratur Calamos amantis

Munus Amoris.

Supplicis vocem populi legentes

Præfulum cætus miseris adeste;

Quæque Confesso veneranda Christo

Concio gaudet.

Vosque Doctrinis crocei nitores,

Hærefum noctes quibus amonentur.

Quique Spelæis obiere Iuli

Funera Mundi.

Tuque, cui sordes anime lavantur

Verfæ in undosum Mare lacrimarum,

Quæque Mars Trini superavit Hostis

Agmen inermis.

Tuque centenis agitata Bobus,

Quos fugit, Lucem stabulis, eandem;

Quæque mactato repetit supernum

Ubere Sponsum.

Tuque virtutum Ipecimen, Sophorum

Principem fancte redocens palæstram;

Quæque contritis fequitur beata

Fercula Malis.

Tuque cui summus dedit Agnus omni

Labe femotum, tuitufque nomen;

Quæque defoffo Jugulo, Parentis

Condedit iras.

Vosque Sanctorum rurilæ cohortum,

Sive candoris face Virginalis,

Sive perpeffi fimul enitentes

Ignem Furoris.

Vosque Cœlorum reliquæ, jugales

Queis thori famam fonuere pinus;

Queifque pœnarum fociata tædis

Palma virefcit.

Vosque, vos omnes precibus tonanti
 Præsides iræ, tremat unde tellus;
 Plura quæ circum mala quæque nobis
 Pellite Divi.

Vosque, vos tandem placido comantes
 Æthere affectu, beat unde Cælum
 Spiritus Cives; bona quæque nobis
 Poscite Divæ.

SIMONIS ANGELI SUSPIRII B R I X I E N S I S.

Ad Bartholomæum Cottam Presbyterum.

Quod redolent menses Arabum, quod spirat Amomum,
 Balsamaque, & rutilis lilia mixta rosis,
 Hoc quam donasti vitrea Cotta optime in urna
 Lympha mihi, Ambrosiæ, & Nectaris instar, olet.
 Sed si majores tibi vis me reddere grates.

Non lympham, mittas Massica vina precor.
 Grati apibus flores varii, gratusque Poëcis
 Bacchus io genitor candide Liber ades.
 Dicere io Pæan, & io, & bis dicere Pæan
 Audiat Eois, occiduisque plagis.

O si forte mero Permessi flumina manent,
 Quam carus Phœbus, talia cara forent!
 Me sæpe ad nitidos fontes invitat Apollo,
 Musaque Castalias sedula monstrat aquas;
 Res mihi grata quidem ad latices, fluviosque vocari,
 Sed mage grata, merum si mihi uterque ferat.



Dum gemit Arcadicam miseratus Juppiter Urfam,
 Sæva quod in matrem tenderet arma puer,
 Sensit, & indignans effata est maxima Juno,
 Quid fles? en tecum est Phryx puer incolumis

H I E.



HIERONYMI TANINI

FLORENTINI.

De Joanne Medic. Cardinale.

CRudeles divos, crudelia sidera fat vos
 Dixisse, & mœstas dilacerasse genas;
 Effudisse etiam lacrimarum flumina, & altis
 Implevisse auras flebilibusque modis,
 Flere decet; non flere, pudor, mos estque ferarum
 Flere decet; sed non quam licet, ulterius.
 Heros Mediceus meliore hoc lumine dignus,
 Pro bonitate sua, pro sine labe animo.
 Ante diem cœli stellantia regna petivit,
 Nunc sanctus sanctos incolit ipse locos:
 Nostras lætus ibi curas deridet inanes.
 Perpetuo Divum perfruiturque bonis.
 Spargite nunc violis tumulum, hoc incidite carmen,
 Post cineri æternum dicite jamque vale.
 Hic heu Joannes Medices: dolor omnibus ingens:
 Cui clarum ornavit purpura sacra caput,
 Corporis, & mentis forma pulcherrimus, annos
 Ante & bisdenos jussus obire, jacet.

IN LAUDEM JOANNÆ ARAGONIÆ.

Hospes, & Templi Sacerdos.

H. Quis posuit Templum celebrari carmine dignum
 Mæonio, quod nulla potest abolere vetustas?
 Nil equidem majus video, nil clarius; orbis
 Miretur quamvis Ephesi miracula, & altum
 Inviſtumque Rhodos quo gaudet clara Colossum.

S. Ne

- S.* Ne mirere Hospes, celebrat quos Græcia, vates,
Quos colit & Latium, quos Tuscia tollit ad Astra;
Delubrum posuere, quibus formosus Apollo
Aonidumque dedit chorus hanc attollere molem.
- H.* Felix digna domus superum; felicia secla,
Delius ipse quibus tales dat habere Poëtas:
Felices vestro laudari carmine vates,
Et digni sacrâ redimiri ab Apolline lauro.
Sed quæ tela gerens manibus Dea caste sacerdos.
Vestibulum ante ipsum quæ luce resulget athena?
- S.* Formosa inventrix oleæ fortissima virgo.
- H.* Cur vigiles agit excubias ad limina? tanti,
Quæ nam causa premit vigilantem ac ponderis urget?
- S.* Ingreditur nemo, sacra nisi dignus oliva,
Frondebis aut Phœbi, arcentur procul atque prophani.
- H.* Quo strepit applausu? totum quo carmine templum,
Intus quivse sonat lenis concentibus aura?
- S.* Musæ agitant choreas, & Phœbo carmina dicunt,
In medio citharamque movens pater astat Apollo.
Nam Grajæ, & Latia, Tuscæ simul atque sorores,
Delius & vates Helicon, & laurea Tempe
Parnassi liquere jugi, liquere Aganippen;
Tantus amor Templi, tanta est hic cura manendi;
Hic Helicon locus alter erit, Parnassus & alter;
Hic hederæ, hic lauri surgent, nascetur & alter
Fons Aganippeus currens melioribus undis.
- H.* Fortunati igitur, quorum percussus amore
Phœbus erit; pulchrum vobis componere carmen,
Et summum Templi dabitur conscendere limen;
Sed cui tantus honor? tantarum & gloria laudum?
Famaque tot rerum delubrum cuique dicatum est?
- S.* Mortali divæ (stirps Aragona) Joannæ,
Cui Charites insigne decor, Veneresque dederunt;
Cujus agit mores probitasque, pudorque ministrat;
Erudiit quam Pallas, amat quam pulcher Apollo;
Vatum cura ingens, animi pars maxima vatum.
- H.* Stat manifesta fides, celebris stat gloria dictis,
Factaque tantarum & monumenta insignia rerum;

At quid ego aspicio? quid nunc mea lumina cernunt?
 Quæ manus adventat juvenumque senumque sacerdos
 Templum, cui viridis circumdat tempora laurus?

S. Sacra cohors vatum, cultæ, quæ Tempia Joannæ
 Erexit; venit ecce caput redimita corollis
 Ut meritas illi laudes, & carmina dicat.

H. O decus Hesperidum genus egregiumque tuorum,
 Æqua & progenies superis, præclara Joanna,
 En tua fatidicæ nunc ad delubra cohortes
 Dona ferunt meliora auro, melioraque gemmis;
 En tibi non quæ mittit Arabs, non quæ aurifer Hermus,
 Non pateras auro fulvas, nec jaspide testas,
 Sed tibi mille ferunt meditata volumina, laudes
 Servatura tuas, cursus dum sidera cælo
 Servabunt, plaustrumque polo versabit & Arctos,
 O si lauricomum potuissem scandere montem,
 Ardentemque sitim sacra depellere lymphæ,
 Non ego phœbæos cursus, lunæque labores,
 Magnanimum facta heroum non inclita, sed te,
 Te canerem, mea Musa tuum super Æthera nomen
 Tolleret, & laudes in longum extenderet annum.

S. Jamque vale, hinc etenim hospes non ignarus abibis.
 Perge igitur, faveantque tuis pia Numina votis.

H. Tuque vale, & viridis maneat tibi longa senectus.





NICOLAI TASSI

FLORENTINI.

*In Pindarum ab Alexandro Ademario Etrusci Carminis
versione donatum.*

Sollers diversas liber hic abiturus in oras
Cujus nam auctoris nomina fronte geret?
Pindarus est, inquis; decet hunc præferre volentem
Et genus, & titulum, nomen, & omne decus.
At genus, & titulum, magnum & memorabile nomen
Doctus Ademarius tempus in omne dedit.
Nobilis ille, igitur vocitetur Pindarus, abdit
Nomen, Ademarius, cui decus, & titulum.

JACOBI TAURELLI

FANENSIS.

De tabulis Iguvii, sive Eugubii in Theatro repertis.

Hæc quicumq; venis veterum ad monumenta virorum
Quæ septem in tabulis ære notata vides.
Suspensum ignotus nequem fortasse character
Neve peregrinus sermo diu teneat,
Etruscas dic esse notas, & Lydia verba
Ante quibus usæ est Tuscia Romulidas.

Sci.

Scilicet antiquis cum fortis Etruria seclis
 Crevisset, tenuit jura utriusque maris.
 Fluctibus Adriacis, huic Tusca colonia nomen,
 Ipsaque Tyrrhenis fluctibus ora dedit
 Et tenuit pulchra quantum supra æquor, & infra
 Atque etiam a Gallis usque fretum Ausonium
 Unde a Tyrrhenis turres, dictique Tyranni
 Illa domos celsas vox notat, hæc dominos.
 Ergo tam longe populo, lateque potenti
 Cum sua lingua fuit, tumque elementa sua.
 Paulatim linguam sed perdidit alta vetustas,
 Romanumque magis perdidit imperium.
 Namque ubi Roma potens, rerum & pulcherrima facta est,
 Septem arces muro cinxit & una sibi,
 Finibus extensis Romanas discere voces
 Imperat, & Dominos verba Latina sequi.
 Sic patrios gens Lyda sonos in secula mille
 Desueta ignorat nunc magis atque magis.
 Sunt elementa super nostris quæ versibus infra
 Scripta, Abrahamæo more legenda damus.
 More Abrahamæ tuo, primus tu namque figuras
 Scribendi in medium ponis ab orbe Syro.
 Assyria, & Solymus, Janus, Noa vitifer hic est
 Transulit ad fontes, o Tyberine tuos.
 Forma characterum, numerusque parumper ab illis
 Mutari, est idem cursus, & ordo tamen.
 Sic etiam Latio Græcos Evandria mater
 Deducens, eadem cernitur, atque alia.
 Ordine quæque fuit prope par, ductuque notarum
 Græcis nec specie, nec numero est similis.
 Sed lege jam, Eugubioque vale bona multa precatus,
 Virtutum, atque virum quod decora alta colit.

De cade Rhadagasi.

Barbarus infesto Rhadagasus Medicis ictu
 Dum ruit, & jam spes concidit omnis, ait.
 Florentem at minor hanc, atque urbem excindere Romæ
 Gloria erat, dextra quam cecidisse tua.



BARTHOLOMÆI THEANI

B R I X I E N S I S .



Ad Dominicum Bollandum Brixie Prætozem.

Venisti tandem miseris optata voluptas
 Solamen portans, & sancta oracula Phœbi
 Ore tuo Bolane, sedens justissime Rector,
 Ætherea delapse plaga, & cœlestibus oris.
 Cujus in adventu furor omnis & arma quierunt
 Sæva nimis, sævæque manus, & funera sæva,
 Jamque diu bacchata odiis totamque per urbem
 Jam rabies, dirumque nefas, furiosa pererrans
 Pectora, mortales miseros horrendaque cædes
 Aggrediens, multis latuit confixa tenebris.
 Occultique ignes, & saxeæ flamma refugit
 Te viso, hac postquam majestas tanta refulsit.
 Non aliter, quam si manes penetrasset ad imos
 Ipse auctor vitæ, loca sæva trementia latè
 Evacuare malis, superas cum traxit ad oras
 Infantes animas, cœli in regione serena
 Constituitque pios, & tartara terruit atra.

Jam rediit Pax illa procul dimissa, nec unquam
 Sedibus his nostris sine te reditura; revixit
 Relligio, pulsumque decus, Concordia dulcis.
 Securus pauper gestit, plebs ipsa triumphat,
 Nobilitas tanto gaudet Prætoze, tuisque
 Auspiciis innixa viget, fruiturque salubri
 Consilio, virgaque pari, moderanteque dextra.
 Alta quies passim surgit passimque revisit

Sol-

Sollicitos animos, & pectora mœsta relaxat.
 Qualis in Oceano fluctus si forte furentes
 Neptunus sensit, rapidisque repressit equorum
 Curfibus, & subito pontum substravit, & undas:
 Portubus edicens quassatas condere classes,
 Littora néve suis contingere motibus ulla,
 Candida dum flavos Galatea retexere crines
 Audeat, ardentisque preces auscultet amanti.
 Hinc tibi devora ac felix ter Brixia plaudit,
 Et postes castos, sacrataque limina adire
 Ardet amans, ardetque pios astare penates
 Templâ, arasque tuas, & numina certa tueri,
 Ante tuos tripodas supplex responsa referre.

Quo tibi, si cœlo veniunt tam candida sceptrâ,
 Et rursus cœlo redeunt, numerumque coronant
 Divorum, cœlumque tenent, cœlestia namque
 Atria debentur, debentur sidera clara;
 Æquato qua libra suis examine pensat.
 Attamen interea meritos celebrabit honores
 Vere novo, passim cum prata virentia rident,
 Bacchus & apricis in collibus ipse colorem
 Auget inexpletum, faciem sufflatus, & ora,
 Brixia cum patribus magnis, humilique caterva.
 Intonsosque dabit pueros altaria circum,
 Qui laudes Bolane tuas, qui carmina cantent.

Ad Hieronymum Maurocœnum Brixia Prefectum.

Nil unquam potuit cedere gratius,
 Nil unquam potuit reddere charius,
 Cœlum qui refovet, sidera temperat:
 Maurocœne mihi dulcior omnibus
 Qui sunt, mihi qui fuerint, melle suavior:
 Quam te in hoc folio cernere splendidum,
 Stola purpurea, lucido in auro.
 Non est agricolis aptius imbribus;
 Passim cum segetes æstibus arcant.
 Non portu miseris qui freta permeant,

Navi cum validus fluctus inhorruit;
 Te præfers alium nomine amantius,
 Summis quem colui relligionibus.
 Cunctis præfuit is dignus honoribus:
 Clemens, & facilis, justus & integer;
 Quem fama æquiparas, laudibus approbas.
 At si nunc pietas te premit, aut amor,
 Ne spernas hilaris, qui tua numina
 Exoptat penitus devenerarier.

Ad Jacobum Aquæneum.

Qui te diligit, atque amat libenter,
 Præsentemque colit: cupitque longè,
 Jocundissime mi, Jacobe; magnum
 Musæ quid faciant tuæ, parentve,
 Nunc Thianius ille scire gestit,
 An nunc otia forsitan requirant:
 Queis jam miseris ultimum libellum;
 Tuis finibus atque propulisti.
 An tibi potius jugis pererrent:
 Quibus perpetuis viget melodis,
 Virtus inclita: quam supremus ardor,
 Humano generi parare certat.
 Non parvus labor, at Ceresque parca.
 Ne potus nimius, Venusque dira,
 Quæ quisquis fugiat, levis, miserque
 Orbi tam vacuo futurus adsit:
 Inops nomine dignus invenusto.
 At nos viribus omnibus sequamur:
 Argutum refonet, diuque vivat
 Nostro pectore nomen oh beatum,
 Cælo jam inseruit suos amicos.
 Illustrat radiis genus vetustum:
 Et novo penitus nitore vestit.
 Quem non lampade clariore Phœbus
 Unquam protulit, igneove curru,
 Quamvis jam domuit ligone terras

Et stivam tenuit, deditque sulcos,
Eja nunc hilaris dolore nullo,
Vivas incolumis mei Patronus.

Ad Joannem Antonium Taygetum.

Errare multos censeo, si me feras,
Comes vigiliarum studiose Taygere
Qui sæpe nullos tempore hoc nostro ferunt
Flaccos, Marones, aut Poëtas non bonos,
Qui res altiloquo regum jam carmine cantent:
Laudibus, & meritis celebrent: Cœloque reponant,
Abest poëtas qui colat: foveat, simulque
Alat: nec unquam magis Apollo sic suis
Favit nec unquam Mulsæ, adest adhuc liquos.
Refusus altis fontibus nymphis sacer;
Qui liquidas effundit aquas: quibus acta virorum
Fortia mellifluo resonantia temperet ore.
Florent honestæ quæ vigent artes; valentque:
Ingenia surgere clara nunc passim vides.
Nil deficit illis nempe, nil nisi favor.
Vates erunt, si modo manus bona adsiet.
Jam sacrum resonare dabunt Heliconæ: suasque
Najades in sylvis doctas agitare choreas.
Vatum sed heu mentes nimis miseræ jacent:
Nil clamor altus, nil prodest calamus vigil;
Nil ars, furor nil, nec novus labor juvat.
Me miserum cui fata loquor? cui tristia vatum
Effero? cui notas fecit jam fama querelas.
Acrius & doctis inipexit lumine chartis.





HIERONYMI THIENNÆI

VICENTINI.



De Joanna Aragonia.

ANte aras veneranda tuas, & limina templi,
 Quod modo sacravit martia Roma tibi,
 Diva decus Latii, & matrum pulcherrima, Diva.
 Fama incorruptæ nota pudicitæ.
 Constituent alii regum simulachra tuorum,
 Et procerum vultus marmore nobilium
 Expressos, contexta alii laquearia puro
 Ex ebore, ac cedro, molliæque æra dabunt,
 Excelsos quæ contineant, clarosque triumphos,
 Et pulsos Gallos finibus Ausoniæ;
 Sceptra alii, ac solido ex auro diademata, quondam
 Quæ gessere viri stirpis Aragoniæ;
 Effingent alii geminos, duo fulmina belli,
 Quos olim junxit firma Columna tibi,
 Fabricium, fratremque, illustria corpora quorum
 Consilio ac armis regna subacta tenet
 Invisus Cæsar, dumque obsidione fatigant
 Oppida, dumque hostes Marte favente premunt.
 Præstanti Ascanium virtute, & fortibus ausis
 Excudent alii, quem tibi fata virum
 Incolumem si forte velint, felicior uxor
 Te nulla, aut cupido quæ mage cara viro.
 Afferet extremis etiam peregrinus ab oris
 Quæ spargat templo cinnama, thura, crocum;

Quin & Erythræo lectas in littore conchas,
 Indorum varias & cumulabit opes;
 Sardonychas, fulvosque simul, viridesque lapillos,
 Quodque habet eximium latior Oceanus.
 Scilicet egregiæ famæ compulsus amore
 Conferet in templum munera quisque tuum;
 Et multos addet titulos & carmina dicet;
 Queis tua permaneant nomina magna diu.
 Hac ego jamdudum pariter succensus, & ardens
 Accedo ad templum diva Joanna tuum;
 Et dare cum nequeam fulvi tibi dona metalli,
 Ingentes vel quas India mittit opes.
 Candida mixta rosis ponam tibi lilia, ponam
 Narcissum, & violas florida ferta tibi.
 Hæc tu præcingas ut tempora sacra quotannis,
 Accipies horti munera parva mei,
 Felix sorte tua, felix virtute parentum,
 Felix conjugio terque, quaterque tuo,
 Olim, dum Phæbus favcat, tibi carmina & ipse
 Institutam, & laudes persequar usque tuas.

De eadem.

Principio ut dicam patriæ primordia, & alta
 Stemmata, Aragoniæ progeniemque domus,
 Cuinam mortales inter præstantior ulla
 Contigit, aut urbe hac terra beata magis?
 Littore in Euboico quam formosissima Siren
 Condidit, aut certe nomina tanta dedit,
 Parthenope clara ingeniis, & robore clara
 Militiæ, & culti fertilitate soli,
 Alta ubi consurgunt, & cœlo proxima tecta,
 Structaque de pario marmore templa Deum;
 Illic Hesperidum sylvas, & poma videre est,
 Qualia narrantur divitis Alcinoi;
 Imminet & ponto moles operosa, fabreque
 Addita, quadrijuges qua spatientur equi;

Unde

Unde licet placido volitantes æquore puppes
Cernere, & in tutum, cum furit unda, trahi.
Circumstant colles olea, Bacchoque nitentes,
Et lætas segetes suggerit alma Ceres.
Hanc patriam Ascanii conjux, sortitaque sedem est,
Quam Venus antiquo præferat Idalio.
Hic amat usque coli, nec victima gratior ulla
Est sibi, quam munus vatis Apollinei.
Nam Phœbum, & doctas tam diligit illa sorores,
Quam nutrita sacris collibus Aonidum.
Accedit proles regum generosa potentum,
Quorum de prisco sanguine nata Dea est.
Otia qui populis & servavere quietem;
Dum stare imperium fata Deusque dabant;
Cum toties hostem per Daunia regna secuti
Et decori, & rebus consulere suis.
Quid referam Heroas claros de gente Columna
Conjunctos arcto fœdere connubii?
Quorum tot magno confecta duella labore,
Tot victæ gentes, oppida capta manu;
Quot prope sublimi cernuntur sidera cœlo;
Quot mare per vastum monstra natare solent.
E quibus Ascanium tacitum si forte relinquam,
Officio videar posse carere meo.
Nam varios hujus casus, variosque labores
Dum repeto, atque actæ tempora militiæ,
Non alium ærumnas passum pro Cæsare tantas,
Præmia non alium tanta tulisse puto.
Qui postquam e Latio atque Insubribus expulit hostes
Haud dubiis sese casibus obiiiciens,
Pinguia tot magno meruisse a Cæsare dictus
Quot validi invertant jugera mille boves;
Samnitum & populis leges imponere, & arces
Munire auxiliis præsidioque suo.
Hinc sibi divitias, & Magni nomen adeptus
Unius ad nutum Cæsaris arma movet;
Sed quamvis cumulo rerum prædives, & auri;
Virtutum cumulo est ditior ille tamen.

Artibus atque astu qui magnum exæquet Ulysses,
Exæquet Pylium Nestora consilio;
Tam docte, tam prudenter de qualibet hic re
Differit, ut credas doctius esse nihil.
Hunc quia præ cunctis clarum voluere, beatum
Nunc etiam tali conjuge fata volunt;
Cujus si formam quæras, si denique mores;
Moribus, & forma noveris esse Deam.
Tam pulchra egreditur thalamo, quam Lucifer, aut cum
Delia curvato plenior orbe nitet.
Ore pudor, labris insunt redolentia mella,
Cum loquitur, dulci nectare verba fluunt.
Musarum cultrix, cultrix operosa Minervæ est;
Tam belle exercet munus utrumque Dea;
Carminibus si ludat, ludentem carmine Sappho,
Si cithara, Clio plectra movere putes.
Pingat acu chlamydem, croceos aut pingat amictus,
Palladia hæc dices picta fuisse manu.
Formet acu instructas acies discurrere campis;
Jurabis campis bella cruenta geri.
Denique res nulla est tam dura, atque ardua, quam non
Anxia cura hujus, perficiatque manus.
Quod si perpendas quantum hæc supereminet omnes
Dotibus instructas corporis, atque animi,
Nulli digna magis mulier sociata marito est;
Apta magis nullus fœdera lectus habet:
Tyndaris ob formæ laudatur dona beatæ;
Illa tamen Paridis turpis adulterio est.
Casta fuit conjux nimium cessantis Ulyssis:
Illius at facies visa decora minus.
Casta fuit, formosa etiam Lucretia, at illa
Romani imperii prima ruina fuit.
Pulchra hæc. & nullo quam facto infamia turpet,
Nec patriæ exitium, perniciemve tulit;
Quin potius decus eximium stetit illa, suoque
Præsidium generi, præsidium & patriæ.
Quare ni mea me fallit sententia, posse
De tali hæc videor dicere conjugio,

Hunc

Hunc fore qui senior cara cum conjuge vivat;
 Illam, quæ soli serviat usque viro.


De eadem.

Mortales visus, divinos intellectus
 Regia Joanna, nunc Aragona domus
 Occupat Hisperiis pretiosum munus ab undis,
 Quod tulit auratis dives Iberus aquis.
 Hesperides Nymphæ liquido de fonte perennes
 Currite divitibus flumina semper aquis.
 Sanguine regales certent laudare poetæ,
 Et forma pulchras exuperante nurus.
 Dum tamen hanc norint cunctas superare puellas,
 Quas facit aut sanguis, forma, vel orbe Deas.
 Quam sibi formandam Venus omni sumpserit arte,
 Qua sibi formata sumpserit omne decus,
 Pulchrius hanc quoniam multo se fecerit ipsa,
 Quæque dedit veneres invidet ipsa Venus.
 Phyllira turpis huic, Saturno Regeque turpes.
 Quas sua cumque Deas castra coëgit amor.
 Rustica quid scirent Saturne, olim tua regna?
 Illa tibi si pars, pulchra puella fuit.
 Ecce novæ veniunt formæ, nova forma novatis
 Ingeniis, miro discuriturque modo.
 Quæ quondam pulchræ tulerint sua præmia formæ,
 Contentæque suo tempore, nunc fileant.
 Illa quidem demum nostris collata puellis
 Si qua mihi pulchra est, pulchra puella sat est.
 Junoni formandæ Zeuxi, hæc si una fuisset,
 Centum Virginibus non eguisset opus.
 Hanc si vidisset, hanc suspirasset Apollo,
 Nec fleret Daphnen Peneis unda novam,
 Nubigenum quæ pugna fuit, jacuisset & ipsa,
 Perseus armatæ quam tulit arte manus.
 Non Europa novi pressisset terga juvenci,
 Majestas Semelen, nec Jovis arma sui.
 Ferret Amymones latices nunc urna quietos,
 Ipsa nec effusa comprimeretur aqua.

Forma nec Antiopæ Dirces Nychtheidos agris
Cogeret in satyrum fulminis ire Deum.
Falsus Enipeus cepisset Salmonida numquam.
Nec Tyro fictis pressa fuisset aquis.
Nec facie pulchra Phœbum Leucippi moveres,
Conjuge pro ferres, Ida, nec arma tua,
Ida inter juvenes juvenum pulcherrimus, orbis
Quos habet, ac habuit, quos habiturus erit.
Si mihi nunc referas Helenam, Ledam. Hermionamque,
Nunc mihi cum nata est turpis utraque parens.
Turpis es o Ilaira, o turpis es Orithyia.
Nunc mihi & Eveni filia turpis erit.
Herois & temporibus quæcunque fuistis,
Desinite Inachides nomen habere meis.
Quantum luminibus Phœbea lampade præstat
Titan, & Phœbe signa minora premit,
Priscus honos tantum nostrarum cedat honori,
Sic & Joannæ secula nostra Deæ.
Græcia spectatis celebrandis plurima formis,
Huc ferat in nostram lumina fixa Deam.
Et laudet dignam regali stirpe creatam:
Sanguine nec faciem degenerata suo.
Atque artus, longasque manus candore nivali,
Candida purpureis omnia mixta rosis.
Atque oculos Veneristunc, cum manet ante parentes,
Et Bacchi digitos, Tethyos atque pedes.
Et quales Sais lavit Bœbeidos undis
Ascensura sui pura cubile viri.
Lactea duplicibus fluitantia pectora mammis.
Et cervice sua brachia digna noter,
Omnia præstanti præstantia corpore laudet
Extera; siqua latent, hæc meliora putet:
Ingenuas artes, mentem, moresque pudicos
Moribus assimiles Penelopea tuis.
Palladis ingenio ut doctas decurrat in artes,
Pulset Apollinea pleetra sonora lyra;
Ut nunc historiis ornans sua tempora priscis,
Quæ fugienda viris, quæque sequenda docet.

Ut nunc obloquitur septem discrimina vocum,
 . Pectine nunc, digitis nunc tenuatur opus.
 Gracchaque cum loquitur cedat Cornelia, tanto
 Visa sit ornatu, tamque modesta loqui.
 Quamque aditus præstet faciles adeuntibus alma
 Dexteritate nitens, fabilitate pari.
 At multo in rebus solertia major agendis,
 Provida præsentis postera mente videt,
 Lvia non nostrum prudentior esset in ævum,
 Nec quæ Romanos Mammea rexit avos,
 Vel mentita virum superavit facta virorum,
 Quæ nomen lingua dicta columba Syra.
 O qui te talem tanti genuere ut? ut alta
 Virtus, forma in te, nobilitasque par est?
 Conjugio tali felix domus alta Columnæ
 Conjugis Ascanii fulget in Hesperiiis,
 Proh Taracon felix tellus ab origine felix
 Quæ genuit, quæ te Parthenopea videt.
 Vivite felices rarum par, vivite semper,
 Vivite in alterius alter amore pares.





FRANCISCI THOMASII



De laudibus Jacobi Aretini praeceptoris sui.

MUsæ Pierides Jacobi dicite laudes
 Quas celebrem magnas versibus hisce meis.
 Est novus hic Cicero: est doctus Cyllenius alter,
 Cujus ab ore viri dulcia mella fluunt.
 Virgilii celebris, Lyrici, Nasonis & almi
 Non his inferior nunc gerit iste vicem.
 Ore Pericleo sapiens Jacobus ad aures
 Intonat, & volitat docta per ora virum.
 Consimilesque sui doctos geniturus alumnos,
 Hic est, quo nusquam doctior alter erit.
 Plaudite nunc omnes ergo, & Dîs solvite grates,
 Sortiti ad studia hunc vos quoque vera ducem.

De Singulari Euphrasie forma ad Phæbum.

Cum Cytherea tibi, Juno, & Tritonia nota,
 Phœbe, sit, & pulchri quidquid Olympus habet;
 Num tribus Euphrasie Divis æquanda videtur
 Forma, opibus multis, ingenioque potens?





DONATI THOMITANI

PATAVINI.



De Hieronyma Columna.

Viator, & Parthenope.

Vi. **C**Ui vis Parthenope, tam claram condere molem?
Cur posita est laribus tanta Columna tuis?

Pa. Hæc sola Ausoniæ quassos reparabit honores.
Illustri generis nobilitate sui.

Vi. Quo fundata solo, firma & tellure manebit?

Pa. Relligione Deum, moribus atque bonis.

Vi. Estne opus Jonium, laboratum aut arte Corinthi?

Pa. Hoc Latii populis inclita Roma dedit.

Vi. Nunquid Mygdonio, Pario vel marmore secta?

Pa. Hæc rarum castæ simplicitatis opus.

Vi. Divina quæ facta manu, simulacra tenebit?

Pa. Pallade cum docta, Cypridis ora Deæ.

Vi. Hinc tibi tot Musis meriti solvuntur honores,
Sebethi ad vitreas pretereuntis aquas.

Et Grajo, & Tusco, Romano & pectine Vates
Mille tuum posthac nomen ad astra ferent.





BERNARDINI THOMITANI

PATAVINI.



In Laudem Hieronyma Columnam.

Quisque tuam laudat Vates Hieronyma formam,
 Et genus, proavos, pectus, & ingenium.
Te legit & celebrat Latii pulcherrima tellus
 Tybridis & magni diceris esse Decus.
Hinc merito centena moves ad carmina plectra,
 Quæ tua certatim nomina ad astra ferunt:
Incola quæ Geticæ miratur sola pruina,
 Quæque etiam relegit Sole perustus Arabs.
Et Rhodopejus amat tua nomina vallibus Hæmi,
 Et rigidi repetunt, fortia corda, Scythæ.
Tum fœcunda bibens septemplex ostia Nili,
 Sarmata & instructos flectere doctus equos.
Quique colunt nigri felicia rura Sabæi.
 Massylumque nemus, Caucasumque jugum.
Demetit & quisquis segetem beneolentis amomi
 Et qui Cyniphium non bene littus arat.
Et quos occiduo circumtonat æquore Nereus,
 Et quos Eoi diluit unda maris.
Hæc eadem mollis solitus laudare Sicamber,
 Hæc eadem Parthus concinit ore ferox.
Crinibus Æthiopes flexis, passisque Geloni
 Laudibus applaudunt pulchra Columna tuis.
Sæpius ipse Cilix, posito meditatur aratro,
 Laudibus applaudens casta Columna, tuis.

Te stupet iratæ sinuosa Propontidos ora,
 Et te cum Scylla, vasta Charybdis, amat.
 Nosceris & tumidis Hyrcanæ Doridos, undis
 Teque colunt Lybicus stagna refusa vadis.
 Extrema hoc Thule, hoc picti novere Britanni.
 Aurora, & Gades, cumque Aquilone, Notus.

Ad Thelesillam:

Proffitit algidulus muscoso e fornice rivus,
 Electro cujus purior unda cadit.
 Frigiduli resonant latices, mollique susurro
 Invitat dulcis, languida membra, sopor.
 Et nemus egelidum ramis frondentibus umbras
 Præbet, & arguto murmurat aura, sono.
 Frondibus in densis motæ crepitantibus alis,
 Ingeminant liquido gutture carmen aves.
 Florida prata nitent, vario & depicta colore
 Miscent purpureis lilia cana, rosis.
 Hic Thelesilla potes placidis te mergere in undis,
 Urenti quoties sidere fervet humus.
 Hic gelidis sitibunda potes lenire labella,
 Et lymphis faciem tergere pulveream.
 Ipsa feres avido delectos pollice flores,
 Ad sumum saturans vimineos calathios.
 Et caltham, & violas, immortalemque amaranthum,
 Sanguineo, & maratri gramina juncta, croco
 Romanæ his texes dum rustica dona Columnæ,
 Concelebrans tantæ numina magna Deæ:
 Ipse ego tum citharam percurrens pectine, eburnam,
 Tractabo tremula, fila canora, manu.
 Tum mihi Pegasides, divino carmine, laudes
 Dictabunt, tantæ præmia magna Deæ.
 Illi ut nascenti tribuerunt aurea Parcæ
 Stamina, quæ Latio secula prisca ferant.
 Utque opibus magnis, illustri & sanguine creta,
 Sit Romæ splendor, Parthenopesque decus.


542 BERNARDINI TOMITANI.

Pallada ut ingenio superet, formaque Dionem,
 Lumine sique hujus Cynthia clara minus.
 Illius ut voces formet Tritonia virgo,
 Et repleas multo nectare, blandus Amor.
 Sit decima hæc animi, Musarum denique, cultu
 Reddita, quarta Charis, tertia casta Venus.


In Templi Detractorem.

Invide quid mordēs? in nos quid lumina torques?
 Et cupis in lepidos Cerberus esse jocos?
 Tu procul hinc Stygiis potius pete Tartara regnis,
 Orci inimica lues, Manibus atra lues.
 Illic tu caudam tetro sub ventre reconde,
 Latratuque animas tergemino excrucies.
 Non te Phœbus amat, non diæ lucis imago,
 Sed noctis tenebræ, Ditis & umbra necens.
 Te nihil adversus moliri triste poëtas,
 Et vates sacros Juppiter ipse dedit.
 Orpheus hinc testis, potuit qui pectine eburno
 Et petere infernos, & remeare lacus.

F I N I S.



INDEX



INDEX

Rerum notabilium, quæ continentur
IN TOMO NONO.



A

- A** *Bel* pag. 426.
Abraham 339. *auctor scribendi reputatur* 526.
Academia Parisiensis 331. *Philoponorum Faventia* 440.
Achilles 312. 313. 331. 392.
Accoltus Benedictus Card. laudatus 15. 21.
Adam in Paradiso constitutus peccat 297. 300. *abscondit se a facie Domini* 438.
Adimarius Alexander Pindarum vertit 503. 525.
Aegyptus 406.
Emilius Romanus egrotat 83. &c.
Eneas 81. 92. 147. 231. *discessurus patriam alloquitur* 258.
Æschylus poëta 444.
Ætas 146.
Ætas aurea 178. 179.
Ætna 183. 249. 251. 254.

Affet

- Affectus animi varii* 65. Vide Amor, & Dolor.
Alcibides citharædus 46. 47.
Alcinous 8. 532.
Alexander Macedo 421. Urbem condit Bucephali nomine 449. celo confixus, se mortalem agnoscit ibidem.
Amaltheus Hieronymus 286.
Amandum mutuo 157. 191.
Amantium cura, & sollicitudines 49. 50. 53. 89. 99. 110. 138. 156. 180. 189. 229. 247. 370. *ipforum stultitia* 90. *cæcitas* ibid. 108. *incommoda* 190. 246. *inconstantia* 370. *desideria* 253. 273. 371.
Ambitio 186.
America populi novissimè detecti 69.
ad Amicam absentem amans contendit 144. *absentem revocat* 273.
Amicus verus quis 86. 201. 336. 346. 382.
Amori an sit indulgendum discutitur 107. &c.
Amoris vis 3. 4. 46. 49. 50. 53. 79. 95. &c. 98. 103. 109. 110. 114. *ipsius origo, & fabulosa generatio* 47. 48. 96. *amoris natura* 79. 239. 246. 190. *verus amor latere non potest* 54. *maiorum omnium causa ostenditur, & exemplis confirmatur* 90. 91. *vitiorum omnium pessimum* ibid. *ipsius effectus* 48. 92. 180. *tollit libertatem* 98. 108. *agritudo insanabilis* 109. 194. *Deus Pacis* 114. *amoris indicia* 172. *ipsi omnia parent* 121. 135. 137. 189. *mari comparatur* 173.
Amphion 80. 474.
de B. Andrea Avellino 435.
de D. Andrea Apostolo 436.
ad Ad Angelum Custodem hymnus 425.
Animi equitas servanda 10. 186. 266.
Apelles 437. 483.
Apollo 160. 212. *ad ipsum deprecatio* 83. & 132. ejus

ejus varia nomina 35. *amori fit obnoxius* 137. *ejus oraculum nosce teipsum* 420.

in *Apostatas* 369.

Aqua calida ad Pyrenæos 473.

Arachne 261. 262.

Aragonia Joanna 502. 522. 531. 535. 536. *totius familia laus* 532.

Arbores varia 16. 147.

Arionis statua 5.

Arnus laudatus 7. 8. 11. 20. 27. 82. 104. 270.

317. 351. 503.

Arundo, five de usu arundinis 257.

Astrea 158. 176. 212. 270. 467.

Astronomia 333. *astronomi, & chronologi laus* 40.

Avalus Alfonsus 243.

Avaritia 325. 447. *in avarum* 171.

Aurora 20. 42. 44. 51. 61. 64. 215. 370. 409.

433.

Auspicium 216.

Austriaco Joanna 210. *Joannes* 296. *Frater Regis Hispaniarum* 383.

B

in **B** *Abylonius ignis pueros non ledit* pag. 413.

Bacchanales larvas 447.

Bacchus 138. *Ariadnam astris inserit* 98. *Bacchus inter epulas* 202. *ipsi indulgendum* 231. *Bacchi varia nomina, & fabulosa generatio* 234.

Barbara Callina laudata 229.

Battiferrea Laura 498.

de *Bellis impendentibus* 26. 264. 312. 515.

Bellum detestabile 424. 506. *tormenta bellica militie gloriam obscurant* 447.

Bellum navale contra Turcas, gestum fusè describitur 29. &c. 216. 223. 291. 389.

Tom. IX.

Mm

Bem.

- Bembus* 198. 287.
Benedictus Petrus 326.
S. Benedictus se nudum in spinas projecit 431.
de S. Bernardo Abbate 433.
Bessario Nicanus Cardinalis 398.
Bessus 191.
Bolanus Brixie Prætor 527.
Bonamicus Lazarus 288.
Bonarota Michaël Angelus 18. 351.
Bonhomus Episcopus Vercellensis 286.
Boni quare contemnantur 78.
Boreas 300. 370. 454. 456.
Borgia Lucretia laudata 169. 170. 172. 174. 176.
 186. 197. 198. 203. 204. *ad ipsam Genetliam*
con 175.
Borsius laudatus 141. 166. 170.
Brixie fundator Hercules 231. 528.

C

- C** *Admus pag.* 231. 254. 474.
Cammillus Leonardius 209.
Campanus Martialis a morte per prodigium liberatus
 347.
Campofregosus Fregosinus Comes laudatus 80. 83.
Capilupus Hippolytus 335. *Lelius* 336.
Carmina pariunt letitiam 79. 80. *famam* 207. 312.
 332. 335. 346. *belluas, & saxa trahunt* 326.
 332.
Casa Joannes 288.
Castanei Henrici laus a 453. *ad* 455. *Ludovici a*
 456. *ad* 463.
Castilionæus Balthassar 287.
Catiline facinus unde exortum 112.
Cato 231. 369. 384. *ejus dictum in belluonem* 353.
 de

de Cerasis 12.

Cerberus 224. 332.

Chaos 227.

Charon 229. 332.

Chauvetus Marcus Praeses Tolosanus 338.

Christus Jesus nascitur 162. 296. 299. 438. 510.

a regibus adoratur 164. a matre queritur 406.

inter doctores disputans reperitur 409. 410. pe-

titur 303. 426. mortem subit, & ad inferos de-

scendit 165. Caelos ascendit 166.

de Christi passione epigr. plura a 426. ad 429.

Cicindela, sive noctiluca 263.

Cleopatra 422. 426.

in Codrum 77.

in Caelis nobis Patria est 88. 333.

Columna Hieronyma 226. 393. 539. 540. Marcus

Antonius 240. 241. Felix 368. Marius 499.

familia laudata 535.

Comparationes variae 86. 98. 99. 100. 528. 535.
536.

Conceptio purissima B. Maria Virginis 437. 510.

Consolatio ad Parentes pro morte filii 86. 455. 500.

ad filiam pro morte patris 129. & ad filios pro

morte Patris a 463. ad 470.

Constantinus M. Romanorum Imperator 398. ipsius

origo, mores, & facta illustrata 399. Romam in

signo Crucis vincit, in Christi sectatores indulgens,

crudelis in suos 401. morbo lepra inficitur, lava-

crum sanguinis pro remedio proponitur 402. Ma-

trum dolor pro jugulandis filiis 403. ab Apostolis

Petro, & Paulo in somnis admonetur 403. 404.

a Sylvestro baptizatur 405.

Corcyra 213.

Corsinus Hippolytus laudatus 397. Laurentius 448.

Cotta Joannes 287. Bartholomaeus 421.

Creatio rerum 47.

- Cremona* 70. 72. 492.
Cræsus 148. 420.
in Culicem abruptentem somnum 452.
Culpa eo gravior, quo dignior, qui peccat 50.
Cupido 190. 358. 373. 374. *laudatur* 227. 365.
ad Cupidinem 13. 181. 226. 232. 237. *sauciatur*
 18. 200. 244. *describitur* 92. 97. *ipsius blandi-*
tiis nemo resistit 115. 121. 227. *in Cupidinem*
marmoreum dormientem 197. 203. 204. 371.
Cura publica 184. &c. *Urbana a* 485. *ad* 488.
 489.
Cybele 261.
Cyclops Polyphemus loquitur 248. &c.
Cyprus capta a Turcis 214. 224. 292. 389.

D

- D** *Anaidum supplicium pag.* 333.
Dantes, a Corbinello illustratus 347.
Davidis lapsus 115. *Psalmi* 325.
Deo omnia sunt presentia, & clare patent 67. *Deo*
Patri gratiarum actio pro victoria de Turcis velata
 292. *ad ipsum deprecatio* 323. 357. 509. *Dei*
Providentia in Eliam Prophetam 429.
Deprecatio ad Mariam Virginem 505. &c. 509.
 517. *ad Deum* 323. 357. 509. 517. *ad Apolli-*
nem 83. &c. 132. *ad Beatos Cœlestis Aula Prin-*
cipes 515. *ad Beatos omnes a* 517. *ad* 521.
Descriptio Sacerdotis Jovi sacrificantis 64.
Descriptio ruris amœni 7. & 16 105. &c. 296.
 415. 489. 495. 541. *Senilis ætatis* 289. 374.
Pœseos 340. *formosa puella* 350. 370. *Vide*
Puella. Mortis 423. *Ville* 489. & 495. &c.
Didonis navigatio 58. 82.
in Die commemorationis Fidelium Defunctorum 435.
 de

de Diocletiano 272.

Dionysius Areopag. in morte Christi demiratur 435.

Divitiæ contemnendæ 78. 93. 102. 325.

Doloris vis 2. 47. 48. 86. 125. 149. &c. 331.
382. 407. 438. 456.

Duces Christianorum, qui contra Turcas ad Naupactium pugnarunt 216. 389.

Duellum scaccborum 391.

Duratio rei variis modis effertur 2. 336. 524.

E

E Brietatis damna pag. 449.

Ecclesiæ supplicantis psalterium, seu citbara 509.
517.

Echo 339. 491.

Ecloga nautica, in qua Christianorum, & Turcarum
navale certamen exponitur 212. &c. ecloga item
268.

Elias Propheta mirabiliter pascitur 429.

Elogium pro victoria de Turcis reportata 223. 291.

Enceladus Gigas 249. 256.

Epicedium Mustelæ 142. Phylloxoës 149. Henrici
Castanei 453. Ludovici Castanei 456 &c.

Epinicion Christiani orbis Turcarum classe ad Naupactium profligatâ 291. 223.

Epitalamium Lucretii Canoriferi Comitis, & Tadeæ Vermigenæ 211.

Epitaphium Bartholomei Rontini 23. Benedicti Var-
chi 28. Augustini Barbadici 38. Mustelæ 142.

Phylloxoës 149. Tobia Veronensis 167. Guarini

Veronensis 168. 504. Margarita Peregrinia 168.

Matthiæ Regis Hungaria 168. Leonore Ferraria

Ducis 169. Hippolyta Tassone 197. Jo: Pici Mi-

randulani 200. Angeli Politiani 200. Pallantis

Stro.

- Strozia* 266. *Pauli Barbi* 267. *Aloyſii Trilſſini* 348. *Torquati* 397. *Franciſci Oliva* 481. *Platina* 499. *Hermolai Mauroceni* 501.
- Equus aeneus ad Regem Hispaniarum miſſus* 442.
- Eſtenſis familia laus* 156. 158. *Iſabella, Beatrix, & Alſonſus fratres* 160. *Borſius primus Ferrariae Dux* 166. 170.
- Eſter laudata* 113. 437.
- Etruria antiquitas* 526.
- de *Euchariftia auguſtiſſimo Sacramento* 426.
- Euphraſia Virginis factum* 414.
- Exempla congeſta* 86. 98. 103. 421. *amorem malorum cauſam oſtendunt* 90. 91. 421. *feminarum inconstantiam demonſtrant* 104. *femineum ſexum illuſtrant* 113. 114. 210. *praclaros viros qui amori ceſſerunt, enumerant* 115. Vide *Femina*.
- Exequiarum perſolutio* 224. 453.

F

- F** *Abula de rege quadrupedum eligendo pag.* 482. *de quodam nano* 487. *fabularum ſtudium improbat* 319.
- Falconis laus* 76. 77. 78.
- Fama* 50. 244. 329. 493. *quomodo acquiritur* 312. 439.
- Farnexius Alexander Cardinalis* 23.
- Favor vulgi inſtabilis* 485.
- de *S. Felicitate Martyre* 431.
- de *Femina, quae viva ſepulta eſt* 195.
- Femineus ſexus laudatus* 113.
- Femina raro fide, & conſtantes* 104. 192. 193. 232. *feminarum illuſtrium laudatio* 113. 114. 210. *femina malorum cauſa* 90. 91. 421. 422.
- Ferraria laudata* 128.

- Ferrum propter usum detestabile* 424.
in Festo omnium Sanctorum 435.
Florentia laudata 11. 146. *Templum Marti sacrum*
D. Jo: Baptiste dicatur 439.
Flores varii 9. 10. 25. 272. 359. 378. 416. 541.
ad flores 236.
Flumina varia 295. 380. 460. 461.
Fons laudatus 10. 16. 22. 328. 340. 415. 541.
Fontes Florentia ex apro aneo, & duobus monstris
marinis emanantes 442.
Fortuna vices 67. 68. 73. 77. 78. 81. 142. 347.
de S. Francisco Stigmatibus signato 434.
Funerea pompa 453.

G

- G** *Alatea pag.* 253.
Ganyx edes 22. 323. 483.
Gemmarum species varia 360.
Genebrardus Theologus 318.
Genethliacon pro Natali Alfonsi Principis Estensis
157. *in Nativitate Christi Domini* 162. 296.
299. *ad Lucretiam Borgiam* 175. *de natali Do-*
mine 140. 187. *pro filio Vespasiani Gonzaga* 277.
Pauli Toscani 381. *Lucioli* 382. *Æmilioli Melissi*
475.
Gigantes 256. 249. *Cælo dejecti* 269.
Gonzaga Ferdinandus 11. 12. 13. 19. *Franciscus*
76. 156. *Vespasianus* 277. 279. *egrotat* 281.
ad Gonzagam Sigismundum, ut amorem fugias adhorta-
tio 89. &c.
Græcorum certamina 26.
Grotius 474.
Gruterus Janus de antiquis inscriptionibus 474.
Guarinus Veronensis 168. 504.
Guicciardinus Hieronymus 268.

H

- H** *Arpyia* monstrum quid exprimat pag. 440.
Heinsius Daniel 473.
Helena raptus 42. 421. ejus laus a genere, & pulchritudine 44. 45. 46. 145. 210. ejus officia, & studium in *Paridem* 54. &c. fugam cum *Paride* molitur 57. Vide *Paridis*.
Hellepontus unde dictus 81. 181.
in *Helluonem* 200. 352. 367.
Henricus III. Gallorum Rex a *Sarmatia* rediturus expetitur 303.
Hercules 81. 86. 112. 116. 137. 339.
Hermus 191.
Herodes Infantes occidi jubet 164. 438. Jo: Baptista caput amputat 422. 433.
de *Hippolyta*, & *Callimacho* 196.
Hippolytus a *Diana* liberatus 22.
Hirundo ingrati hominis symbolum 448.
Homerus 466.
Homo in adversis probatur 283.
Hortus laudatus 8. 9. 25. 27. 415. 416.
Hortus *Hesperidum* 40. 416. 532.
Humiliter de seipso sentiendum 420.
Hymnus in *Christi* natalem diem 296. & 299. ad Angelum custodem 425. ad *Mariam* *Virginem* 509. &c.

I

- J** *Jacobus* *Aretinus* laudatus pag. 538.
Jacob 339.
Jacobillus *Federicus* *Historicus* 441.
Jacominius *Antonius* 348.

Fanus

- Janus* 70. 242.
Jasen 82. 110. 155.
Imago puella 375. *marmorea* 206. 207. 208. *Gerardi Vaxis male picta* 352.
Infans a lupo invasus 77.
Inferorum monstra 165. 186. 224. 333.
Infirmus queritur 470.
Ingenia hominum varia 109.
SS. Innocentium martyrium 438. 518.
Innocentius X. Pont. Max. 443.
Insomnia quietem turbant 120. 153. Vide *somnium*.
Inscriptiones antiquae Jani Gruteri 474.
in Invidum 134.
Invocatio ad musam 42. 212. 223. 398. 465.
de D. Joanne Baptista 433. *ejus Templum Florentiae* 439.
Joanna Austriaca 210. *Aragonia* 502. 522. a 531. ad 537.
Focus 364. 368. 381. 384. 451. 452.
de S. Josepho, atque Joanne Evangelista 431.
Jovius Benedictus 480.
Iris signum federis 443.
Italiae clades imminentes 264. Vide *Bellum. Italia sacra Ferdinandi Ughelli* 419.
Judith laudata 113.
Jugurta Numidarum Regis verba de urbe Roma 445.
Julius III. Pont. Max. 26.
Junio 98. 102. 535.
Juppiter 22. 65. 101. 160. *in Tarum versus* 137. 145. 237. *varias formas induit* 208.
Juvenes bonis studiis sunt informandi 326.
Ixion 333.



L

L *Acrima B. Maria Virginis querentis Puerum Jesum* pag. 406.

Lamentatio in morte amica 149. 238. *Matris in morte filia* 266.

de Laocoonte 196. 244.

in Latronis verba: Memento mei dum veneris in regnum tuum 428.

de S. Laurentio Martyre 433.

Laus Oratoris 15. 23. 28. *Pictoris* 18. 19. 75.

126. 351. 362. *Medici* 20. 23. 83. 286. 311.

350. 384. *Poëta* Vide *Poëta*. *Theologi* 319.

321. *Episcopi* 373. 445. 446. *Mathematici* 347.

Laus Cosmi Medices; Vide Medices. Benedicti

Accolti 15. 21. *Antonii Allegretti* 15. *Bonarota*

18. *Julia Romana* 18. *Pauli Jovii* 19. 22. 24.

Alexandri Farnesii Cardinalis 23. *Andrea Angu-*

lij 23. *Ludovici Ariosti* 24. *Caroli Caesaris Au-*

gusti 26. *Benedicti Varchi* 28. *Petri Victorii*

28. *Sfortia familie* 70. 71. *Falconis protonota-*

vrii 76. 77. 78. *Joviani Pontani* 79. *Campofre-*

gosi 80. & *Caroli Sabadini adolescentis* 86. 87.

Puella pulchritudine, ac virtute ornata 95. 96.

98. 100. 101. 102. 145. 226. 229. 308. 349.

393. 534. *Jani Pannonii* 107. 108. *feminarum*

illustrium 113. 283. 308. 313. 522. 534. *Borsii*

141. *Vespasiani Gonzaga* 278. 281. *Prosperi Vi-*

cecomitis 285. 289. *Amalthei Hieronymi* 286.

Marii Molsæ 286. *Petri Bembi* 287. *Antonii Te-*

baldei, Antonii Marii, Lazari Bonamici, Joannis

Casa 288. *Henrici III. Gallorum Regis* 303. *Ca-*

tharinae matris Regis Christianissimi 283. & 313.

Genebrardi 318. *Levatii* 320. *Gerardi Vaxis* 321.

324. 326. *Joannis Poterii* 232. 336. 348. *Pe-*

tri

- tri Benedicti* 326. *Fracaſtorii, Politiani, & Sa-*
doleti 334. *Joannis Aarati* 343. *M. Antonii Mu-*
reti 344. *Antonii Jacomini, & Dati* 348. *Vigo-*
rai Archiepiſcopi Narbonenſis 373. *Henrici Va-*
leſii 377. *Strozziſſorum Alexandri, & Petri* 417.
Petri Niccolini 445. *Henrici Caſtanei a* 453. *ad*
455. Ludovici Caſtanei a 456. *ad* 463. *Puteani*
Claudii a 463. *ad* 470. *M. Antonii Mule* 500.
Joanna Aragonia, Vide Aragonia. Hieronyma
Columna, Vide Columna.
- de Leandro, & Erone* 4.
Leo Aretinus ſculptor eximius 480.
Leonellus Ferraria Princeps 171.
- de Lepore Domina fugitivo* 118.
Libertas arbitrii hominibus ineſt 66.
Liſtores cur duodecim Romanos Conſules præirent 444.
Lovatiuſ Theologuſ 320. 321.
Lucerna dono data 255.
Lucretia Rômana 210. 349. 360. 413. 534.
Luculluſ Romanuſ Dux 12.
Ludorum varia genera 53. 97. 156. 243.
Lutetia 465.
Luxuriæ damna exemplis oftenduntur 421 422.
- de Lyſide a filio occiſa* 170.

M

- M** *Acra fluviuſ pag.* 495.
Mantua 492.
Manutiuſ Pauluſ 335.
Maria Virgo immaculata concipitur 437. 510. *na-*
ſcitur 433. *annuntiatur ab Angelo* 298. *parit*
ibid. ejus lacrima dum quæreret Pueruſ Jeſuſ
406. inter doctoreſ diſputantem reperit 409. 410.
in Cæloſ aſſumitur 505. *ad ipſam deprecatio* 505.
509. 517.

de S. Maria Magdalena 432.

Maris tranquillitas 58. 122. *procella*, Vide *Tempestas*.

Marius Antonius 288.

de S. Mattheo Apostolo 434.

Matbildis nobilis femina laudes 113.

Maurocænus Hieronymus Brixia Praefectus 528.

ad Maximilianum Casarem 206.

Maximianus Imperator superbus 400.

Medices Cosmus 8. 11. 18. 20. 25. 39. *Augusto comparatur* 25. *laudatur* 39. 269. 270. 315.

317. *Cacilia* 307. & 349. 377. *Laurentius* 315.

Joannes Cardinalis 522. *Hippolytus Card.* 20. 21.

Joannes Medices & Aloysius Gonzaga 11. 13. 19.

Medusa 205. 244. 256.

Melissus Paulus 470. 472. *Æmilioli Genethliacon* 475.

Melpomene 465. 469.

Menelaus Trojanos honorifice in Regiam excipit 45.

Mercurius 497.

Mincius Fluvius 80. 82. 349. 490.

Mirandula Joannes Picus 9. 206. 241.

Mors inexorabilis 312. 323. 326. 332. 423. *ipsius figura allegorica* 423.

in *Morte Cosmi Medices Magni Etruria Ducis* 6. 268.

Joannis Medices, & Aloysii Gonzaga 11. *item* 13. *Benedicti Varchi* 28. *Augustini Barbadici* 38.

Caroli Sabadini Argentei 86. &c. *Principis occisi queritur conjux* 125. *Mustela* 142. *in morte amica epicedion* 149. *Hippolyta Tassona* 203. *Laura Puella* 238. *Anna uxoris Vespasiani Gonzaga* 279.

Aloysii Trissini 388. *Alexandri, & Petri Stroziorum fratrum* 417. *Æschyli Poeta* 444. *Henrici, & Ludovici Castanei* 453. 456. *Claudii Puteani* 463. *Joannis Medices Cardinalis* 522.

in *Morte Amica lamentatio* 149. &c. *in morte filia* 266.

Moy-

Moyſes 319.

Mula Marcus Antonius 500. 501.

Mulier, Vide *Femina*: *ornata non fit pulchrior* 448.

Munus ruſticum 5. 254.

Muretus M. Antonius 344.

Muſæ 308. Vide *Invocatio*.

Mustela Epicedion 142.

N

N *Anus homo in gigantem crescere poſtulat* pag. 487.
Narciffus 3.

de *Natali Anthia* 140. *Cynthia* 187. *Artemidis* 363.

Magni Etruria Principis 443. *Æmilioli Meliſſi*

475. *Chriſti Domini* 162. 296. 299. 438. B.

Maria Virginis 433.

Natura mirabilis in ſuis operibus 263. 420.

Navigatio 122.

Naupaëtus ſinus in quo contra Turcas pugnatum eſt.

Vide *Bellum*.

Neapolis laudata 532.

Neptunus 284. 295.

Nereidum nomina varia 122. 230.

Niccolinus Petrus Archiepiſcopus Florentinus 445.

Nilus Fluvius 176. 186. 189. 409. 540.

Niobæ ſtatua 5. 125. 151.

Noctua prudentiæ ſymbolum 449.

Nox deſcribitur 59. 62. 63. 105. 215.

Nox in qua Chriſtus Jeſus natus eſt 162. 300.

Numa Pompilius 115. 412.

Nympha in arundinem verſa 3.

O

in **O** *Lozem Meliſſi poëta* pag. 472.

Opes & divitiæ oneri ſunt, non levamini, quæ ideo contemnendæ 93. **Nn** 3 **Ora**.

- Oraculum Jovis a Proteo editum* 65. 66. *Troja excidium prenuntiatur* 67. *Oraculum Apollinis nosce teipsum* 420.
Oratio Imperatoris ad milites 35. 43. 219.
Orator Argivus illuditur 384. Vide *laus Oratoris*.
Orpheus 80. 135. 152. *feras trahit* 326. 332.

P

- P** *Acis effectus pag.* 179. 314. 527. *pacis amor* 378. 444.
Paclolus 192.
Padua Laudata 138.
Padus Fluvius 83. 285. *frigore concrefcit* 169.
Paan pro victoria ad Naupaetum relata 223. 291.
Pallas 212. 257. 262.
in Pamphiliu saxum 77.
in Pana, & Amorem certantes 195. *Pan* 254. *Panis ad fugientem nympham deprecatio* 2.
Paphnutius martyr in palma confixus 434.
Paradisus terreſtris 297.
Parca 205. 270. 312. 317. 326. 332. 351. 381.
Paridis in Graciam expeditio 42. *ejus oratio ad milites* 43. 44. *Menelaum Regem adloquitur* 52. *Lacedamone moratur* 53. *fugiens Helenam ſecum ducit* 57. 79. *Protea ſupplex affatur* 62. *expeditionis cauſas refert* 63. *benigne excipitur* 63.
Paris judex Pulchritudinis 98. 257.
Parodia, ex Catullo 380.
de Paſſione Chriſti Domini ad 426. *uſque ad* 429.
Pactorum cura, & occupationes 253.
de D. Paulo Eremita, & Antonio 430.
Peccatum malorum cauſa 297. 301.
Penelope exemplar conſtantie 104. 145. 156. 385. 534.
Pericles 205.

- Perillus Tauri Phalaridis inventor* 416.
Persei statua aenea 27. *ejus virtus* 79.
de S. Philippo Nerio 432.
Philomela 331. 415. *Laudatur* 144.
Philoponorum Academia Faventie 440.
Phylloroës epicedium 149.
Phæbus 11. 12. 22. 64. 82. 116. 146. 162. 210.
 373. *ad ipsum deprecatio* 83. *fusè laudatur* 84.
& ipsius varia nomina ibid.
Pictores 148. 483.
Pindari versio ab Alexandro Adimario peracta 503.
 525.
ad Pisanum Pictorem, statuariumque summum 126.
Pius V. Pont. Max 225.
Plato amori obnoxius 115.
Platina 499.
Pæna tardior saepe gravior 66.
Pœsis sub specie Puellæ venustissima 340. *ejus studium*
difficile 385. *dicto vale salutatur* 386.
Pœta 24. 28. 79. 80. 108. 135. 167. 286. 287.
 288. 322. 329. 334. 341. 361. 384. 458. 470.
 501. 522.
in Pœtam, qui Virgilium emendare ausus fuerat 198.
item in Pœtam 285. 356. 357. 362. 364. 366.
 381. 385.
Pontanus Jovianus laudatus 79.
Populorum enumeratio 540.
Poterius Joannes 324. 382.
Præsepe describitur, in quo Christus natus est 163.
Principis optimi institutio 278. 450. 458. & 465.
usque ad 470.
de Procri, & Cephalo 4.
Prometheus 181. 186. 333. 471.
Proserpina 227. *rapitur* 228. 263.
Proteus 61. 62. 65. &c.
Psalterium Ecclesie supplicantis 509. 517.

Psittaci laus 452. *amicam defunctam vocat* 154. *de Psittaco, & Scopelo* 354.

Pudicitia exempla a 412. *usque ad* 417.

Pugna Naupactica 36. 215. 389. *Turce profligati* 291. &c.

Puella pulchra sed dura 1. 5. 13. 126. 133. 180.

227. 233. 276. 355. 374. *oculis enecans* 24.

102. 148. 235. 354. 366. 370. 379. *in flo-*

rem versa 17. *Pulchra* 17. 25. 46. 94. 95. &c.

10. 98. 102. 144. 145. &c. 187. 195. 204.

226. 240. 350. 363. 377. a 531. *ad* 537.

540. *infida* 104. 191. 192. 193. 196. 232. *in-*

grata 193. *amanti cor rapit* 202. *absens* 273. &c.

Pulchritudo Juvenis 86. 407. *Puella*. Vide *Puella*.

Pythagoras esum carnis interdicat quare 439.

Q

in **Q**uestiones physica, seu naturales pag. 47. 420.

Quendam dentibus omnibus destitutum 203.

splendidas vestes induentem 361. *in quemdam, cui*

uxor garrula 362. *in malitiosum; & improbum*

virum imitatio ex Catullo 380. *in deformem na-*

sum 451.

Quies animi ubi reperitur 489. *urbanis honoribus*

preferenda 493.

R

Rabatta Vincentius Archiepiscopus Theatinus pag. 445.

Radagasus Getarum Rex occisus 211.

de Raptu Helena 43. &c. *libri tres*. Vide *Paridis*.

Reges Arabum Christum adorant 164.

Regina Christianissimi Regis Mater laudata 283. *Gal-*

lie pacatrix 313. &c.

Re-

- Rerum humanarum vicissitudines* 86. 306.
Rhoaldus 338.
Roma 21. 23. 26. 67. 68. 70. 92. 176. 265. 368.
 400. 459. 526.
Romanorum futura virtus, & gloria prænuntiatur
 67. 68. 76. *Romani Imperatoris electio ad quos*
spectet 68.
Romulus 176.
Rontinus Bartholomæus 20. 23.
Rosa laudata 171. 202.
Rubio Viventius medicus 310. 384.
Ruris laudes 6. &c. 16. 25. 27. a 488. ad 492.
 493. 495.

S

- S** *Acerdos Jovi sacra faciens describitur* pag. 64.
Sanctorum omnium festum 435. ad ipsos deprecatio a 517. ad 521.
Scacchorum duellum 391.
Sculptores 147. 207. 442. 480.
Sculptura 206.
Scylla, & Charybdis 31.
Segnius Fabius Villam instaurat 27.
Senectutis descriptio 289. &c. 374. 497.
Septimianum rus laudatum 7. 25. 27.
Sicci Nicolai virtus 493. 494.
Sfortia familie laus 70. &c.
Signa Cœlestia, atque illorum adspectus 158.
Similitudo scopuli 2. *cervæ fugacis* 13. *floris tabescentis* 14. 101. 266. *solis occidui* 24. *Matris dolentis* 47. *venatoris* 50. *viatoris* 51. *Mercatoris* 53. *sagittæ, alitis, & fulminis* 60. *adamantis, & navis* 81. *nubium* 89. 266. 370. 410. *equi indomiti* 98. *infirmorum* 109. *tempestatis ibid. floris* 277. *solis vitrum transeuntis* 298. *Boreæ* 300. 370.

370. 454. 456. *Tigris catulorum raptorem insequentis* 311. *Vasis recentis* 326. *avis palustris* 327. *Fluvii, & fontis* 328. *nivis* 370. *lolii* 401. 402.
Simois Fluvius 258.
Sisyphus 186. 333.
Sol occiduus 62. 157. *Sol oriens* 122. 136. 140. 177. 243. 284. 293. 505.
Somnium describitur 42. 122. 132. 153. 340.
Somnus artus occupat 69. 340.
Spiritus corpore discessurus 290. 291. 332.
Statua aenea Philippi Regis 480.
Strozziarum Alexandri, & Petri fratrum laus 417.
Roberti Episcopi Fesulani 446.
Sylva 340.

T

- T** *Abula Eugubii in Theatro Fanensi reperta* pag. 525.
Taccha Sculptoris opus ad Regem Hispaniarum missum 442.
Tagus aurifer 161. 295.
Taygetus 70. *Antonius* 530.
Tantalus 186. 333.
Tempestas in mari 123. 159. 284. 368. 459. 484. in aëre 268.
Tempe Thesaliæ locus amœnus 416.
Templum Honoris Romæ quomodo constructum 439.
Templum Apollini sacrum 522. *Templum S. Joannis Baptiste Florentiæ* 439. in *Templi detractio-rem* 542.
Tempus quanti aestimandum 78.
in *Terris locum permanentem non habemus* 87. & *ideo posthabitis fluxilibus rebus ad aterna debemus contendere* 88.
Themis Dea 467.
Theologia studium commendatum 319. 320. 321.
The-

- Theseus* 132. 155.
Thetis 176.
 de D. *Thoma Aquinate* 430. *Apostolo incredulo* 437.
Tibris fluvius II. 12. 16. 23. 67. 401. *inundat* 22.
Ticinum 71.
 de SS. *Timotheo*, & *Maura conjuge simul cruci affixis* 431.
Titianus Pictor 75.
Tobias Veronenfis 167.
Tolsa Balthassar Mathematicus 347.
Tolosa laudata 338.
Tormenta Christi Domini 303. a 426. ad 429.
Toscanus Laurentius 325. 344. *Paulus* 342. *Cesar* 346.
Triumphus 224. 225.
Troja diruta 258. 421.
Trojani excidii presagium 67. & *in Italiam post longos errores navigatio* ibid. & 258.
Tumulus Ginevra Castella 173. Jo. Pici *Mirandula* 241. *Marulli in amne demersi* 245. *Lascaris*, *Herculis Stroza*, *Guidi Posthumi*, *Matthiae Corvini* ibid.: *Hefychii Epicurei* 359. *coqui* 361. *Thaddei Zucheri pictoris* 362. *Laurentii Toscani* 364. *Monsalei* 368. *Adolescentis virtute insignis* 370. *Puella* 375. *Aloysii Trissini* 3. 88. *Hippolyta Balione* & *Petri Ricobuldi* 390. *Guarini* 168. 504.
Turnebus Adrianus 331.
Turcarum classis a Christianis victa 29. & 215. & 228. *Contra Selimum* 73. *ipsorum navale certamen* 212. 291. &c.

V

- V** *Ale dictum studiis poeticiis pag.* 387.
Valesius Henricus Polonia Rex designatus 377.
frater Regis Gallorum 383.

- Vaticinatur Proteus* 68. *vaticinium* 73. 265.
Vaxis Gerardus 231. 324. 327. & 351. 360. *ad ipsum adhortatio ut Davidicos Psalmos carmine exprimendos suscipiat* 325. *memoria vis singularis* 360. *ejus discessus* 382.
Venetiarum Urbs 73. 216. 225. 265.
Venus 17. 24. 44. 50. 66. 77. 98. 102. 132. 147. 182. 203. 211. 236. 350. *ab Apelle picta* 437.
Veris descriptio 97. 140. 233. 305. 378. 379.
Versio Pindari per Adimarium facta 503. 525.
Vestales Virgines 412.
Vestis mira arte laborata laudatur 181. &c.
Ugbellius Ferdinandus 419.
Vices rerum 87. 131.
S. *Victoria Martyr* 438.
Victoria statua icta fulmine 21. *Victoria de Turcis relata* 29. &c. 389. 215. 479. *pro victoria Naupactea Pean, seu elogium* 223. 291. &c.
Victorius Petrus 28.
Vidaschus Jofippus laudatus 495.
Villa describitur 489. &c. 495.
ad *Vindictam cohortatio* 44.
Viola ab amica missa 235.
Vir bonus contemnitur cur? 78.
Virgilius 362. 363.
Virginis pudicitia 349. 412. *commendatur* 411. *apibus comparatur* 412.
Virtus bellica 11. 14. 30. 69. 71. 216. & 224. & 278. 281. 285. 304. 383. 454. 457.
Virtus 347. 439. 458. *sibi pretium est* 77. 78. *virtutis, & fortuna discrimen ibid.* *virtus in adversis probatur* 80. 81. 283. *fortunam calcit* 82. *virtutis locus* 333.
Vita hominum brevis 78. 267. 312. 446.
Ulysses 248. 251. 252. 534.
Umbria Sanctis pluribus clara 441.

Volucres 7. 78.

Urbana incommoda ex nimio luxu 486.

X

X *Anthus* pag. 258.

Xenocrates passerem ab accipitre defendit 450.

Xenophon 131. 446.

Xerxes 73. 120. 295. 422.

Z

Z *Ephyrus* 24. 27. 58. 301. 305. 321. 340. 377.
415.

Zeuxis 126. 147. 448. 535.



24

74 Y

6. 7. 2010

... ..

... ..

1994

• *Guaranteed* •

72.03. 25/12/21.

... ..

111

100-100-100

ERRATA.

CORRIGE.

Pag. 1. v. 1. tutel,
 v. 8. ferus,
 24. v. 30. luvere
 36. v. 29. plumbeis,
 43. v. 1. habes,
 v. 11. jacenda
 v. 17. lempus fermoae
 v. 37. calpeque
 78. v. 1. fatis
 80. v. 23. recepium
 84. v. 23. foror
 102. v. 3. O niveas
 116. v. 8. amas?
 118. v. 21. sollicitare
 141. v. 12. clamosa
 162. v. 14. tantam
 165. v. 13. Tartareis
 184. v. 21. putas
 204. v. 28. oculis
 223. v. 29. cremenda
 232. v. 24. quærat?
 244. v. 3. Ea
 254. v. 7. miror
 263. v. 30. ferti,
 346. v. 6. perrumperes
 363. v. 18. promifero
 404. v. 23. collatis
 415. v. 33. stridiore
 416. v. ult. coufillo
 435. v. 28. ducet.
 450. v. 14. ferat
 465. v. 13. hæret;
 503. v. 7. Ia
 508. v. 5. bellia?
 128. v. 17. fiedera

tutela,
 fœtus,
 ludere
 plumbeis,
 hebes,
 jacienda
 tempus fermone
 culpæque
 fatis
 receptum
 foror
 O niveos
 amans?
 sollicitate
 clamoso
 tantum
 Tartareus
 puras
 oculos
 cremanda
 querar
 Et
 minor
 ferri,
 perrumpere
 promifere
 collatis
 stridore
 confilio
 docet.
 feræ
 hæret;
 In
 bella?
 fidera

851.08 B751C v.9 376492

Bottari

Carmina

DATE

ISSUED TO

851.08 B751C v.9 376492

